

John Carter Brown.







1056

January 81.



$$\frac{81}{2}$$


Vide Bonnet vol 4 page 465

collected & perfect.

Rodriguez 2359

Ternaux & Reib give the Paris edition  
of this date - but omit this. Bonnet  
mentions both.







L E S  
SINGVLARI-  
TEZ DE LA FRANCE AN-  
TARCTIQUE, AVTREMENT NOM-  
mée Amerique, & de plusieurs Ter-  
res & Isles decouuertes de no-  
stre temps:



PAR F. ANDRE THEVET, N.A-  
TIF D'ANGOULESME.



A ANVERS,  
De l'imprimerie de Christophle Plantin  
a la Licorne d'or.

1 5 5 8.

AVEC PRIVILEGE DV ROY.



EXTRAIT DV PRIVILEGE.



*L'Esleu* A Maiesté Royale a permis à Christophle Plantin, Imprimeur & libraire Iuré, d'imprimer, ou faire imprimer & vendre le liure intitule. Les singularitez de la France antarctique autrement nommée Amerique. &c. Et defend a tous Libraires, Imprimeurs, & autres quelquonques, d'imprimer ou faire imprimer, vèdre ne distribuer ledict liure en nul lāgage deuant III ans prochainnement venants sur peine de cōfiscation de ce qu'ils auroyent imprimé, & de vingt Carolus damende. Dōné à Brusselles le XX d'Auril, L'an 1558. Signe,

Ph. de Lens.



A MON SEIGNEUR  
MONSEIGNEUR LE REVEREN-*dessime Cardinal de Sens, Garde des seaux**de France, F. André Thevet de-**sire paix & felicité.*

Monseigneur, estant suffisammēt auer-  
ty, combien, apres ce treslouable, &  
non moins grand & laborieux exer-  
ci ce, auquel à pleu au Roy employer  
vostre prudence, & preuoyāt scauoir,  
vous prenés plaisir, non seulement à  
lire, ains à voir & goustier quelq; bel-  
le histoire, laquelle entre tant de fatigues puisse recréer  
vostre esprit, & luy donner vne delectable intermission  
de ses plus graues & serieux négoces: i'ay biē osé m'en-  
hardir de vous presenter ce mien discours, du lointain  
voyage fait en l'Inde Amerique (autrement, de nous nō  
mée la France Antarctique, pour estre partie peuplée,  
partie decouuerte par noz Pilottes,) terre, qui pour le  
iour'd'huy se peut dire la quatrieme partie du mode, non  
tant pour l'elonnement de noz orizons, que pour la di-  
uersité du naturel des animaux, & temperatu re du ciel  
de la contrée: aussi pource que aucun n'en a fait iusques  
icy la recherche, cuidans tous Cosmographes ( voire se  
persuadans) que le monde fust limité en ce que les Anci-  
ens nous auoient decrit. Et iagoit que la chose me sem-  
ble de soy trop petite, pour estre offerte deuant les yeux  
de vostre Seigneurie, toutefois la grandeur de vostre  
nom fera agrandir la petitesse de mon œuvre: veu mes-  
mement que ie m'asseure tant de vostre naïfue douceur  
vertu & desir d'ouïr choses admirables, que facilement  
vous iugerez mon intentaion ne tēdre ailleurs, qu'à vous  
faire cognoistre, que ie n'ay plaisir, qu'à vous offrir cho-  
se, de laquelle vous puissiez tirer & receuoir quelq; con-



rentement, & ou quelquefois vous trouuiez relasche de ces grands & ennuyeux soucis, qui s'offrēt en ce degré, que vous tenez. Car qui est l'esprit si constāt, qui quelquefois ne se fasche, voire se consume en vacquant sans interualle, aux affaires graues du gouuernement d'une re publique? Certes, tout ainsi que quelquefois, pour le soulagement du corps, le docte medecin ordonne quelque mutation d'alimens: aussi l'esprit est alleché, & comme semonds à grands choses, par le recit diuersifié de choses plaisantes, & qui par leur veritable douceur semblent chatouiller les oreilles. Cecy est la raison pourquoy les Philosophes anciens, & autres, se retiroient souuēt à l'escart de la tourbe, & enueloppemēt d'affaires publiques. Comme aussi ce grād orateur Ciceron tesmoigne s'estre plusieurs fois absenté du Senat de Rome (au grād regret toutefois des citoyens) pour, en sa maison champestre, cherir plus librement les douces Muses. Doncques puis qu'entre les nostres, ainsi que luy entre les Romains, pour vostre singuliere eruditiō, prudence, & eloquence, estes comme chef, & principal administrateur de la triomphante Republique Françoise, & tel à la verité, que le descrit Platon en sa Republique, c'est à sçauoir grand Seigneur, & homme amateur de science & vertu: aussi n'est il hors de raison de l'imiter & ensuiuir en cest endroit. Or Monseigneur, ainsi que retournant tout attédié & rompu de si long voyage, i'ay esté par vous premierement, de vostre grace, receu & biē venu, qui me donnoit à cognoistre, qu'estes le singulier patron de toute vertu, & de tous ceux qui s'y appliquent: aussi m'à semblé ne pouuoir adresser en meilleur endroit ce mien petit labeur qu'au vostre. Lequel s'il vous plaist recevoir autant humainement, comme de bon & affectionné vouloir le vous presente & dedie, & si lisez le cōtenu d'iceluy, trouueriez à mon opinion en quoy vous recreer, & m'obligeriez à ianais (combien que desia, pour plusieurs raisons, ie me sente grandemēt vostre tenu & obligé) à faire tres humble & tresobeissant seruice à vostre Seigneurie: à laquelle ie supplie le Createur donner accōplissement de toute prosperité.

Estien.



# ESTIENNE IODELLE

SEIGNEVR DV LIMODIN. A M.

THEVET. ODE.

**S***I nous auions pour nous les Dieux,  
Si nostre peuple auoit des yeux,  
Si les grands aymoient les doctrines,  
Si noz magistrats trafiqueurs,*

*Aymoient mieux s'enrichir de meurs,  
Que s'enrichir de noz ruines,  
Si ceux la qui se vont masquant  
Du nom de docte en se mocquant  
N'aymoient mieux mordre les sciences  
Qu'en remordre leurs consciences,  
Ayant d'un tel heur labouré  
Theuet tu serois assuré  
Des moissons de ton labourage,  
Quand favoriser tu verrois  
Aux Dieux, aux hommes, & aux Roys  
Et ton voyage & ton ouurage.*

*Car si encor nous estimons  
De ceux la les superbes noms.  
Qui dans leur grand Argon ozerent  
Asseruir Neptune au fardeau,  
Et qui maugré l'ire de l'eau  
Iusque dans le Phase voguerent:  
Si pour auoir veu tant de lieux  
Vlyse est presque entre les Dieux,  
Combien plus ton voyage t'orne,  
Quand passant soubs le Capricorne  
As veu ce qui eust fait pleurer*

*Alex.*



*Alexandre? si honorer  
Lon doit Ptolomée en ses œuvres  
Qu'est ce qui ne t'honoreroit  
Qui cela que l'autre ignoroit  
Tant heureusement nous des œuvres?*

*Mais le Ciel par nous irrité  
Semble d'un œil tant dépité  
Regarder nostre ingrate France.  
Les petits sont tant abrutis,  
Et les plus grands qui des petits  
Sont la lumière & la puissance,  
S'empeschent tousiours tellement  
En un trompeur accroissement,  
Que veu que rien ne leur peut plaire,  
Que ce qui peut plus grands les faire,  
Celuy la fait beaucoup pour soy  
Qui fait en France comme moy,  
Cachant sa vertu la plus rare,  
Et croy veu ce temps vicieux,  
Qu'encor ton livre seroit mieux  
En ton Amerique barbare.*

*Car qui voudroit un peu blasmer  
Le pays qu'il nous faut aymer,  
Il trouueroit la France Arctique  
Avoir plus de monstres, ie croy,  
Et plus de barbarie en soy  
Que n'a pas ta France Antarctique.  
Ces barbares marchent tous nuds,  
Et nous nous marchons incognus,  
Fardez, masquez. Ce peuple estrange  
A la pieté ne se range:*

*Nous*



Nous la nostre nous mesprisons,  
Pipons, vedons & deguisons.  
Ces barbares pour ce conduire  
N'ont pas tant que nous de raison:  
Mais qui ne voit que la foison  
N'en sert que pour nous entretenir?

Toutesfois, toutesfois ce Dieu,  
Qui n'a pas bani de ce lieu  
L'esperance nostre nourrice,  
Changeant des cieux l'inimitié,  
Aura de sa France pitié  
Tant pour le malheur que le vice.  
Je voy noz Rois & leurs enfans  
De leurs ennemis triomphans,  
Embrasser les choses louables,  
Et noz magistrats honorables  
Separans les boucs des agneaux,  
Oster en France deux bandeaux,  
Au peuple celui d'ignorance,  
A eux celui de leur ardeur,  
Lors ton liure aura bien plus d'heur  
En sa vie, qu'en sa naissance.

A M O N S E I G N E V R T H E V E T  
Angoumoisfin, Auteur de la presente hystoi  
re François de Belleforest Cōmingcois.

O D E.

**L**E laboureur, quand il moissonne  
Courbé par les champs vndoyans:  
Ou quand sur la fin de l'Autonne  
Contraint ses beufs (ja panthelans  
Dessous le ioug, sous l'atellage)



Recommencer le labourage,  
Qui pouruoir puisse aux ans suyuans;  
Ne s'esbahist, quoy que la pene,  
Que la rudesse du labeur  
Cassent son corps, ains d'une balene  
Forte, attend le temps, qui donneur  
D'Années riches luy remplisse  
Ses granges, & luy parfournisse  
L'attente d'un esperé heur.

Ainsi ta plume qui nous chante  
Les meurs, les peuples du Leuant,  
Du passé point ne se contente,  
Quoy qu'elle ait espandu le vent  
D'une gloire immortalisée,  
D'une memoire eternisée,  
Qui court du Leuant au Ponent.

Car encor que l'antique Thrace,  
Quel'Arabe riche ayes veu,  
Que d'Asie la terre grasse,  
D'AEgypte les merueilles sceu:  
Encor que ta plume diuine  
Nous ait descrit la Palestine,  
Et que de ce son loz ait eu:

Toutefois ce desir d'entendre  
Le plus exquis de l'univers,  
A fait ton vol plus loing estendre:  
Luy a fait voir de plus diuers,  
Tant peuples, que leurs paisages,  
Hommes nuds allans, & sauvages,  
Iusque icy de nul decouuers,  
Le voy ton voyage, qui passe



Tous degrez & dimensions  
D'un Strabon, qui le ciel compasse,  
Et les habitez orizons,  
Lesquels Ptolomée limite:  
Mais leur congnoissance petite  
Surpassent tes conceptions.

Car ayant costoyé d'Aphrique  
Les regnes riches, & diuers,  
Les loingtains païs d'Amerique  
Doctement nous as decouuers:  
Encor en l'Antarctiq' auances,  
Non vne, mais deux telles Frances  
Qui soient miracle à l'vniuers.

Et ce que iamais l'escrit d'homme  
N'auoit par deça rapporté  
Tu l'exprimes, tu le pains, somme  
Tel tu le fais, qu'en verité  
L'obscurté mesme en seroit clere:  
Tant que par ce moyen j'espere  
Que lon verra resuscité

Des mondes cest infini nombre,  
Qui fait Alexandre plourer,  
O que d'arbres icy ie nombre,  
Quels fruits doux i'y peuz sauourer:  
Que de monstres diuers en formes,  
Quelles meurs de viure difformes  
Aux nostres tu sçais coulourer.

Ie voy la gent qui idolatre  
Tantost vn poisson escailé,  
Ors vn bois, vn metal, vn plastre  
Par eux mis en ceuvre, & taillé:



Tantost Vn Pan, qui mis en œuvre  
Nostre Dieu tout puissant desœuvre,  
Qui de l'vniuers emaille

Par maintes beautez, feit le moule,  
Et l'enrichit d'animaux maints,  
Qui la terre en forme de boule  
Entourna des ciels clers-serains.

De là sortent tes Antipodes,  
Ces peuples que tu accommodes  
A ces Sauvages inhumains.

Desquels quand la façon viens lire.  
Avec tant d'inhumanitez,  
D'horreur, de pitié, & puis d'ire,  
Je poursuis ces grands cruantez  
Quelquefois de leur politique  
Je louë la sainte pratique,  
Auecques leurs simplicitéz.

Làs si de ton esprit l'image  
Dieu eust posé en autre corps,  
Lequel d'un marinier orage  
Eust euité les grands efforts,  
Qui eust craint de voir par les vndes  
Les esclats, les coups furibondes  
Des armés, & cent mille morts.

Pas n'aurions de ceste histoire  
Le docte & veritable trait:  
Mais Dieu soigneux & de ta gloire  
Et de l'equitable souhait  
De la France, qui ne desire  
Que choses rares souuent lire,  
Ce desir a mis en effait.



C'est quand il estrena ce pole  
De ton bon esprit, & t'esleut  
O Theuet, pour porter parolle  
De ces peuples, ainsi voulut  
Que de voir desireux tu fusses,  
Et pour le mieux, il feit que peusses  
Parfaire ce que autre onc ne sceut.

Ainsi l'Europe tributaire  
A ton labeur, t'exaltera:  
Pas ne pourra France se taire,  
Ains t'admirant s'esgaiera,  
Lisant ces merueilles cachées  
Et par nul escrivain touchées:  
Les lisant, elle t'honorera.

IN THE VETVM NOVI OR-  
bis peragratorem & descriptorem, Io.

Auratus, literarum Græcarum.

Regius profeffor.

A Vre tenuis, sed non pedibus, nec nauibus vllis,  
Plurimus & terras, mensus & est maria  
Multa tamen non nota maris terræque relictæ  
His loca, nec certis testificata notis.

At maria & terras pariter vagus iste Theuetus  
Et visu, & mensus nauibus & pedibus.

Pignora certa refert longarum hæc scripta viarum,  
Ignoti que orbis cursor & author adest.

Vix que audita alijs, subiecta fidelibus edit  
Hic oculis, terra sospes ab Antipodum.

Tantum alijs hic Cosmographis Cosmographus anteit,  
Auditu quanto certior est oculus.



PREFACE A V X L E C T E V R S.



Onsiderant à par moy, combié la longue experience des choses, & fidele obseruation de plusieurs païs & nations, ensemble leurs meurs & façons de viure, apporte de perfectiō à l'homme: comme s'il n'y auoit autre plus louable exercice, par lequel on puisse suffisamment enrichir son esprit de toute vertu heroïque & science tressolide: outre ma premiere nauigation au païs de Leuant, en la Grece, Turquie, Egypte, & Arabie, laquelle autrefois ay mis en lumiere, me suis de rechef sous la protection & conduite du grand Gouverneur de l'vniuers, si tant luy a pleu me faire de grace, abandonné à la discretion & mercy de l'un des elemens le plus inconstant, moins pitoyable, & assuré qui soit entre les autres, avec petis vaisseaux de bois, fragiles & caduques (dont bien souuent lon peut plus espérer la mort que la vie) pour nauiger vers le pole Antarctique, lequel n'a iamais esté decouvert ne congneu par les Anciens, comme il appart par les escrits de Ptolomée & autres, mesme le nostre de Septentrion, iusques à l'Equinoctial: tāt s'en faut qu'ils ayent passé outre, & pource a esté estimé inhabitable. Et auons tāt fait par noz iournées, que sommes paruenus à l'Inde Amerique, enuiron le Capricorne, terre ferme, de bonne temperature, & habitée: ainsi que particulierement & plus au long nous deliberons escrire cy apres. Ce que i'ay osé entreprendre à l'imitation de plusieurs grands personages, dōt les gestes plus qu'heroïques, & hautes entreprises celebrées par les histoires, les font viure encores auourd'huy en perpetuel honneur & gloire immortelle. Qui a donné argument à ce grand poëte Homere, de tant vertueusemēt celebrer par ses escrits Vlysses, sinon ceste longue peregrination & loingtain discours, qu'il a fait en diuers lieux, avec l'experience de plusieurs choses, tant par eau que par terre, apres le sacagement de Troie? Qui a esté occasion à

Virgile



Virgile de tant louablement escrire le Troien Enée (cō bien que, selon aucuns Historiographes, il eust malheureusement liuré son propre païs es mains de ses ennemis) sinon pour auoir vertueusement resisté à la fureur des vndes impetueuses, & autres inconueniens de la marine, il y ait veu & experimenté plusieurs choses, & finalement parueni en Italie? Or tout ainsi que le souverain Createur a composé l'homme de deux essences totalement differentes, l'une elementaire & corruptible, l'autre celeste, diuine, & immortelle: aussi a il remis toutes choses contenuës sous le caue du ciel, en la puissance de l'homme pour son vsage dessus: à fin d'en cognoistre autant qu'il luy estoit necessaire, pour paruenir à ce souverain bien, luy laissant toutefois quelque difficulté & varieté d'exercice: autrement se fust abastardi par une oisiveté & nonchallance. L'homme donc bien qu'il soit creature merueilleusement bien accompli, si n'est il neantmoins qu'organe des actes vertueux, desquelz Dieu est la premiere cause: de façon qu'il peut eslire tel instrument qu'il luy plaist, pour executer son dessein, soit par mer ou par terre. Mais il se peut faire, comme lon voit le plus souuent aduenir, que quelques uns sous ce pretexte, facēt coustume d'en abuser. Le negociateur pour une auarice & appetit insatiable de quelque bien particulier & temporel, se hazardant indiscretement, est autant vituperable, ainsi que tresbien le reprend Horace en ses Epistres, comme celuy est louable, qui pour l'embellissement & illustration de son esprit, & en faueur du bien public, s'expose librement à toute difficulté. Ceste methode a bien sceu pratiquer le sage Socrates, & apres luy Platon son disciple, lesquels non seulement ont esté contens d'auoir voyagé en païs estranges, pour acquerir le comble de philosophie, mais aussi pour la communiquer au public, sans espoir d'aucun loyer ne recompense. Cicero n'a il pas enuoyé son fils Marc à Athenes, pour en partie ouyr Cratippus en Philosophie, en partie pour apprendre les meurs & façons de viure des citoyens d'Athenes? Lyfander eleu pour sa magnanimité Gouverneur des Lacedemoniens, a si vaillamment executé plusieurs  
que



belles entreprises contre Alcibiades, homme preux & vaillant: & Antiochus son lieutenant sur la mer, que quel que iacture ou detrimement qu'il ait encouru, n'eut iamais le cueur abaissé, ains a tant poursuyui son ennemy par mer & terre, que finalement il a rendu Athenes sous son obeissance. Themistocles non moins expert en l'art militaire, qu'en philosophie, pour monstrier combien il auoit desir d'exposer sa vie pour la liberté de son païs, a persuadé aux Atheniens, que l'argent recueilly es mines que lon auoit acoustumé de distribuer au peuple, fust cōuert & employé à bastir nauires, fustes, & galeres, cōtre Xerxes, lequel pour en partie l'auoir deffait, & en partie mis en route, congratulant à ceste heureuse victoire (cōtre le propre d'un ennemy) luy a fait presfet de trois les plus apparentes citez de son empire. Qui a causé à Seleuc Nicanor, à l'Empereur Auguste Cesar, & à plusieurs Princes & notables personnages de porter dans leurs diuises & enseignes le Daulphin, & l'anchre de la nuire, sinon donnans instruction à la posterité, que l'art de la marine est le premier, & de tous les autres le plus vertueux? Voila sans plus long discours, exemple en la nauigation, comme toute chose, d'autant qu'elle est plus excellente, plus sont difficiles les moyens pour y paruenir: ainsi qu'apres l'experience nous tesmoigne Aristote, parlant de vertu. Et que la nauigation soit toujours accompagnée de peril, comme vn corps de son vmbre, l'a bien monstrier quelquefois Anacharsis Philosophes, lequel apres auoir interrogé de quelle espesseur estoient les ais & tablettes, dōt sont composées les nauires: & la responce faicte, qu'ils estoient seulement de quatre doigts: De plus, dit il, n'est elongnée la vie de la mort de celuy qui avecques nauires flotte sus mer. Or messieurs, pour auoir allegué tant d'excellens personnages, n'est que ie m'estime leur deuoir estre comparé, encor moins les egaler: mais ie me suis persuadé que la grandeur d'Alexandre, n'a empesché ses successeurs de tenter, voire iusques à l'extremité, la fortune: aussi n'a le scauoir eminent de Platon iusques là intimidé Aristote, qu'il n'aye à son plaisir traicté de la Philosophie.

Tout



P R E F A C E.

Tout ainsi, à fin de n'estre veu oyleux & inutile entre les autres, non plus que Diogenes entre les Atheniens, j'ay bien voulu reduire par escrit plusieurs choses notables, que j'ay diligemment obseruées en ma nauigation entre le midy & le Ponent: C'est à sçauoir la situation & disposition des lieux, en quelque climat, zone, ou parallele que ce soit, tant de la marine, isles, & terre ferme, la temperature de l'air, les meurs & façons de viure des habitans, la forme & propriété des animaux terrestres, & marins: ensemble d'arbres, arbrisseaux, avec leurs fruits, minéraux & pierreries: le tout représenté viuement au naturel par portrait le plus exquis, qu'il m'a esté possible. Quant au reste, ie m'estimeray biē-heureux, s'il vous plait de receuoir ce miē petit labeur, d'aussi bon cueur que le vous presente: m'assurāt au surplus que chacun l'aura pour agreable, si bien il pense au grand travail de si longue & penible peregrination, qu'ay voulu entreprendre, pour à l'œil voir, & puis mettre en lumiere les choses plus memorables que ie y ay peu noter & recueillir, cōme lon ver- racy apres.





ADVERTISSEMENT AV  
LECTEUR PAR M. DE LA  
PORTE.



ne doute point Lecteur, que la description de ceste presente histoire ne te mette aucunement en admiration, tant pour la varieté des choses qui te sont à l'œil demonstrees, que pour plusieurs autres qui de prime face te sembleront plustost monstrueuses que naturelles. Mais apres auoir meurement consideré les grans effects de nostre mere Nature, ie croy fermement que telle opinion n'aura plus de lieu en ton esprit. Il te plaira semblémēt ne t'esbahir de ce que tu trouueras la description de plusieurs arbres, comme des palmiers, bestes, & oyseaux, estre totalement contraire à celle de noz modernes obseruateurs, lesquels tant pour n'auoir veu les lieux, que pour le peu d'experience & doctrine qu'ils ont, n'y peuuent adiouster foy. Te suppliant auoir recours aux gens du païs qui demeurent par deçà, ou à ceux qui ont fait ce voyage, lesquels te pourront asseurer de la verité. D'auantage s'il y a quelques dictions Francoises qui te semblent rudes ou mal accommodées, tu en accuseras la fiebure, & la mort: la fiebre, laquelle a tellemēt detenu l'Autheur de puis son retour, qu'il n'a pas eu loysir de reuoir son liur auāt q̄ le bailler à l'Imprimeur, estāt pressé de ce faire par le cōmandemēt de monseigneur le Cardinal de Sens. La mort qui a preuenu **A M B R O I S E DE LA PORTE**, homme studieux, & bien entendu en la langue Françoise, lequel auoit pris l'entiere charge du present liure. Toutefois tu te doibs asseurer, que nostre deuoir n'a point esté oublié, souhaitant pour toute recompense, qu'il te puisse estre agreable.



# L'EMBARQUEMENT

DE L'AUTEUR.

## CHAPITRE PREMIER.



OMBIEN que les elemens et toutes choses qui en prouiennent sous la Lune iusques au centre de la terre, semblent (comme la verité est) auoir esté faittes pour l'homme: si est-ce que

Nature, mere de toutes choses, a esté & est tousiours telle, qu'elle a remis & cache au dedans les choses les plus precieuses & excellentes de son œuvre, voire bien s'y est remise elle mesme: au contraire de la chose artificielle. Le plus sçauant ouurier, fusse bien Apelles ou Phidias, tout ainsi qu'il demeure par dehors seulement pour portraire, grauer, et enrichir le vaisseau ou statue, aussi n'ya que le superficiel qui recoiue ornement & polissure: quant au dedans il reste totalement rude & mal poli. Mais de nature nous en voyons tout le contraire. Prenons exēple premierement au corps humain. Tout l'artifice & excellence de nature est cachée au dedans & centre de nostre corps, mesme de tout autre corps naturel: le superficiel & exterieur n'est rien en comparaison, sinon q' de l'intrieur il prend son accomplissement & perfectiō. La terre nous monstre exterieurement vne face triste et melancholique, couuerte le plus souuent de pierres, espincs et chardos, ou autres semblables. Mais si le laboureur la veut ouurir avecques soc & charrue, il trouuera ceste vertu

Toutes choses ont esté faites pour l'homme.

Differēce d'art & de nature.

B

tant



## LES SINGULARITEZ

tant excellente, preste de luy produire à merveilles & le recompenser au centuple. Aussi est la vertu vegetative au dedans de la racine & du tronc de la plante, remparée à l'etour de dure escorce, aucunes fois simple, quelque fois double: & la partie du fruit la plus precieuse, ou est ceste vertu de produire et engendrer son semblable, est serrée cōme en lieu plus seur, au centre du mesme fruit. Or tout ainsi que le laboureur ayant sondé la terre & receu grand emolument: Vn autre non content de voir les eaux superficiellemēt, les a voulu sonder au semblable, par le moyen de ceste tant noble navigation, avec nauires & autres vaisseaux. Et pour y auoir trouué & recueilli richesses inestimables (ce qui n'est outre raison, puisque toutes choses sont pour l'homme) la navigation est deuenue peu à peu tant frequentée entre les hōmes, que plusieurs ne s'arrestans perpetuellement es isles inconstantes & mal asseurées, ont finalement abordé la terre ferme, bonne & fertile: ce que auant l'experience l'on n'eust iamais estimé, mesmes selon l'opinio des anciens.

Cause de la navigation de l'Auteur aux Ameriques.

Louenges du Seigneur de Villegagnon.

principale cause de nostre navigation aux Indes Ameriques, est que Monsieur de Villegagnon Cheualier de Malte, homme genereux, & autant bien accōpli, soit à la marine, ou autres honestetez, qu'il est possible, ayant avecques meure deliberation, receu le commandement du Roy, pour auoir esté suffisamment informé de mon voyage au pais de Levant, et l'exercice que ie pouuois auoir fait à la marine, m'a instammēt sollicité, voire sous l'autorité du Roy monseigneur & Prince (auquel je dois tout honneur & obeissance) expressement commandé luy assister pour l'execution de son entreprise.



prise. Ce que librement j'ay accordé, tant pour l'obeissance, que je veux rendre à mon Prince naturel, selon ma capacité, que pour l'honesteté de la chose, combien qu'elle fust laborieuse. Pource est-il que le sixiesme jour de May, Mil cinq cens cinquante cinq, apres que ledit Sieur de Villegagnon eut donné ordre pour l'assurance & commodité de son voyage à ses vaisseaux, munitions, & autres choses de guerre: mais avec plus grande difficulté que en vne armée marchant sur terre, au nombre & à la qualité de ses gens de tous estats, Gentils-hommes, Soldats, & variété d'artisans: bref, le tout dressé au milleur equipage qu'il fust possible: le temps venu de nous embarquer au Hable de grace, Ville moderne, lequel en passant, ie diray auoir esté appellé ainsi Hable, selon mon iugement de ce mot  $\alpha\lambda\acute{\omega}\mu$  qui signifie mer ou destroit: ou si vous dictes Haure, ab hauriendis aquis, située en Normandie à nostre grand mer & Ocean Gallique, ou abandonnans la terre, feismes voile, nous acheminans sus ceste grand mer à bon droit appelée Ocean pour son impetuosité, de ce mot  $\omega\kappa\upsilon\varsigma$  comme veulent aucuns: & totalement soumis à la mercy & du vent & des ondes: Je sçay bien, qu'en la superstitieuse & abusive religion des Gentils plusieurs faisoient vœux, prieres, et sacrifices à diuers dieux, selo que la neceffité se presentoit: Dōcques entre ceux qui vouloyent faire exercice sur l'eau, aucuns jetoient au commencement quelque piece de monnoye dedans, par maniere de present et offrande, pour avecques toute congratulation rendre les dieux de la mer propices & fauorables. Les autres attribuant quelque diuinité aux vents, ilz les appaisoient par estranges

Embarquement des François pour aller aux Indes Ameriques.

Hable de grace & pour quoy est ainsi appellé.

Superstition des Anciens auant que nauiger.



## LES SINGULARITEZ

cerimonies: comme lon trouue les Calabriens auoir faict  
a lapix, (vent ainsi nommé) & les Thuriens et Pam-  
philiens à quelques autres. Ainsi lisons nous en l'E-  
neide de Virgile (si elle est digne de quelque foy) com-  
bien, pour l'importune priere de Iuno Vers Eolus Roy  
des Vets, le miserable Troïen à enduré sus la mer, et la  
querelle des Dieux qui en est ensuyvie. Par cela peut  
on euidentement cognoistre l'erreur et abus, dont estoit  
auenglé l'antiquité en son gentillisme damnable, at-  
tribuant à vne creature, voire des moindres, & sous  
la puissance de l'homme, ce qui appartient au seul Crea-  
teur: lequel je ne scaurois suffisamment louer en cest  
endroit, pour s'estre communiqué à nous & nous a-  
uoir exempté d'vne si tenebreuse ignorance. Et de ma  
part. pour de sa seule grace auoir tant favorisé nostre  
voyage, que nous donnant le vent si bien à poupe, nous  
auons tranquillement passé le destroit, & de la aux  
Canaries, isles distantes de l'Equinoctial de vingtsept  
degrés, & de nostre France de cinq cens lieues ou en-  
uiron. Or pour plusieurs raisons m'a semblé mieux seât  
commencer ce mien discours à nostre embarquement,  
côme par vne plus certaine methode. Ce que faisant,  
j'espere amy (Lecteur) si vous prenés plaisir à le lire, de  
vous conduire de point en autre, et de lieu en lieu, de-  
puis le commencement iusques à la fin, droit, comme  
auéc le fil de Thesée, obseruant la longitude des païs  
& latitude. Toutesfois ou ie n'auroys faict tel deuoir,  
que la chose & vostre iugement exquis meriteroit, je  
vous supplie m'excuser, considerant estre malaisé à vn  
homme seulet, sans faueur & support de quelque Prin-  
ce ou grand Seigneur, pouuoir voyager & descouvrir  
les

les païs lointains, y observant les choses singulieres, n'y executer grandes entreprises, combien que de soy en fust assez capable. Et me souvient qu'à ce propos dit tres-bien Aristote, Qu'il est impossible et fort malaisé, que celuy face choses de grande excellence et dignes de louège, quand le moyen, c'est à dire, richesses luy defaillent: joinct que la vie de l'homme est breue, subiecte à mille fortunes & aduersitez.

Du destroit anciennement nommé Calpe,  
& au-jourhuÿ Gibaltar.

CHAP. II.



Ostoyans donc l'Espaigne à senestre, avec de Gi-  
 vn vent si calme & propice, vimmes jus baltar,  
 ques vis à vis de Gibaltar, sans toutesfois  
 de si pres en aprocher pour plusieurs cau-  
 ses: auquel lieu nous feimes quelque seiour. Ce destroit  
 est sur les limites d'Espaigne, diuisant l'Europe d'avec  
 l'Afrique: comme ccluy de Constantinople, l'Europe  
 de l'Asie. Plusieurs tiennent iceluy estre l'origine de  
 nostre mer Mediterranée, comme si la grand mer pour  
 estre trop pleine se degorgeoit par cest endroict sus la  
 terre, duquel escript Aristote en son liure Du monde  
 en ceste maniere: L'Ocean, qui de tous costez nous en-  
 uironne, vers l'Occident pres les colonnes d'Hercules,  
 se respand par la terre en nostre mer comme en vn port,  
 mais par vn embouchement fort estroit. Aupres de  
 ce destroit se trouuent deux isles assez prochaines l'une  
 de l'autre, habitées de barbares, coursaires, & esclaves,  
 la plus grande part avec la cadene à la iambe, les-  
 Gibaltar.



# LES SINGULARITES.

quels travaillent à faire le sel, dont il se fait là bien grand traffique. De ces isles l'une est Australe et plus grande, faite en forme de triangle si vous la voyez de loin, nommée par les anciens Ebusus, & par les modernes Ieuiza: l'autre regarde Septentrion, appelée Frumentaria. Et pour y aller est la navigation fort difficile, pour certains rochers qui se voient à fleur d'eau, & autres incommoditez. D'avantage y entrent plusieurs rivières navigables, qui y apportent grand enrichissement, comme une appelée Malue, séparant la Mauritanie de la Césariense: une autre encores nommée, Sala, prenant source de la montagne de Dure: laquelle ayant traversé le Royaume de Fes, se divise en forme de ceste lettre Grecque  $\Delta$ , puis se va rendre dans ce détroit: & pareillement quelques autres, dont à présent me deporté. Je diray seulement en passant, que ce détroit passé, incontinent sus la coste d'Afrique, jusques au tropique de Cancer, on ne voit gueres croistre ne décroistre la mer, mais par de là si tost que l'on approche de ce grand fleuve Niger, unze degré de la ligne, on s'en apperçoit aucunement selon le cours de ce fleuve. En ce détroit de la mer Méditerranée y a deux montagnes d'admirable hauteur, l'une du costé de l'Afrique, selon Mela, anciennement dite Calpe, maintenant Gibaltar: l'autre Abyles, lesquelles ensemble l'on appelle Colonnes d'Hercules: pource que selon aucuns il les divisa quelquefois en deux, qui paravant n'estoient qu'une montagne continue, nommée Briarei: et là retournant de la Grece par ce détroit fait la consommation de ses labeurs, estimant ne devoir ou pouvoir passer outre, pour la vastité & amplitude de la mer, qui

Ebusus  
Ieuiza &  
Frumentaria.

Malue,  
fl.

Sala, fl.

Diuerfes  
opinions  
sur l'ere-  
ction des  
Colonnes  
d'Hercu-  
les.

qui s'estendoit iusques à son orizon & fin de sa veüe .  
 Les autres tiennent, q ce mesme Hercules , pour laisser  
 memoire de ses heurieuses coquestes, feit là eriger deux  
 Colomnes de merueilleuse hauteur du costé de l'Euro- Coustu-  
 pe. Car la coustume a esté anciennement, que les no- medes an-  
 bles & grands Seigneurs faisoient quelques hautes co ciës Roys  
 lomnes, au lieu ou ils finissoient leurs Voyages & en- & Sci-  
 treprises, ou bie leur sepulchre et tombeau : pour mon- gneurs.  
 strer par ce moyen leur grandeur & eminence par sus  
 tous les autres. Ainsi lisons nous Alexandre auoir lais-  
 sé quelques signes aux lieux de l'Asie maieure, ou il  
 auoit esté . Pour mesme cause a esté erigé le Colosse à  
 Rhodes. Autant se peut dire du Mausolée, nombré en-  
 tre les sept merueilles du monde, fait & basti par Ar-  
 temisia en l'honneur & pour l'amitié qu'elle portoit à  
 son mary : autant des pyramides de Memphis, sous les-  
 quelles estoient inhumez les Roys d'Egypte . D'auan-  
 tage à l'entrée de la mer maieure, Iule César feit dres-  
 ser vne haute colomne de marbre blanc : de laquelle et  
 du colosse de Rhodes, trouuerés les figures en ma Descri-  
 ption de Leuant. Et pourtant que plusieurs ont esté de  
 ce nom, nous dirons avec Arrian Historiographe, ce  
 Hercules auoir esté celuy que les Tyriens ont celebré :  
 pource qu'iceux ont edifié Tartesse à la frontiere d'E-  
 spagne, ou sont les colomnes dont nous auons parlé : et là  
 vn temple à luy consacré & basti à la mode des Phe-  
 niciens, avecques les sacrifices & cerimonies qui s'y fai-  
 soient le temps passé : aussi a esté nommé le lieu d'Her-  
 cules. Ce destroit aujourd'huy est vn vray asile & re-  
 ceptacle de larrons, pyrates, & escumeurs de mer, cõ-  
 me Turcs, Mores, & Barbares, ennemis de nostre re-

Quel  
 Hercules  
 a esté, du  
 quel sont  
 nomées  
 ces Co-  
 lomnes,  
 Tartesse,  
 ancienne  
 ville d'A-  
 frique.



## LES SINGVLARITEZ

Gibraltar,  
lieu de  
traffique  
de l'Euro  
& d'Afri-  
que.

ligion Chrestienne: lesquels voltigeans avecques nau-  
res volent les marchants qui viennent traffiquer tant  
d'Afrique, Espagne, q de Frâce: mesmes, qu'est enco-  
res plus à deplorer, la captiuité de plusieurs Chrestiens,  
desquels ilz vsent autant inhumainement q de bestes  
brutes en tous leurs affaires, outre la perdition des ames  
pour le violement & transgression du Christianisme.

### De l'Afrique en general.

#### CHAP. III.

Cap de  
Canti.



Quatre  
parties de  
la terre  
selon les  
moder-  
nes Geo-  
graphes.  
Etymolo-  
gie diuer-  
se de ce  
mot Afri-  
que.

Situatiō  
de l'A-  
frique

Assans outre ce destroit, pource qu'au-  
ons costoyé le pais d'Afrique l'espace de  
huit iournées, semblablement à senestre  
jusques au droit du Cap de Canti, distant  
de l'equinoctial trente trois degrez, nous en escrirons  
sommairement. Afrique selon Ptolemée, est vne des  
trois parties de la terre, (ou bien des quatre, selon les  
modernes Geographes, qui ont escrit depuis, que par na-  
uigations plusieurs pais anciennement incongneus ont  
esté découuerts, comme l'Inde Amerique, dont nous  
pretendons escrire) appelée selon Iosephe, Afrique, de  
Afer, lequel, comme nous lisons és histoires Grecques  
& Latines, pour l'auoir subiuguée, y a regné, & faict  
appeller de son nom: car au parauant elle s'appelloit  
Libye, comme veulent aucuns, de ce mot Grec λιβυς, qui  
signifie ce vent de midy, qui là est tant frequent & fa-  
milier: ou de Libs, qui y regna. Ou bien Afrique a e-  
sté nommée de ceste particule α, et φριχ, qui signifie  
froid, comme estant sans aucune froidure: & parauant  
appelée Hesperia. Quant à sa situation elle commence  
Veritablement de l'Ocean Atlantique, et finit au de-  
stroit

DE LA FRANCE ANTARCT. 5

estroit de l'Arabie, ou à la Mer d'Egypte, selon Ap-  
 pian: comme pareillement en peu de parolles escrit tres  
 bien Aristote. Les autres la font commencer au Nil,  
 & Vers Septentrion à la mer Mediterranée. Dauan-  
 ge l'Afrique a esté appelée (ainsi que décrit Iosephe  
 aux Antiquités Iudaiques) tout ce qui est cõpris d'un  
 costé depuis la mer de Septentrion, ou Mediterranée, jus-  
 ques à l'Ocean Meridional, separée toutefois en deux,  
 Vieille & nouvelle: la nouvelle commence aux monts  
 de la Lune, ayant son chef au cap de Bonne esperance,  
 en la mer de Midi, trentecinq degrez sus la ligne, de  
 sorte, qu'elle contient de latitude, vingtcinq degrez.  
 Quant à la Vieille, elle se diuise en quatre prouinces, la  
 premiere est la Barbarie, contenant Moritanie au Tin-  
 gitaine, Cyrene, & Cesariense. Là tout le peuple est  
 fort noir: autresfois ce pais a esté peu habité, aujour-  
 d'huy beaucoup plus, sans parler de diuers peuples au  
 milieu de ceste contrée, pour la diuersité des meurs et  
 de leur religion, la cognoissance desquelz meriteroit  
 bien voyage tout expres. Ptolemée n'a faict mention  
 de la partie extérieure Vers le midy, pour n'auoir esté  
 decouuerte de son temps. Plusieurs l'ont descritte plus  
 au long, comme Pline, Mela, Strabo, Apian, & au-  
 tres, qui m'enpeschera de plus m'y arrester. Ceste re-  
 gion dit Herodian estre feconde et populeuse, et pour-  
 autant y auoir gens de diuerses sortes, & façons de vi-  
 ure. Que les Pheniciens quelquesfois soyent venuz ha-  
 biter l'Afrique, monstre ce qu'est escrit en langue Phe-  
 nicienne en aucunes colonnes de pierre, qui se voyent  
 encores en la Ville de Tinge, nommée a present Tamar,  
 appartenant au Roy de Portugal. Quant aux meurs:

Colõnes  
 de pierre  
 ou sont  
 caracte-  
 res Phe-  
 niciens.



## LES SINGULARITEZ

tout ainsi qu'est diuerse la temperature de l'air, selon  
 la diuersité des lieux: aussi acquerent les personnes va-  
 rieté de temperamens, & par consequence de meurs,  
 pour la sympathie, qu'il y a de l'ame avec le corps: co-  
 me monstre Galien au liure qu'il en a escrit. Nous  
 voyons en nostre Europe, mesme en la France, varier  
 aucunement les meurs selon la varieté des pais: com-  
 me en la Celtique autrement qu'en l'Aquitaine, et la  
 autremēt qu'en la Gaule Belgique: encores en chacu-  
 ne des trois on trouuera quelque varieté. En general,  
 lon trouue les Africains cauteleux: comme les Syriens  
 auares: les Siciliens subtils: les Asiens, voluptueux. Il  
 y a aussi varieté de religions: les vns gentilisent mais  
 d'une autre façon, qu'au temps passé: les autres sont  
 Mahometistes, quelques vns tiennent le Christianis-  
 me d'une maniere fort estrange, & autrement que  
 nous. Quāt aux bestes brutes, elles sont fort variables.  
 Aristote dit les bestes en Asie estre fort cruelles,  
 robustes en l'Europe, en Afrique monstrueuses. Pour  
 la rarité des eaux, plusieurs bestes de diuerse espece  
 sont contraintes de s'assembler au lieu ou il se trouue  
 quelque eau: & la bien souuent se communiquent les  
 vnes aux autres, pour la chaleur qui les rend aucune-  
 ment promptes & faciles. De là s'engendrent plu-  
 sieurs animaux monstrueux, despeces diuerses repre-  
 sentées en vn mesme indiuidu. Qui a donné argument  
 au proverbe, Que l'Afrique produit tousiours quelque  
 chose de nouveau. Ce mesme proverbe ont plus auant  
 pratiqué les Romains, comme plusieurs fois ils ayent  
 fait voyages, & expeditions en Afrique, pour l'a-  
 uoir par long temps dominée. Comme vous auez de

Meurs  
 & reli-  
 gion des  
 Africains

Cause par  
 laquelle  
 prouien-  
 nent en  
 Afrique  
 bestes  
 monstreu-  
 euses.

Prover-  
 be.

Scipion surnommé *Africain*, ils emportoient tousiours  
je ne sçay quoy d'estrange, qui sembloit mettre & en-  
gendrer scandale en leur cité & Republique.



## De l'Afrique en particulier.

### CHAP. IIII.

**Q**uant à la partie d'Afrique laquelle  
nous avons costoyée vers l'Océan Atlanti-  
que comme Mauritanie, & la Barbarie, Barbarie  
ainsi appelée pour la diversité & façon partie de  
estrange des habitans: elle est habitée de Turcs, Mo- l'Afri-  
res, & autres natifs du pais, Vray est qu'en aucuns li- que pour  
eux elle est peu habitée, & comme deserte, tant à cau quoy ain-  
se de l'excessive chaleur, qui les contraint demeurer si nom-  
tous nus, hors-mis les parties honteuses, que pour la mée.  
sterilité d'aucuns endroits pleins d'arenes, & pour la  
quantité des bestes sauvages, comme Lions, Tigres,  
Dragons, Leopards, Buffles, Hyenes, Pantheres, et au-  
tres,



## LES SINGULARITEZ

tres, qui contraignent les gens du pais aller en troupes à leurs affaires & trafiques, garnis d'arcs, de stéches, et autres bastons pour soy defendre. Que si quelquefois ils sont surpris en petit nombre, come quand ils vont pescher, ou autrement, ils gagnent la mer, et se iettas dedans se sauuent à bien nager : à quoy par contrainte se sont ainsi duits & racoustumez. Les autres n'estans si habiles, ou n'ayans l'industrie de nager, mōtent aux arbres, & par ce mesme moyē euitent le danger d'icelles bestes. Faut aussi noter que les gēs du pais meurent plus souuent par rauissement des bestes sauvages, q̄ par mort naturelle : & ce depuis Gibraltar jusques au cap Verd.

Ilz tiennent la malheureuse loy de Mahomet, encores plus superstitieusement que les Turcs naturels. Avant q̄ faire leur oraison aux tēples & mousquēes, ils se lauent entieremēt tout le corps, estimans purger l'esprit ainsi cōme le corps par ce lauemēt exterieur et cerimonieux, avec vn elemēt corruptible. Et est l'oraison faicte quatre fois le jour, ainsi q̄ j'ay veu faire les Turcs à Constantinoble. Au tēps passé que les Payens eurent premieremēt et avant tous autres receu ceste damnable religion, ils estoient cōtraints vne fois en leur vie faire le voyage de Mecha, ou est inhumé leur gētil Prophe- te : autrement ils n'esperoyēt les delices, qui leur estoeyēt promises. Ce qu'observēt encores aujourdhuy les Turcs & s'assemblent pour faire le voyage avec toutes munitions, come s'ils vouloyent aller en guere, pour les incursions des Arabes, qui tiennent les montagnes en certains lieux. Quelles assemblées ay-je veu, estāt au Caire, et la magnificēce et triomphe q̄ l'on y fait ? Cela observēt encores plus curieusement et estroittemēt les Mo-

Religion  
& cere-  
monies  
des Bar-  
bares.

Mecha  
sepulchre  
de Ma-  
homet.  
Voyage  
des Turcs  
en Me-  
cha.

res d'Afrique, et autres Mahometistes, tant sont ils a-  
 ueuglez & obstinez. Qui m'a donné occasion de par-  
 ler en cest endroit des Turcs, et du voyage, auāt qu'en-  
 treprendre la guerre, ou autre chose de grande impor-  
 tance. Et quād principalement le moye leur est osté de  
 faire ce voyage, ils sacrifient quelque beste sauvage ou  
 domestique, ainsi qu'il se rencontre: qu'ils appellent tāt  
 en leur langue, qu'en Arabesque, Corban, dictiō pri  
 se des Hebreux et Chaldées, qui vaut autant à dire, cō  
 me present, ou offrande. Ce que ne font les Turcs de Le-  
 uant, mesmes dedās Constantinoble. Ils ont certains pre-  
 stres, les plus grāds imposteurs du monde: ils font croy-  
 re et entendre au vulgaire, qu'ils sçauent les secrets de  
 Dieu, et de leur Prophete, pour parler souuēt avecques  
 eux. D'auātage, ils vsent d'vne maniere d'escrire fort  
 estrange, et s'attribuet le premier vsage d'escriture, sur  
 toutes autres nations. Ce que ne leur accordent iamais  
 les Egyptiens, ausquels la meilleure part de ceux qui  
 ont traité des antiquitez, donnent la premiere inuen-  
 tion descrire, & representer par quelques figures la cō-  
 ception de l'esprit. Et à ce propos a escrit Tacite en ceste  
 maniere, Les Egyptiens, ont les premiers représenté et  
 exprimé la cōceptiō de l'esprit par figures d'animaux,  
 grauans sus pierres, pour la memoire des hōmes, les cho-  
 ses anciennement faites et aduenües. Aussi ils se dient  
 les premiers inuēteurs des lettres et caracteres. Et ceste  
 inuenttion (cōme lon trouue par escrit) à esté portée  
 en Grece des Pheniciens, qui lors dominoyēt sus la mer,  
 reputans à leur grand gloire, cōme inuēteurs premiers  
 de ce qu'ils auoyent pris des Egyptiēs. Les hōmes en ce-  
 ste part du costé de l'Europe sont assés belliqueux, cou-  
 stumiers

Corban.

Les egyptiēs pre-  
miers in-  
uenteurs  
des let-  
tres et ca-  
racteres.Barbares  
assez bel-



## LES SINGVLARITEZ.

liqueux. *stumiers de se oindre d'huile, dot ils ont abondance, auant qu'entreprendre exercice violent: ainsi que faisoient au temps passé les Athletès, & autres, à fin que les parties du corps, comme muscles, tendons, nerfs, & ligamens adoucis par l'huile, fussent plus faciles et dispos à tous mouuemens, selon la Varieté de l'exercice: car toute chose molle & pliable est moins subiecte à rompre. Ils font guerre principalement contre les Espagnols de frontiere, en partie pour la religion, en partie pour autres causes. Il est certain que les Portugais, depuis certain temps en ça, ont pris quelques places en ceste Barbarie, & basti villes & forts, ou ils ont introduit nostre religion: specialemēt vne belle ville, qu'ils auoyēt nommē Saincte Croix, pour y estre arrinez & arestés*


S. Crois,  
ville en  
Barbarie

*Vn tel iour: et ce au pied d'vne belle mōtagne. Et depuis deux ans ença la canaille du païs assemblez en grand nōbre, ont precipité de dessus ladicte montagne, grosses pierres, & cailloux, qu'ils auoyent tiré des rochers: de maniere que finablement les autres ont esté contrains de quitter la place. Et a tousiours telle inimitié entre eux, qu'ils trafiquēt de sucre, huile, ris, cuirs, & autres marchandises par hostages & personnes interposées. Ils ont quantité d'assez bons fruits, comme oranges, citrons, limons, grenades, et semblables, odnt ils vsent par faute de meilleures viādes: et du ris au lieu de blé. Ils boient aussi huilles, ainsi que nous beuuoīs du vin. Ils viuēt assez bon aage, plus (à mon aduis) pour la sobriété, & indigence de viandes q̄ autremēt.*

Fertilité  
de la Bar  
barie.

Des isles Fortunées, maintenant ap-  
pellées Canaries. CHAP. V.

CESTE


**C**ESTE Barbarie laissée à main gauche, Situatiō  
 ayans tousiours vent en poupe nous con- des isles  
 gneumes par l'instrument de marine, de Fortu-  
 combien nous pouuions lors approcher des nées, &  
 isles Fortunées, situées aus frōtieres de Mauritanie de- pour-  
 uers l'Occident, ainsi appellées par les Anciens, si appel-  
 la bonne temperature de l'air, et fertilité d'icelles. Or lées des  
 le premier iour de Septembre audit an, à six heures du Anciens.  
 matin, commençames à voir l'vne de ces isles par la  
 hauteur d'vne montagne, de laquelle nous parlerons  
 plus amplement & en particulier cy apres. Ces isles, Nombre  
 selon aucuns, sont estimées estre dix en nombre : des- des isles  
 quelles y en a trois, dont les Auteurs n'ont fait men- Fortu-  
 tion, pource qu'elles sont desertes, & non habitées : les nées.  
 autres sept, c'est asçauoir Tenerife, l'isle de Fer, la Gō-  
 miere, & la grand isle signamment appellée Canarie,  
 sont distantes de l'equinoctial de vintsept degrez : les  
 trois autres, Fortauenture, Palme & Lencelote, de  
 vingthuit degrez. Et pourtant lon peut voir, que de-  
 puis la premiere jusques à la derniere, il y a vn degré  
 qui vaut dixsept lieües & demye, pris du Nort au  
 Su : selon l'opinion des pillots, Mais sans en parler plus  
 auant qui voudra rechercher par degrez celestes la  
 quantité des lieües & stades, que contient la terre,  
 & quelle proportion il y a de lieüe & degré ( ce que  
 doit obseruer celuy qui veut escrire des païs, comme  
 vray cosmographe ) il pourra veoir Ptolomée qui en Chap. 3.  
 traite bien amplement en sa Cosmographie. Entre ces 4. 5. & 6.  
 isles n'y a que la plus grande qui fut appellée Canarie :  
 et ce pour la multitude des grans chiens, qu'elle nour-  
 rist : ainsi que recite Pline, & plusieurs autres apres  
 luy,



## LES SINGULARITEZ

luy, qui disent encores que Iuba en emmena deux: maintenant sont toutes appellées Canaries pour ceste mesme raison, sans distinction aucune. Mais selon mon opinion j'estimeroye plus tost auoir esté appellées Canaries pour l'abondance des cannes & roseaux sauvages, qui sont sur le rivage de la Mer: car quant aux roseaux portans sucre, les Espagnols en ont planté quelque partie, depuis le temps qu'ils ont commencé à habiter ces lieux là: mais des sauvages y en avoit au paravant, que ce país aye porté chiens ne grands ne petis: ce que aussi n'est vraysemblable: car principalement ay congneu par experience, que tous ces Sauvages decouvrent depuis certain temps en ça, onques n'auoyent eu congnissance de chat, ne de chien: comme nous monstrerons en son lieu plus amplement. Je sçay bien toutefois que les Portugais y en ont mené & nourry quelques vns, ce qu'ilz font encores auioird'huy, pour chasser aux cheures & autres bestes sauvages. Plin donc en Ombrio. parle en ceste maniere, La premiere est appellée Ombrio, ou n'y a aucun signe de bastiment ou maison: es montagnes se voit vn estang, & arbres semblables Arbre à celuy qu'on appelle Ferula, mais blancs et noirs, de- estrange. quels on épraint & tire eau: des noirs, l'eau est fort amère: et au contraire des blancs, eau plaisante à boire. Innonia. L'autre est appellée Innonia, ou il n'y a qu'une maisonnette bastie seulement de pierre. Il s'en voit une autre prochaine, mais moindre et de mesme nom. Une autre est pleine de grâds lesards. Vis à vis d'icelles y en avoit une Isle de appellee l'isle de neiges, pource qu'elle est tousiours cou- neiges. uerte de neiges. Canaria. La prochaine d'icelle est Canaria ainsi dite pour la multitude des grâds chiens quelle pduit,

com-

comme desia nous auons dit: dont Iuba Roy de Mauritanie en amena deux: & en icelle y a quelque apparence de bastimens vieux. Ce pais anciennemēt a esté habité de gens sauvages & barbares, ignorans Dieu & totalement idolatres, adorans le Soleil, la Lune, & quelques autres planetes, comme souveraines deitez, desqueles ils receuoient tous biens: mais depuis cinquante ans les Espagnols les ont defaits & subiuguez, & en partie tuez, & les autres tenus captifs & esclaves: lesquels s'habituans là, y ont introduit la foy Chrestienne, de maniere qu'il n'y a plus des anciens & premiers habitateurs, sinon quelques vns qui se sont retirerez & cachez aux montaignes: comme en celle du Pych, de laquelle nous parlerons cy apres. Vray est que ce lieu est vn refuge de tous les bannis d'Espagne, lesquels par punition on enuoye là en exil: dont il y en a vn nombre infini: aussi d'esclaves, desqueles ils se scauent bien seruir à labourer la terre, & à toutes autres choses laborieuses. Je ne me puis assez émerveiller comme les habitans de ces Isles & d'Afrique pour estre voisins prochains, ayent esté tant differens de langage, de couleur, de religion & de meurs: attēdu mesme que plusieurs sous l'Empire Romain ont conquesté & subiugué la plus grand part de l'Afrique, sans toucher à ces isles, comme ils firent en la mer Mediterranée, considéré qu'elles sont merueilleusement fertiles, seruans à present de grenier & caue aux Espagnols, ainsi que la Sicile aux Romains & Geneuois. Or ce pais tresbō de foy estāt ainsi bien cultiué raporte grāds reuenuez & emolumens, & le plus en sucres: car depuis quelque temps ils y ont planté force cannes, qui

Habitās  
des Cana-  
ries re-  
duits à la  
foy Chre-  
stienne.

Bōté des  
illes Ca-  
naries.



## LES SINGULARITEZ

produisent sucres en grande quantité, & bons à mer-  
 uilles: & non en ces isles seulement, mais en toutes au-  
 tres places qu'ils tiennent par de là: toutesfois il n'est si  
 bon par tout qu'en ces Canaries. Et la cause qu'il est  
 mieux recueilly et desiré, est que les isles en la mer Me-  
 diterranée, du costé de la Grece, comme Mettelin, Rho-  
 des, & autres esclades rapportans tresbons sucres, aiant  
 qu'elles fussent entre les mains des Turcs, ont esté de-  
 molies par negligence, ou autrement. Et n'ay veu en  
 tout le païs de Leuant faire sucre, qu'en Egypte: & les  
 cannes, qui le produisent, croissent sur le riuage du Nil  
 lequel aussi est fort bien estimé du peuple & des mar-  
 chands, qui en traffiquent autant & plus que de celui  
 de nos Canaries. Les Anciens estimerent fort le su-  
 cre de l'Arabie, pource qu'il estoit merueilleusement  
 cordial & souverain, spécialement en medicines, &  
 ne l'appliquoyent gueres à autres choses: mais aujour-  
 d'huy la volupté est augmentée iusques là, spéciale-  
 ment en nostre Europe, que lon ne scauroit faire si petit  
 banquet mesmes en nostre maniere de vivre accoustu-  
 mée, que toutes les saulses ne soyent sucrées, & aucu-  
 nesfois les viandes. Ce qu'a esté defendu aux Atheni-  
 ens par leurs loix, comme chose qui effeminoit le peu-  
 ple: ce que les Lacedemoniens ont suiuy par exemple.  
 Il est vray, que les plus grands seigneurs de Turquie  
 boyuent eaux sucrées, pource que le vin leur est defen-  
 du par leur loy. Quant au vin, qu'à inuenté ce grand  
 Hippocrates medecin, il estoit seulement permis aux  
 personnes malades & debilitées: mais ce iourd'huy il  
 nous est presque autant commun, que le vin est rare  
 en autre païs. Nous auons dit cela en passant sur le pro-  
 pos

pos de sucre, retournons à nostre principal subiect. De bleds, il y en a quantité en ces isles, aussi de tresbon vin, meilleur que celui de Candie, ou se trouuent les mauvaises, comme nous declarerons aux isles de Madere.

Fertilité  
des Ca-  
naries.

De chairs, suffisamment, comme cheures sauvages & domestiques, oyseaux de toute espece, grande quantité d'oranges, citrons, grenades, & autres fruits, palmes, & grande quantité de bon miel. Il y a aussi aux rives des fleuves, des arbrisseaux, que lon nomme papier, & ausdits fleuves des poissons nommez silures, que Paulus Iovius en son liure des Poissons, pense estre esturgeons, dont se repaissent les pauvres esclaves, suans de travail à grande haleine, le plus souvent à faulte de meilleure viande: & diray ce mot en passant, qu'ils sont fort durement traitez des Espagnols, principalement Portugais, & pis que s'ils estoient entre les Turcs, ou Arabes. Et suis cōtraiect d'en parler, pour les avoir ain

Arbrif-  
seaux nō  
més pa-  
piers.

si veu mal traicter. Entre autres choses se trouve une

Orifelle,  
herbe.

herbe contre les montaignes, appellée vulgairement Orifelle, laquelle ils recueillēt diligemment pour en faire teinture. En outre ils font une gomme noire qu'ils appellēt Bré, dont a grande abondance en la Teneriffe. Ils abattent des pins, desquels y a grande quantité: & les rōpēt en grosses busches iusques a dix ou douze chartées, & les disposent par pieces l'une sur l'autre en forme de croix: & dessous cest amas y a une fosse rōde de moyenne profondeur, puis mettent le feu en ce bois presque par le coupeau du tas: & lors rend sa gomme qui chet en ceste fosse. Les autres y procedent avecques moindre labour, la fosse faicte mettans le feu en l'arbre. Ceste gomme leur rapporte grands deniers pour la traffique

Bré gom-  
me noire  
& la ma-  
niere de  
la faire.



## LES SINGULARITEZ

qu'ils en font au Perù, de laquelle ils vsent à calfeutrer nauires, & autres vaisseaux de marine, sans l'appliquer à autre chose. Quant au cueur de cest arbre tirant sur couleur rouge, les pauvres gens des montagnes le coupent par bastons assez longs, comme de demye brassée, gros d'un ponce: & l'alumans par vn bout, s'en seruent en lieu de chandelle. Aussi en vsent les Espagnols en ceste maniere.

Bois flambant, en usage au lieu de chandelle

### De la haute montagne du Pych.

#### CHAPITRE. VI.



Admirable hauteur & circuit de la montagne du Pych.

EN l'une de ces isles, nommée Teneriffe, y a vne montagne de si admirable hauteur, que les montagnes d'Arménie, de la Perse, Tartarie, ne le mont Liban en Syrie, le mont Ida, Athos, ne Olympe tant célébré par les historiens, ne luy doiuent estre comparez: contenant de circuit sept lieues pour le moins, & de pied en cap dix-huit lieues. Ceste montagne est appelée le Pych, en tout temps quasi nebuleuse, obscure, & pleine de grosses et froides vapeurs, et de neige pareillemēt: cōbien qu'elle ne se voit aysément, a cause, (selon mon iugemēt) qu'elle seapproche de la moyenne region de l'air, qui est tresfroide par antiperistase des deux autres, comme tiennent les Philosophes: & que la neige ne peult fondre, pourtant qu'en cest endroit ne se peut faire reflexiō des rayons du Soleil, ne plus ne moins que contre le deual: parquoy la partie superieure demeure tousiours froide. Ceste montagne est de telle hauteur, que si l'air est serain, on la peut voir sus l'eau de cinquante lieues, & plus. Le fest & coupeau, soit qu'on le voye de pres ou de

de loing, est fait de ceste figure  $\Omega$ , qui est omega des Grecs. Iay veu semblablement le mont Etna en Sicile, de trente lieues: & sus la mer pres de Cypre, quelque montagne d'Armenie de cinquante lieues, encores que ie n'aye la veüe si bonne que Lynceus, qui du promontoire Lilybée en Sicile voyoit & discernoit les nauires au port de Carthage. Ie m'assure qu'aucuns trouueront cela estrange, estimans la portie de l'œil n'auoir si loë horizon: ce qu'est veritable en planeure, mais en hauteur, non. Les Espagnols ont plusieurs fois essayé à sonder la hauteur de ceste montagne. Et pour ce faire ils ont plusieurs fois enuoyé quelque nombre de gens avec mulets portans pain, vin, & autres munitions: mais ancques n'en sont retournez, ainsi que m'ont affermé ceux qui la ont demeuré dix ans. Pourquoy ont opinio qu'en ladite montagne, tant au sommet qu'au circuit y a quelq' reste de ces Canariens sauvages, qui se sont là retirez, & tiennent la montagne, viuans de racines & chairs sauvages, qui saccagent ceux qui veulent re-  
cognoistre, & s'approcher pour decouurir la montagne. Et de ce Prolemée à bien en cognoissance, disant, que outre les colonnes d'Hercules en certaine isle y a vne montagne de merueilleuse hauteur: & pource le coupeau estre tousiours couuert de neiges. Il en tombe grāde abondāce d'eau arrosant toute l'isle: qui la rend plus fertile tant en cannes & sucres que autres choses: & n'y en a autre que celle qui vient de ceste montagne, autrement le país qui est environ le tropique de Cancer demeureroit sterile pour l'excessiue chaleur. Elle produit abondamment certaines pierres fort poreuses, comme sponges, & sont fort legeres, tellement qu'une grosse

Hauteur  
de la mō  
tagne de  
Etna, &  
autres.

Prole-  
mée à cō-  
gneu ce-  
ste mon-  
tagne.

Pierres  
poreuses  
& autres  
de diuer-  
se sorte.



## LES SINGVLARITEZ

comme la teste d'un homme, ne pese pas demye liure. Elle produit autres pierres comme excrément de fer. Et quatre ou cinq lieues en montant, se trouvent autres pierres sentans le souffre, dont estiment les habitans qu'en cest endroit y a quelque mine de souffre.

### De l'isle de Fer.

#### CHAP. VII.

Isle de  
Fer pour  
quoy ain  
si appel  
lée.



Fertilité  
de l'isle  
de Fer.

Entre ces isles j'ay bien voulu particulie-  
rement descrire l'isle de Fer, prochaine à  
la Teneriffe, ainsi appelée, parce que de-  
dans se trouvent mines de fer: comme cel-  
le de Palme pour l'abondance des palmes, & ainsi des  
autres. Et encores qu'elle soit la plus petite en toute di-  
mension( car son circuit n'est que de six lieues) si est el-  
le toutesfois fertile, en ce qu'elle contient, tant en can-  
nes portās sucres, qu'en bestial, fruits, & beaux jardins  
par sus tous les autres. Elle est habitée des Espagnols,  
ainsi que les autres isles. Quant au blé il n'y en a pas  
suffisance pour nourrir les habitans: parquoy la plus  
grand part, comme les esclaves, sont contrains de se  
nourrir de lait, & fourrages de cheures, dont y en a  
quantité: parquoy ils se monstrent frais, dispos, & mer-  
ueilleusement bien nourris: par ce que tel nourrisse-  
ment par coustume est familier à leur naturel, ensem-  
ble que la bone temperature de l'air les favorise. Quel  
que demy philosophe ou demy medecin( honneur gar-  
dé à qui le merite) pourra demander en cest endroit, si  
usans de telles choses ne sont gravelleux, attendu que le  
lait & fromage sont matiere de gravelle, ainsi que  
l'on

On voit aduenir à plusieurs en nostre Europe : ie répondray que le fourmage de soy peut estre bon & mauvais, graueleux, et non graueleux selon la quantité que l'on en prend & la disposition de la personne. Vray est qu'à nous autres, qui à une mesme heure non contents d'une

Lait &  
fourma-  
ge grau-  
eux.

espece de viande, en prenons bien souuent de vingt cinq ou trente, ainsi qu'il vient, & boire de mesme, & tant qu'il en peut tenir entre le bast & les sangles, seulement pour honorer chacune d'icelles, & en bonne quantité & souuent: si le fourmage se trouue d'abondant, nature desia greüe de la multitude, en pourra mal faire son profit, ioint que de soy il est assez difficile à cuire & à digerer: mais quand l'estomach est dispos, non debilité d'excessive crapule, non seulement il pourra digerer le fourmage, fust-il de Milan, ou de Bethune, mais encores chose plus dure à un besoing. Retournons à nostre propos: ce n'est à un Cosmographe de disputer si auant de la medicine. Nous voyons les Sauvages aux Indes viure sept ou huit mois à la guerre, de farine faicte de certaines racines seiches & dures, auxquelles on iugeroit n'y auoir nourrissement ou aucune substance. Les habitans de Crete & Cypre ne vivent presque d'autre chose que de laitages, qui sont meilleurs que de nos Canaries, pource qu'ils sont de vaches, & les autres de cheures. Je ne me veux arrester au lait de vache, qui est plus gros & plus gras que d'autres animaux, & de cheure est mediocre. D'auantage que le lait est tresbon nourrissement, qui promptement est conuertie en sang, pource que ce n'est que sang blanchi en la mamelle. Pline au liure II. chapit.

Diuers  
nourrisse-  
ments de  
diuers  
peuples.

Le lait  
tresbon  
nourrisse-  
ment.

42. recite q Zoroastes à vescu ving ans au desert seu-



# LES SINGULARITEZ.

lement de fourrages. Les Pamphiliens en guerre n'auoyent presque autres viures, que fourrages d'asnesses & de chameaux. Ce que j'ay veu faire semblablement aux Arabes: et nō seulement boyuet lait au lieu d'eau passans les deserts d'Egypte, mais aussi en donnent à leurs cheuaux. Et pour rien ne laisser qui plus appartienne à ce present discours, les anciens Espagnols la plus part de l'année ne viuoient que de glans: comme recite Strabon & Possidoine, desquels ils faisoient leur pain, & leur bruuage de certaines racines: & nō seulement les Espagnols, mais plusieurs autres, comme dit Virgile en ses Georgiques: mais le temps nous a apporté quelque façon de viure plus douce & plus humaine. Plus en toutes ces isles les homes sont beaucoup plus robustes & rompus au travail, que les Espagnols en Espagne, n'ayans aussi lettres ne autres estudes, sinō toute rusticité. Je diray pour la fin que les sçauāts, et bien appris au faict de marine, tant Portugais que autres Espagnols, disent q̄ ceste isle est droitement sous le diametre, ainsi qu'ils ont noté en leurs cartes marines, limitans tout ce qu'est du Nort au Su: comme la ligne equinoctiale de Noest & Est, c'est asçauoir en longitude du Leuant au Ponent: comme le diametre est latitude du Nort au Su: lesquelles lignes sont egales en grandeur, car chacune contient trois cens soixante degrez, & chacun degré, comme parauant nous auōs dit dixsept lieues & demye. Et tout ainsi que la ligne equinoctiale diuise la sphere en deux, & les vingt quatre climats, douze en Orient, & autant en Occident: aussi ceste diametrale passant par nostre isle, comme l'equinoctiale par les isles saint Omer, coupe les paral-

Isle de  
Fer est  
sous la  
ligne dia-  
metrale.

Valeur  
dud. gré.

paralleles, & toute la Sphere, par moytié de Septentrion au midy. Au sur-plus ie n'ay veu en ceste isle chose digne d'escrire, sinon qu'il y a grande quantité de scorpions, & plus dangereux que ceux que j'ay veuz en Turquie, comme j'ay congneu par experience: aussi les Turcs les amassent diligemment pour en faire huile propre à la medecine, ainsi comme les medecins en sçavent fort bien user.

Scorpius  
des Cana-  
ries.

## Des isles de Madere.

## CHAP. VIII.

**N**ous ne lisons point es Auteurs, que ces isles aient aucunement esté congneues ne decouvertes, que depuis soixante ans en-ça, que les Espagnols & Portugais se sont hazardez & entrepris plusieurs navigations en l'Ocean. Et comme auons dit cy devant, Ptolemée a bien eu connoissance de noz isles Fortunées, mesmes iusques au Cap Verd. Plinè aussi fait mention que Iuba emmena deux chiens de la grande Canarie, outre plusieurs autres qui en ont parlé. Les Portugais doncques ont esté les premiers qui ont decouvert ces isles dont nous parlons, & nommées en leur langue Madere, qui vault autant à dire comme bois, pourtant qu'elles estoient totalement desertes, pleines de bois, & non habitées. Or elles sont situées entre Gibaltar, & les Canaries, vers le Ponant: & en nostre navigation les auons costoyées à main dextre, distantes de l'equinoctial enuiron trente deux degrez, & des Fortunées de soixante trois lieues. Pour decouurir & cultiuer ce païs, ainsi qu'un

Isles de  
Madere  
non con-  
gneues  
des An-  
ciens.

Madere.  
que signi-  
fie en lan-  
gue de  
Portu-  
gais.



## LES SINGVLARITEZ

Situation  
des isles  
de Ma-  
dere.

Portugais maistre pilot m'a recité, furent contraints mettre le feu dedans les bois, tant de haute fustaye, que autres, de la plus grande & principale isle, qui est faite en forme de triangle, comme  $\Delta$  des Grecs, contenant de circuit quatorze lieues ou environ: ou le feu continua l'espace de cinq à six iours de telle vehemence et ardeur, qu'ils furent cotrains de se sauuer et garantir à leurs nauires: et les autres qui n'auoyent ce moyen et liberté, se ietterēt en la mer, iusques à tant que la fureur du feu fust passée. Incōtinent apres se mirent à labourer, planter, & semer graines diuerses, qui profitent merueilleusement bien pour la bone dispositio et amenité de l'air: puis bastirent maisons & fortifications, de maniere qu'il ne se trouue auioird'hy lieu plus beau et plus plaisant. Entre autre choses ils ont planté, abondāce de cānes, qui portent fort bon sucre: dont il se fait grand traffique, & auioird'hy est celebré le sucre de Madere. Ceste gēt qui auioird'hy habite Madere, est beaucoup plus civile et humaine, que celle des Canaries, & traffique avec tous autres le plus humainemēt qu'il est possible. La plus grāde traffique est de sucre, de vin, (dont nous parlerons plus amplexmet) de miel, de cire, orenge, citrons, limons, grenades, et cordouans. Ils font confitures en bone quatité, les meilleures et les plus exquises qu'on pourroit souhaitter: et les font en formes d'hōmes, de femmes, de lyons, oyseaux, & poissons, qui est chose belle à contempler & encores meilleure à goustier. Ils mettent dauantage plusieurs fruits en confitures, qui se peuuent garder par ce moyen, et transporter es païs estranges, au solagement & recreation d'un chacun. Ce païs est donc tresbeau, et au-

Sucre de  
Mader  
celebré  
entre au-  
tres.

Confitu-  
res de  
Mader.

tant

tant fertile : tant de son naturel & situation (pour les  
 belles montagnes accompagnées de bois, & fruits es-  
 tranges, lesquels nous n'avons par deçà) que pour les fon-  
 taines & viues sources, dont la campagne est arrosée, et  
 garnie d'herbes et pasturages suffisamment, bestes sau-  
 uages de toutes sortes : aussi pour auoir diligemment enri-  
 chi le lieu de labourages. Entre les arbres qui y sont, y  
 a plusieurs qui iettent gomme, lesquelles ils ont appris  
 avec le temps à bien appliquer à choses necessaires. Il se  
 void là vne espece de gaiac, mais pource qu'il n'a esté  
 trouué si bon que celui des Antilles, ils n'en tiennent  
 pas grand conte : peut estre aussi qu'ils n'entendent la  
 maniere de le bien preparer & accommoder. Il y a aussi  
 quelque arbre qui en certain tēps de l'année iettent  
 bonne gōme, qu'ils appellent Sang de dragō : et pour la  
 tirer hors percent l'arbre par le pied, d'une ouuerture  
 assez large et profonde. Cest arbre produit vn fruit  
 iaune de grosseur d'une cerise de ce pais, q est fort pro-  
 pre à refrechir et desalterer, soit en fleur ou autrement.  
 Ce suc ou gōme n'est dissemblable au Cynabre dont é-  
 cript Dioscoride. Quāt au Cynabre, dit il, on l'apporte  
 de l'Afrique, et se vend cher, et ne s'en trouue asés pour  
 satisfaire aux peintres : il est rouge et nō blafard, pour-  
 quoy aucuns ont estimé que c'estoit Sang de dragon : et  
 ainsi l'a estimé Plin en son liure trētetroisiesme de l'hi-  
 stoire naturelle, chap. septiesme. Desquels tāt Cynabre  
 que Sāg de dragō, ne se trouue aujour d'huy de certain  
 ne naturel par deçà, tel que l'ont descript les Anciens,  
 mais l'un & l'autre est artificiel. Doncques attēdu ce  
 qu'en estimoyēt les Anciens, et ce que j'ay congneu de  
 ceste gōme, je l'estimeroye estre totalement semblable

Fertilité  
 des isles  
 de Ma-  
 dere.

Gomme.

Espece  
 de Gaiac.

Sang de  
 dragon.

Cynabre  
 de Dio-  
 scoride.



## LES SINGVLARITEZ

au Cynabre, & Sang de dragon, ayant vne vertu astringete & refrigeratiue. Je ne veux oublier entre ces fruits tant singuliers, comme gros limons, oranges, citrons, & abondance de grenades doulces, vineuses, aigres, aigres doulces, moyennes, l'escorce desquelles ils appliquent à tanner & enforcer les cuirs, pource qu'elles sont fort astringentes. Et pense qu'ils ont appris cela de Plin, car il en traite au liure trezieſme chap. dix-neufiesme de son histoire. Brief, ces isles tât fertiles & amènes surmonteront en delices celles de la Grece, fuisse Chios, que Empedocles à tât celebré, & Rhodes Apollonius, & plusieurs autres.

### Du vin de Madere.

#### CHAP. IX.



Nous auons dit combien le terroir de Madere est propre et dispos à porter plusieurs especes de bōs fruits, maintenāt faut parler du vin, lequel entre tous fruits pour l'usage & necessité de la vie humaine, ie ne sçay s'il merite le premier degre, pour le moins ie puis asseurer du second en excellence & perfectiō. Le vin & sucre pour vne affinité de temperature, qu'ils ont ensemble, demandent aussi mesme disposition: quant à l'air & à la terre. Et tout ainsi que noz isles de Madere apportēt grande quantité de tresbon sucre, aussi apportent elles de bon vin, de quelque part que soyēt venuz les plats & marquotes. Les Espagnols m'ont affermé n'auoir esté apportez de Lewant, ne de Candie, combien que le vin en soit aussi bō, ou meilleur: ce que dōcques ne doit estre attribué à autre chose, sinon à la bonté du terroir.

Vin &  
sucre de  
Maderc.

# DE LA FRANCE ANTARCT. 15

toire. Je sçay bien que Cyrus Roy des Medes & Assyriens, avant que d'auoir conquesté l'Egypte, feit plâter grand nombre de plantes, lesquelles il feit apporter de Syrie, qui depuis ont rapporté de bons vins, mais qui n'ont surpassé toutesfois ceux de Madere. Et quant au Vin de Candie, combien que les maluaises y soyent fort excellentes, ainsi que anciennement elles ont esté grandement estimées es banquets des Romains, vne fois seulement par repas, pour faire bonne bouche: & estoient beaucoup plus celebrées que les vins de Chios, Metellin & du promontoire d'Arnoise, que pour son excellence & suauité, à esté appelé bruuage des dieux. Mais auioir d'hy ont acquis & gagné reputation les vins de nostre Madere, & de l'isle de Palme, l'vne des Canaries, ou croist vin blanc, rouge, & clairret: dont il se fait grand traffique par Espagne & autres lieux. Le plus excellent se vend sus le lieu de neuf à dix ducats la pipe: duquel païs estant transporté ailleurs, est merueilleusement ardent, & plus tost venin aux hommes que nourrissement, s'il n'est pris avec grãde discretion. Platon a estimé le vin estre nourrissement tresbon, & bien familier au corps humain, excitant l'esprit à vertu & choses honestes, pourueu que lon en vse moderement. Pline aussi dit le vin estre souveraine medecine Ce que les Perſes congnoiſſans fort bien estimerent les grandes entreprises, apres le vin moderemēt pris, estre plus valables, que celles que lo faisoit à ieun: cest a ſçauoir estant pris en ſuffiſante quantité, ſelon la complexion des perſonnes. Nous auons dit, qu'il n'y a que la quantité es alimens qui nuise. Dōcques ce vin est meilleur à mon iugement la ſeconde ou troiſieſme année,

que

Maluai-  
ſie de Cā  
die.

Vin de  
l'isle de  
Palme

Vtilité  
du vin  
pris mo-  
deremēt.



## LES SINGVLARITEZ

que la premiere, qu'il retient ceste ardeur du Soleil, laquelle se cōsume avec le temps, et ne demeure que la chaleur naturelle du Vin: comme nous pourrions dire de noz Vins de ceste année 1556: ou bien apres estre transportez d'un lieu en autre, car par ce moyen ceste chaleur ardēte se dissipe. Je diray encore qu'en ces isles de Madere luxurient si abondamment les herbes et arbres, & les fruits à semblable, qu'ils sont contraincts en couper & brusler vne partie, au lieu desquels ils plantent des cānes à sucre, qui y profitent fort bien, apportans leur sucre en six mois. Et celles qu'ils auront plantées en Ianuier, taillent au mois de Iuin: & ainsi en proportion de mois en autre, selon qu'elles sont plantées: qui empesche que l'ardeur du Soleil ne les incommode. Voila sommairement ce que nous auons peu observer, quant aux singularitez des isles de Madere.

### Du promontoire Verd & de ses isles.

#### CHAP. X.

Promō-  
toire est  
ce que  
nous ap-  
pellons,  
Cap.



ES Anciens ont appellé promōtoire vne eminence de terre entrāt loing en la mer, de laquelle l'on void de loing: ce qu'au ioud'huy les modernes appellēt Cap, comme vne chose eminente par sus les autres, ainsi que la teste par dessus le reste du corps, aussi quelques vns ont voulu escrire Promontorium à prominendo, ce qui me semble le meilleur. Ce cap ou promōtoire, dont nous voulons parler, est situé sur la coste d'Afrique, entre la Barbarie et la Guynée, au royaume de Senega distant de l'equinoctial de 15. degrez, anciennement appel-

appellé Ialont par les gens du païs, et depuis cap Verd  
 par ceux qui ont la nauigi, & fait la decouuerte: &  
 pour la multitude d'arbres & arbrisseaux, qui y  
 verdoyent la plus grand partie de l'année: tout ainsi  
 que lon appelle le promontoire ou cap Blanc, pource  
 qu'il est plein de sablons blancs comme neige, sans ap-  
 arence aucune d'herbes ou arbres; distant des isles  
 Canaries de 70. lieues, & la se trouue vn goufre de  
 mer, appellé par les gens du païs Dargin, du nom d'une  
 petite isle prochaine de terre ferme, ou cap de Palme,  
 pour l'abondance des palmiers. Ptolemée a nommé ce  
 cap Verd, le promontoire d'Ethiopie, dont il a eu cog-  
 noissance sans passer outre. Ce que de ma part j'estime-  
 roye estre bien dit, car ce païs contient vne grande e-  
 tendue: de maniere que plusieurs ont voulu dire, que  
 l'Ethiopie est diuisée en l'Asie & en l'Afrique. En-  
 quelquel Gemma Phrise dit que les monts Ethiopi-  
 ques occupants la plus grande partie de l'Afrique, vont  
 jusques aux riués de l'Ocean occidental, vers Midy,  
 jusques au fleuue Nigritis. Ce cap est fort beau &  
 grand, entrant bien auant dedans la mer, situé sus deux  
 belles montagnes. Tout ce païs est habité de gens assez  
 sauvages, non autant toutesfois que des basses Indes,  
 fort noirs come ceux de la Barbarie. Et faut noter, que  
 depuis Gibraltar, jusques au païs du Prestre-lan, & Ca-  
 icut, contenant plus de trois mille lieues, le peuple est  
 tout noir. Et mesmes j'ay veu dans Hierusalem, trois  
 Euesques de la part de ce Prestre-lan, qui estoient ve-  
 nus visiter le saint sepulchre, beaucoup plus noirs, q̃  
 ceux de la Barbarie, & non sans occasion: car ce n'est  
 à dire que ceux generalement de toute l'Afrique, soy-

Ialont,  
 mainte-  
 nant cap  
 Verd, &  
 pour-  
 quoy ain-  
 si dit.

D'argin  
 Goufre.  
 Promon-  
 toire d'E-  
 thiopie.

Estendue  
 grande de  
 l'Ethio-  
 pie.



## LES SINGVLARITEZ

Mores  
blancs.

Religion  
& meurs  
des habi-  
tans du  
capverd.

ent également noirs, ou de semblables meurs & condi-  
tions les vns comme les autres: attendu la variété des  
regions, qui sont plus chaudes les vnes que les autres.  
Ceux de l'Arabie & d'Egypte sont moyës entre bläc  
& noir: les autres bruns ou grisästres, que lon appelle  
Mores bläcs: les autres parfaictemēt noirs comme ad-  
uſtes. Ils viuent la plus grand part tous nuds, comme  
les Indiens, recongnoissans vn roy, qu'ils nomment en  
leur lägue Mahouar: sinon que quelques vns tant hö-  
mes que femmes cachent leurs parties hōteuses de quel-  
ques peaux de bestes. Aucuns entre les autres portent  
chemises & robes de ville estoffe, qu'ils reçoient en  
traffiquant avec les Portugais. Le peuple est assez fami-  
lier & humain enuers les estrangers. Auant que pren-  
dre leur repas, ils se lauent le corps & les membres:  
mais ils errent grandement en vn autre endroit, car ils  
preparent tresmal & impurement leurs viädes, aussi  
mangent ils chairs & poissons pourris, & corrompus:  
car le poisson pour son humidité, la chair pour estre ten-  
dre & humide, est incontinent currompue par la ve-  
hement chaleur, ainsi que nous voyons par de ça en  
esté: ven aussi que humidité est matiere de putrefacti-  
on, & la chaleur est comme cause efficiente. Leurs mai-  
sons & hebergemens sont de mesmes, tous rōds en ma-  
niere de colombier, couuerts de jōc marin, duquel aus-  
si ils vsent en lieu de lict, pour se reposer & dormir.  
Quant à la religion, ils tiennent diuersité d'opinions  
assez estranges & contraires à la vraye religion. Les  
vns adorent les idoles, les autres Mahomet, principale-  
ment au royaume de Gambré, estimans les vns, qu'il  
y à vn Dieu auteur de toutes choses, & autres opiniōs

non

non beaucoup dissemblables à celles des Turcs. Il y a aucuns entre eux, qui vivent plus austeremēt que les autres, portans à leur col vn petit vaisseau fermé de tous costez, & collé de gomme en forme de petit coffret ou estuy, plein de certains caractères propres à faire inuocations dont coustumierement ils vsent par certains iours sans l'oster, ayans opinion que cependant ne sont en danger d'aucun inconuenient. Pour mariage ils s'assemblent les vns avec les autres par quelques promesses, sans autre ceremonie. Ceste nation se maintient assez ioyeuse, amoureuse des danses, qu'ils exercent au soir à la Lune, à laquelle ils tornent tousiours le visage en dansant, par quelque maniere de reuerence & adoration. Ce que m'a pour vray assésuré vn miē amy, qui le sçait pour y auoir demeuré quelque temps. Par de là sont les Barbazins & Serrets, avec lesquels font guerre perpetuelle ceux dont nous auōs parlé, combiē qu'ils soyēt semblables, hors-mis que les Barbazins sont plus sauvages, cruels & belliqueux. Les Serrets sont vagabonds, & comme desesperez, tout ainsi que les Arabes par les deserts, pillans ce qu'ils peussēt, sans loy, sans roy, sinon qu'ils portent quelque honneur à celuy d'entre eux qui a fait quelq. prouesse ou vaillance en guerre: & alleguent pour raison, que s'ils estoient soumis à l'obeissance d'un Roy, qu'il pourroit prendre leurs enfans, & en vser comme d'esclaues, ainsi que le Roy de de Senega. Ils combattent sus l'eau le plus souuent avec petites barques, faites d'escorche de boys, de quatre brassées de long, qu'ils nommēt en leur langue Alma dies. Leurs armes sont arcs & flesches fort aiguës, & enuenimées, tellement qu'il n'est possible de se sauuer,

Barbazins: & Serrets peuples d'Afrique.

Alma dies.

D qui



## LES SINGULARITEZ


qui en a esté frappé. Davantage ils vsent de bastons de cannes, garnis par le bout de quelques dents de beste ou poisson, au lieu de fer, desquels ils se scauēt fort bien aider. Quand ils prennent leurs ennemys en guerre, ils les reseruent à vendre aux estrangers, pour auoir autre marchandise (car il n'y a vsage d'aucune monnoye) sans les tuer & manger: comme font les Cānibales, & ceux du Brésil. Je ne veux omettre que ioignant ceste contrée, y a vn tresbeau fleuve, nommé Nigritis, & depuis

Nigritis  
fl. main-  
tenāt Sc-  
nega.

Senega, qui est de mesme nature que le Nil, dōt il procede, ainsi que veule plusieurs, lequel passe par la haute Libye, & le royaume d'Orguene, trauersant par le milieu de ce païs & l'arrosant, comme le Nil fait l'Egypte: & pour ceste raison a esté appellé Senega. Les Espagnols ont voulu plusieurs fois par surs ce fleuve entrer dedans le païs, & le subinguer: & de fait quelquesfois y ont entré bien quatre vingts lieues: mais ne pouuans aucunemēt adoucir les gens du païs, estranges & barbares, pour euitier plus grands inconueniens se sont retirez. La traffique de ces sauages est en esclaves, en bœufs, & cheures, principalement des cuirs, et en ont en telle abondance, que pour cent liures de fer vous aurez vne paire de bœufs, & des meilleurs. Les Portugais se vantēt auoir esté les premiers, qui ont mené en ce cap Verd, cheures, vaches, & toreaux, qui depuis auroient ainsi multiplié. Aussi y auoir porté plantes & semences diuerses, cōme de ris, citrons, orenge.

Isles pres  
du cap  
Verd, nō  
habitées.

Quant au mil, il est natif du païs, & en bonne quantité. Aupres du promontoire Verd y a trois petites isles prochaines de terre ferme, autres que celles, que nous appellōs Isles de cap Verd, dont nous parlerons cy apres, assez



assez belles, pour les beaux arbres, qu'elles produisent :  
 toutesfois elles ne sont habitées . Ceux qui sont là pro-  
 chains y vont souvent pescher, dont ils rapportent du  
 poisson en telle abondance , qu'ils en font de la farine Arbre  
 & en vsent au lieu de pain, apres estre seiché, & m. estrange.  
 en poudre. En l'une de ces isles se trouve vn arbre, le-  
 quel porte fueilles semblables à celles de nos figuiers,  
 le fruit est log de deux pieds ou enuiron, et gros en pro-  
 portion, approchant des grosses & longues courcourdes de  
 l'isle de Cypre. Aucuns mangent de ces fruits, comme  
 nous faisons de sucrons et melos : et au dedans de ce fruit  
 est vne graine faite à la semblance d'un rongnon, de lie-  
 ure, de la grosseur d'une febue. Quelqs vns en nourris-  
 sent les singes, les autres en font colliers pour mettre au  
 col : car cela est fort beau quand il est sec & assaisonné.



# LES SINGULARITEZ

## Du vin de palmiers.

### CHAP. XI.



Mignol.

Plusieurs  
especes  
de pal-  
mes.

Tant escript le plus sommairement qu'il à esté possible, ce que meritoit estre escript du promontoire Verd, cy dessus déclaré, j'ay bien voulu particulièrement traiter, puis qu'il venoit à propos, des Palmiers, & du vin & bruvage que les sauvages noirs ont appris d'en faire, lequel en leur langue ils appellent, Mignol. Nous voyons combien Dieu pere & createur de toutes choses nous dône de moyens pour le soulagement de nostre vie, tellement que si l'un defect, il en remet un autre, dont il ne laisse indigence quelconque à la vie humaine, si de nous mesmes nous ne nous delaissons par nostre vice & negligence: mais il dône diuers moyes, selon qu'il luy plaist, sans autre raison. Doncques si en ce pais la vigne n'est familiere comme autrepars, & parauenture pour n'y auoir esté plantée & diligemment cultivée: il n'y a vin en usage, non plus qu'en plusieurs autres lieux de nostre Europe, ils ont avec prouidence diuine recouuert par art & quelque diligence cela, que autrement leur estoit denié. Or ce palme est un arbre merueilleusement beau, & bien accompli, soit en grandeur, en perpetuelle verdure, ou autrement, dont il y en a plusieurs especes, & qui prouiennent en diuers lieux. En l'Europe, comme en Italie, les palmes croissent abondamment, principalement en Sicile, mais steriles. En quelque frontiere d'Espagne, elles portent fruit aspre & malplaisant à manger. En Afrique, il est fort doux, en Egypte semblablement, en Cypre & en

en Crete, en l'Arabie pareillement. En Iudee, tout ainsi qu'il y en a à abondance, aussi est-cela plus grande noblesse & excellence, principalement en Iericho. Le vin que lon en fait, est excellent, mais qui offense le cerueau. Il y a de cest arbre le masle & la femelle: le masle porte sa fleur à la branche, la femelle germe sans fleur, Et est chose merueilleuse & digne de contemplation ce que Pline & plusieurs autres en recitent: Que aux forestz des palmiers prouenus du naturel de la terre, si on coupe les masles, les femelles deuiennent steriles sans plus porter de fruit: comme femmes vesues pour l'absence de leurs maris. Cest arbre demande le pais chaud, terre sablonneuse, vitreuse, & comme salée, autrement on luy sale la racine auant que la planter. Quant au fruit il porte chair par dehors, qui croist la premiere, & au dedans vn noyau de bois, c'est à dire la graine ou semence de l'arbre: comme nous voyons es pommes de ce pais. Et qu'ainsi soit lon en trouue de petites sans noyau en vne mesme branche q̃ les autres. Dauantage, cest arbre apres estre mort, reprend naissance de soy mesme: qui semble auoir donné le nom à cest oyseau, que lon appelle Phenix, qui en Grec signifie Palme, pource qu'il prend aussi naissance de soy sans autre moyen. Encores plus cest arbre tant celebré a donné lieu & argument au proverbe, que lon dit, Remporter la palme, c'est à dire le triomphe & victoire: ou pource que le tēps passé on vsoit de palme pour couronne en toutes victoires, comme tousiours verdoyante: combien que chacun ieu, ou exercice auoit son arbre ou herbe particulierement, comme le laurier, le myrthe, l'hierre, & l'oluiuer: ou pource que cest arbre, ainsi

Pli.li.13.  
chap.4.

Phenix,  
oyseau  
pour-  
quoy ain-  
si appelé  
Prouer-  
be.



## LES SINGULARITES.

que veulent aucuns, ayt premierement esté consacré à Phebus, auāt que le laurier, & ayt de toute antiquité représenté le signe de victoire. Et la raison de ce recite Aule Gelle, quād il dit, que cest arbre a vne certaine propriété, qui conuient aux hommes, vertueux & magnanimes : c'est que iamais la palme ne cede, ou plie sous le fais, mais au contraire tant plus elle est chargée, & plus par vne maniere de resistance, se redresse en la part opposite. Ce q̄ confirme Aristote en ses problemes, Plutarque en ses Symposiaques, Pline et Theophraste. Et semble conuenir au propos ce que dit Virgile, N'obeis iamais au mal qui t'importune, Ains vaillamment resiste à la Fortune.

Propriété de la palme. Liure 3. Chap. 6. Li. 7. Lib. 8. Lib. 16. chap. 42. Li. 5. des plantes.

Maniere de faire ce vin de palmiers.

Or est il temps deormais de retourner à nostre promontoire : auquel, tant pour la disposition de l'air treschaud (estant en la zone torride distant XV. degrez de la ligne equinoctiale) que pour la bonne nature de la terre, croist abondance de palmes, desquels ils tirent certain suc pour leur despence & boisson ordinaire. L'arbre ouuert avec quelque instrumēt, comme à mettre le poin, a vn pied ou deux de terre, il en sort vne liqueur, qu'ils reçoient en vn vaisseau de terre de la hauteur de l'ouerture, & la reseruent en autres vaisseaux pour leur vsage.

Et pour la garder de corruption, ils la salent quelque peu, comme nous faisons le verius par deça : tellement que le sel consume ceste humidité crüe estant en ceste liqueur, laquelle autrement ne se pouuant cuire ou meurir, necessairement se corromproit. Quant à la couleur & consistance, elle est semsemblable aux vins blancs de Champagne & d'Aniou : le goust fort bon,



& meilleur que les citres de Bretagne. Ceste liqueur  
 est trespropre pour refreschir & desalterer, à quoy ils <sup>Proprie-</sup>  
 sont subiets pour la cotinuelle & excessiue chaleur. Le <sup>te du vin</sup>  
 fruit de ces palmiers, sont petites dattes, aspres & ai- <sup>de pal-</sup>  
 gres, tellement qu'il n'est facile d'en manger: neant- <sup>miers.</sup>  
 moins que le jus de l'arbre ne laisse à estre fort plaisant  
 à boire: aussi en font estime entre eux, comme nous fai-  
 sons des bons vins. Les Egyptiens anciennement, avant  
 que mettre les corps morts en basme, les ayans prepa-  
 rez ainsi qu'estoit la coustume, pour mieux les garder  
 de putrefaction, les lauoyent trois ou quatre fois de ce-  
 ste liqueur, puis les oignoient de myrrhe, & cinnamo-  
 me. Ce breuuage est en vsage en plusieurs contrées de  
 l'Ethiopie, par faute de meilleur vin. Quelques Mores  
 semblablement font certaine autre boisson du fruit de  
 quelque autre arbre, mais elle est fort aspre, comme <sup>Autre</sup>  
 verius, ou citre de cormes, avant qu'elles soyent meu- <sup>forte de</sup>  
 res. Pour euiter prolixité, ie laisseray plusieurs fruits <sup>bruuage.</sup>



## LES SINGULARITES.

Et racines, dont vsent les habitans de ce païs, en aliments & medicaments, qu'ils ont appris seulement par experience, de maniere qu'ils les sçauent bien accommoder en maladie. Car tout ainsi qu'ils eurent les delices & plusieurs voluptez, lesquelles nous sont par de ça fort familiares, aussi sont ils plus robustes & dispos pour endurer les iniures externes, tant soyent elles grandes: Et au contraire nous autres, pour estre trop delicats, sommes offensez de peu de chose.

### De la riuiera de Senegua.

#### CHAP. XII.



Combien que ie ne me soys proposé en ce mien discours, ainsi que vray Geographe d'escrire les païs, villes, citez, fleunes, gouffres, montaignes, distâces, situatiōs, & autres choses appartenans a la Geographie, ne m'a semblé toutesfois estre hors de ma profession, d'escrire amplement quelques lieux les plus notables, selon qu'il venoit a propos, & comme ie les puis auoir veuz, tant pour le plaisir & contentement, qu'en ce faisant le bon & bien affectionné Lecteur pourra recevoir, que pareillement mes meilleurs amis: pour lesquels me semble ne pouuoir assez faire, en comparaison du bon vouloir & amitié qu'ils me portent: ioint que ie me suis persuadé, depuis le commencement de mon liure escrire entierement la verité de ce que j'auray peu voir & congnoistre. Or ce fleuve entre autres choses tant fameux (duquel le païs & Royaume qu'il arrouse, a esté nommé Senegua: comme nostre mer

Royau-  
me de Se-  
negua.

Me-

Mediterranée acquiert diuers noms selon la diuersité des contrées ou elle passe) est en Libye, venant au cap Verd, duquel nous auons parlé cy deuant: & depuis le quel iusques à la riuere, le païs est fort plain, sablonneux, & sterile: qui est cause que là ne se trouue tant de bestes rauissantes, qu'ailleurs. Ce fleuve est le premier, & plus celebre de la terre du costé de l'Ocean, separant la terre seiche et aride de la fertile. Son estendue est iusques à la haute libye, & plusieurs autres païs et royaumes, qu'il arrose. Il tient de largeur environ vne lieüe, qui toutefois est bien peu, au regard de quelques riuieres qui sont en l'Amerique: desquel les nous toucherons plus amplement cy apres. Auant qu'il entre en l'Ocean (ainsi que nous voyõs tous autres fleuves y tẽdre & aborder) il se deuisse, & y entre par deux bouches elongnẽes l'vne de l'autre enuiron demye lieüe, lesquelles sont asẽs profondes, tellement que lon y peut mener petites nauires. Aucuns anciens, comme Solin en son liure nommẽ Polyhistor, Iules Cesar, & autres, ont escrit ce grãd fleuve du Nil passant par toute l'Egypte, auoir mesme source & origine que Senegua, & de mesmes montagnes. Ce que n'est vray-semblable. Il est certain q la naissance du Nil est bien plus outre l'Equateur, car il vient des hautes montagnes de Bede, autrement nommẽes des anciens Geographes, mõtagnes de la Lune, lesquelles font la separation de l'Afrique vieille à la nouuelle, cõme les mõt Pyrenẽes de la Frãce d'avec l'espagne. Et sont ces montagnes situẽes en la Cyrenaique, qui est outre la ligne quinze degrẽs. La source de Senegua dõt nous parlons, procede de deux montagnes, l'vne nommẽe Mandro, et

appellẽ  
du nom  
du fleue

Opinion  
de quel-  
ques an-  
ciens sur  
l'origine  
du Nil.  
& de Se-  
negua.  
Monta-  
gnes de  
la Lune,  
avec leur  
situatiõ.  
Origine  
de Sene-  
gua.

D 5 l'autre



## LES SINGULARITEZ

Monta-  
gnes de  
Lybye.

Nul au-  
teur anci-  
en a eu  
parfaite  
cognois-  
sance, de  
toute l'A-  
frique.

*l'autre Thala, distinctes des montagnes de Bed plus de mille lieues. Et par cecy l'on peut voir combien ont erré plusieurs pour n'en avoir fait la recherche, come ont fait les modernes. Quant aux montagnes de la Lyne, elles sont situées en l'Ethiopie inferieure, & celles d'ou vient Senegua en Libye, appellée interieure: de laquelle les principales montagnes sont Vsergate, d'ou procede la riuieré de Bergade la montagne de Casa, de laquelle descend le fleuue de Darde: le mont Mandro eleué par sus les autres, comme je puis coniecturer, à cause que toutes riuieres, qui courent depuis celle de Salate, jusques à celle de Masse, distans l'une de l'autre enuiron septante lieues, prennent leur source de ceste montagne. Dauantage le mont Girgile, duquel tombe vne riuieré nommée Cympho: & de Hagapole vient Subo fleuue peuplé de bon poisson, & de crocodiles ennuyeux & dommageables à leurs voysins. Vray est que Ptolemée qui a traité de plusieurs pais & nations estranges, a dit ce que bon luy a semblé, principalement de l'Afrique & Ethiopie, et ne trouue auteur entre les anciens, qui en aye eu la cognoissance si bonne et parfaite, qui m'en puisse donner vray contentement. Quand il parle du promontoire de Prasse (ayant quinze degrez de latitude, et qui est la plus loingtaine terre, de laquelle il a eu cognoissance: comme aussi descript Glarean à la fin de la description d'Afrique) de son tēps le mode inferieur a esté descript, neantmoins ne l'a touché entierement, pour estre priué et n'auoir cōgneu vne bōne partie de la terre meridionale, qui a esté decouuerte de nostre temps. Et quant & quāt plusieurs choses ont esté adioustées aux escrits de Ptolemée q̄ l'on peut*

peut voir à la table generale, qui est proprement de luy. Parquoy le Lecteur simple, n'ayant pas beaucoup versé en la Cosmographie et cōnoissance des choses, notera q̃ tout le mode inferieur est diuisé par les anciens en trois parties inegales, à sçauoir Europe, Asie, et Afrique: desquelles ils ont escrit les vns à la verité, les autres ce q̃ bon leur a semblé, sans toutesfois rien toucher des Indes occidentales, qui sont aujour d' huy la quatriesme partie du mode, decouvertes par les modernes: come aussi a esté la plus grand part des Indes oriētales, Calicut, et autres. Quant à celles de l'Occident, la France Antarctique, Peru, Mexique, on les appelle aujour d' huy vulgairement, Le nouveau mode, voire iusques au cinquante deuxiesme degré & demy de la ligne, ou est le détroit de Magello, et plusieurs autres provinces du costé du North, et du Sud. costé du Leuāt et au bas du Tropique de Capricorne en l'Océā meridional: et à la terre Septentrionale: desquelles Arrian, Pline, et autres historiographes n'ont fait aucune mention qu'elles ayent esté decouvertes de leur tēps. Quelques vns ont bien fait mention d'aucunes isles qui furent decouvertes par les Carthaginois, mais j'estimeroyis estre les isles Hesperides ou Fortunées. Platon aussi dit en son Timée, que le tēps passé auoit en la mer Atlātique et Océā vn grād païs de terre: et q̃ là estoit semblablement vne isle appellée Atlātique plus grāde q̃ l'Afrique, ne que l'Asie ensemble, laquelle fut engloutie par trēblement de terre. Ce que plus tost j'estimeroye fable: car si la chose eut esté vraye, ou pour le moins vray semblable, autres q̃ luy en eussent escrit: attēdu q̃ la terre de laquelle les Anciens ont eu cōnoissance, se diuise en ceste maniere. Premie-

Nouue-  
au mode.

Isles He-  
sperides  
décou-  
uertes au  
tresfois  
par les  
Carthagi-  
nois.  
Isle At-  
lantique  
du temps  
de Platon.

re-



## LES SINGULARITEZ

Diversité  
 de païs, &  
 mœurs  
 des habi-  
 tans de  
 Senegua.

rement de la part de Levant, elle est prochaine à la ter-  
 re incogneue, qui est voisine de la grande Asie: &  
 aux Indes orientales du costé du Su, ils ont eu cognois-  
 sance de quelque peu, asçavoir de l'Ethiopie meridio-  
 nale, dite Agisimbra, du costé du North des isles d'-  
 Angleterre, Escosse, Irlande, et montagnes Hyperbo-  
 rées, qui sont les termes plus lointains de la terre Sep-  
 tentrionale, comme veulent aucuns. Pour retourner à  
 nostre Senegua, deçà & delà ce fleuve tout ainsi que le  
 territoire est fort divers, aussi sont les hommes qu'il  
 nourrit. Delà les hommes sont fort noirs, de grãde sta-  
 ture, le corps aligre & deliure, nonobstant le païs ver-  
 doye, plein de beaux arbres portans fruit. Deçà vous  
 verrez tout le contraire, les homes de couleur cendrées  
 & de plus petite stature. Quant au peuple de ce païs  
 de Senegua, je n'en puis dire autre chose, que de ceux  
 du cap Verd, sinon qu'ils sont encore pis. La cause est  
 que les Chrestiens n'oseroient si aysément descendre en  
 terre pour traffiquer, ou avoir rafraichement comme  
 aux autres endroits, s'ils ne veulent estre tuez ou pris  
 esclaves. Toutes choses sont viles & contemptibles en-  
 tre eux, sinon la paix qu'ils ont en quelque recommen-  
 dation les uns entre les autres. Le repos pareillement,  
 avec toutesfois quelque exercice à labourer la terre,  
 pour semer du ris: car de blé, ne de vin, il n'y en a point.  
 Quant au blé, il n'y peut venir, comme en autres païs  
 de Barbarie, ou d'Afrique, pource qu'ils ont peu sou-  
 vent de la pluie, qui est cause que les semences ne peu-  
 vent faire germe, pour l'excessive chaleur & siccité.  
 Incontinent qu'ilz voyent leur terre trempée ou au-  
 tuellement arrousée, se mettent à labourer, & apres avoir  
 semé

semé, en trois mois le fruit est meur, prest à estre moissonné. Leur boisson est de ius de palmiers et d'eau. Entre les arbres de ce país, il s'en trouue vn de la grosseur Arbre fructifere, & huille. de grande propriété. de noz arbres à glan, lequel apporte vn fruit gros comme dattes. Du noyau ils font huile, qui a de merueilleuses propriétés. La premiere est, qu'elle tiét l'eau en couleur iaune comme saffran: pourtant ils en teignent les petis vaisseaux à boire, aussi quelques chapeaux faits de paille de ionc, ou de ris. Cest huile d'auantage à odeur de violette de Mars, & saueur d'oliue: parquoy plusieurs en mettent avec leur poisson, ris, & autres viandes qu'ils mangent. Voila que j'ay bien voulu dire du fleuve, & país de Senegua: lequel confine du costé d'e Leuant à la terre de Thuenfar, & de la part de Mid'y au royaume de Cambra, du Ponent à la mer Oceane. Tirans tousiours nostre route, commençâmes à entrer quelques iours apres au país d'Ethiopie, en celle part, que lon nomme le royaume de Nubie, qu'est de bien grande estendue, avec plusieurs royaumes et provinces, dont nous parlerons cy apres.

### Des isles Hesperides autrement dittes d'le cap Verd

#### CHAP. XIII.

**A** Pres auoir laissé nostre promotoire à senestre, pour tenir chemin le plus droit qu'il nous estoit possible, faisant le surueil vn quart du Su, feimes environ vne iournée entiere: mais venans sur les dix ou vnze heures, se trouua vent contraire, qui nous ietta sus dextre, vers quelques isles, que lon appelle par noz cartes marines, isles



## LES SINGULARITEZ.

**Situatiō** isles de Cap Verd, lesquelles sont distātes des isles For-  
**des isles** tunées ou Canaries, de deux cens lieues, & du cap de  
**de cap.** soixante par mer, et cent lieues de Budomel en Afri-  
**Verd.** que suyuant la coste de la Guynée vers le pole Antar-  
**Isle S.** étique. Ces isles sont dix en nombre, dont il en y a deux  
**Iacques.** fort peuplées de Portugais, qui premieremet les ont eu-  
couvertes, et mis en leur obeissance: l'une des deux, la-  
quelle ils ont nommée saint Iacques, sur toutes est la plus  
habitée: aussi se fait grandes traffiques par les Mores,  
tant ceux qui demeurent en terre ferme, que les autres  
qui navigent aux Indes, en la Guinée, & à Manicon-  
gre, au païs d'Ethiopie. Ceste isle est distante de la li-  
gne equinoctiale de quinze degres: Une autre pareil-  
lement, nommée Saint Nicolas, habitée de mesme cō-  
me l'autre. Les autres ne sont si peuplées, cōme Flera,  
**Isle S.** Plintana, Pinturia, et Foyon: ausquelles y a bien quel-  
**Nicolas.** que nōbre de gens et d'esclaves, enuoyez par les Portu-  
**Isles Fle-** gais pour cultiver la terre, en aucuns endroits qui se trou-  
**ra, Plinta** ueroient propres: et principalement pour y faire amas  
**na, Pint-** de peaux de cheures, dont y a grande quantité, et en font  
**turia, &** fort grāde traffique. Et pour mieux faire, les Portugais  
**Foyon.** deux ou trois fois l'année passent en ces isles avec navi-  
res et munitiōs, menās chiens et filets, pour chasser aux  
cheures sauvages: desquelles apres estre escorchées re-  
seruent seulement les peaux, qu'ilz desseichēt avecques  
de la terre et du sel, en quelques vaisseaux à ce appro-  
priés, pour les garder de putrefactiō: et les emporter ain-  
si en leur païs, puis en font leurs marroquins tāt cele-  
brés par l'univers. Aussi sont tenu les habitās des isles  
pour tribut, rendre pour chacun au Roy de Portugal le  
nōbre de six mille cheures, tāt sauvages que domesti-  
ques

ques salées et seichées : lesquelles ils deliurent à ceux, qui de la part d'iceluy Seigneur font le voyage avec ses grands vaisseaux, aux Indes Orientales, comme à Calicut, & autres, passans par ces isles : & est employé ce nombre de cheures pour les nourrir pèdant le voyage, qui est de deux ans, ou plus, pour la distance des lieux, & la grande nauigation qu'il faut faire. Au sur plus l'air en ces isles est pestilentieux & malsain, tellement que les premiers Chrestiens qui ont commècé à les habiter, ont esté par long temps vexez de maladie, tant à mon iugement pour la temperature de l'air qui en tels endroits ne peut estre bone, que pour la mutation. Aussi sont là fort familiares & communes les fieures chaudes, aux Esclaues spécialement, & quelque flux de sang : qui ne peuvent estre ne l'un ne l'autre que d'humours excessiuelement chaudes & acres, pour leur continuel travail & mauuaise nourriture, ioint que la temperature chaude de l'air y consent, et l'eau qu'ils ont prochaine : parquoy reçoient l'exces de ces deux elemens.

Des tortues, & d'une herbe qu'ils appellent Orseille.

CHAP. XIII.

**D**uis qu'en nostre nauigation auons delibéré escrire quelques singularitez obseruées es lieux et places ou auons esté : il ne sera hors de propos de parler des tortues, q nous isles dessus nommées nourrissent en grande quantité, aussi bien que des cheures. Or il s'en trouue quatre especes, terrestres, marines, la troisieme viuant en eau douce, la quatriesme aux marests : lesquelles je n'ay delibéré

Quatre  
especes  
de tortues.



## LES SINGULARITEZ.

libéré de deduire par menu, pour eviter prolixité, mais seulement celles qui se voyent aux rivages de la mer, qui environne noz isles.

Tortue  
marine.

Ceste espece de tortues saillent de la mer sus le rivage au temps de son part, fait de ses ongles vne fosse dedans les sablons, ou ayant fait ses œufs (car elle est du nombre des ouiperes, dont parle Aristote) les couvre si bien, qu'il est impossible de les voir ne trouver, jusques à ce que le flot de la mer venant les decouvre: puis par la chaleur du Soleil, qui là est fort vehemente, le part s'engendre & éclost, ainsi que la poule de son œuf, lequel consiste en grand nombre de tortues, de la grandeur de crabes (qui est vne espece de poisson) que le flot retournant emmeine en la mer. Entre ces tortues, il s'en trouue quelques vnes de si merueilleuse grandeur, mesmes en ces endroits dont je parle, que quatre hommes n'en peuvent arrester vne: comme certainement j'ay veu, & entendu par gens dignes de foy. Pl.  
Li. 9.  
Chap 10. ne recite, qu'en la mer Indique sont de si grandes tortues, que l'escaille est capable & suffisante à couvrir vne maison mediocre: et qu'aux isles de la mer Rouge, ils en peuvent faire vaisseaux navigables. Ledit auteur dit aussi en avoir de semblables au destroit de Carmanie en la mer Persique. Il y a plusieurs manieres de les prendre.

Maniere  
de prédre  
les tortu-  
es mari-  
nes. Quelques fois ce grand animal, pour appetit de nager plus doucement, & plus librement respirer, cherche la partie superficielle de la mer vn peu deuant mi-  
dy, quand l'air est serain: ou ayant le dos tout decouvert, & hors de l'eau, incontinent leur escaille est si bien desseichée par le Soleil, qu'elles ne pouuans descen-  
dre

dre au fond de la mer, elles flottent par dessus bon gré mal gré & sont ainsi prises.

On dit autrement, que de nuyt elles sortent de la mer, cherchant à repaistre, & apres estre saoulées & laissées s'endorment sur l'eau pres du riuage, ou l'on les prend aisement, pour les entendre ronfler en dormant: outre plusieurs autres manieres qui seroyent longues à reciter. Quant à leur couuerture & escaille je vous laisse à penser de quelle espaisseur elle peut estre, proportionnée à sa grandeur. Aussi sur la coste du destroit de Magellan, & de la riuere de Plate, les Sauvages en font rondelles, qui leur seruent de boucliers Barcelonnois, pour en guerre recevoir les coups de flesches de leurs ennemis. Semblablement les Amazones sur la coste de la mer Pacifique, en font rampars, quand elles se voyent assaillies en leurs logettes, & cabannes. Et de ma part j'oseray dire & soutenir auoir veu telle coquille de tortuë, que la harquebuse ne pourroit aucunement trauerser. Il ne faut demander combien nos insulaires du cap Verd en prennent, et en mangent communement la chair, comme icy nous ferions du beuf ou mouton. Aussi est elle semblable à la chair de veau, et presque de mesme goust. Les Sauvages des Indes Ameriques n'en veulent aucunement manger, persuadez de ceste folle opinion, qu'elle les rendroit pesans, comme aussi elle est pesante, qui leur causeroit empêchement en guerre: pource qu'estans appesantis, ne pourroyent legerement poursuyure leurs ennemis, ou bien eschapper et euader leurs mains. Je reciteray pour la fin l'histoire d'un gentil-homme Portugais lepreux, lequel pour le grand ennuy qu'il receuoit de son mal, cher-

Espeuteur  
de ces es-  
cailles de  
tortues  
marines,  
& cōme  
ils s'en  
seruent.

Rondel-  
les de scai-  
les de tor-  
tuë.

Histoire  
d'un gé-  
til-hōme

E chant



## LES SINGULARITEZ

Portuga-  
lois.

chant tous les moyens de s'absenter de son païs, comme en extreme desespoir, apres auoir entendu la conqueste de ces belles isles par ceux de son païs, delibera pour recreation s'y en aler. Doncques il se dressa au meilleur equipage, qu'il luy fut possible, c'est asçauoir de nauires, gens, & munitions, bestial en vie, principalement cheures, dont ils ont quantité: & finalement aborda en l'vne de ces isles: ou pour le dégoust que luy causoit la maladie, ou pour estre rassasié de chair, de laquelle coustumierement il vsoit en son païs, luy vint appetit de manger œufs de tortues, dont il fist ordinaire l'espace de deux ans, et de maniere qu'il fut gueri de sa lépre.

Portu-  
gais gue-  
ri de le-  
pre.

Or je demanderoys Volontiers, si sa guerison doit estre donnée à la temperature de l'air, lequel il auoit changé, ou la viande. Je croiroys à la verité, que l'vn & l'autre ensemble en partie, en pourroyent estre cause. Quant à la tortuë, Plin en parlant tant pour alimēt que pour medicament ne fait aucune mention qu'elle soit propre contre la lepre: toutesfois il dit qu'elle est vray antidote contre plusieurs venins, spécialement de la Salemandre, par vne antipathie, qui est entre elles deux, & mortelle inimitié.

Anthipa-  
thie de la  
tortuë a-  
uec la Sa-  
lemãdre.

Que si cest animant auoit quelque propriété occulte & particuliere contre ce mal, je m'en rapporte aux philosophes medecins. Et ainsi l'experience a donné à congnoistre la propriété de plusieurs medicaments, de laquelle l'on ne peut dōner certaine raison. Parquoy je conseilleroys Volontiers d'en faire experience en celles de ce païs, & des terrestres, si lon n'en peut recouurer de marines: qui seroit à mon iugement beaucoup meilleur & plus seur, que les viperes tant recommandées

en

en ceste affection, & dont est composé le grand Theriaque: attèdu qu'il n'est pas seur vser de vipers pour le venin qu'elles portent, quelque chose que l'on en die: laquelle chose est aussi premierment venue d'une seule experience.

Ion dit que plusieurs y sont allez à l'exemple de cestuy cy, & leur a bien succédé. Voila quant aux tortues. Et quant aux cheures que mena nostre Gentilhomme, elles ont là si bien multiplié, que pour le present il y en a un nombre infini: & tiennent aucuns, que leur origine vient de là, & que parauant n'y en auoit esté ven. Reste à parler d'une herbe, qu'ils nomment en leur langue Orseille.

Ceste herbe est comme une espee de mouffe, qui <sup>Orseille,</sup> <sup>herbe.</sup> croist à la sommité des hauts & inaccessibles rochers, sans aucune terre, & y en a grande abondance. Pour la cuillir ils attachent quelques cordes au sommet de ces montagnes & rochers, puis montent à mont par le bout d'embas de la corde, & grattans le rocher avec certains instruments la font tomber, comme voyez faire un ramonneur de cheminée: laquelle ils reseruent & descendent en bas par une corde avec corbeilles, ou autres vaisseaux. L'emolument et usage de ceste herbe est qu'ils l'appliquent à faire teintures, comme nous au-

uons dit par cy deuant  
en quelque pas-  
sage.

Au cha-  
s.



# LES SINGULARITEZ

## De l'isle de Feu.

### CHAP. XV.

Isle de  
Feu, &  
pour-  
quoy ain-  
si nom-  
mée.



Ntre autres singularites, je n'ay voulu o-  
mettre l'isle de Feu, ainsi appellée, pour-  
tant que continuellement elle iette vne  
flambe de feu, telle, que si les anciens en  
eussent eu aucune cognoissance, ils l'eussent mise entre  
les autres choses, quils ont escrit par quelque miracle  
& singularité, aussi bien que la montagne de Vesuve,  
& la montagne d'Etna, desquelles pour vray en reci-  
tent merueilles. Quant à Etna en Sicile, elle a ietté le  
feu quelques fois avec vn bruit merueilleux, comme au  
temps de M. AEmile & T. Flamin, comme escrit O-  
rose. Ce que conferment plusieurs autres Historiogra-  
phes, comme Strabon, qui afferme l'auoir veüe, & di-  
ligemment considerée. Qui me fait croire, qu'il en soit  
quelque chose, mesme pour le regard des personnages,  
qui en ont parlé: aussi elles ne sont si elongnées de nous,  
qu'il ne soit bien possible de faire épreuue avecques  
l'œil, tesmoing le plus fidele, de ce qu'en trouués aux hi-  
stoires. Je sçay bien que quelcun d'entre noz moder-  
nes escriuains, a voulu dire q' l'vne des Canaries iette  
perpetuellemēt du feu, mais qu'il se garde biē de pren-  
dre celle dont nous parlons, pour l'autre. Aristote au  
liure des merueilles parle d'vne isle découuerte par les  
Carthaginois, non habitée, laquelle iettoit comme flam-  
beaux de feu, venāt de matieres sulfureuses, outre plu-  
sieurs autres choses admirables. Toutesfois ie ne sçau-  
roys iuger qu'il ayt entendu de la nostre, encores moins  
du

du mont Etna, car il estoit cogneu deuant le regne des Carthaginois. Quant à la montagne de Pussole, elle est située en terre ferme: & si aucun vouloit dire autrement, ie m'en rapporte: de ma part ie n'ay trouué, que jamais ayt esté congneue, que depuis mil cinq cens trente, en ceste part de Ponent, avec autres tant loingtaines, que prochaines, et terre continente. Il y a bien vne autre montagne en Hirlande, nommée Hecla, laquelle par certains teps iette pierres sulfureuses, tellement que la terre demeure inutile cinq ou six lieues à l'entour pour les cendres de soulfre dont elle est couuerte. Ceste isle dont nous parlons, cõtient enuiro sept lieues de circuit: nommée à bonne raison Isle de feu, car la montagne

Monta-  
gne de  
Pussole,



ayant de circuit six cens septãte neuf pas, et de hauteur mil cinquante cinq brassées ou enuiron, iette continuellement par le sommet vne flãbe, que l'on voit de trente ou quarante lieues sur la mer, beaucoup plus clèrement la nyxt que le iour, pource qu'en bonne philoso-



## LES SINGULARITEZ

phie la plus grande lumiere aneantist la moindre. Ce que donne quelque terreur aux nauigans, qui ne l'ont congneüe au parauant. Ceste flambe est accompagné de je ne sçay quelle mauuaise odeur resenant aucunement le soulfre, qu'est argument qu'au ventre de ceste mōtagne y a quelque mine de soulfre. Parquoy l'on ne doit trouver telles manieres de feu estranges, attendu que ce sont choses naturelles, ainsi que tesmoignent les philosophes: cest que ces lieux sont pleins de soulfre & autres mineraux fort chauds, desquels se resoult vne vapeur chaude et seiche semblable à feu. Ce qui ne se peut faire sans air. Pourquoy nous apparoiſſent hors la terre par le premier souſpirail trouuë, & quand elles sont agitées de l'air. Auſſi de là ſortēt les eaux naturellement chaudes, ſeiches, quelquesfois adſtrinēgtes, cōme les fontaines et beins en Allemagne & Italie. Dauan- tage en Eſclauonie pres Apollonia ſe trouue vne fon- teine ſortant d'un roc, ou l'on voit ſourdre vne flam- me de feu, dont toutes les eaux prochaines ſont comme bouillantes. Ce lieu donc eſt habitē de Portugais, ainſi que pluſieurs autres par delà. Et toūt ainſi que l'ar- deur de ceste montagne n'empesche la fertilité de la terre, qui produit pluſieurs eſpeces de bons fruits, ou eſt vne grande temperature de l'air, viues ſources & belles fontaines: auſſi: la mer qui l'environne, n'eſteint ceste vehemente chaleur, comme recite Plinē de la Chimere touſſours ardente, qui s'e- ſteint par terre ou ſoiniettez deſſus, & eſt allu- mēe par eau.

Li. 2.  
cha. 106.

## De l'Ethiopie.

## CHAP. XVI.



Ombien que plusieurs Cosmographes ont  
suffisamment décrit le país d'Ethiopie,  
mesme entre les modernes, ceux qui ont re-  
centemēt fait plusieurs belles navigatiōs

par ceste coste d'Afrique, en plusieurs & loingtaines  
contrées: toutesfois cela n'empeschera, que selon la por-  
tée de mon petit esprit, je n'escriue aucunes singulari-  
tez obseruées en nauigeant par ceste mesme coste en la  
grande Amerique. Or l'Ethiopie est de telle estendue,  
qu'elle porte & en Asie, & en Afrique, & pource  
lon la deuise en deux. Celle qui est en Afrique, au-  
iourd'huy est appelée Inde terminée au Levant de la  
mer Rouge, & au S'eptentrion de l'Egypte & Afri-  
que, vers le Midy du fleuve Nigritis, que nous auons  
dit estre appelé Senegua: au Ponent elle a l'Afrique  
interieure, qui va iusques aux riuages de l'Ocean. Et  
ainsi a esté appelée du nom d'Ethiops fils de Vulcain,  
laquelle a eu au parauant plusieurs autres noms: vers  
l'Occident montagneuse, peu habitée au Levant, et a-  
reneuse au millieu, mesme tirant à la mer Atlātique.

Estendue  
de l'Ehi-  
pie.

Senegua  
anciē-  
nement  
Nigritia

Les autres la descriuent ainsi: Il y a deux Ethiopies, Descri-  
l'une est soubs l'Egypte, region ample & riche, & en ption de  
icelle est Meroë, isle tresgrande entre celles du Nil: et l'Ethio-  
d'icelle tirant vers l'Oriet regne le Preste-lā. L'autre pie.  
n'est encores tant congneuë ne decouverte, tant elle est Meroë  
grāde, sinō aupres des riuages. Les autres la diuisent au ifte.  
tremēt, c'est asçauoir l'une part estre en Asie, et l'au-  
tre en Afriq, q'on appelle auourd'huy les Indes de Le



## LES SINGULARITEZ

uant, environnée de la mer Rouge en Barbarie, vers Septentrion au païs de Libye et Egypte. Ceste contrée est fort motagneuse, dont les principales motagnes sont celles de Bed, Ione, Bardite, Mescha, Lipha. Quelques uns ont escrit les premiers Ethiopiens et Egyptiens auoir esté entre tous les plus rudes et ignorans, menans vne vie fort agreste, tout ainsi q̃ bestes brutes: sans logis aresté, ains se reposans ou la nuyt les prenoit, pis q̃ ne font aujourd' huy les Masouites. Depuis l'Equinoctial vers l'Antarctique, y a vne grand cōtrée d'Ethiopes, qui nourrit de grands Elephans, Tigres, Rhinocérons. Elle a vne autre region portant cinnamome, entre les bras du Nil. Le Royaume d'Ettabech deçà & de là le Nil, est habité des Chrestiens. Les autres sont appellez Ichthyophages, ne viuans seulement que de poisson, rendus autresfois sous l'obeissance du grand Alexandre. Les Anthropophages sont aupres des mōts de la Lune: & le reste tirant de là iusques au Capricorne, & retournant vers le cap De bonne esperance est habité de plusieurs diuers peuples, ayans diuerses formes et monstreuſes. On les estime toutesfois auoir esté les premiers néz au monde, aussi les premiers qui ont inuenté la religion & ceremonies: & pource n'estre estrangers en leurs païs, ne venans d'ailleurs, n'auoir aussi oncques enduré le ioug de seruitude, ains auoir tousiours vescu en liberté. C'est chose merueilleuse de l'honneur et amitié qu'ils portent à leur Roy. Que s'il auient que le Roy soit mutilé en aucune partie de son corps, ses subiets specialement domestiques, se mutilent en ceste mesme partie, estimans estre chose impertinente de demeurer leur Roy saints & entiers, et le Roy estre offensé. La plus grand  
part

Royaume d'Ettabech.  
Ichthyophages.

Amytié des Anthropophages enuers leur Roy

part de ce peuple est tout nud pour l'ardeur excessive du soleil : aucuns couvrent leurs parties honteuses de quelques peaux : les autres la moitié du corps, & les autres le corps entier. Meroë est capitale ville d'Ethiopie, laquelle estoit anciennement appellée Saba, & de puis par Cambyse, Meroë. Il y a diuersité de religion.

Meroë  
ville ca-  
pitale  
d'Ethio-  
pie, anci-  
ennement  
Saba.

Aucuns sont idolatres, comme nous dirons cy apres : les autres adorent le soleil levant, mais ils dépitent l'Occident. Ce païs abonde en miracles, il nourrit vers l'Inde de tresgrands animaux, comme grands chiens, elephās rhinocérons d'admirable grandeur, dragons, basiliscs, & autres : d'auantage des arbres si hauts, qu'il n'y a fiesche, ne arc, qui en puisse atteindre la sommité, & plusieurs autres choses admirables, comme aussi Plin recite au liure dixseptiesme, chapitre second de son histoire naturelle. Ils vsent coustumierement de mil & orge, desquels aussi ils font quelque bruuage : & ont peu d'autres fruits & arbres, horsmis quelques grands palmes. Ils ont quantité de pierres precieuses en aucun lieu plus qu'en l'autre. Il ne sera encores, ce me semble, hors de propos de dire ce peuple estre noir selon que la chaleur y est plus ou moins vehemente, & que icelle couleur prouient d'adustion superficielle causée de la chaleur du soleil, qui est cause aussi qu'ils sont fort timides. La chaleur de l'air ainsi violente tire dehors la chaleur naturelle du cueur & autres parties internes : pourquoy ils demeurent froids au dedans, de stituez de la chaleur naturelle & bruslez par dehors seulement : ainsi que nous voyons en autres choses adustes & bruslées. L'action de chaleur en quelque obiect que ce soit, n'est autre chose que resolution &

Pour  
quoy les  
Ethiopi-  
ens &  
autres  
sont de  
couleur  
noire.



## LES SINGULARITEZ

diffipation des elemens, quād elle perseuere, & est violente: de maniere, que les elemens plus subtils consument, ne reste que la partie terrestre retenant couleur & consistance de terre, comme nous voyons la cendre & bois bruslé. Donques à la peau de ce peuple ainsi bruslé ne reste que la partie terrestre de l'humour, les autres estans dissipées, qui leur cause ceste couleur. Ils sont, comme j'ay dit, timides, pour la frigidité interne car hardiesse ne prouient que d'une vehemente chaleur du cuer: qui fait que les Gaulois, & autres peuples approchans de Septentrion, au contraire froids par dehors pour l'intemperature de l'air, sont chauds merveilleusement au dedans, & pourtant estre hardis, courageux, & pleins d'audace.

Indiens  
& Ethio-  
pes vsent  
de ma-  
gie.

Pourquoy ces Noirs ont le poil cresse, dents blanches, grosses leures, les iambes obliques, les femmes incontinentes, & plusieurs autres vices, qui seroit trop long à disputer, parquoy ie laisseray cela aux Philosophes, craignant aussi d'outrepasser nos limites. Venons donc à nostre propos. Ces Ethiopes & Indiens vsent de magie, pource qu'ils ont plusieurs herbes & autres choses propres à tel exercice. Et est certain qu'il y a quelque sympathie es choses & antipathie occulte, qui ne se peut cognoistre que par longue experience. Et pource que nous costoyames une contrée assez auant dans ce país nommé Guinée, j'en ay bien voulu escrire particulièrement.

De



Pres s'estre refreschis au cap Verd, fut que-  
stion de passer outre, ayans vent de Nor-  
dest merueilleusement favorable pour nous  
conduire droit sous la ligne Equinoctiale

laquelle deuiens passer : mais estans paruenus à la  
hauteur de la Guinée, située en Ethiopie, le vent se trou-  
ua tout contraire, pource qu'en ceste region les vents  
sont fort inconstans, accompagnez le plus souuent de  
pluies, orages, & tonnerres, tellement que la naviga-  
tion de ce costé est dangereuse. Or le quatorziesme de  
Septembre arrivâmes en ce pais de Guinée, sus le ri-  
uage de l'Ocean, mais assés auant en terre, habitée d'un  
peuple fort estrange, pour leur idolatrie & supersti-  
tion tenebreuse & ignorante. Avant que ceste con-  
trée fust découverte, & le peuple y habitant connu,  
on estimoit qu'ils auoyent mesme religion & façon de  
viure, que les habitans de la haute Ethiopie, ou de Se-  
negua : mais il s'est trouué tout l'opposite. Car tous  
ceux qui habitent depuis iceluy Senegua, iusques au  
cap De bonne esperance sont tous idolatres, sans con-  
gnoissance de Dieu, ne de sa loy. Et tant est auenglé ce  
pauvre peuple, que la premiere chose qui se rencontre  
au matin, soit oyseau, serpent, ou autre animal dome-  
stique ou sauvage, ils le prennent pour tout le iour, le  
portans avec soy à leurs negoces, comme un Dieu pro-  
tecteur de leur entreprise : comme s'ils vont en pesche-  
rie avec leurs petites barquettes d'écorce de quelque  
boys, le mettront à l'un des bouts bien enuélé de quel-

Guinée,  
partie de  
la basse  
Ethiopie

Habitans  
de la Gui-  
née iuf-  
ques au  
cap De  
bonne  
esperan-  
ce tous  
idolâtres





quelques feuilles , ayans opinion que pour tout le  
iour leur amenera bonne rencontre, soit en eau ou terre,  
& les preservera de tout infortune. Ils croient pour le  
moins en Dieu, allegans estre là sus immortel, mais in-  
congneu, pource qu'ils ne se donne à cognoistre à eux  
sensiblement. Laquelle erreur n'est en rien differente  
à celle des Gētils du temps passé, qui adoroyent diuers  
Dieux, sous images & simulachres. Chose digne d'e-  
stre recitée de ces pauvres Barbares lesquels ayment  
mieux adorer choses corruptibles, qu'estre reputez  
estre sans Dieu. Diodore Sicilien recite que les Ethio-  
pes, ont eu les premiers cognoissance des dieux immor-  
tels, ausquels commenceret à vouër & sacrifier hosties  
Ce que le poëte Homere voulant signifier en son Iliade,  
introduit Iupiter avec quelques autres Dieux, avoir  
passé en Ethiopie, tant pour les sacrifices qui se fai-  
soient à leur honneur, que pour l'amenité & douceur  
du

du païs. Vous auez semblable chose de Castor & Pollux : lesquels sus la mer allās avec l'exercite des Grecs contre Troye, s'euanoüyrent en l'air, & oncques plus ne furent veuz. Qui donna opinion aux autres de penser, qu'ils auoient esté ravis, & mis entre les deitez marines. Aussi plusieurs les appellent cleres estoilles de la mer. Ledit peuple n'a temples ne Eglises, ne autres lieux dediez à sacrifices ou oraisons. Outre cela ils sont encores plus meschans sans comparaison que ceux de la Barbarie, & de l'Arabie: tellement que les estrangers n'oseroýent aborder, ne mettre pied à terre en leurs païs, sinon par ostages: autrement les saccageroýent comme esclaués. Ceste canaille la plus part va toute nue, combien que quelques vns, depuis que leur païs a esté vn peu frequenté, se sont accoustuméz à porter quelque camisole de ionc ou cottō, qui leur sont portées d'ail leurs. Ils ne font si grande traffique de bestial qu'en la Barbarie. Il y a peu de fruits, pour les siccitez & excessiues chaleurs: car ceste region est en la zone torride. Ils viuent fort long aage, & ne se monstrent caduques tellement qu'un homme de cent ans, ne sera estimé de quarante. Toutesfois ils uiuent de chairs de bestes sauuages, sans estre cuittes ne bien preparées. Ils ont aussi quelque poisson, ouïtres en grande abondance, larges de plus d'un grand demy pied, mais plus dange reuses à manger, que tout autre poisson. Elles rendent vn ius semblable au lait: toutesfois les habitās du païs en mangent sans danger: & vsent tant d'eau douce que salée. Ils font guerre coustumierement contre autres nations: leurs armes sont arcs & flesches, comme aux autres Ethiopes & Africains. Les femmes de ce païs

Castor et  
Pollux  
nommez  
cleres e-  
stailles  
de la  
mer.

Meurs,  
& facon  
de viure  
de ceux  
de la Gui  
née.



## LES SINGULARITEZ

La Gui-  
née mal  
aérée.

Mani-  
guette.  
fruit fort  
requis en  
tre les  
épice-  
ries.

païs s'exercent à la guerre, ne plus ne moins que les hommes. Et si portent la plus part vne large boucle de fin or, ou autre metal aux oreilles, leures, & pareillement aux bras. Les eaux de ce païs sont fort dangereuses, & est aussi l'air insalubre: pource à mon aduis, que ce vent de Midy chaud & humide y est fort familier, subiet à toute putrefactiō: ce que nous experimētons encore biē par deça. Et pource ceux qui de ce païs ou autre mieux temperé, vont à la Guinée, n'y peuvent faire long seiour, sans encourir maladie. Ce que aussi nous est aduenū, car plusieurs de nostre compagnie en moururent, les autres demurerent long espace de temps fort malades, & à grāde difficulté se peurent sauuer: qui fut cause que n'y seiournames pas longuement. Je ne veux omettre, qu'en la Guinée, le fruit le plus frequent, & dont se chargent les nauires des païs estranges, est la Maniguette, tresbonne & fort requise sur toutes les autres espiceries: aussi les Portugais en font grande traffique. Ce fruit vient parmy les champs de la forme d'un oignon, ce que Volotiers nous eussions représenté par figure pour le cōtētemēt d'un chacun, si la commodité l'eust permis. Car nous nous sommes arrestez au plus necessaire. L'autre qui vient de Calicut & des Molucques, n'est tant estimé de beaucoup. Ce peuple de Guinée traffique avec quelques autres Barbares voisins, d'or, & de sel d'une façon fort estrange. Il y a certains lieux ordonnez entr'eux, ou chacun de sa part porte sa marchandise, ceux de la Guinée le sel, & les autres l'or fondu en masse. Et sans autrement communiquer ensemble, pour la defiance qu'ils ont les vns des autres, comme les Turcs & Ara-  
bes

bes, & quelques sauvages de l'Amérique avec leurs voisins, laissent au lieu denommé le sel & or, porté là de chacune part. Cela fait se transporteront au lieu ces Ethiopes de la Guinée, ou s'ils trouvent de l'or suffisamment pour leur sel, ils le prennent & emportent, sinon ils le laissent. Ce que voyans les autres, c'est assez auoir leur or ne satisfaire, y en adiousteront, iusques à tant que ce soit assez, puis chacun emporte ce qui luy appartient. Entendez dauantage que ces Noirs de deça, sont mieus appris et plus ciuils que les autres, pour la communication qu'ils ont avec plusieurs marchans qui vont traffiquer par dela: aussi allechent les autres à traffiquer de leur or, par quelques menues hardes, comme petites camizoles & habillemens de vil pris, petits cousteaux & autres menues hardes & ferrailles. Aussi traffiquent les Portugais avec les Mores de la Guinée, outre les autres choses d'ivoires, que nous appellons dents d'Elephās : & m'a recité vn entre les autres, que pour vne fois ont chargé douze mil de ces dents, entre lesquelles s'en est trouué vne de merueilleuse grandeur, du pois de cent liures. Car ainsi q nous auos dit, le païs d'Ethiopie nourrit Elephās, lesquels ils prennent à la chasse, come nous ferions icy les sangliers, avec quelque autre petite astuce & methode, ainsi en magent ils la chair. laquelle plusieurs ont affermé estre tresbone: ce que j'ayme mieus croire, qu'à faire autre mēt l'essay, ou en disputer plus loquemēt. Je ne m'arrestay en cest endroit à descrire les vertus et pprietez de cest animal le plus docile et approchāt de la raison humaine, q nul autre, veu q cest animal a esté tāt celebré par les Anciens, et encores par ceux de nostre tēps, et at

Traffi-  
que d'i  
uoire.

Elephant  
animal  
appro-  
chant de  
la raison  
humaine

tendu



## LES SINGVLARITEZ

tèdu que Pline, Aristote, & plusieurs autres en ont  
suffisamment traité, & de sa chair, laquelle on dit estre  
medicamenteuse, & propre contre la lepre, prise par la  
bouche ou appliquée par dehors en poudre : les dents,  
que nous appellons iuoire, conforter le cueur & l'esto-  
mach, aider aussi de toute sa substance le part au ven-  
tre de la mere. Je ne veux donc reciter ce qu'ils en ont  
escript, comme ce n'est nostre principal subiect, aussi  
me sembleroit trop éloigner du propos encommencé.  
Toutesfois ie ne laisseray à dire ce que j'en ay veu. Que  
si de cas fortuit ils en prennent quelques petis, ils les  
nourrissent, leurs apprenans mil petites gentilleses : car  
cest animal est fort docile & de bon entendement.

### De la ligne Equinoctiale, & isles de Saint Homer. CHAP. XVIII.



Aissans donc ceste partie de Guinée à se-  
nestre, apres y auoir bien peu seiourné,  
pour l'infection de l'air, ainsi qu'aüos dit  
cy deuant, il fut question de poursuyure  
nostre chemin, costoyans tousiours iusques à la hauteur  
du cap de Palmes, & de celuy que l'on appelle à Trois  
points, ou passe vn tresbeau fleuve portät grands vais-  
seaux, par le moyen duquel se mene gräd traffique par  
tout le païs : & lequel porte abondance d'or & d'ar-  
gent, en masse non monnoyé. Pourquoy les Portugais se  
sont acostez & appriuoisez avec les habitans, & ont  
là basti vn fort chasteau, qu'ils ont nommé Castel de  
mine : & non sans cause, car leur or est sans comparai-  
son plus fin que celuy de Calicut, ne des Indes Ame-  
riques

Fleuve  
portant  
mine-  
d'or &  
d'argent.

riques. Il est par deçà l'Equinoctial environ trois de-  
 grez & demy. Il se trouue là vne riuere, qui prouiet  
 des montagnes du païs nommé Cania : & vne autre  
 plus petite nommée Rhegium : lesquelles portent tres-  
 bon poisson, au reste crocodiles dangereux, ainsi que le  
 Nil et Senega, que lon dit en prendre son origine. L'on  
 voit le sable de ces fleuves ressembler à or puluerisé, Les  
 gens du païs chassent aux crocodiles, & en mangent  
 comme de venaison. Je ne veux oublier, qu'il me fut re-  
 cité, auoir esté veu pres Castel de mine, vn mōstre ma-  
 rin ayant forme d'hōme, que le flot auoit laissé sur l'a-  
 rene. Et fut ouye semblablement la femelle en retour-  
 nant avecques le flot, crier hautement & se douloir  
 pour l'absence du masle : qui est chose digne de quelque  
 admiration. Par cela peut on congnoistre la mer pro-  
 duire & nourrir diuersité d'animaux, ainsi comme  
 la terre. Or estans paruenus par noz iournées iusques  
 sous l'Equinoctial, n'auons deliberé de passer outre,  
 sans en escrire quelque chose. Ceste ligne Equinoctiale  
 autrement cercle Equinoctial, ou Equateur, est vne tra-  
 ce imaginative du soleil par le milieu de l'vniuers, le-  
 quel lors il diuise en deux parties egales, deux fois lan-  
 née, c'est asçauoir le quatorziesme de Septembre, &  
 l'vnziesme de Mars, & lors le soleil passe directement  
 par le Zenith de la terre, & nous laisse ce cercle ima-  
 giné, parallele aux tropiques & autres, que lon peut  
 imaginer entre les deux poles, le soleil allant de leuant  
 en Occident. Il est certain que le soleil va obliquemēt  
 toute l'année par l'Ecliptique au Zodiaque, sinon aux  
 iours dessus nommez, & est directement au nadir de  
 ceux qui habitent là. Dauantage ils ont droit orizon,

Castel  
de mine

Cania &  
Rhegiū,  
fleues.

Monstre  
marin de  
forme  
humaine

Descri-  
ption de  
la ligne  
Equino-  
ctiale.

F sans



## LES SINGULARITEZ

sans que l'un des poles leur soit plus eleué que l'autre.  
 Le iour & la nuit leur sont egaux, dont il a esté appel-  
 lé Equinoctial: & selon que le soleil s'élongne de l'un  
 ou l'autre pole, il se trouue inégalité de iours et nuits,  
 & elevation de pole. Donc le soleil declinât peu à peu  
 de ce point Equinoctial, va par son zodiaque oblique,  
 presque au tropique du Capricorne: & ne passant  
 outre fait le solstice d'Hyuer: puis retournant passe par  
 ce mesme Equinoctial, iusques à ce qu'il soit paruenu  
 au signe de Cancer, ou est le solstice d'Esté. Parquoy il  
 fait six signes partant de l'Equinoctial à chacun de ces  
 tropiques. Les Anciens ont estimé ceste contrée ou zone  
 entre les tropiques, estre inhabitable pour les ex-  
 cessives chaleurs, ainsi que celles qui sont prochaines  
 aux deux poles, pour estre trop froides. Toutesfois de-  
 puis quelque temps ença, ceste zone a esté decouverte  
 par nauigations, & habitée, pour estre fertile & abon-  
 dante en plusieurs bonnes choses, nonobstant les cha-  
 leurs: comme les isles de Saint Homer & autres, dont  
 nous parlerons cy apres. Aucuns voulans sous ceste li-  
 gne comparer la froideur de la nuit, à la chaleur du  
 iour, ont pris argument, qu'il y pouuoit, pour ce regard,  
 auoir bone temperature, outre plusieurs autres raisons  
 que ie laisseray pour le present. La chaleur, quand nous  
 y passames, ne me sembla gueres plus vehemête, qu'il-  
 le est icy à la Saint Iean. Au reste il y a force tonner-  
 res, pluies, & tempestes. Et pour ce es isles de S. Ho-  
 mer, comme aussi en vne autre isle, nommée l'isle des  
 Rats, y a autant de verdure qu'il est possible, & n'y a  
 chose qui monstre adustion quelconque. Ces isles sous  
 la ligne Equinoctiale sont marquées en nos cartes ma-  
 rines,

D'ou a  
 esté nom-  
 mé Equi-  
 noctial.

Solstice  
 d'Hyuer

Solstice  
 d'Esté.

Tempe-  
 rature de  
 l'air sous  
 la ligne  
 Equino-  
 ctiale.  
 Isle des  
 Rats.

rines, S. Homer, ou S. Thomas, habitées aujour d'hy par les Portugais, combien qu'elles ne soient si fertiles, que quelques autres: Vray est qu'il s'y recueille quelque sucre: mais ils s'y tiennēt pour traffiquer avec les Barbares, & Ethiopiens: c'est à sçauoir, d'or fondu, perles, musc, rhubarbe, casse, bestes, oyseaux, & autres choses selon le païs. Aussi sont en ces isles les saisons du temps fort inegalles & differentes des autres païs: les personnes subiettes beaucoup plus à maladies que ceux du Septentrion. Laquelle difference & inegalité viēt du soleil, lequel nous cōmunique ses qualitez par l'air estant entre luy et nous. Il passe (comme chacū entend) deux fois l'année perpendiculairement par là, & lors décrit nostre Equinoctial, c'est à sçauoir au mois de Mars & de Septembre. Enuiron ceste ligne il se trouue telle abondance de poissons, de plusieurs & diuerses especes, que cest chose merueilleuse de les voir sous l'eau, & les ay veu faire si grand bruit autour de nos nauires, qu'à bien grande difficulté nous nous pouuons ouyr parler l'un l'autre. Que si cela aduiēt pour la chaleur du soleil, ou pour autre raison, ie m'en rapporte aux philosophes. Reste à dire, qu'enuiron nostre Equinoctial, j'ay experimenté l'eau y estre plus douce, et plaisante à boire qu'en autres endroits ou elle est fort salée, cōbien q̄ plusieurs maintiennēt le cōtraire, estimāts de uoir estre plus salée, d'autāt que plus pres elle approche de la ligne, ou est la chaleur plus vehemente: attēdu q̄ de là viēt l'adustio et saleure de la mer: parquoy estre plus douce, celle qui approche des poles. Je croirois veritablemēt que depuis l'un et l'autre pole iusques à la ligne aīsi q̄ l'air n'est egalemēt tēperé, n'estre aussi l'eau

Isle de S.  
Homer,  
ou S.  
Thomas

Abondā  
ce de di  
uers poif  
sōs sous  
la ligne.

Eau mari  
ne douce  
sous l'E  
quino-  
ctial.



## LES SINGULARITEZ

temperée: mais sous la ligne la temperature de l'eau  
suyvre la bonne température de l'air. Parquoy y a quel  
que raison que l'eau en cest endroit ne soit tant salée  
comme autre part. Ceste ligne passée commençames à  
trouver de plus en plus la mer calme & paisible, ti-  
rants vers le cap de Bonne esperance.

Que non seulement tout ce qui est sous la  
ligne est habitable, mais aussi tout le mô-  
de est habité, cōtre l'opinion des An-  
ciens. C H A P. XIX.

Grande  
cupidité  
de sça-  
voir in-  
generée  
aux hom-  
mes.

**L** On voit euidentement combien est grande  
la curiosité des hommes, soit pour appetit  
de cognoistre toutes choses, ou pour acquer-  
rir possessions, & euitier oysiveté, qu'ils se  
sont hazardez ( comme dit le Sage, & apres luy le  
poëte Horace en ses epistres) à tous dāgers & travaux,  
pour finalement pauvreté esloignée, mener vne vie  
plus tranquille, sans ennuy ou fascherie. Toutesfois il  
leur pouuoit estre assez de sçauoir & entendre que le  
souuerain ouurier a basti de sa propre main cest vni-  
uers de forme toute ronde, de maniere que l'eau a esté  
separée de la terre, à fin que plus commodemēt chacun  
habitast en son propre element, ou pour le moins en ce-  
luy duquel plus il participeroit: toutesfois non contents  
de ce ils ont voulu sçauoir, s'il estoit de toutes pars ha-  
bité. Neantmoins pour telle recherche & diligence, ie  
les estime de ma part autant & plus louables, que les  
modernes escriuains & navigateurs, pour nous auoir  
fait si belle ouuerture de telles choses, lesquelles autre-  
ment

ment à grand peine en toute nostre vie eussions peu si  
 biē comprendre, tant s'en faut que les eussions peu ex-  
 ecuter. *Thales, Pythagoras, Aristote, & plusieurs au-*  
*tres tant Grecs que Latins, ont dit, qu'il n'estoit possi-*  
*ble toutes les parties du monde estre habitées : l'une*  
*pour la trop grande & insupportable chaleur, les au-*  
*tres pour la grande & vehemente froidure. Les autres*  
*Auteurs diuisans le monde en deux parties, appellées*  
*Hemispheres, l'une desquelles disent ne pouuoir aucune*  
*ment estre habitée : mais l'autre en laquelle nous som-*  
*mes, necessairement estre habitable. Et ainsi des cinq*  
*parties du monde ils en ostent trois, de sorte que selon*  
*leur opiniō n'en resteroit que deux, qui fussent habita-*  
*bles. Et pour le donner mieux à entendre à vn chacun*  
*(combien que ie n'estime point que les sçauants l'igno-*  
*rent) j'expliqueray cecy plus à plein et plus apertmēt.*  
 Voulsans donc prouuer que la plus grande partie de la  
 terre est inhabitable, ils supposent auoir cinq zones en  
 tout le monde, par lesquelles ils veulent mesurer &  
 cōpasser toute la terre : & desquelles deux sont froides,  
 deux temperées, & l'autre chaude. Et si vous voulez  
 sçauoir comme ils colloquent ces cinq zones, exposez vo  
 stre main senestre au soleil leuant, les doigts estendus  
 & separez l'un de l'autre ( & par ceste methode l'en  
 seignoit aussi *Probus Grāmaticus* ) puis quand aurez  
 regardé le soleil par les interualles de voz doigts, flef-  
 chissez les & courbez vn chacun en forme d'un cer-  
 cle. Par le ponce vous entēdrez la zone froide, qui est  
 au Nort, laquelle pour l'excessiue froidure ( comme ils  
 afferment ) est inhabitable. Toutesfois l'experience nous  
 a monstré depuis quelque temps toutes ces parties ins-

Opiniōs  
 de plu-  
 sieurs phi-  
 losophes  
 si tout le  
 mōde est  
 habita-  
 ble.

Cinq zo-  
 nes par  
 lesquel-  
 les est  
 mesuré  
 le mōde.

Zone  
 froide.



## LES SINGULARITES.

ques bien pres de nostre pole, mesmes outre le parallele Arctique, ioignant les Hyperborées, comme Scauie, Dace, Suece, Gottie, Noruegie, Dänemarc, Thyle, Liunie, Pilappe, Pruse, Rusie, ou Ruthenie, ou il n'y a que glace & froidure perpetuelle, estre neantmoins habitée d'un peuple fort rude, selon, & sauvage. Ce que ie croy encores plus par le tesmoignage de M<sup>rsieur</sup> de Câbray natif de Bourges, Ambassadeur pour le Roy en ces pais de Septentrion, Pologne, Hongrie, & Transilvanie, qui m'en a fidelement communiqué la verité, homme au sur plus pour son erudition, & cognoissance des langues, digne de tel maistre, & de telle entreprise. Parquoy sont excusables les Anciens, et non du tout croyables, ayans parlé par coniecture, & non par experience. Retournons aux autres Zones. L'autre doigt dénote la Zone tempérée, laquelle est habitable, et se peut estendre iusques au tropique du Cancrè: combien qu'en approchant elle soit plus chaude que tempérée, comme celle qui est iustement au milieu, c'est asçavoir entre ce tropique & le pole. Le troisieme doigt nous represente la Zone située entre les deux tropiques, appellée torride, pour l'excessiue ardeur du soleil, qui par maniere de parler la rostit & brusle toute, pourtant a esté estimée inhabitable. Le quatrieme doigt est l'autre Zone tempérée des Antipodes, moyenne entre le tropique du Capricorne & l'autre pole, laquelle est habitable. Le cinquiesme qui est le petit doigt, signifie l'autre Zone froide, qu'ils ont pareillemēt estimée inhabitable, pour mesme raison que celle du pole opposite: de laquelle on peut autant dire, comme auons dit du Septentrion, car il y a semblable raison des deux. Apres donc auoir

con-

congneu ceste regle & exemple, facilement lon entendra quelles parties de la terre sont habitables, & quelles non, selon l'opinion des Anciens. Pline diminuant ce qu'est habité, escrit que de ces cinq parties, qui sont nommées zones, en faut oster trois, pource qu'elles ne sont habitables: lesquelles ont esté designées par le pouce, petit doigt, & celuy du milieu. Il oste pareillement ce que peut occuper la mer Oceane. Et en vn autre lieu il escrit, que la terre qui est dessous le zodiaque est seulement habitée. Les causes qu'ils alleguent pour lesquelles ces trois zones sont inhabitables est le froid vehement, qui pour la longue distance & absence du soleil est en la region des deux poles: & la grande & excessiue chaleur qui est sous la zone torride, pour la vicinité & continuelle presence du soleil. Autant en afferment presque tous les Theologiens modernes. Le contraire toutesfois se peut monstrier par les escrits des Auteurs cy dessus alleguez, par l'autorité des Philosophes, specialement de nostre temps, par le tesmoignage de l'escriture sainte: puis par l'experience, qui surpasse tout, laquelle en a esté faite par moy, Strabon, Mela, & Pline, combien qu'ils approuuent les zones, La zone  
 escriuent toutesfois qu'il se trouue des hommes en Ethio torride  
 pie, en la peninsule nommée par les Anciens Aurea, & monta  
 & en l'isle Taprobane, Malaca, & Zamotra sous gnes Hy  
 la zone torride. Aussi que Scandinauie, les monts perbo-  
 Hyperborées, & país à l'entour pres le Septentrion rées estre  
 (dont nous auons cy deuant parlé) sont peuplés & ha- habitées  
 bités: iacoit selon Herodote, que ces montagnes soyent  
 directement sous le pole. Ptolemée ne les a collo-  
 quées si pres, mais bien à plus de septante degrez de  
 l'Equi-



## LES SINGULARITES.

Zone tor-  
ride meil-  
leure,  
plus cõ-  
mode, &  
salubre  
que les  
autres.

*l'Equinoctial. Le premier qui a monstré la terre con-  
tenue sous les deux zones tempérées estre habitable,  
a esté Parmenides, ainsi que recite Plutarque. Plus-  
sieurs ont escrit la zone torride non seulement pouvoir  
estre habitée, mais aussi estre fort peuplée. Ce que prou-  
ue Auerruës par le tesmoignage d'Aristote au quatri-  
esme de son livre intitulé Du ciel & du monde. A-  
vicenne pareillement en sa seconde doctrine, & Al-  
bert le Grand au chapitre sixiesme de la nature des  
regions, s'efforcent de prouuer par raisons naturelles,  
que ceste zone est habitable, voire plus commode pour  
la vie humaine, que celles des tropiques. Et par ainsi  
nous la concludrons estre meilleure, plus commode, &  
plus salubre à la vie humaine que nulle des autres: car  
ainsi que la froideur est ennemie, aussi est la chaleur  
amie au corps humain, attēdu que nostre vie n'est que  
chaleur & humidité, la mort au contraire, froideur  
& siccité. Voyla donc comme toute la terre est peuplée  
& n'est iamais sans habitateurs, pour chaleur ne pour  
froidure, mais biē pour estre infertile, comme j'ay veu  
en l'Arabie deserte & autres contrées. Aussi a esté  
l'homme ainsi créé de Dieu, qu'il pourra viure en quel  
que partie de la terre, soit chaude, froide, ou tempe-  
rée. Car luy mesme a dit a noz premiers parens:  
Croissez, & multipliez. L'experience d'auantage  
(comme plusieurs fois nous auons dit) nous certifie,  
combien le monde est ample, & accommodable  
à toutes creatures, & ce tant par continuelle  
nauigation sus la mer, comme par loing-  
tains voyages sur la terre.*

De

De la multitude & diuersité des poissons  
estans sous la ligne Equinoctiale.

## CHAP. XX.



Vant que sortir de nostre ligne, j'ay bien voulu faire mention particuliere du poisson, qui se trouue enuiron sept ou huit degrez de ça & delà, de couleurs si diuerses et en telle multitude, qu'il n'est possible de les nombrer, ou amasser ensemble, comme vn grand monceau de blé en vn grenier. Et faut entendre qu'entre ces poissons plusieurs ont suyui nos nauires plus de trois cens lieues: principalement les dorades, dont nous parlerons assez amplement cy apres. Les marsouins apres auoir veu de loing nos nauires, nagent impetueusement à l'encôtre de nous, qui donne certain presage aux mariniens de la part q doit venir le vent: car ces animaux, disent ils, nagent à l'opposite, & en grande troupe, comme de quatre à cinq cens. Ce poisson est appelé *Marsouin* de *Maris* sus en Latin, qui vaut autant à dire, que porceau de mer, pource qu'il retire aucunement aux porcs terrestres: car il a semblable gronnissement, & a le groin comme le bec d'une canne, & sus la teste certain conduit, par lequel il respire ainsi que la balene.

*Marsouin* pour dire, quoy ain si appelé. *Bongiste* bon non sei originem Ge. *Lucy* voir

Les matelots en prennent grand nombre avec certains engins de fer aguts par le bout, & cramponnez, & n'en mangent gueres la chair, ayans autre poisson meilleur: mais le foye en est fort bon et delicat, ressemblant au foye du porc terrestre. Quand il est pris ou



## LES SINGULARITEZ

approchant de la mort, il iette grands souspirs, ainsi  
 que voyons faire noz porcs, quand on les seigne. La fe-  
 melle n'en porte que deux à chacune fois. C'estoit dōc  
 chose fort admirable du grand nombre de ces poissons,  
 & du bruit tumultueux, qu'ils faisoient en la mer,  
 sans comparaison plus grand, que nul torrent tombant  
 d'une houte montagne. Ce que aucuns estimeront par-  
 auanture fort estrange, & incroyable, mais je l'asseu-  
 re ainsi pour l'auoir veu. Ils'en trouue, comme ie di-  
 sois, de toutes couleurs, de rouge, comme ceux qu'ils ap-  
 pellent Bonnites: les autres azurez & dorez, plus  
 reluisans que fin azur, cōme sont Dorades: autres ver-  
 doyans, noirs, gris, & autres. Toutefois ie ne veux  
 dire, que hors de la mer ils retiennent tousiours ces cou-  
 leurs ainsi naïues. Pline recite qu'en Espagne a une  
 fontaine, dont le poisson porte couleur d'or, & dehors il  
 a semblable couleur que l'autre. Ce que peut prouenir  
 de la couleur de l'eau estant entre nostre œil & le pois-  
 son: tout ainsi qu'une vitre de couleur verte nous re-  
 presente les choses de semblable couleur. Venons à la  
 Dorade. Plusieurs tant anciens que modernes, ont é-  
 crit de la nature des poissons, mais assez legerement,  
 pour ne les auoir veuz, ains en auoir ouy parler seule-  
 ment, & specialement de la Dorade. Aristote escrit  
 qu'elle a quatre nageoires, deux dessus & deux des-  
 sous, & qu'elle fait ses petits en Esté & qu'elle de-  
 meure cachée longue espace de temps: mais il ne le ter-  
 mine point. Pline à mon aduis a imité ce propos d'A-  
 ristote, parlant de ce poisson, disant, qu'elle se cache en  
 la mer pour quelque temps, mais passant outre a defini  
 ce temps estre sur les excessiues chaleurs, pource qu'elle

Bōnites.

Fontaine  
qui repre-  
sente le  
poisson  
de cou-  
leur d'or.

Aristote  
& Pline  
de la Do-  
rade.

Li. 9.  
chap. 16.

ne pouuoit endurer chaleur si grande . Et Voluntiers l'eusse représenté par figure , si i'eusses eu le temps & l'opportunité remettant à autre fois . Il s'en trouue de grandes, comme grands Saulmons, les autres plus petites. Depuis la teste iusques à la queue elle porte vne creste, & toute ceste partie colorée cōme de fin azur, tellement qu'il est impossible d'excogiter couleur plus belle, ne plus clere. La partie inferieure est d'vne couleur semblable à fin or de ducat : & voyla pourquoy elle à esté nōmée Dorade, et par Aristote appelée en sa langue *χρυσόππος*, que les interpretes ont tourné *Aurata*. Elle vit de proye, comme tresbien le décrit Aristote, & est merueilleusement friande de ce poisson volant, qu'elle poursuit dedans l'eau, comme le chien poursuit le lieure à la campagne: se iettant haut en l'air pour le prendre: & si l'vne le faut, l'autre le recouure.

Descri-  
ption de  
la Dora-  
de.

Ce poisson suit nos nauires, sans iamais les abandonner, l'espace de plus de six sepmaines nuit & iour, voire iusques à tant qu'elle trouua la mer à dégoüst. Je sçay que ce poisson a esté fort célébré & recommandé le temps passé entre les nobles, pour auoir la chair fort delicate & plaisant à manger: comme nous lisons que Sergius trouua moyen d'en faire porter vne iusques à Rome, qui fut serui en vn banquet de l'Empereur, ou elle fut merueilleusement estimée. Et de ce temps commença la Dorade à estre tant estimée entre les Romains, qu'il ne se faisoit banquet sumptueux ou il n'en fust seruy par vne singularité.

Dorade,  
poisson  
en gran-  
de recom-  
mandation  
du  
tēps des  
Anciens

Et pource qu'il n'estoit aisé d'en recouurer en esté, Sergius Sénateur s'aduisa d'en faire peupler des viuiers à fin q ce poisson ne leur defaillist en saison quelconque:  
le-



## LES SINGULARITEZ

pour ceste curiosité auroit esté nommé *Aurata*, ainsi q̃  
*A. Licin Murena*, pour auoir trop songneusement nour-  
ri ce poisson que nous appellons *Murena*. Entre les *Dorades*  
ont esté plus estimées celles qui apportées de *Ta-  
rente* estoient engressées au lac *Lucrin*, comme mesme  
nous tesmoigne *Martial*, au troisieme liure de ses *Epi-  
grammes*. Ce poisson est beaucoup plus saoureux en *Hy-  
uer* qu'en *Esté*: car toutes choses ont leur saison. *Corneil-  
le Celse* ordonne ce poisson aux malades, spécialement  
febricitans, pour estre fort salubre, d'une chair courte,  
friable, & non limoneuse. Il s'en trouue beaucoup plus  
en la mer *Oceane* qu'en celle de *Leuāt*. Aussi tout en-  
droit de mer ne porte tous poissons, *Helops* poisson tres-  
singulier ne se trouue qu'en *Pamphilie*, *Ilus* & *Scau-  
rus* en la mer *Atlantique* seulement, & ainsi de plu-  
sieurs autres. *Alexandre le Grand* estant en *Egypte*  
acheta deux *Dorades* deux marcs d'or, pour éprouuer  
si elles estoient si friandes, comme les descriuoiet quel-  
ques vns de son temps. Lors luy en fut apporté deux en  
vie de la mer *Oceane* (car ailleurs peu se trouuent) à  
*Memphis*, là ou il estoit: ainsi qu'un medecin Iuif me  
monstra par histoire, estat à *Damasce* en *Syrie*. Voyla,  
Lecteur ce que j'ay peu apprendre de la *Dorade* remet-  
tant à ta Volonté de veoir ce qu'en ont escrit plusieurs  
gens doctes, & entre autres *Monsieur Guillaume Pel-  
licier Euesque de Montpellier*, lequel à traicté de la  
Nature des poissons autant fidelement & directe-  
ment qu'un homme de nostre temps.

D'une

## D'une isle nommée l'Ascension.

## CHAP. XXI.



Ans éloigner de nostre propos, huit de-  
grez de la nostre ligne le vingt sixiesme  
du mois d'octobre trouuâmes vne isle non  
habitée, laquelle de prime face voulions

nommer isle des oyseaux, pour la grande multitude  
d'oyseaux, qui sont en ceste dicte isle: mais recher-  
chans en nos cartes marines, la trouuâmes auoir esté  
quelque temps au parauant decouuerte par les Portu-  
gais, & nommée Isle de l'Ascension, pource que ce  
iour la y estoient abordez. Voyans donc ces oyseaux de  
loing voltiger sus la mer, nous donna coniecture, que là  
pres auoit quelque isle. Et approchans tousiours veimes  
si grand nombre d'oyseaux de diuerses sortes & plu-  
mages, sortis, comme il est vray semblable, de leur isle,

Isle de  
l'Ascen-  
sion pour  
quoy ain-  
si nom-  
mée.

pour chercher à repaistre, & venir à nos nauires, ius-  
ques à les prendre à la main, qu'à grand peine nous en  
pouuions défaire. Si on leur tendoit le poing, ils venoy-  
ent dessus priuement, & se laissoient prendre en tou-  
tes sortes que l'on vouloit: et ne s'en trouua espee-  
conque en ceste multitude semblable à ceuz de par de-  
ça, chose, peut estre, incroyable à quelques vns. Estans

Oyseaux  
de diuer-  
ses espe-  
ces en  
grand  
nombre.

laschez de la main ne s'en fuyoient pourtant, ains se  
laissoient toucher & prendre comme deuant. Dauan-  
tage en ceste isle s'en trouue vne espeece de grands, que  
j'ay ouy nommer Aponars. Ils ont petites ailes, pour-  
quoy ne peuuent voler. Ils sont grands & gros comme  
nos herons, le ventre blanc, et le dos noir, comme char

Aponars,  
oyseaux.

bon



## LES SINGULARITEZ.

Cap de  
bonne  
viste.  
Aponars,  
& pour-  
quoy ain-  
si dicte.

Isle de  
l'Ascen-  
sion non  
encores  
habitee,  
comme  
plusieurs  
autres.

bon le bec semblable à celuy d'un cormaran, ou autre corbeau. Quand on les tuë ils crient ainsi que porceaux. J'ay voulu d'escire c'est oyseau entre les autres, pource qu'il s'en trouue quantité en vne isle tirant droit au cap de Bonne viste, du costé de la terre neufue, laquelle a esté appellée isle des Aponars. Aussi y en a telle abondance, que quelquesfois trois grāds nauires de France allans en Canada, chargerent chacun deux fois leurs basteaux, de ces oyseaux, sur le riuage de ceste isle, & n'estoit questio que d'entrer en terre, et les toucher deuant soy aux basteaux, ainsi que moutons à la boucherie, pour les faire entrer. Voyla qui m'a donné occasion d'en parler si auant. Au reste, de nostre isle de l'Ascension, elle est asés belle ayant de circuit six lieues seulement, avecques montagnes tapissées de beaux arbres & arbrisseaux verdoyans, herbes et fleurs, sans oublier l'abondance des oyseaux, ainsi q' desia nous auons dit. J'estime que si elle estoit habitée et cultivée, avec plusieurs autres, qui sont en l'Océā, tant deça que delà l'Equinoctial, elles ne seroyent de moindre emolument, que Tenedos, Lemnos, Metelin, Negrepont, Rhodes, et Candie, ne toutes les autres, qui sont en la mer Hellepont, et les Cyclades: car en ce grand Ocean se trouuēt isles ayans de circuit plus de octante lieues, les autres moins: entre lesquelles la plus grād partie sont desertes et non habitées. Or apres auoir passé ceste isle, commençames à decouurir quatre estoilles de clarté & grandeur admirable, disposées en forme d'une croix, assez loing toutesfois du pole Antarctique. Les mariniers qui nauigent par delà les appellent Chariot. Aucuns d'iceux estiment qu'entre ces estoilles est celle du sud,

la-

laquelle est fixe & immobile, cōme celle du Nort, que nous appellons Ourse mineur, estoit cachée auant que fussons sous l'Equateur, & plusieurs autres qui ne se voyent par deçà au Septentrion.

Du promontoire de Bonne esperance & de plusieurs singularités obseruées en iceluy, ensemble nostre arriuée aux Indes Ameriques, ou France Antarctique.

## CHAP. XXII.



Pres auoir passé la ligne Equinoctiale, et les isles Saint Homer, suyuant ceste coste d'Ethiopie, que lon appelle Inde meridionale, il fut question de poursuyure nostre

Inde meridionale.

route iusques au tropique d'Hyuer : enuiron lequel se trouue ce grand et fameux promontoire de Bōne esperance, que les pilots ont nommé, Liō de la mer, pour estre craint & redouté, tant il est grand et difficile. Ce cap des deux costez est enuironné de deux grādes montagnes, dont l'vne regarde l'Orient, & l'autre l'Occident. En ceste contrée se trouue abondance de Rhinoceros, ainsi appellez, pource qu'ils ont vne corne sur le nez. Aucuns les appellent bœufs d'Ethiopie. Cest animal est fort monstrueux, & est en perpetuelle guerre & inimitié avecques l'Elephant. Et pour ceste cause les Romains ont pris plaisir à faire combattre ces deux animaux pour quelque spectacle de grandeur, principalement à la creation d'vn Empereur ou autre grand magistrat, ainsi que l'on fait encores au iourd'huy d'Ours, de Toreaux, & de Lions. Il n'est du tout si haut que l'Elephāt, ne tel que nous le depeignons

Cap de Bōne esperance pour quoy nommé Lion de la mer Rhinoceros, ou bœufs de Ethiopie



## LES SINGVLARITEZ.

gnōs, par deçà. Et qui me dōne occ asion d'en parler, est que trauerfant d'Egypte en Arabie, ie vis vn fort ancien obelisc, ou estoient grauées quelques figures d'animaux au lieu de lettres ainsi q̄ lon en vsoit le temps passé, entre lesquels estoit, le Rhinoceros, n'ayant ne frange ne corne, ne aussi mailles telles q̄ noz peintres les representent pourquoy j'en ay voulu mettre icy la figure.



Et pour se preparer à la guerre Pline recite, qu'il aiguise sa corne à vne certaine pierre, et tire tousiours au ventre de l'Elephant, pource que c'est la partie du corps la plus molle. Il s'y trouue aussi grande quantité d'asnes sauvages, & vne autre espee portant vne corne entre les deux yeux, longue, de deux pieds. I'en vis vne estant en la ville d'Alexandrie, qui est en Egypte, qu'un seigneur Turc apportoit de Mecha, laquelle il disoit auoir mesme vertu contre le venin, cōme celle d'une Licorne. Aristote appelle ceste espee d'asne à corne,, Asne des Indes. Enuiron ce grand promontoire est

est le departement de Voye du Ponent & Levant: car Li. 3. cha  
 ceux qui veulent aller à l'nde orientale, comme à Ca- 2 des par  
 licut, Taprobane, Melinde, Canonor, et autres, ils prè- ties des  
 nent à seneſtre, coſtoyans l'Isle. S. Laurent, mettans le anim.  
 cap de la nauire à l'Ouëſt, ou bien au Sueſt, ayant Vent & li. 2.  
 de Ouëſt ou Nortouëſt à poupe. Ce païs des indes de là chap. 1.  
 au Leuât, est de telle eſtedue q̄ pluſieurs l'eſtimēt eſtre de l'hiſt.  
 la tierce partie du mode. Mela et Diodore recitent q̄ la des ani-  
 mer enuironnāt ces Indes de Midy à l'Oriet, est de tel- maux.  
 le grādeur, qu'à grand peine la peut on paſſer, encores q̄ Eſtenduē  
 le Vent ſoit propice, en l'eſpace de quarante iours: mais de l'Inde  
 i'oſeroye bien affermer de deux fois quarante. Ce païs Oriētale  
 est donc de ce coſté enuironné de la mer qui pource est Mer In-  
 appellée Indique, ſe confinant deuers Septentrion au dique.  
 môit Caucaſe, Et est appellée Inde, du fleuue nommé In Mer In-  
 dus, tout ainſi q̄ Tartarie du fleuue Tartar, paſſāt par le dique.  
 païs du grand Roy Chā. Elle est habitée de diuerſites de Indus,  
 peuples, tant en meurs que religion. Vne grande partie fl. Tar-  
 est ſoubs l'obeiſſance de Preſte-Iā, laquelle tiēt le Chri tar, fl.  
 ſtianisme: les autres ſont Mahumetiſtes, comme deſia tar, fl.  
 nous auōs dit, parlās de l'Ethiopie: les autres idolatres.  
 L'autre voye au partement de noſtre grand cap, tire à  
 d'extre, pour aller à l'Amerique, laquelle nous ſuyui-  
 mes, acōpagnēz du Vēt, qui nous fut fort bō et propice.  
 Nonobſtant nous demeurames encores aſſés long temps  
 ſur l'eau, tant pour la diſtāce des lieux, que pour le vēt,  
 que nous eumes depuis contraire: qui nous cauſa quel-  
 que retardement, iuſques au dixhuiētiēme degré de  
 noſtre ligne, lequel derechef nous fauoriſa. Or jē ne Signe  
 veux paſſer outre, ſans dire ce que nous aduint choſe aux nauī  
 digne de memoire. Approchans de noſtre Amerique gans de  
l'appro-



## LES SINGULARITEZ

chement  
des Ame-  
riques.

bien cinquante lieuës, commençames à sentir l'air de la terre, tout autre que celui de la marine, avecques une odeur tant suave des arbres, herbes fleurs, et fruits du païs, que iamais basme, fust ce celui d'Egypte ne sembla plus plaisant, ne de meilleure odeur. Et lors ie vous laisse à penser, combien de ioye receurent les pauvres nauigans, encores que de long temps n'eussent mangé de pain & sans espoir davantage d'en recouvrer pour le retour. Le iour suyuant, qui fut le dernier d'Octobre, enuiro les neuf heures du matin découvrismes les hautes montagnes de Croismourou, combien que ce ne fust l'endroit, ou nous prétendions aller.

Monta-  
gues de  
Croist-  
mourou.

Parquoy costoyans la terre de trois à quatre lieuës loing, sans faire contenance de vouloir descendre, & sans bien informer, que les sauvages de ce lieu sont fort alliez avec les Portugais, & que pour neant nous les aborderions, poursuivismes chemin iusques au deuxiesme de Novembre, que nous entraismes en un lieu nommé Maqueh, pour nous enquerir des choses, spécialement de l'armée du Roy de Portugal. Auquel lieu noz esquifs dressés, pour mettre pied en terre, se presenterent seulement quatre vieillards de ces sauvages du païs, pource que lors les ieunes estoient en guerre, lesquels de prime face nous fuyoient, estimans que ce fussent Portugais, leurs ennemys : mais on leur donna tel signe d'asseurance, qu'à la fin s'approcherent de nous. Toutefois ayans là seiourné vingt quatre heures seulement, feimes voile pour tirer au cap de Frie, distant de Maqueh vintcinq lieuës. Ce païs est merueilleusement beau, autrefois découvert & habité par les Portugais, lesquels y auoyent donné ce nom qui estoit par-

Maqueh

Cap de  
Frie.

avant

avant Gechay, & basti quelque fort, esperans là faire Gechay.  
 residence, pour l'amenité du lieu. Mais peu de temps  
 apres, pour ie ne sçay quelles causes, les Sauvages du  
 païs les firent mourir, et les mangerent comme ils font  
 coustumierement leurs ennemys. Et qu'ainsi soit, lors  
 que nous y arrivames, ils tenoyent deux pauvres Por- Goustu-  
 tugais, qu'ils auoyent pris dans vne petite caraueille, Sauua-  
 auxquels ils se deliberoient faire semblable party, que ges de  
 aux autres, mesmes à sept de leurs compagnons de re- manger  
 cente memoire: dont leur vint bien à propos nostre ar- leurs en-  
 rriue, lesquels par grande pitié furent par nous rache- nemys.  
 tez, & deliurez d'entre les mains de ces Barbares.  
 Pomponne Mele appelle ce promontoire dont parlons,  
 le frôt d'Afrique, par ce que de là elle va en estreñsis-  
 sant come vn angle, & retourne peu à peu en Septen-  
 trion & Orient, là ou est la fin de terre ferme, & de  
 l'Afrique, de laquelle Ptolomée n'a onq'eu cognois-  
 sance. Ce cap est aussi le chef de la nouvelle Afrique,  
 laquelle termine vers le Capricorne aux montagnes  
 de Habacia & Gaiacia. Le plat païs voisin est peu ha-  
 bité, à cause qu'il est fort brutal & barbare, voire  
 monstrueux: non que les hommes soyent si difformes  
 que plusieurs ont escrit, comme si en dormant l'auoyent  
 songé, osans affermer qu'il y a des peuples, auxquels les  
 oreilles pendent iusques aux talons: les autres avec vn  
 œil au frôt, qu'ils appellent Arismascs: les autres sans  
 teste: les autres n'ayans qu'un pié, mais de telle lon-  
 gueur qu'ils s'en peuuent ombrager contre l'ardeur du  
 soleil: & les appellent monomeres, monosceles, et scia-  
 podes. Quelques autres autant impertinens en escri-  
 uent encore de plus estranges, mesmes des modernes



## LES SINGULARITEZ

escrivains sans iugement, sans raison, et sans experience. Je ne veux du tout nier les monstres qui se font outre le dessein de nature, approuuez par les philosophes, confirmez par experience, mais bien impugner choses qui en sont si éloignées, et en outre alleguées de mesme. Retournons en cest endroit à nostre promontoire. Il s'y trouué plusieurs bestes fort dangereuses et veneneuses, entre autres le Basilisc, plus nuisant aux habitans et aux estrangers mesmes sus les rivages de la mer à ceux qui veulent pescher. Le Basilisc (come chacun peut entendre) est vn animal veneneus, q tue l'homme de son seul regard, le corps long environ de neuf poudes, la teste eleuée en pointe de feu, sur laquelle y a vne tache blanche en maniere de couronne, la gueule rougeastre, & le reste de la face tirant sus le noir, ainsi q i'ay congneu par la peau, que je vei entre les mains d'vn Arabe au grād Caire. Il chasse tous les autres serpens de son sifflet (come dit Lucian) pour seul demeurer maistre de la cāpagne. La Foine luy est ennemye mortelle selon Plin. Li. 8.  
chap. 21. Bref, je puis dire avec Salluste qu'il meurt plus de peuple par les bestes sauvages en Affrique, q par autres incōueniēs. Nous n'auos voulu taire cela en passāt.

### De l'isle de Madagascar, autrement de S. Laurent. CHAP. XXIII.



**L**E grād desir q j'ay de ne rien omettre qui soit vtile ou necessaire aux lecteurs, ioint qu'il me semble estre l'office d'vn escrivain, traiter toutes choses qui appartiennent à son argument sans en laisser vne, m'incite à decrire en cest endroit ceste isle tant notable, ayant septante

tante huit degrez de longitude, minute nulle, & de latitude vnze degrez & trente minutes, fort peuplee & habitee de Barbares noirs depuis quelque temps (lesquels tiennent presque mesme forme de religio que les Mahometistes: aucuns estans idolatres, mais d'une autre façon) cōbien qu'elle ait esté descouuerte par les Portugais, & nommée de S. Laurent, & au paravant Madagascar en leur langue: riche au surplus & fertile de tous biens, pour estre merueilleusement bien située. Et qu'ainsi soit, la terre produit là arbres fruitiers de soy mesme, sans planter ne cultiuer, qui apportent neantmoins leurs fruits aussi doux & plaisans à manger que si les arbres auoient esté entez. Car nous voyons par deçà les fruits agrestes, c'est à sçauoir que la terre produit sans la diligence du laboureur, estre rudes, & d'un goust fort aspre & estrange, les autres au contraire. Doncques en ceste isle se trouuent beaucoup de meilleurs fruits, qu'en terre ferme, encores qu'elle soit en mesme zone ou température: entre lesquels en y a vn qu'ils nomment en leur langue Chicorin, & l'arbre qui le porte est semblable à vn plumier d'Egypte ou de l'Arabie, tant en hauteur que fueillages. Duquel fruit se voit par deçà, que l'on amene par nauires, appellé en vulgaire Noix d'Inde: que les marchants tiennent assez cheres, pource que outre les frais du voyage, elles sont fort belles & propres à faire vases: car le vin estant quelque temps en ses vaisseaux acquiert quelque chose de meilleur, pour l'odeur et fragrance de ce fruit, approchant à l'odeur de nostre muscade. Je diray dauantage que ceux qui boient coustumierement dedans, (ainsi que ma recité vn Iuif, premier medecin du Bas

Fertilité  
de l'isle  
de Saint  
Laurent.

Chico-  
rin, fruit,  
que nous  
disons  
noix d'In  
de.

Diuerfes  
vtilitez  
de ce  
fruit.



## LES SINGULARITEZ

sa du grand Caire, lors que i'y estoie ) sont preseruez du mal de teste & des flancs, & si prouoque l'vrine: & à ce me persuade encores plus l'experiece, maistres se de toutes choses, que j'en ay veüe. Ce que n'a oblié Pline & autres, disans que toutes especes de palmes sont cordiales, propres aussi à plusieurs indispositios, Ce fruit est entieremet bon, sçauoir la chair superficielle, & encores meilleur le noyau, si on le mange frais cuilly. Les Ethiopes & Indiens affligez de maladie, pillent ce fruit & en boient le ius, qui est blanc comme lait, & s'en trouuent tresbië. Ils font encores de ce ius quād ils en ont quātité, quelque alimēt cōposé avec farine de certaines racines ou de poisson, dont ils mangēt, apres auoir bien boullu le tout ensemble. Ceste liqueur n'est de loque garde, mais autāt qu'elle se peut garder, elle est sans cōparaison meilleure pour la personne, que confiture qui se trouue. Pour mieux le garder ils font bouillir de ce ius en quantité, lequel estant refroidy reseruēt en des vaisseaux à ce dediez. Les autres y meslent du miel, pour le rendre plus plaisant à boire. L'arbre qui porte ce fruit est si tendre, que si on le touche tant soit peu, de quelque ferrement, le ius distille doux à boire & propre à estancher la soif. Toutes ces isles situées à la coste d'Ethiopie, cōme l'isle du Prince, ayant trentecinq degrez de longitude, minute 0, et deux de latitude, minute 0: Mopata, Zonzibar, Monfia, S. Apolene, S. Thomas soubz la ligne sont riches & fertiles, presque toutes pleines de ces Palmiers, & autres arbres portans fruits merueilleusement bons. Il s'y trouue plusieurs autres especes de palmiers portans fruits, cōbien que non pas tous, comme ceux d'Egypte. Et en toutes

Isle de  
Prince.

toutes les Indes de l'Amerique & du Perou tant en terre ferme qu'aux isles, se trouue de sept sortes de palmiers tous differens de fruits les vns aux autres. Entre lesquels j'en ay trouué aucuns qui portent dates bonnes à manger, comme celles d'Egypte, de l'Arabie Felice, & Syrie. Au surplus en ceste mesme isle se trouuent melons gros à merueille, & tant qu'un homme pourroit embrasser, de couleur rougeastre, aussi en y a quelques vns blancs, les autres iaunes mais beaucoup plus sains que les nostres, spécialement à Paris, nourriz en l'eau et fiens, au grand preiudice de la santé humaine. Il y a aussi plusieurs especes de bones herbes cordiales, entre lesquelles vne qu'ils nomment spagnin, semblable à nostre cicorée sauvage, laquelle ils appliquent sur les playes & blessures, et à celle des viperes, ou autre beste veneneuse. car elle en tire hors le venin, et autres plusieurs notables simples, que nous n'auons par deça. D'auantage se trouue abondance de vray sandal par les bois & bocages duquel ie desireroye qu'il s'en fist bone trafique par deça: au moins ce nous seroit moyen d'en auoir du vray qui seroit grand soulagement, veu l'excellence & propriété que luy attribuent les auteurs, Quant aux animaux, comme bestes sauvages, poissons, oyseaux, nostre isle en nourrit des meilleurs, et en autant bone quantité qu'il est possible. D'oyseaux en premier lieu en représenterons un par figure, fort estrange, fait come un oiseau de proye, le bec aquilin, les aures enormes, pendantes sur la gorge, le sommet de la teste eleué en pointe de diamant, les pieds & iambes comme le reste du corps, fort velu, le tout de plumage tirant sus couleur argentine, hors-mis la teste &

Sept sortes de palmiers aux Indes des Americques.

Melons de grosseur merueilleuse

Spagnin, herbe.

Abodace de vray sandal.

Pa, oyseau estrange.



## • LES SINGVLARITEZ

auxreilles tirans sus le noir . Cest oyseau est nommé en la langue du país, Pa, en Persien, pié ou iambe : & se nourrit de serpens, dont il y a grande abondance &



AfncIn-  
dique  
Orix.

de plusieurs especes, & d'oyseaux semblablement, autres que les nostres de deça . De bestes il y a d'elephans en grād nōbre, deux sortes de bestes unicornes desquel les l'vne est l'asne Indique, n'ayant le pié fourché, comme ceux qui se trouuent au país de Perse ; l'autre est que l'on appelle Orix, ou pié fourché. Il ne s'y trouue point d'asnes sauvages, sinō en terre ferme. Qu'il y aye des licornes, je n'ē ay eu aucune cognoissance. Vray est, qu'estant aux Indes Ameriques quelques sauvages nous vindrent voir de bien soixante ou quatre vingts lieues, lesquels comme nous les interrogios de plusieurs choses, nous reciterent qu'en leur país auoit grand nombre de certaines bestes grādes comme vne espece de vaches sauvages qu'ils ont portās vne corne seule au frōt, lon-

longue d'une brasse ou environ : mais de dire que ce soyent licornes ou onagres ie n'en puis rien asseurer, n'en ayant eu autre cognoissance. J'ay voulu dire ce mot encore que l'Amerique soit beaucoup distante de l'isle dont nous parlons. Nous auons ia dit que ceste contrée insulaire nourrit abondance de serpens & laisarts d'une merueilleuse grandeur, & se prennent aisément sans danger. Aussi les Noirs du país mangent ces laisarts & crappaux, comme pareillement font les Sauvages de l'Amerique. Il y en a de moindres de la grosseur de la iambe, qui sont fort delicats & frians à manger, outre plusieurs bons poissons & oyseaux, desquels ils mangent quand bon leur semble. Entre autres singularités pour la multitude des poissons, se trouvent force balenes, desquelles les habitans du país tirent ambre, que plusieurs prennent pour estre ambre gris, chose par deçà fort rare, & precieuse: aussi qu'elle est fort cordiale & propre à reconforter les parties plus nobles du corps humain. Et d'iceluy se fait grande traffique avecques les marchans estrangers.

Ambre  
gris fort  
cordial.

De nostre arriuée à la France Antarctique, autrement Amerique, au lieu nommé Cap de Frie.

CHAP. XXIIII.



Pres que par la diuine clemence avec tant de trauaux communs & ordinaires à si longue nauigation, fusmes paruenus en terre ferme, non si tost que nostre vouloir & esperance le desiroit, qui fut le dixiesme iour de Nouembre, au lieu de se reposer ne fut question, sinon

G 5 de



## LES SINGULARITEZ

Cap. de  
Frie.

Cahouin  
bruuage  
des Ame-  
riques.

de decouvrir & chercher lieux propres à faire sieges  
nouveaux, autant estonnez comme les Troyens arrivés  
en Italie. Ayans donc bien peu seiourné au premier  
lieu, ou auions pris terre, comme au precedent chapitre  
nous l'auons dit, feimes voile de rechef iusques au Cap  
de Frie, ou nous receurēt tresbien les Sauvages du païs,  
monstrans selon leur mode euidentz signes de ioye: tou-  
tesfois nous n'y seiournames que trois iours. Nous saluē-  
rent donc les vns apres les autres comme ils ont de cou-  
stume, de ce mot Caraiubé, qui est autant, cōme, bon-  
ne vie, ou soyés le bien venu. Et pour mieux nous com-  
muniquer à nostre arrivée toutes les merueilles de  
leur païs, l'vn de leurs grands Morbicha ouassoub,  
c'est à dire, Roy, nous festoya d'une farine faite de ra-  
cines & de leur Cahouin, qui est vn bruuage com-



Auaty  
espece  
de mil.

posé de mil nommé Auaty, & est gros comme pois. Il  
y en a de noir & de blanc, & sont pour la plus grande  
partie de ce qu'ils en recueillent ce bruuage, faisant bo-  
uillir

willir ce mil avec autres racines, lequel après auoir bouilly est de semblable couleur que le vin clair et. Les Sauvages le trouvent si bon qu'ils s'en enyurent comme l'on fait de vin par deçà: Vray est qu'il est espais comme moust de vin. Mais escoutes vne superstition à faire ce bruage la plus estrange qu'il est possible. Après qu'il a bouilly en grands vases faits ingenieusement de terre grasse, capables d'un mwy, viendront quelques filles vierges macher ce mil ainsi bouilly, puis le remettent en un autre vaisseau à ce propre: ou si vne femme y est appelée, il faut qu'elle s'abstienne par certains iours de son mary, autrement ce bruage ne pourroit iamais acquerir perfection. Cela ainsi fait, le feront bouillir de rechef iusques à ce qu'il soit purgé, come nous voyons le vin bouillant dans le tonneau, puis en vsent quelques iours après. Or nous ayant ainsi traité nous mena puis après veoir vne pierre large & longue de cinq pieds ou environ, en laquelle paroissoient quelques coups de verge, ou menu baston, et deux formes de pié: qu'ils afferment estre de leur grand Caraipe, lequel ils ont quasi en pareille reuerence, que les Turcs Mahomet: pourtāt (disent ils) qu'il leur a doné la congnoissance & vsage du feu, ensemble de planter les racines lesquels parauant ne viuoient que de fucilles & herbes ainsi que bestes. Estāt ainsi mené par ce Roy, nous ne laissons de diligemment recognoistre et visiter le lieu auquel se trouua entre plusieurs comodités qui sont requises, qu'il n'y auoit point d'eau douce que bien loing delà, q nous empescha d'y faire plus log sejour, et bastir dōt nous fusmes fort fasché, cōsidéré la bonté et amenité du pais. En ce lieu se trouue vne riuere d'eau sa-  
 lée.

Supersti-  
 tion des  
 Sauua-  
 ges à fai-  
 re ce bru-  
 uage.



## LES SINGULARITEZ

Riuere  
d'eau fa-  
lée.

Oyseaux  
de diuers  
pluma-  
ges.

Robe fai-  
te de plu-  
mages,  
apportée  
de l'Ame-  
rique.

Arat,  
oysea  
rouge

Petits vi-  
gnots, &  
cōme ils  
en vsent.

lée, passant entre deux montagnes éloignées l'une de l'autre d'un iect de pierre: et entre au païs enuiron tren-  
te & six lieues. Ceste riuere porte grande quantité  
de bon poisson de diuerses especes, principalement gros  
mulets: tellement qu'estans là nous veimes un Sauvage  
qui print de ce poisson plus de mille en un instant &  
d'un trait de filet. Dauantage s'y trouuent plusieurs  
oyseaux de diuerses sortes & plumages, aucuns aussi  
rouges, que fine esclarlatte: les autres blancs, cendrez,  
& mouchetez, comme un emereillon. Et de ces plu-  
mes les Sauvages du païs font pennaches de plusieurs  
sortes, desquelles se couurent, ou pour ornemēt, ou pour  
beauté, quand ils vont en guerre, ou qu'ils font quelque  
massacre de leurs ennemis: les autres en font robes et bo-  
nets à leur mode. Et qu'ainsi soit, il pourra estre veu  
par une robe ainsi faite, de laquelle j'ay fait present à  
Monsieur de Troistieux gentilhomme de la maison  
de monseigneur le Reuerendissime Cardinal de Sens,  
& garde des seaux de France, homme, dis-je, amateur  
de toutes singularitez, & de toutes personnes ver-  
tueuses. Entre ce nombre d'oyseaux tous differens à  
ceux de nostre hemisphere, s'en trouue un qu'ils nom-  
ment en leur langue Arat, qui est un vray herō quant  
à la corpulence, hors-mis que son plumage est rouge cō-  
me sang de dragon. Dauantage se voyent arbres sans  
nombre, & arbrisseaux verdoyans toute l'année, dont  
la plus part rend gommēs diuerses tant en couleur que  
autrement. Aussi se trouuent, au riuage de la mer des  
petits vignots (qui est une espece de coquille de gros-  
seur d'un pois) que les Sauvages portent à leur col enfi-  
lez comme perles, specialement quand ils sont malades

car cela, disent ils prouoque le ventre, & leur sert de purgation. Les autres en font poudre, qu'ils prennent par la bouche, Disent outre plus, que cela est propre à arrêter vn flux de sang: ce que me semble contraire à son autre vertu purgative: toutesfois il peut auoir les deux pour la diuersité de ses substances. Et pource les femmes en portent au col & au bras plus coustumierement que les hommes. Il se trouue semblablement en ce païs & par tout le riuage de la mer sur le sable abondance d'une espece de fruit, que les Espagnols nomment Féues marines, rondes comme vn teston, mais plus espesses & plus grosses, de couleur rougeastre: que l'on diroit à les voir qu'elles sont artificielles. Les gens du païs n'en tiennent conte. Toutesfois les Espagnols par singuliere estime les emportent en leur païs, & les femmes & filles de maison en portent coustumierement à leur col enchassés en or, ou argent, ce qu'ils disent auoir vertu contre la colique, douleur de teste, & autres. Bref, ce lieu est fort plaisant & fertile. Et si l'on entre plus auant, se trouue vn plat païs couuert d'arbres autres que ceux de nostre Europe: enrichy dauantage de beaux fleuues, avec eaux merueilleusement cleres, & riches de poisson. Entre lesquels j'en descriray vn en cest endroit, monstrueux, pour vn poisson d'eau douce, autāt qu'il est possible de voir, ainsi que la figure suiuiante le demonstre. Ce poisson est de grandeur & grosseur vn peu moindre que nostre harenc, armé de teste en queue, cōme vn petit animāt terrestre nommé Tatou, la teste sans cōparaison plus grosse que le corps, ayant trois os dedās l'eschine, bon à māger, pour le moins en mangent les Sauvages, & le nōment en leur lāgue, Tamouhata.

Féues  
marines.

De





De la riuiere de Ganabara autrement de  
Ianaire, & comme le païs ou arriua-  
mes, fut nômé France Antarctique.

C H A P. XXV.

**N**'Ayans meilleure commodité de seiour-  
ner au cap de Frie, pour les raisons susdi-  
tes, il fut question de quitter la place, fai-  
sans voile autrepart, au grand regret des  
gens du païs, lesquels esperoyent de nous plus long seiour  
& alliance, suyuant la promesse que sur ce à nostre ar-  
riuée leur en auions faite: pourtant nauigames l'espace  
de quatre iours, iusques au dixiesme, que trouuames  
ceste grande riuiere nommée Ganabara de ceux du  
païs, pour la similitude qu'elle a au lac, ou Ianaire, par  
ceux qui ont fait la premiere d'couuerte de ce païs,  
distante de là ou nous estions partis, de trente lieues

Ganaba-  
ra, ainsi  
dicté  
pour la

ou environ. Et nous retarda par le chemin le vent, que nous eumes assés contraire. Ayās donc passé plusieurs petites isles, sur ceste coste de mer, & le destroit de nostre riuere, large comme d'un trait d'arquebuse, nous fumes d'avis d'entrer en cest endroit, & avec noz barques prendre terre: ou incontinent les habitans nous receurent autant humainement qu'il fut possible: & comme estans aduertiz de nostre venue, auoyent dressé vn beau palais à la coustume du païs, tapissé tout autour de belles fueilles d'arbres, & herbes odorifères, par vne maniere de congratulation, monstrats de leur part grand signe de ioye, & nous inuitans à faire le semblable. Les plus vieux principalemēt, qui sont comme roys & gouuerneurs successiuemēt l'un apres l'autre, nous venoyent voir, & avec vne admiration nous saluoyent à leur mode en leur langage: puis nous cōduisoient au lieu qu'ils nous auoient preparé: auquel lieu ils nous apportèrent viures de tous costez, comme farine faite d'une racine qu'ils appellent Manihot, & autres racines grosses & menues, tresbonnes toutesfois et plaisantes à manger, & autres choses selon le païs: de maniere qu'estans arrivez, apres auoir loué & remercié (comme le vray Chrestien doit faire) celuy qui nous auoit pacifié la mer, les vents, bref, qui nous auoit donné tout moyen d'accōplir si beau voyage, ne fut question sinon se recreer & reposer sur l'herbe verte, ainsi que les Troïens apres tant de naufrages & tempestes, quand ils eurent rencontré ceste bonne dame Dido: mais Virgile dit qu'ils auoyent du bon vin vieil, & nous seulement de belle eau. Apres auoir là seiourné l'espace de deux mois, & recherché tant en isles que

similitude  
de du  
lac.

Manihot  
racine de  
laquelle  
les Sauua  
ges vsent  
& font  
farine.

ter-



# LES SINGULARITEZ

France  
Antarctique.

Ile fort  
commode, en la-  
quelle  
s'est pre-  
miere  
mēt for-  
tific le  
Seigneur  
de Ville  
gagnon.

Roche  
de laquel-  
le provi-  
ent un  
lac.

terre ferme, fut nommé le païs loing à l'étour par nous  
d'couvert, France Antarctique, ou ne se trouua lieu  
plus commode pour bastir & se fortifier qu'une bien  
petite isle, contenant seulement une lieue de circuit, si-  
tuée presque à l'origine de ceste riuere, dont nous auons  
parlé, laquelle pour mesme raison avec le fort qui fut  
basti, a esté aussi nommée Colligni. Ceste isle est fort  
plaisante, pour estre reuestue de grande quantité de  
palmiers, cedres, arbres de bresil, arbrisseaux aromati-  
ques verdoyans toute l'année: Vray est qu'il n'y a eau  
douce, qui ne soit assez loing. Doncques le Seigneur de  
Villegagnon, pour s'asseurer contre les efforts de ces Sau-  
uages faciles à offenser, & aussi contre les Portugais, si  
quelques fois se vouloient adonner là, s'est fortifié en ce  
lieu, comme le plus commode, ainsi qu'il luy a esté pos-  
sible. Quant aux viures, les Sauvages luy en portent  
de tel que porte le païs, comme poissons, venaison, &  
autres bestes sauvages, car ils n'en nourrissent de pri-  
uées, comme nous faisons par deçà, farines de ces raci-  
nes, dont nous auons n'aguères parlé, sans pain ne vin:  
& ce pour quelques choses de petite valeur, comme pe-  
tits costeaux, serpettes, & haims à prendre poisson. Je  
diray entre les louenges de nostre riuere, que là pres le  
destroit se trouue un maresc ou lac prouenant la plus  
grand part d'une pierre ou rocher, haute merueilleu-  
sement & eleuée en l'air en forme de pyramide, &  
large en proportion, qui est une chose quasi incroyable.  
Ceste roche est exposée de tous costez aux flots & tor-  
mentes de la mer. Le lieu est à la hauteur du Capricor-  
ne vers le Su, outre l'Equinoctial vingt & trois de-  
grez & demy, sous le tropique de Capricorne,

Des

Du poisson de ce grand fleuve susnommé.

## C H A P. XXVI.

**E**n ne veux passer outre sans particulièrement traiter du poisson, qui se trouue en ce beau fleuve de Ganabara ou de Ianaire en grande abondance & fort delicat. Il y a diuersité de vignots tant gros que petis: & entre les autres elle porte ouïtre, dont l'escaille est reluisante comme fines perles, que les Sauvages mangent communement, avec autre petit poisson que peschent les enfans. Et sont ces ouïtres tout ainsi que celles qui portent les perles: aussi s'en trouue en quelques vnes, non pas si fines, que celles de Calicut, & autres parties du Leuant. Au reste les plus grands peschent aussi le grand poisson, dont ceste riuere porte en abondance. La maniere de le prendre est telle, que estās tous nuds en l'eau, soit douce ou salée leur tirent coups de flesches, à quoy sont fort dextres, puis les tirent hors de l'eau avec quelque corde faite de cotton ou escorce de beis, ou bien le poisson estant mort vient de soy mesme sur l'eau. Or sans plus long propos, j'en reciteray principalement quelques vns monstrueux, representez par portrait, ainsi que voyez, comme vn qu'ils nomment en leur langage Panapana, semblable à vn chien de mer, quant à la peau, rude & inegale comme vne lime. Ce poisson a six taillades ou pertuis de chacun costé du gosier, ordonnez à la façon d'une Lamproye, la teste telle que pouvez voir par la figure mise icy apres: les yeux pres que au bout de la teste, tellement que de l'un à l'autre

Ouïtres  
portans  
perles.

Maniere  
des  
Sauua-  
ges à pré-  
dre du  
poisson.

Panapa-  
na espe-  
ce de  
poisson.



# LES SINGVLARITEZ



Espece  
de Raiës.

Ineuo-  
nea.

stance d'un pied & demy. Ce poisson au surplus est assez rare, toutesfois que la chair n'en est fort excellente à manger, approchant du goust à celle du chien de mer. Il y a d'avantage en ce fleuve grãde abondãce de Raiës mais d'une autre façon que les nostres: elles sont deux fois plus larges & plus longues, la teste platte & longue, & au bout y a deux cornes longues chacune d'un pie, au milieu desquelles sont les yeux. Elles ont six tail- lades sous le ventre, pres l'une de l'autre: la queue longue de deux pieds, & gresle comme celle d'un rat. Les Sauvages du pais n'en mangeroient pour rien, non plus que de la tortue, estimãs que tout ainsi que ce pois- son est tardif à cheminer en l'eau, rendroit aussi ceux qui en mangeroiët tardifs, qui leur seroit cause d'estre pris aisment de leurs ennemis, & de ne les pouvoir sçuyre legerement à la course. Ils l'appellent en leur langue Ineuonea. Le poisson de ceste riuere vniversel- lement

lement est bon à manger, aussi celui de la mer costoyant ce païs, mais non si delicat que sous la ligne et autres endroits de la mer. Je ne veux oublier, sus le propos de poisson à reciter une chose merueilleuse et digne de memoire. En ce terrouër autour du fleuve susnommé, se trouvent arbres & arbrisseaux approchant de la mer, tous Arbres chargez d'ouïtres haut & bas. Vous devez entendre que quand la mer s'enfle elle iette un flot assez loing en terre, deux fois en vingt & quatre heures, & que l'eau couvre le plus souvent ces arbres et arbustes, principalement les moins eleuez. Lors ces ouïtres estans de soy aucunement visqueuses, se prennent & lient contre les branches, mais en abondance incroyable: tellement que les Sauvages quand ils en veulent manger, couppent les branches ainsi chargées, comme une branche de poirier chargée de poires, et les emportent: & en mangent plus coustumieremēt que des plus grosses, qui sont en la mer: pourtant disent ils, qu'elles sont de meilleur goust, plus saines, & qui moins engendrent fieures, que les autres.

## De l'Amerique en general.

## CHAP. XXVII.

**A**yant particulierement traité des lieux, ou auons fait plus long seiour apres auoir pris terre, & de celui principalement ou aujourd'huy habite le seigneur de Villegagnon, & autres François, ensemble de ce fleuve notable, que nous auons appellé lanair, les circonstances & dependences de ces lieux, pource qu'ils



## LES SINGULARITEZ

L'Ameri  
que incō  
gneue  
aux An  
ciens.

Americ  
Vespuce  
premier  
qui a des  
couuert  
l'Ameri-  
que.

Situatiō  
de l'Ame  
rique.

Quels  
font les

sont situez en terre descouuerte, & retrouvée de nostre temps, reste d'en escrire ce qu'en auons congneu pour le seiour que nous y auons fait. Il est bien certain que ce païs n'a iamais esté congneu des anciens Cosmographes, qui ont diuisé la terre habitée en trois parties Europe, Asie, & Afrique, desquelles parties ils ont peu auoir congnoissance. Mais ie ne doute que s'ils eussent congneu celle dont nous parlons, considéré sa grande estendue, qu'ils ne l'eussent nombrée la quatriesme car elle est beaucoup plus grande que nulle des autres. Ceste terre à bon droit est appelée *Amerique*, du nom de celuy qui la premierement descouuerte, nommé *Americ Vespuce*, homme singulier en art de nauigation et hautes entreprises. Vray est que depuis luy plusieurs en ont descouuert la plus grand partie tirant vers *Temissitan*, iusques au païs des *Geans*, & destroit de *Magellā*. Qu'elle doine estre appelée *Inde*, ie n'y vois pas grand raison: car ceste contrée du *Leuāt* que l'on nomme *Inde*, a pris ce nom du fleuue notable *Indus*, qui est bien loing de nostre *Amerique*. Il suffira doncq de l'appeller *Amerique* ou *France Antàrctique*. Elle est située veritablement entre les tropiques iusques de la le *Capricorne*, se confinant du costé d'occident vers *Temistitan* & les *Moluques*: vers Midy au destroit de *Magellan*, & des deux costez de la mer *Oceane*, & *Pacifique*. Vray est que pres *Dariene* et *Furne*, ce païs est fort estroit, car la mer des deux costez entre fort auant dans terre. Or maintenant nous faut escrire de la part que nous auons plus congneue, & frequentée, qui est située environ le tropique brumal, & encores de là Elle a esté & est habitée pour le iourd'huy, outre les  
Chre-

## DE LA FRANCE ANTARCT. 51

Chrestiens, qui depuis Americ Vespuce l'habitent, de habitans  
gens merueilleusement estranges, & sauvages, sans de l'Ame  
foy, sans loy, sans religion, sans civilité aucune, mais Vi rique.  
uans comme bestes irraisonnables, ainsi que nature les  
a produits, mangeans racines, demeurās tousiours nuds  
tant hommes que femmes, iusques à tant, peut estre,  
qu'ils seront hantez des Chrestiens, dont ils pourront  
peu à peu despoiller ceste brutalité, pour vestir vne fa  
çon plus civile & humaine. En quoy nous devons lou  
ër affectueusement le Createur, qui nous a esclarcy  
les choses, ne nous laissant ainsi brutaux, cōme ces pau- l'Ameri-  
ures Ameriques. Quāt au territoire de toute l'Ame- que, païs  
rique il est tresfertile en arbres portans fruits excellēs, tresfertile  
mais sans labeur ne semence. Et ne doutez que si la ter le.  
re estoit cultiuée, qu'elle ne rapportast fort bien vne sa  
situation, montagnes fort belles, plaines spacieuses, l'Ameri-  
fleuves portans bon poisson, isles grasses, terre ferme sem que habi  
blablement. Auioird'huy les Espagnols & Portugais tée, tant  
en habitent vne grande partie, les Antilles sus l'Oce- des Espa  
an, les Moluques, sus la mer Pacifique, de terre ferme que Por-  
iusques à Dariene, Parias, et Palmarie: les autres plus tugais.  
Vers le Midy, comme en la terre du Bresil. Voyla de ce  
païs en general.

### De la religion des Ameriques.

#### CHAP. XXVIII.

**N**ous auons dit, que ces pauvres gens viuoient sans religion, & sans loy, ce qui est veritable. Vray est qu'il n'y a creature capable de raison tant auenglée, voyant le ciel la terre, le Soleil & la Lune, ainsi ordonnez, la mer



# LES SINGULARITES.

Religio  
de ceux  
de l'Ame  
rique.

Toupan.

Hetich  
racines.

Charaï-  
be.

et les choses qui se font de iour en iour, qui ne iuge cela estre fait de la main de quelque plus grand ouvrier, que ne sont les hommes. Et pource n'y a nation tant barbare que par l'instinct naturel n'aye quelque religion, & quelque cogitation d'un Dieu. Ils confessent donc tous estre quelque puissance, et quelque souveraineté: mais quelle elle est, peu le sçavent, c'est à sçavoir, ceux auxquels nostre Seigneur de sa seule grace s'est voulu communiquer. Et pource ceste ignorance a causé la variété des religions. Les uns ont reconnu le soleil comme souverain, les autres la Lune, & quelques autres les estoilles: les autres autrement, ainsi que nous recitent les histoires. Or pour venir à nostre propos, nos Sauvages font mention d'un grand Seigneur, & le nommēt en leur langue Toupan, lequel, disent ils, estant la haut fait plouvoir & tonner: mais ils n'ont aucune maniere de prier ne honnorer, ne une fois, ne autre, ne lieu à ce propre. Si on leur tient propos de Dieu, comme quelque fois j'ay fait, ils escouteront attentivement avec une admiration: & demanderont si ce n'est point ce prophete, qui leur a enseigné à planter leurs grosses racines, qu'ils nomment Hetich. Et tiennent de leurs peres qui avant la cognoissance de ces racines, ils ne vivoient que d'herbes comme bestes, & de racines sauvages. Il se trouva, comme ils disent, en leur país un grand Charaïbe, c'est à dire, Prophete, lequel s'adressant à une ieune fille, luy donna certaines grosses racines, nommées Hetich, estant semblables aux nouveaux Lymosins, luy enseignant qu'elle les mist en morceaux, & puis les planta en terre: ce qu'elle fist: & depuis ont ainsi de pere en fils tousiours continué. Ce que leur a bien succédé  
tel-

tellement qu'à present ils en ont si grande abondance, qu'ils ne mangent gueres autre chose : & leur est cela commun ainsi que le pain à nous. D'icelle racine s'en trouue deux especes, de mesme grosseur.

La premiere en cuisant deuenit iaulne comme vn coing : l'autre blanchatre. Et ces deux especes ont la feuille semblable à la mauue : & ne portèt iamais graine. Parquoy les Sauvages replantent la mesme racine couppée par rouelles, comme l'on fait les raues par deça, que l'on met en sallades, & ainsi replantées multiplient abondamment. Et pource qu'elle est incognüe à noz medecins & arboristes de par deça, il m'a semblé bon vous la représenter selon son naturel,





# LES SINGULARITES.

L'Ameri  
que pre-  
miere-  
mēt def-  
couuerte  
en l'année  
1497.

Cāniba-  
les, peu-  
ples vi-  
uans de  
chair hu-  
maine.  
Mahire.

Lors que premierement ce païs fut descouvert, ainsi que desia nous auons dit, qui fut lan mil quatre cens nonante sept, par le commandement du Roy de Castille ces Sauuages estonnez de voir les Chrestiens de ceste façon, qu'ils n'auoyent iamais veüe, ensemble leur maniere de faire, ils les estimoyent comme prophetes, & les honnoroyent ainsi que dieux: iusques à tant que ceste canaille les voyāt deuenir malades, mourir, et estre subiets à semblables passions comme eux, ont commencé à les mespriser, & plus mal traiter que de coustume comme ceux qui depuis sont allez par dela, Espagnols et Portugais, de maniere, que si on les irrite, ils ne font difficulté de tuer vn Chrestien, & le manger, comme ils font leurs ennemis. Mais cela se fait en certains lieux & specialement aux Cannibales, qui ne viuent d'autre chose: comme nous faisons icy de bœuf & de mouton. Aussi ont ils laissé à les appeller Charaïbes, qui est à dire prophetes, ou demidieux, les appellans cōme par mespris & opprobre, Mahire, qui estoit le nom d'un de leurs anciens prophetes, lequel ils detesterent & eurent en mespris. Quant à Toupan ils l'estiment grand, ne s'arrestant en vn lieu, ains allāt çà & là, & qu'il declare ses grands secrets à leurs prophetes. Voyla quāt à la religion de noz Barbares ce que oculairement j'en ay congnū, & entendu, par le moyen d'un truchement François, qui auoit là demeuré dix ans, & entendoit parfaitement leur langue.

Des

Des Ameriques, & de leur maniere de vi-  
ure, tant hommes que femmes.

## CHAP. XXIX.



Nous auons dit par cy deuant, parlans de  
l'Afrique, qu'auons costoyée en nostre na-  
uigation, que les Barbares & Ethiopes,  
& quelques autres es Indes alloient ordi-

nairement tous nuds, hors-mis les parties honteuses,  
lesquelles ils couuroyēt de quelques chemises de cotton,  
ou peaux, ce qui est sans comparaison plus tolerable,  
qu'en nos Ameriques, qui viuent tous nuds ainsi  
qu'ils sortent du ventre de la mere, tant hommes que  
femmes, sans aucune honte ou vergongne. Si vous de-  
mandez s'ils font cela par indigence, ou pour les cha-  
leurs, je respondray qu'ils pourroyent faire quelques  
chemises de cotton, aussi bien qu'ils sçauent faire liets  
pour coucher: ou bien pourroient faire quelques robes  
de peaux de bestes sauvages & s'en vestir, ainsi que  
ceux de Canada: car ils ont abondance de bestes sauua-  
ges, & en prennent aisément: quant aux domestiques  
ils n'en nourrissent point. Mais ils ont ceste opinion d'e-  
stre plus alégres, & dispos à tous exercices, que s'ils e-  
stoyent vestuz. Et qui plus est, s'ils sont vestuz de  
quelque chemise legere, laquelle ils auront gagnée à  
grand travail, quand ils se rencontrent avec leurs en-  
nemis, ils la despoillieront incontinct, auant que met-  
tre la main aux armes, qui sont l'arc & la fiesche, esti-  
mans que cela leur osteroit la dexterité, & alegreté

Façon de  
viure des  
habitans  
de l'Ame-  
rique.



## LES SINGULARITEZ

au combat, mesmes qu'ils ne pourroyent aisément fuir, ou se mouvoir deuant leurs ennemis voire qu'ils seroyent pris par tels vestemens: parquoy se mettront nuds tant sont rudes & mal aduisez. Toutesfois ils sont fort desireux de robes, chemises, chapeaux & autres acoustrements, & les estiment chers & precieux, iusques là qu'ils les laisseront plus tost gaster en leurs petites logettes que les vestir, pour crainte qu'ils ont de les endommager. Vray est qu'ils les vestiront aucunesfois pour faire quelques cabouinages, c'est à dire, quand ils demeurent aucuns iours à boire & faire grand che-  
re, apres la mort de leurs peres, ou de leurs parens: ou bien en quelque solennité de massacre de leurs ennemis.

Encores s'ils ont quelque hobergeon ou chemise de petite valeur vestus, ils les depouilleront & mettront sus leurs espaules se voulans asseoir en terre, pour crainte qu'ils ont de les gaster. Il se trouue quelques vieux entre eux, qui cachent leurs parties honteuses de quelques feuilles, mais le plus souuent par quelque indisposition qui y est. Aucuns ont voulu dire qu'en nostre Europe, au commencement qu'elle fut habitée, que les hommes & femmes estoient nuds, hors-mis les parties secretes: ainsi que nous lisons de nostre premier pere: neantmoins en ce temps là les hommes vi-  
uoient plus long aage que ceux de maintenant, sans estre offensés de tant de maladies: de maniere qu'ils ont voulu soutenir que tous hommes deuroyēt aller nuds, ainsi qu'Adam & Eve nos premiers parens estoient en paradis terrestre. Quant à ceste nudité il ne se trou-  
ue aucunement qu'elle soit du vouloir & commande-  
ment

ment de Dieu. le ſçay biẽ que quelques heretiques appellez *Adamians*, maintenãſ fauſement ceſte nudité, et les ſectateurs viuoient tous nuds, ainſi que noz *Ameriques*, dont nous parlõs, & aſſiſtoient aux ſynagogues pour prier à leurs temples tous nuds. Et par ce l'on peut cognoiſtre leur opinion euidentemẽt faulſe: car avant le peché d'Adam & Eue, l'eſcripture ſainte nous teſmoigne, qu'ils eſtoient nuds, & apres ſe couuroient de peaux, comme pourries eſtimer de preſent en Canada. Laquelle erreur ont imité pluſieurs, comme les *Turlupins*, & les philoſophes appellez *Cyniques*: leſquels alleguoient pour leurs raiſons, & enſeignoyent publiquement l'homme ne deuoir cacher ce que nature luy a donné. Ainſi ſont monſtrez ces heretiques plus impertinẽs apres auoir eu la cognoiſſance des choſes, que noz *Ameriques*. Les Romains quelque eſtrãge façon, qu'ils obſeruaſſent en leur maniere de viure, ne demeuroyent toutesfois ainſi nuds. Quand aux ſtatues & images, ils les colloquoyẽt toutes nues en leurs temples, comme recite *Tite Liue*. Toutesfois ils ne portoyent coife ne bonnet ſus la teſte: comme nous trouuõs de *Cains Ceſar*, lequel eſtant chauue par deuant, auoit couſtume de ramener ſes cheueux de derriere pour couvrir le front: pourtant priſt licence de porter quelque bonnet leger ou coife, pour cacher ceſte part de la teſte, qui eſtoit pellée.

*Adamians*, heretiques maintenans la nudité.

Opinion des *Turlupins*, & philoſophes *Cyniques* touchant la nudité

*Iules Ceſar* portoit bonnet contre la couſtume des Romains, & pourquoy.

Voilà ſus le propos de noz *Sauuages*. J'ay veu encores ceux du *Peru* uſer de quelques petites chemiſoles de cotton façonnẽes à leur mode. Sans eſlongner de propos, *Pline* recite qu'à l'extremité de l'*Inde orientale* (car iamais il n'eut cognoiſſance de l'*Amerique*

du



## LES SINGULARITEZ

du costé de Ganges y auoir certains peuples vestuz de grandes fueilles larges, & estre de petite stature. Ie diray encore de ces pauvres Sauvages, qu'ils ont vn regard fort espouuantable, le parler austere, reiterāt leur parole plusieurs fois. Leur langage est bref & obscur, toutesfois plus aisé à comprendre que celuy des Turcs ne des autres natiōs de Leuant comme ie puis dire par experience. Ils prennent grand plaisir à parler indistinctement, à vanter les victoires & triūphes qu'ils ont fait sus leurs ennemis. Les vieux tiennent leurs promesses & sont plus fideles que les ieunes, tous neantmoins fort subiets à l'arrecin, non qu'ils desrobent l'vn l'autre, mais s'ils trouuent vn Chrestien ou autre estrange, ils le pilleront. Quant à l'or & argent, ils ne luy en feront tort, car ils n'en ont aucune cognoissance. Ils vsent de grandes menaces, spécialement quand on les a irritez, non de frapper seulement, mais de tuer. Quelque inciuilité qu'ils ayent, ils sont fort prompts à faire seruice & plaisir, voire à petit salaire charitables iusques à conduire vn estrange cinquante ou soixante lieues dans le païs, pour les difficultes et dāgers, avec toutes autres œuures charitables & honnestes, plus ie diray qu'entre les Chrestiens. Or noz Ameriques ainsi nuds ont la couleur exterieure rougeastre, tirant sus couleur de lion: & la raison ie la laisseray aux philosophes naturels, & pourquoy elle n'est tant aduste comme celle des Noirs d'Ethiopie: au surplus bien formez & proportionnez de leurs membres: les yeux toutefois mal faits, c'est à sçauoir noirs, lousches, & leur regard presque comme celuy d'une beste sauvage. Ils sont de haute stature, dispos & alēgres,

pen

Stature  
des Ame  
riques, et  
couleur  
naturelle

peu subiets à maladie, sinon qu'ils reçoivent quelque coups de flesches en guerre.

De la maniere de leur manger & boire.

CHAP. XXX.



N peut facilement entendre, que ces bonnes gens ne sont pas plus civils en leur manger, qu'en autres choses. Et tout ainsi qu'ils n'ont certaines loix, pour eslire ce qui est loix.

Les Sauvages viuent sans loix.

bon, et fuir le contraire, aussi mangent ils de toutes viandes, à tous iours et à toutes heures, sans autre discretiō, Vray est que d'eux-mesmes ils sont asés superstitieux de ne manger de quelque beste, soit terrestre ou aquatique, qui soit pesante à cheminer, ains de toutes autres qui cognoissent plus legeres à courir ou voler, cōme sont cerfs & biches: pource qu'ils ont ceste opiniō, que ceste chair les rendroit trop pesans, qui leur apporteroit inconuenient, quand ils se trouueroient assaillis de leurs ennemis. Ils ne veulent aussi manger de choses salées, & les defendent à leurs enfans. Et quād ils voyent les Chrestiens manger chairs salées, ils les reprennent comme de chose impertinente, disans que telles viandes leur abbregeront la vie. Ils vsent au reste de toutes especes de viandes, chair & poisson, le tout rosti à leur mode. Leurs viandes sont bestes sauvages, rats de diuerses especes & grandeurs, certaines especes de crapaux plus grands que les nostres, crocodiles & autres, qu'ils mettent toutes entieres sus le feu, avecques peau & entrailles: & en vsent ainsi sans autre difficulté: voire ces crocodiles, les lards gros comme vn cochō d'un

Que les Ameriques ont en horreur la chair salée. Viandes ordinaires des Sauvages.

moys,



## LES SINGVLARITEZ.

Lefart  
des Ame  
riques,

Silence  
des Sau-  
uages à  
la table.

Auaty  
bruuage.

moys, & longs en proportion, qui est vne viande fort friande, tesmoins ceux qui en ont mangé. Ces lesards sont tant priuez qu'ils s'approchent de vous, prenant vostre repas que si vous leur iettez quelque chose, ils la prendront sans crainte ou difficulté. Ces Sauvages les tuent à coups de fleches. Leur chair ressemble à celle d'un poulet. Toute la viande qu'ils font bouillir sont quelques petites ouïstres, et autres escailles de mer. Pour manger ils n'observent certaine heure limitée, mais à toutes heures qu'ils se sentent auoir appetit, soit la nuit apres leur premier sommeil se leueront tresbien pour manger, puis se remettront à dormir. Pendant le repas ils tiennent vne merueilleuse silence, qui est louable plus qu'en nous autres, qui iasons ordinairement à table. Ils cuisent fort bien leur viande, & si la mangent fort posément, se mocquans de nous, qui deuorons à la table au lieu de manger: & iamais ne mangent, que la viande ne soit suffisammēt refroidie. Ils ont vne chose fort estrange: lors qu'ils mangēt, ils ne büront iamais, quelque heure que ce soit: au contraire quand ils se mettront à boire, ne mangeront point, & passerōt ainsi en buuant voire vn iour tout entier. Quand ils font leurs grands banquets et solennitez, cōme en quelque massacre, ou autre solennité, lors ne ferōt q̄ boire tout le iour, sans manger. Ils font bruuages de gros mil blanc et noir, qu'ils nomēt en leur lāgue Auaty: toutefois peu apres auoir ainsi beu, et s'estre separés les vns des autres, mangerōt indifferēmēt tout ce qui se trouuera. Les pauvres viuent plus de poisson de mer, ouïstres, et autres choses semblables, q̄ de chair. Ceux qui sont loing de la mer peschēt aux riuieres: aussi ont diuersité de fruits, ainsi que

que nature les produit, neantmoins vivent long temps  
 saints & dispos, icy faut noter que les anciens ont plus  
 communement vescu de poisson q de chair: ainsi q Hero-  
 dote afferme des Babiloniens, qui ne viuoient q de pois-  
 son. Les loix de Triptoleme, selon Xenophō, defendoiet  
 aux Atheniens l'usage de la chair. Ce n'est dōc chose si  
 estrāge de pouuoir viure de poisson sans usage de chair.  
 Et mesmes en nostre Europe du commencement, et a-  
 uant q la terre fust ainsi cultiuée et habitée, les hōmes  
 viuoient encorres plus austeremēt sans chair ne poisson,  
 n'ayans l'industrie d'en vser: et toutefois estoient robu-  
 stes, et viuoient longuement, sans estre tant effeminés,  
 que ceux de nostre temps: lesquels d'autāt plus qu'ils  
 sont traités delicatement, & plus sont subiets à mala-  
 dies, & debilités. Or noz Sauvages vscnt de chairs

Maniere  
 de viure  
 des an-  
 ciens.

Les hom-  
 mes tant  
 plus sont  
 nourris  
 delicate-  
 ment, &  
 moins  
 sont ro-  
 bustes.



& poissons, comme nous auons dit: & en la manie-  
 re qui vous est icy monstrée par figure. Quelques  
 vns d'iceux se couchent en leurs lits pour manger,



## LES SINGULARITEZ.

au moins sont assis, spécialement le plus vieil d'une famille sera dedans son lit, & les autres auprès, luy faisant le service: comme si nature les auoit enseignez à porter honneur à vieillesse. Encores ont bien ceste honnesteté, que le premier qui a pris quelque grosse proye, soit en terre ou en eau, il en distribuera à tous principalement aux Chrestiens, s'il y en a, et les inviteront libéralement à manger de telle viande, que Dieu leur donne, estimans recevoir iniure si vous les refusez en cela. Et qui plus est, de primeface que l'on entre dans leurs logettes, ils vous demanderont en leur langue, Marabiflere, comment as tu nom: car vous vous pouvez assurer, que s'ils le sçauent une fois, iamais ne l'oublieront, tant ils ont bonne memoire, & y fust Cyrus Roy des Perses, Cyneas legat du Roy Pirrhus, Mithridates, ne Cesar, lesquels Pline recite auoir esté de très-bonne memoire: & apres leur auoir respondu quelque propos, vous demanderont, Marapipo, que veux tu dire, & plusieurs autres caresses.

Contre l'opinion de ceux qui estiment les Sauuages estre pelus.

### CHAP. XXXI.

**P**ourtāt que plusieurs ont ceste folle opiniō que ces gens que nous appellōs Sauuages, ainsi qu'ilz viuent par les bois et chāps à la maniere presque des bestes brutes, estre pareillement ainsi pelus par tout le corps, comme vn ours, vn cerf, vn lion, mesmes les peignent ainsi en leurs

leurs riches tableaux: bref, pour descrire vn hōme Sauvage, ils luy attribuerōt abondāce de poil, de puis le pied iusques en teste, comme vn accident inseparable, ainsi qu'à vn corbeau la noirceur: ce qui est totalemet faux: mesmes i'en ay veu quelques vns obstinez iusques là, q' ils affermoient obstinément iusques à iurer d'vne chose, qui leur est certaine, pour ne l'auoir veüe: combien que telle soit la cōmune opinion. Quant à moy, je le sçay & l'affirme assurement, pour l'auoir ainsi veu. Mais tout au contraire, les Sauvages tant de l'Inde orientale, que de nostre Amerique, issent du ventre de leur mere aussi beaux & polis, que les enfans de nostre Europe. Et si le poil leur croist par succession de temps en aucune partie de leur corps, comme il auient à nous autres, en quelque partie que ce soit, ils l'arrachent auecques les ongles, reseruant celuy de la teste seulement, tant ils ont cela en grand horreur, autant les hommes que les femmes. Et du poil des sourcils, qui croist aux hommes par mesure, leurs femmes le tondent & rasent auec vne certaine herbe trenchante comme vn rasoir. Ceste herbe ressemble au ionc qui vien pres des eaux. Et quant au poil amatoire & barbe du visage, ils se d'herbe l'arrachent comme au reste du corps. Depuis quelque temps ença, ils ont trouué le moyen de faire ie ne sçay quelles pinsettes, dont ils arrachent le poil brusquemēt.

Car depuis qu'ils ont esté frequentez des Chrestiens, ils ont appris quelque vsage de maller le fer. Et pour ce ne croirez d'oresnauant l'opinion cōmune & façon de faire des peintres, ausquels est permise vne licence grande de peindre plusieurs choses à leur seule discretion, ainsi qu'aux Poëtes de faire des comptes. Que



## LES SINGULARITEZ

Monstre  
de forme  
humaine  
couuert  
d'escail-  
les.

s'il aduient vne fois entre les autres qu'un enfant sorte ainsi velu du vêtre de la mere, et que le poil se nourrisse & augmēte par tout son corps, come l'on en a veu aucuns en France, cela est vn accident de nature, tout ne plus ne moins que si aucun naissoit avec deux testes, ou autre chose semblable. Ce ne sont choses si admirables, consideré que les medecins & philosophes en peuvent donner la raison. l'en ay veu vn en Normandie couuert d'escailles, comme vne carpe. Ce sont imperfections de nature. Je confesse bien, mesme selon la glose sur le treziesme d'Esaië, qu'il se trouue certains monstres ayāts forme d'hommes, qu'ils ont appellez Satyres, viuants par les bois, et velus cōme bestes sauvages. Et de cela sont pleins les escrits des poētes, de ces Satyres, Faunes, Nymphes, Dryades, Hamadryades, Orcades, & autres manieres de monstres, lesquels ne se trouuēt aujour d'huy, ainsi comme le tēps passé, auquel l'esprit malin s'efforçoit par tous moyens à deceuoir l'homme, se transformant en mille figures. Mais aujour d'huy, que nostre Seigneur par compassiō s'est cōmuniqūé à nous, ces esprits malings ont esté chassez hors, nous donnant puissance cōtre eux, ainsi que tesmoigne la sainte escripture. Aussi en Afrique se peuuēt encores trouuer certains monstres difformes, pour les raisons que nous auōs alleguées au cōmencement de ce liure, et autres que ie lairray pour le present. Au surplus quāt à noz Ameriques ils portent cheueux en teste faconnez presque ainsi q̄ ceux des moynes, ne leur passans point les oreilles: vray est qu'ils les couppēt par le deuāt de la teste et disent pour leurs raisons, ainsi q̄ ie m'en suis informé, mesmes à vn roitelet du pais, que s'ils portoyent che-

yeux longs par deuant, & barbe longue, cela leur se-  
roit occasion de tober entre les mains de leurs ennemis,  
qui les pourroyent prendre aux cheueux et à la barbe:  
aussi qu'ils ont appris de leurs ancestres, qu'estre ainsi  
ecourtez de poil leur causeroit merueilleuse hardiesse.  
l'estimeroyz que si noz Sauvages eussent frequeté vers  
l'Asie, qu'ils eussent appris cela des Abâtes, q trouue-  
rét ceste inuêtiō de se raser la teste, pour estre, disent ils, <sup>Abantes</sup>  
plus hardis & belliqueux entre leurs ennemis. <sup>peuple</sup>  
Aussi <sup>d'Asie.</sup> Plutarque raconte en la vie de Theseus, que la coustū  
me des Atheniens estoit, que les Ephores, c'est à dire,  
constituez cōme Tribuns en leur Republique, estoient Coustu-  
tenuz d'offrir la tōsure de leurs cheueux et perruques <sup>me des</sup>  
aux dieux en Delphe: de maniere que Theseus ayant <sup>Atheniēs</sup>  
fait raser le deuāt de la teste à la mode de noz Ameri-  
ques, fut incité à cela par les Abantes, peuple d'Asie.  
Et de fait nous trouuōs qu'Alexandre Roy de Macedoi-  
ne cōmanda à ses gens de prendre les Macedoniens par  
les cheueux et barbe, qu'ils portoyēt longue: pour ce lors  
il n'y auoit encores de barbiers pour les tondre ou raser.  
Et les premiers que l'on vit en Italie estoient venus  
de Sicile. Voyla donc quant au poil des Ameriques,  
D'un arbre nommé Genipat en langue des  
Ameriques, duquel ils font teinture.

## CHAP. XXXII.

**G**enipat, est vn arbre dont les Sauvages de  
l'Amerique font grande estime, pour le <sup>Genipat,</sup>  
fruit qu'il porte, nommé du nom de l'ar- <sup>arbre &</sup>  
bre: non pas qu'il soit bon à manger, mais <sup>fruit.</sup>  
vtile à quelque autre chose ou ils l'appliquent. Il res-  
semble



## LES SINGULARITEZ

Maniere  
de faire  
teinture  
de cest  
arbre Ge  
nipat.

Maniere  
des Sau-  
uages à  
se colorer  
le corps.

Vsub gō  
me.

semble de grādeur et de couleur à la pesche de ce païs:  
du jus duquel ils font certaine teinture, dont ils teignent  
aucunefois tout leur corps. La maniere de ceste teintu-  
ture est telle. Les pauvres bestiaux n'ayās autre moyen  
de tirer le suc de ce fruit, sont contraincts le macher, com-  
me s'ils le vouloyent aualler puis le remettent & eprei-  
gnent entre leurs mains, pour luy faire rendre son ius,  
ainsi que d'une esponge quelque liqueur, lequel suc ou  
jus est aussi cler qu'eau de roche. Puis quād ils ont vou-  
lur de faire quelque massacre, ou qu'ils se veulent visi-  
ter les vns les autres, et faire quelque autre solennité,  
ils se mouillent tout le corps de ceste liqueur: & tant  
plus qu'elle se desseiche sur eux, et plus acquiert couleur  
vive. Ceste couleur est quasi indicible, entre noire &  
azur'e, n'estant iamais en son vray naturel, iusques à  
ce qu'elle aye demeuré l'espace de deux iours sus le  
corps, & qu'elle soit aucunement seich'e. Et s'en vont  
ainsi ces pauvres gens autant contents, comme nous fai-  
sons de nostre veloux & satin; quand nous allons à la  
feste, ou autrement. Les femmes se teignent de ceste cou-  
leur plus coustumierement que les hommes. Et note-  
rez en cest endroit que si les hommes sont inuitez de  
dix ou douze lieues pour aller faire quelque cahouina-  
ge avecques leurs amis, avant que partir de leur villa-  
ge, ils peleront quelque arbre, dont le dedans sera rou-  
ge, jaune, ou de quelque autre couleur, & le hacheront  
fort menu, puis tireront de la gomme de quelque autre  
arbre, laquelle ils nomment vsub, & s'en frotteront  
tout le corps combien qu'elle soit propre aux playes, ain-  
si que j'ay veu par experience. puis par dessus ceste gō-  
me gluante espondront de ces couleurs susdites.

Les

Les autres au lieu de ce bois mettront force petites plumes de toutes couleurs, de maniere que vous en verrez de rouges, comme fine éscarlatte: les autres d'autres couleurs: & autour de leurs testes portent de grands pennaches beaux à merueilles. Voyla de leur Genipat. Cest arbre porte fueilles semblables à celles du noyer: & le fruit vient presque au bout des branches, l'vne sur l'autre d'une façon estrange. Il s'en trouue vn autre aussi nommé Genipat, mais son fruit est beaucoup plus gros, & bon à manger. Autre singularité d'une herbe, qu'ils nomment en leur langue Petun, laquelle ils portent ordinairement avec eux, pource qu'ils l'estiment merueilleusement proffitabile à plusieurs choses. Elle ressemble à nostre buglosse.

Genipat, autre arbre. Petun herbe, & comme ils en vsent.

Or ils cueillent soigneusement ceste herbe, et la font seicher à l'ombre dans leurs petites cabannes. La maniere d'en vser est telle. Ils enueloppent, estant seiche, quelque quantité de ceste herbe en vne fueille de palmier, qui est fort grande, & la rollent comme de la longueur d'une chandelle, puis mettēt le feu par vn bout, & en reçoient la fumée par le nez, & par la bouche. Elle est fort salubre, disent ils, pour faire distiller & consumer les humeurs superflues du cerueau. D'auantage prise en ceste façon fait passer la faim & la soif pour quelque temps. Parquoy ils en vsent ordinairement, mesmes quand ils tiennent quelque propos entre eux, ils tirent ceste fumée, & puis parlent: ce qu'ils font coustumierement et successiuellement l'vn apres l'autre en guerre, ou elle se trouue trescomode. Les femmes n'en vsent aucunement. Vray est, que si l'on prend trop de ceste fumée ou parfun, elle enteste & enyure, com-



## LES SINGULARITEZ

Lynce-  
ste, fon-  
taine, &  
sa pro-  
priété.

me le fumet d'un fort vin. Les Chrestiens estans au-  
jourd'huy par delà sont deuenus merueilleusement  
friands de ceste herbe & parfun : combien qu'au com-  
mencement l'usage n'est sans danger auant que l'on y  
soit accoustumé : car ceste fumée cause sueurs & foi-  
blesces, iusques à tomber en quelque syncope : ce que i'ay  
experimenté en moy mesme. Et n'est tant estrange qu'il  
semble, car il se trouue asses d'autres fruits qui offen-  
sent le cerueau, combien qu'ils soyent delicats & bons  
à manger. Plin recite qu'en Lynceste à vne fontaine,  
dont l'eau enyure les personnes : semblablement vne  
autre en Paphlagonie. Quelques vns penseront n'estre  
vray, mais entierement faux, ce qu'auons dit de ceste  
herbe, comme si nature ne pouuoit donner telle puissan-  
ce à quelque chose sienne, bien encore plus grande, mes-  
mes aux animaux, selon les contrées, & regions, pour-  
quoy auroit elle plus tost frustré ce pais d'un tel bene-  
fice, temperé sans comparaison plus que plusieurs au-  
tres? Et si quelqu'un ne se contentoit de nostre tesmoi-  
gnage, lise Herodote, lequel en son second liure fait  
mentio d'un peuple d'Afrique viuant d'herbes seu-  
lement. Appian recite que les Parthes banniz &  
chassés de leur pais par M. Antoine ont vescu de cer-  
taine herbe qui leur ostoit la memoire toutesfois auoy-  
ent opinion qu'elle leur donnoit bon nourrissement,  
combien que par quelque espace de temps ils  
mourroient. Parquoy ne doit l'histoire  
de nostre Petun estre trou-  
uée estrange.

D'un

## D'un arbre nommé Paquouere.

## CHAP. XXXIII.

**P**uis que nous sommes sur le propos des arbres, j'en descriray encores quelqu'un, non pour amplification du present discours, mais pour la grande vertu & incredible singularité des choses : & que de tels ne se trouue par deça non pas en l'Europe, Asie, ou Afrique. Cest arbre donc que les Sauvages nomment Paquouere, est par auanture le plus admirable, qui se trouua oncq'. Premierement il n'est pas plus haut de terre iusques aux branches, qu'une brassée ou environ, & de grosseur autāt qu'un homme peut empoigner de ses deux mains : cela s'entend quand il est venu à iuste croissance : & en est la tige si tendre, qu'on la couperoit aisément d'un cousteau. Quant aux fueilles, elles sont de deux pieds de l'argeur, & de longueur une brassée, un pié & quatre doigts : ce que ie puis asseurer de verité

Descri-  
ptiō d'un  
arbre nō  
mé Pa-  
quouere.


I'en ay veu quasi de ceste mesme espeece en egypte et en Damas retournant de Ierusalem : toutesfois la fueille n'approche à la moitié pres en grandeur de celles de l'Amerique. Il y a dauantage grande difference au fruit : car celui de cest arbre, dont nous parlons, est de la longueur d'un bon pié : c'est à sçauoir le plus long, et est gros comme un concombre, y retirant asses bien quant à la façon.

Ce fruit qui nomment en leur langue Pacona, est Pacona, tresbon, venu en maturité, & de bonne cōcoction. Les fruit. Sauvages le cuillent auant qu'il soit iustement meur, lequel



## LES SINGVLARITEZ

lequel ils portent puis apres en leurs logettes, comme l'on fait les fruits par deça. Il croist en l'arbre par morceaux, trente ou quarante ensemble, et tout aupres l'un de l'autre, en petites branches qui sont pres du tronc: comme pouuez voir par la figure que j'ay fait représenter cy dessous.



Et qui est encore plus admirable, cest arbre ne porte iamais fruit qu'une fois. La plus grandpart de ces Sauvages, iusques bien auant dans le país, se nourrist de ce fruit vne bonne partie du teps: & d'un autre fruit, qui vient par les champs, qu'ils nomment Hoyriri, lequel à voir pour sa façon & grandeur l'on estimeroit estre produit en quelque arbre: toutesfois il croist en certaine

raine herbe, qui porte feuille semblable à celle de pal-  
 me tant en logueur que largeur. Ce fruit est log d'une  
 paulme, en façon d'une noix de pin, sinon qu'il est plus  
 long. Il croist au milieu des feuilles, au bout d'une ver-  
 ge toute ronde: & dedans se trouue comme petites noi-  
 settes, dont le noyau est blanc & bon à manger, sinon  
 que la quantité (comme est de toutes choses) offense le  
 cerueau: laquelle force l'on dit estre semblable en la co-  
 rriandre, si elle n'est preparée: pareillement si l'autre  
 estoit ainsi preparé, peut estre qu'il depouilleroit ce vice.  
 Neantmoins les Ameriques en mangent, les petits en-  
 fans principalement. Les champs en sont tous pleins à  
 deux lieues du cap de Frie, auprès de grands maresca-  
 ges, que nous passames apres auoir mis pié à terre à no-  
 stre retour. Je diray en passant, outre les fruits que nous  
 vismes pres ce marais, que nous trouuames vn crocоди-  
 le mort, de la grandeur d'un veau, qui estoit venu des  
 prochains marais, & là auoit esté tué: car ils en man-  
 gent la chair, comme des lesards, dont nous auons parlé.  
 Ils le nomment en leur langue Iacareabsou: et sont plus  
 grands que ceux du Nil. Les gens du pais disent, qu'il  
 y a vn marais tenant cinq lieues de circuit, du costé de  
 Pernomeri, distant de la ligne dix degrez, tirant aux  
 Canibales, ou il y a certains crocodiles, comme grands  
 bœufs, qui rendent vne fumée mortelle par la gueulle,  
 tellement que si l'on s'approche d'eux, ils ne faudront à  
 vous faire mourir: ainsi qu'ils ont entendu de leurs an-  
 cestres. Au mesme lieu, ou croist ce fruit dont nous par-  
 lons, se trouue abondance de lieures semblables aux no-  
 stres, hors-mis qu'ils ne sont si grands, ne de semblable  
 couleur. Là se trouue aussi vn autre petit animât, nom-

Crocodi-  
le mort.

Iacare-  
absou.

Espec-  
de lie-  
ures.



## LES SINGULARITEZ

Agoutin  
animal.

m<sup>e</sup> Agoutin, grand comme vn lieure mescreu, le poil comme vn sanglier, droit & eleué, la teste comme celle d'vn gros rat, les oreilles, & la bouche d'vn lieure, ayant la queue longue d'vn ponce, glabre totalement sur le dos, depuis la teste iusques au bout de la queue, le pied fourchu comme vn porc. Ils viuent de fruits, aussi en nourrisent les Sauvages pour leur plaisir, ioinct que la chair en est tresbonne à manger.

La maniere qu'ils tiennent à faire  
incisions sur leur corps.

### CHAP. XXXIIII.



Il ne suffit à noz Sauvages destre tous nuds, & se peindre le corps de diuerses couleurs, d'arracher leur poil, mais pour se rendre encore plus difformes, ils se percent

Vignot,  
petit  
poisson.

la bouche estans encores ieunes, avec certaine herbe fort aigue : tellement que le pertuis s'augmente avecques le corps : car ils mettent dedans vne maniere de vignots, qui est vn petit poisson longuet, ayant l'escorce dure en façon de patinotre, laquelle ils mettent dans le trou quād le poisson est hors, et ce en forme d'vn doüsil, ou broche en vn mwy de vin: dont le bout plus gros est par dedans, & le moindre dehors, sus la leure basse. Quand ils sont grands sus point de se marier, ils portent de grosses pierres, tirans sus couleur d'emeraude, & en font telle estime, qu'il n'est facile d'en recouurer d'eux, si on ne leur fait quelque grand present, car elles sont rares en leur país. Leurs voisins & amis prochains apportent ces pierres d'vne haute montagne, qui est

Pierre ti  
rant sus  
couleur  
d'eme-  
raude.

au païs des Cannibales, lesquelles ils polissent avec vne  
 autre pierre à ce dediée, si naïuement, qu'il n'est pos-  
 sible au meilleur ouurier de faire mieux. Et se pour-  
 roient trouuer en ceste mesme montagne aucunes eme-  
 raudes, car j'ay veu telle de ces pierres, que l'on eust in-  
 gée vraye emeraude. Ces Ameriques donc se desfigu-  
 rent ainsi, & difforent de ces grāds pertuis & gros-  
 ses pierres au visage: à quoy ils prennent autāt de plaai-  
 sir, qu'un Seigneur de ce païs à porter chaines riches  
 & precieuses: de maniere que celuy d'entre eux qui  
 en porte le plus, est de tant plus estimé, & tenu pour  
 Roy ou grand Seigneur: & non seulement aux leures  
 & à la bouche, mais ausi des deux costez des iouës.  
 Les pierres que portent les hommes, sont quelquesfois  
 larges comme vn double ducat et plus, & espesses d'un  
 grand doigt: ce que leur empesche la parolle, tellement  
 qu'à grande difficulté les peut on entendre quand ils  
 parlent, non plus que s'ils auoient la bouche pleine de  
 farine. La pierre avec sa cavitē leur rend la leure de  
 dessous grosse comme le poing: & selon la grosseur se  
 peut estimer la capacité du pertuis entre la bouche &  
 le menton. Quand la pierre est ostée, s'ils veulent par-  
 ler, on voit leur salive sortir par ce cōduit, chose hideu-  
 se à voir: encores quand ceste canaille se veut moquer,  
 ils tirent la langue par la. Les femmes & filles ne sont  
 ainsi difformes: vray est qu'elles portent à leurs oreil-  
 les certaines choses pendues, que les hōmes font de gros  
 vignots & coquilles de mer: & est cela fait cōme vne  
 chandelle d'un liard de longueur & grosseur. Les  
 hommes en outre portent croissans longs et larges d'un  
 pié sus la poitrine, et sont attachez au col. Ausi en por-  
 tent



## LES SINGULARITEZ

Colliers  
de vi-  
nogts.  
Sorte de  
patino-  
tres blan-  
ches.

Brasse-  
lets d'es-  
cailles de  
poisson.  
Deformi-  
té des  
Ameri-  
ques.

tent communement les enfans de deux à trois ans. Ils portent aussi quelques colliers blancs, qui sont d'une autre espee de plus petits vignots, qu'ils prennent en la mer, & les tiennent chers & en grande estime. Ces patinotres que l'on vend maintenant en France, blanches quasi comme ivoire, viennent delà, & les font eux mesmes. Les matelots les achètent pour quelque chose de vil pris, & les apportent par deçà. Quand elles commenceret à estre en usage en nostre France, l'on vouloit faire croire que c'estoit corail blanc: mais depuis aucuns ont maintenu la matiere de laquelle elles sont faites estre de porcelaine. On les peut baptiser ainsi que l'on veut. Quoy qu'il en soit, estant au pais, j'en ay veu d'os de poisson. Et les femmes portent brasselets de ces escailles de poisson, & sont faits tout ainsi qu'un gardebras de gendarme. Ils estiment fort ces petites patinotres de verre, que l'on porte de deçà. Pour le comble de deformité ces hommes & femmes le plus souvent sont tous noirs, pour estre teints de certaines couleurs et teintures. qu'ils font de fruits d'arbres, ainsi que desia nous avons dit, & pourrons encores dire. Ils se teignent & accoustret les uns les autres. Les femmes accoustret les hommes, leur faisans mille gentilleses, comme figures, ondes, & autres choses semblables, dechiquetées si menu qu'il n'est possible de plus. On ne lit point que les autres nations en ayent ainsi usé. On trouve bien que les Scythes allans voir leurs amis, quand quelcun estoit decedé, se peignoyent le visage de noir. Les femmes de Turquie se peignent bien les ongles de quelques couleurs rouge ou perse, pensant par cela estre plus belles: non pas le reste du corps. Je ne veux oublier que les fem-

mes

mes en ceste Amerique ne teignent le visage & corps de leurs petits enfans de noir seulement, mais de plusieurs autres couleurs, & d'une specialment qui tire sur le Boli armeni, laquelle ils font d'une terre grasse comme argille, quelle couleur dure l'espace de quatre iours. Et de ceste mesme couleur les femmes se teignent les iambes, de maniere qu'à les voir de loing, on les estimeroit estre reparées de belles chausses de fin estamet noir.

Des visions, songes, & illusions de ces Ameriques, & de la persecution qu'ils reçoivent des esprits malins.

## C H A P. XXXV.

**E**'st chose admirable, que ces pauvres gës, Pour-  
encores qu'ils ne soient raisonnables, pour quoy les  
estre priuez de l'usage de vraye raison, Ameri-  
& de la congnoissance de Dieu, sont sub- ques s'ont  
subiets à plusieurs illusions phantastiques, & persecutiōs aux per-  
de l'esprit malin. Nous avons dit, que par deçà adue- secutiōs  
noit cas semblable avant l'aduenement de nostre Sei- du malin  
gneur : car l'esprit malin ne s'estudie qu'à seduire & esprit.  
debaucher la creature, qui est hors de la congnoissance  
de Dieu. Ainsi ces pauvres Ameriques voyent sou-  
uent vn mauvais esprit tantost en vne forme, tantost  
en vne autre, lequel ils nomment en leur langue A- Agnan,  
gnan, & les persecute bien souvent iour & nuit, non que veut  
seulement l'ame, mais aussi le corps, les bastant & ou- dire en  
trageant excessiuelement, de maniere que aucunesfois langue  
vous les orriez faire vn cry epouuetable, disans en leur des Sau-  
uages.  
lan-



## LES SINGULARITEZ

langue, s'il y a quelque Chrestien là pres, Vois tu pas  
 Agnan qui me bat, defends moy, si tu veu<sup>z</sup> que ie te  
 serue, & coupe ton bois: comme quelque fois on les fait  
 travailler pour peu de chose au bois de bresil. Pourtant  
 ne sortent la nuit de leurs logettes, sans porter du feu  
 avec eux, lequel ils disent estre souveraine deffense &  
 remede contre leur ennemy. Et pensoys quand premie-  
 remēt l'on m'en faisoit le recit, que fust fable, mais j'ay  
 veu par experience cest esprit auoir esté chassé par vn  
 Chrestien en inuocāt et prononçāt le nom de I E S V S  
 C H R I S T. Il aduient le semblable en Canada & en  
 la Guinée, qu'ils sont ainsi tormentez, dās les bois prin-  
 cipalement, ou ils ont plusieurs visions: & appellent en  
 leur langage cest esprit, Grigri. Dauantage noz Sau-  
 uages ainsi depourueu<sup>z</sup> de raison, & de la cognoissan-  
 ce de verité, sont fort faciles à tomber en plusieurs fol-  
 lies & erreurs. Ils notent & obseruent les songes dili-  
 gemment, estimans que tout ce qu'ils ont songé doit in-  
 continent ainsi aduenir. Sils ont songé qu'ils doiuent  
 auoir victoire de leurs ennemis, ou deuoir estre vain-  
 cus, vous ne leur pourrez dissuader qu'il n'aduienne  
 ainsi, le croyans aussi assurement, comme nous ferions  
 l'Euangile. Vray est que les Philosophes tiennent au-  
 cuns songes aduenir naturellement, selon les humeurs  
 qui dominent, ou autre dispositio du corps: comme son-  
 ger le feu, l'eau, choses noires, & semblables: mais croi-  
 re aux autres songes, comme ceux de ces Sauvages, est  
 impertinent, & contraire à la vraye religion. Macro-  
 be au Songe de Scipion dit aucuns songes aduenir pour  
 la Vanité des songeurs, les autres Viennent des choses  
 que l'on a trop apprehendées. Autres que noz Sauua-  
 ges

Grigri

Opinion  
 des Sau-  
 uages  
 touchant  
 leurs son-  
 ges.  
 Songes  
 naturels

ges ont esté en ceste folle opinion d'adiouster foy aux songes: comme les Lacedemoniens, les Persies, & quelques autres. Ces Sauvages ont encores vne autre opinion estrange & abusive de quelques vns d'entre eux qu'ils estiment Vrays Prophetes, & les nomment en leur langue Pagés, auxquels ils declarent leurs songes, & les autres les interpretent: & ont ceste opinion, qu'ils disent la verité. Nous dirons bien en cest endroit avec Philon, le premier qui a interpreté les songes, & selon Trogus Pompeius, qui depuis a esté fort excellent en ceste mesme science. Plin est de cest aduis que Amphiction en a esté le premier interprete. Nous pourrions icy amener plusieurs choses des songes & diuinations, & quels songes sont veritables, ou non, ensemble de leurs especes, des causes, selon qu'en auons peu voir és anciens Auteurs: mais pource que cela répugne à nostre religion, aussi qu'il est defendu y adiouster foy, nous arrestans seulement à l'escriture sainte, et à ce qui nous est commandé, ie me deporteray d'en parler dauantage: m'assurant aussi que quelque chose qu'on en veuille dire, que pour vn ou l'on pourra cuillir aucune chose, on se pourra tromper en infinité d'autres. Retournons aux Sauvages de l'Amerique. Ils portent donc grande reuerence à ces Prophetes susnommez, lesquels ils appellent Pagés ou Charaibes, qui vaut autant à dire, comme

Demidieux: & sont vrayement idolatres, ne plus ne moins que les anciens Gentils.

Pagés, ou Charaibes.

Des



## LES SINGVLARITEZ

Des faux Prophetes & Magiciens de ce païs  
qui communiquent avec les esprits  
malings: & d'un Arbre nommé  
Ahouai. CHAP. XXXVI.



Quels  
sont les  
Prophe-  
tes des  
Sauua-  
ges nom-  
mez Pa-  
gés, ou  
Charai-  
bes, & de  
leurs im-  
postures.

*E* peuple ainsi éloigné de la vérité outre  
les persecutions qu'il reçoit du malin esprit  
& les erreurs de ses songes, est encores si  
hors de raison, qu'il adore le Diable par le  
moyen d'aucuns siens ministres, appelez Pagés, des-  
quels nous auôs desia parlé. Ces Pagés ou Charaibes,  
sont gens de mauuaise vie, qui se sont adonnez à seruir  
au Diable pour deceuoir leurs voisins. Tels imposteurs  
pour colorer leur meschanceté, & se faire honorer en-  
tre les autres, ne demeurent ordinairement en vn lieu  
ains sont vagabonds, errans ça & là par les bois &  
autres lieux; ne retournans point avecques les autres,  
que bien rarement & à certaines heures, leur faisans  
entendre, qu'ils ont communiqué avecques les esprits;  
pour les affaires du public, & qu'il faut faire ainsi &  
ainsi, ou qu'il aduiendra cecy ou cela: & lors ils sont re-  
ceus & caressez honorablement, estans nourris et en-  
tretenus sans faire autre chose: encore s'estiment bien  
heureux ceux la qui peuvent demeurer en leur bonne  
grace, & leur faire quelque present. S'il aduient pa-  
reillement qu'aucun d'entre eux aye indignation ou  
querelle contre son prochain, ils ont de coustume de se  
retirer vers ses Pagés, affin qu'ils facent mourir par  
poison celuy ou ceux ausquels ils veulent mal. Entre  
autres choses ils s'aident d'un arbre nommé en leur lan-  
gue

gue Ahouaï, portant fruit veneneux et mortel, lequel est de la grosseur d'une chastaigne moyenne, et est vray poison, spécialement le noïau. Les hommes pour legere cause estant courroucez cōtre leurs femmes leur en donnent, & les femmes aux hommes. Mesmes ces malheureuses femmes, quand elles sont enceintes, si le mary les a fâchées, elles prendront au lieu de ce fruit, certaine herbe pour se faire auorter. Ce fruit blâc avec son noïau est fait comme un  $\Delta$  delta, lettre des Grecs. Et de ce fruit les Sauvages, quand le noïau est dehors, en font des sonnettes qu'ils mettent aux iambes, lesquelles font aussi grand bruit comme les sonnettes de par deçà. Les



Sauvages pour rien ne donneroient de ce fruit aux estrangers estant fraiz cuilly, mesmes defendent à leurs enfans y attoucher aucunement, deuant que le noïau en

K

aller



## LES SINGULARITEZ

soit osté. Cest arbre est quasi semblable en hauteur à  
 noz poiriers. Il a la fueille de trois ou quatre doigts de  
 longueur, & deux de largeur, verdoyante toute l'an-  
 née. Elle a l'escorce blanchastre. Quand on en coupe  
 quelque branche, elle rend vn certain suc blanc, quasi  
 comme lait. L'arbre couppé rend vne odeur merveil-  
 leusement puante. Parquoy les Sauvages n'en vsent en  
 aucune sorte, mesmes n'en veulent faire feu. Je me de-  
 porte de vous descrire icy la propriété de plusieurs au-  
 tres arbres, portans fruits beaux a merveilles, neant-  
 moins autant ou plus veneneux que cestui cy, dõt nous  
 parlons, & duquel vous auons icy présenté le pour-  
 trait au naturel. D'auantage il faut noter que les Sau-  
 uages ont en tel honneur & reuerence ces Pagés, qu'ils  
 les adorent ou plustost idolatrent: mesmes quand ils re-  
 tournent de quelque part, vous verriez le populaire  
 aller au deuant, se prosternant, & les prier, disant, Fais  
 que ie ne sois malade, que ie ne meure point, ne moy, ne  
 mes enfans: ou autre chose. Et luy respond, Tu ne mour-  
 ras point, tu ne seras malade, et semblables choses. Que  
 s'il aduient quelquesfois que ces Pagés ne dient la ve-  
 rité, & que les choses arrivent autrement que le pre-  
 sage, ils ne font difficulté de les faire mourir, comme  
 indignes de ce tiltre & dignité de Pagés. Chacun vil-  
 lage, selon qu'il est plus grand ou plus petit, nourrist vn  
 ou deux des ces venerables. Et quand il est question de  
 sçauoir quelque grande chose, ils vsent de certaines ce-  
 remonies & inuocations diaboliques, qui se font en tel-  
 le maniere. On fera premieremēt vne logette toute neuf-  
 ue, en laquelle iamais homme n'aura habité, & la de-  
 dans dresseront vn liēt blanc & net à leur mode: puis  
 por-

Ceremo-  
 nies de  
 ces Pro-  
 phetes,

porteront en ladiète loge grande quantité de viures, aux inuocations  
 comme du cabouin, qui est leur boisson ordinaire, fait de l'esprit ma-  
 par vne fille vierge de dix ou douze ans, ensemble de lin Ca-  
 la farine faite de racines, dont ils vsent au lieu de pain. houin.  
 Et toutes choses ainsi préparées, le peuple assemblé conduit ce gentil prophete en la loge, ou il demeurera seul,  
 apres qu'une ieune fille luy aura donné à lauer. Mais  
 faut noter que auant ce mystere, il se doit abstenir de  
 sa femme l'espace de neuf iours. Estant là dedans seul,  
 & le peuple retiré arriere, il se couche plat sur ce liét,  
 & commence à inuoyer l'esprit maling par l'espace  
 d'une heure, & d'auantage, faisant ie ne sçay quelles  
 ceremonies accoustumées : tellement que sur la fin de  
 ses inuocations l'esprit vient à luy sifflant, comme ils di-  
 sent, & flustant. Les autes m'ont recité, que ce mau-  
 uais esprit vient aucunes fois en la presence de tout le  
 peuple, combien qu'il ne le voit aucunement, mais oyt  
 quelque bruit & hurlemēt. Adonc ils s'escrient tous  
 d'une voix, en leur langue, disans, Nous te prions de  
 vouloir dire la verité à nostre prophete, qui t'attēd  
 là dedans. L'interrogation est de leurs ennemis, sça-  
 uoir lesquels emporteront la victoire, avec les respon-  
 ces de mesme, qui disent, ou que quelcun sera pris, &  
 mangé de ses ennemis, ou que l'autre sera offensé de  
 quelque beste sauvage, & autres choses selon qu'il est  
 interrogé. Quelcun d'eux me dist entre autres choses,  
 que leur prophete leur auoit predict nostre venue. Ils  
 appellēt cest esprit Houioullira. Cela & plusieurs au-  
 tres choses m'ont affermé quelques Chrestiens, qui de  
 long temps se tiennent là: & ce principalement, qu'ils  
 ne font aucune entreprise sans auoir la responce de

Quelles  
 sont les  
 interro-  
 gations  
 faites à  
 l'esprit  
 malin.  
 Houioull  
 ira.



## LES SINGULARITEZ

Deux-  
speces de  
Magie.

Contre  
ceux qui  
croient  
aux force  
ries.

leur prophete. Quand le mystere est accompli, le prophete sort, lequel estant incontinent enuironné du peuple, fait vne harangue, ou il recite tout ce qu'il a entendu. Et Dieu scait les caresses & presens, que chacū luy fait. Les Ameriques ne sont les premiers, qui ont pratiqué la magie abusive : mais avant eux elle a esté familiere à plusieurs nations, iusques au temps de nostre Seigneur, qui a effacé & aboli la puissance de Sathan, laquelle il exerçoit sus le genre humain. Ce n'est donc sans cause, qu'elle est defendue par les escriptures. D'icelle magie nous en trouuons deux especes principales, l'vne par laquelle l'on communique avec les esprits malins, qui donne intelligence des choses les plus secretes de nature. Vray est que l'vne est plus viciueuse que l'autre, mais toutes deux pleines de curiosité. Et qu'est il de besoing, quand nous auons les choses qui nous sont necessaires, & en entendons autant qu'il pleist à Dieu nous faire capables, trop curieusement rechercher les secrets de nature, & autres choses, desquelles nostre Seigneur s'est reserué à luy seul la congnoissance? Telles curiosités demonstrent vn iugement imparfait, vne ignorance & faute de foy & bonne religion. Encores plus est abusé le simple peuple, qui croit telles impostures. Et ne me puis assez emerueiller, comme en païs de loy & police, on laisse pulluler telles ordures, avec vntas de vieilles sorcieres, qui mettent herbes aux bras, pendent escreteaux au col, force mysteres, ceremonies qui guerissent de fieures, & autres choses, qui ne sont que vraye idolatrie, digne de grande punition. Encores, s'en trouuera il aujourd'huy entre les plus grands, ou l'on deueroit chercher quelque raison & iugement, qui

qui sont aveuglez les premiers. Parquoy ne se faut esbahir si le simple peuple croit legerement ce qu'il voit estre fait par ceux qui s'estiment les plus sages. O brutalité aveuglée. Que nous sert l'escriture sainte, que nous seruent les loix, & autres bones sciences, dont nostre Seigneur nous a donné congnoissance, si nous vivons en erreur & ignorance, comme ces pauvres Sauvages, & plus brutallement que bestes brutes? Toutesfois nous voulons estre estimez sçavoir beaucoup, & faire profession de vertu. Et pource il ne se faut emerveiller si les Anciens ignorans la verité sont tombez en erreur, la cherchans par tous moyens, & encores moins de noz Sauvages: mais la vanité du mode cessera quand il plaira à Dieu. Or sans plus de propos, nous auons commencé à dire, qu'il y a vne magic damnable, que l'on appellé Theurgia, ou Goetia, pleine d'enchantements, parolles, ceremonies, inuocations, ayant quelques autres especes sous elle: de laquelle on dit auoir esté inuenteur vn nommé Zabulus. Quant à la vraye magie, qui n'est autre chose que chercher & contempler les choses celestes, celebrer & honorer Dieu, elle a esté louée de plusieurs grands personages. Tels estoient ces trois nobles Roys qui visiterent nostre Seigneur. Et telle magie a esté estimée parfaite sapience. Aussi les Perses ne receuoient iamais homme à la corone de leur Empire, s'il n'estoit appris en ceste magie, c'est à dire qu'il ne fust sage. Car Magus en leur langue n'est autre chose que sage en la nostre, & σοφός en Grec, Sapiens en Latin. D'icelle l'on dit auoir esté inuenteurs Zamolxis & Zoroastre, non celuy qui est tant vulgaire, mais qui estoit fils d'Oromase. Aussi Platon en son Al-

Theurgia, magic damnable. Zabulus. Quelle est la vraye magie.

Magus, en l'ague des Perses que signifie. Zamolxis. Zoroastre.



## LES SINGULARITES.

*cibiade dit, n'estimer la magie de Zoroastre estre autre chose, que cognoistre & celebrer Dieu. Pour laquelle entendre luy mesme avec Pythagoras, Empedocles, & Democrite, s'estre hazardez par mer & par terre, allans en pais estranges, pour cognoistre ceste magie. Je sçay bien que Plin, & plusieurs autres se sont efforcez d'en parler, comme des lieux & nations ou elle a esté celebrée & frequentée, ceux qui l'ont inuentée et pratiquée, mais asses obscuremēt discerné quelle magie, attendu qu'il y en a plusieurs especes. Quant à moy, voyla ce qu'il m'a semblé bon en dire pour le present, puis qu'il venoit à propos de noz Sauvages.*

**Que les Sauvages Ameriques croient  
l'ame estre immortelle.**

## CHAP. XXXVII.

Contre  
les Athei-  
stes,



*E pauvre peuple, quelque erreur ou ignorance, qu'il ait, si est il beaucoup plus tolerable, & sans comparaison, que les damnables Atheistes de nostre temps: lesquels non contens d'auoir esté créez à l'image & semblance du Dieu eternal, parfaits sus toutes creatures, malgré toutes escritures et miracles, se veulent comme d'faire, & rendre bestes brutes, sans loy ne sans raison. Et quis qu'ainsi est, on les deueroit traiter comme bestes: car il n'y a beste irraisonnable, qui ne rende obeissance & seruice à l'homme: comme estant image de Dieu: ce que nous voyons iournellement. Vray est, que quelque iour on leur fera sentir, s'il reste rien apres la separation du corps & de l'ame: mais ce pendāt qu'il plaise à Dieu les bien conseiller, ou de bonne heure en effacer*

cer la terre, tellement qu'ils n'apportent plus de nuisance aux autres. Doncques ces pauvres gens estiment l'ame estre immortelle, qu'ils nomment en leur langue Cherepicouare. Ce que j'ay entendu les interrogât, que deuenoit leur esprit quand ils mouroïent, Les ames disent ils, de ceux qui ont vertueusement combattu leurs ennemis, s'en vont avec plusieurs autres ames aux lieux de plaisance, bois, iardins, & vergiers : mais de ceux qui au cōtraire n'auront bien defendu le païs, s'en iront avec Agnan. Je me suis ingeré quelquefois d'en interroger vn grād Roy du païs, lequel nous estoit venu voir bien de trente lieues, qui me respondit assés fureusement en sa langue, parolles semblables : Ne sçais tu pas qu'apres la mort, noz ames vont en païs loingtain, & se trouuēt toutes ensemble, en de beaux lieux ainsi que disent noz Prophetes, qui les visitent souuent & parlent à elles? Et tiennent ceste opinion assésurée, sans en vaciller de rien. Vne autre fois estant allé voir vn autre Roy du païs, nommé Pindahou-sou, lequel ie trouuē malade en son liēt d'vne sieure continuē, qui commence à m'interroger : & entre autres choses, que deuenoyēt les ames de noz amis, à nous autres, Māires, quand ils mouroyent : & luy faisant responce qu'elles alloient avec Toupan, il creut aisément : en cōtemplation de quoy me dist, Viença, je t'ay entēdu faire si grand recit de Toupan, qui peut toutes choses parle à luy pour moy, qu'il me guerisse, et si ie puis estre guerri, ie te feray plusieurs beaux presents : ie veux estre accoustrē cōme toy, porter grād barbe, et honorer Toupan cōme toy. Et de fait estāt guerri, le Seigneur de Villegagnō delibera de le faire baptiser : &

Opinion  
des Sau-  
uages sur  
l'immor-  
talité de  
l'ame.  
Cherepi-  
couare.

Pinda-  
hou-sou,  
Roy au  
païs des  
Sauua-  
ges.



## LES SINGULARITES.

Supersti-  
tions des  
Sauua-  
ges.

pour ce retint avec luy . Ils ont vne autre folle opinion : c'est qu'estâts sur l'eau, soit mer ou fleuve, pour aller cōtre leurs ennemis, si surviēt quelque tempeste, ou orage cōme il aduiēt bien souuēt) ils croyent que cela vienne des ames de leurs parens et amis : mais pourquoy, ils ne sçauent : & pour appaiser la tormente, ils iettent quelque chose en l'eau, par maniere de present : estimas par ce moyen pacifier les tempestes. D'auantage, quād quelqu'un d'entre eux decede, soit Roy, ou autre, auant que le mettre en terre, s'il y a aucun qui ayt chose appartenante au trépassé, il se gardera bien de le retenir, ains le portera publiquement, & le rendra deuant tout le monde, pour estre mis en terre avecques luy : autrement il estimeroit que l'ame apres la separation du corps le viendrait molester pour ce bien retenu. Pleust à Dieu que plusieurs d'entre nous eussent semblable opinion (j'entens sans erreur) l'on ne retiendrait pas le bien d'autruy, comme l'on fait aujour d'huy sans crainte ne vergongne . Et ayant rendu à leur homme mort ce que luy appartenoit, il est lié & garroté de quelque cordes, tāt de coton que d'escorce de certain bois, tellement qu'il n'est possible, selon leur opinion, qu'il reuienne : ce qu'ils craignent fort, disans, que cela est aduenu autres fois à leurs maieurs & anciens, qui leur à esté cause d'y donner meilleur ordre : tant sont spirituels & bien enseignez ces pauvres gens.

Com-

Comme ces Sauvages font guerre les vns contre les autres, & principalement, contre ceux, qu'ils nomment Margageas & Thabaiares, & d'un arbre qu'ils appellent Hayri, duquel ils font leurs bastons de guerre.

## CHAP. XXXVIII.



*E* peuple de l'Amerique est fort subiet à quereler contre ses voisins, spécialement contre ceux qu'ils appellent en leur langue, Margageas & Thabaiares : &

n'ayans autre moyen d'appaiser leur querele, se battent fort & ferme. Ils font assemblées de six mil hommes, quelquefois de dix, & autrefois de douze: c'est à sçavoir village contre village, ou autrement ainsi qu'ils se rencontrent: autant en font ceux du Peru, & les Cannibales. Et devant que executer quelque grãde entreprise, soit à la guerre ou ailleurs, ils font assemblée, principalement des Vieux, sans femmes ne enfans, d'une telle grace & modestie, qu'ils parleront l'un apres l'autre, & celuy qui parle sera diligemment escouté: puis ayant fait sa harangue, quitte sa place à un autre, et ainsi consecutiuement. Les auditeurs sont tous assis sur la terre, sinon quelques uns entre les autres, qui en contemplation de quelque preeminence, soit par lignée ou d'ailleurs, seront lors assis en leurs liets, Ce que consirant, me vint en memoire ceste loiable coutume des gouuerneurs de Thebes, ancienne ville de la Grece: lesquels pour deliberer ensemble de la Republi

K S que



## LES SINGULARITEZ


que estoient tousiours assis sus la terre. Laquelle façon de faire l'on estime vn argument de prudence: car l'on tient pour certain selon les philosophes, que le corps assis & à repos, les esprits sont plus prudens & plus libres, pour n'estre tant occupez vers le corps quand il repose, que autrement.

Dauantage vne chose estrange est que ces Ameriques ne font iamais entre eux aucune treue, ne paction, quelque inimitié qu'il y ait, comme font toutes autres nations, mesmes entre les plus cruels & barbares, comme Turcs, Mores & Arabes: & pense que si Thesée premier auteur des treues enuers les Grecs y estoit, il seroit plus empesché qu'il ne fut onc. Ils ont quelques rusés de guerre pour surprendre l'un l'autre, aussi bien que l'on peut auoir en autres lieux. Donc ces Ameriques ayans inimitié perpetuelle, & de tout temps contre leurs voisins susnommez, se cherchent. souuent les uns les autres, & se battent autant furieusement qu'il est possible. Ce que les contraint d'une part & d'autre de se fortifier de gens & armes chacun village. Ils s'assembleront de nuit en grand nombre pour faire le guet: car ils sont coustumiers de se surprendre plus de nuit que de iour. Si aucunes fois ilz sont aduertis, ou autrement se soupsonnent de la venue de leurs ennemis, ils vous planteront en terre tout autour de leurs tugures, loing d'un trait d'arc, vne infinité de chevilles de bois fort agues, de maniere q le bout qui sort hors de terre estant fort agu, ne se voit que bien peu: ce que ie ne puis mieux coparer qu'aux chaussetrapes dont l'on use par deça: à fin q les ennemis se percent les pieds, qui sont nuds, ainsi q le reste du corps: et par ce moyē les puis-

sent

Chausse-  
trapes  
des Sau-  
uages.

sent saccager, c'est assavoir tuer les vns, les autres emmener prisonniers. C'est vn tresgrād hōneur à eux lesquels partans de leur païs pour aller assaillir les autres sur leurs frontieres, et quand ils amènent plusieurs de leurs ennemis prisonniers en leur païs: aussi est il celebré, & honoré des autres, comme vn Roy & grand Seigneur, qui en a le plus tué. Quand ils veulent surprendre quelque village l'vn de l'autre, ils se cacherōt & muſseront de nuit par les bois ainsi q̄ renards, se tenans là quelque espace de temps, iusques à tant qu'ils ayent gagné l'opportunité de se ruer dessus.



Arriuans à quelque village ils ont certaine industrie de ietter le feu es logettes de leurs ennemis, pour les faire saillir hors avec tout leur bagage, femmes & enfans. Estans saillis ils chargent les vns les autres de coups de flesches cōfusemēt, de masses et espées de bois, qu'onque ne fut si beau passetēps de voir vne telle meslée. Ils se prennent & mordent avec les dents en tous  
en-



# LES SINGULARITEZ

endroits, qu'ils se peuvent rencontrer, & par les le-  
ures qu'ils ont pertuisées: monstrans quelquefois pour  
intimider leurs ennemis, les os de ceux qu'ils ont vain-  
cus en guerre, et mangez: bref, ils emploient tous moy-  
nes pour fascher leurs ennemis. Vous verriez les vns  
emmenez prisonniers, liez, & garrotez comme lar-  
rons. Et au retour de ceux qui s'en vont en leur país  
avec quelque signe de victoire, Dieu sçait les caresses  
et hurlemens qui se font. Les femmes suivent leurs ma-  
ris à la guerre, non pour combattre, comme les Amazones,  
mais pour leur porter & administrer viures, et autres  
munitions requises à telle guerre: car quelquefois ilz  
font voyages de cinq & six mois sans retourner. Et  
quand ils veulent departir pour aller en guerre, ils  
mettent le feu en toutes leurs loges, & ce qu'ils ont  
de bon, ils le cachent sous terre iusques à leur retour.

Farine de  
racines,  
viure des  
Sauua-  
ges.

Qui est plus grand entre eux, plus a de femmes à son  
service. Leurs viures sont tels que porte le país, fari-  
nes de racines fort delicates, quand elles sont recentes:  
mais si elles sont quelque peu enuieillies elles sont au-  
tant plaisantes à manger, que le son d'orge ou d'ave-  
ne: & au reste chairs sauvagines, & poisson, le tout  
seiché à la fumée. On leur porte aussi leurs lits de cot-  
ton, les hommes ne portans rien que leurs arcs, & fle-  
ches à la main. Leurs armes sont grosses espées de bois  
fort massives & pesantes: au reste arcs & flesches.

Armes  
des Sau-  
uages.

Leurs arcs sont la moitié plus longs que les arcs Tur-  
quois, & les fleches à l'equipollent, faites les vnes de  
cannes marines, les autres du bois d'un arbre, qu'ils nom-  
ment en leur langue Hairi, portant fueillage sembla-  
ble au palmier, lequel est de couleur de marbre noir,

Hairi ar-  
bre.

dont



dont plusieurs le disent estre Hebene : toutesfois il me  
semble autrement, car Vray Hebene est plus luyfant. Hebene,  
arbre.  
Dauantage l'arbre d'Hebene n'est semblable à cestuy  
cy, car cestuicy est fort espineux de tous costez : ioint  
que le bon Hebene se prend au païs de Calicut, & en  
Ethiopie. Ce bois est si pesant, qu'il va au fons de l'eau,  
cōme fer : pourtant les Sauvages en font leurs espées à  
combatre. Il porte vn fruit gros comme vn estenf, &  
quelque peu pointu à l'vn des bouts. Au dedans trou-  
uerez vn noyau blanc comme neige : duquel fruit i'ay  
apporté grande quantité par deça. Ces Sauvages en ou-  
tre font de beaux colliers de ce bois. Aussi est il si dur  
& si fort, (comme nous disions n'aguères) que les fle-  
ches qui en sont faites, sont tant fortes, qu'elles perce-  
royent




## LES SINGVLARITEZ.

Bouclier des Sauvages. roient le meilleur corselet. La troisieme piece de leurs armes est vn bouclier, dont ils vsent en guerre. Il est fort long, fait de peaux d'une beste de mesme couleur que les vaches de ce païs, ainsi diuersifiées, mais de diuerse grandeur. Ces boucliers sont de telle force & resistance, comme les boucliers Barcelonnois, de maniere qu'ils attendront vn'arquebuzer, & par consequent chose moindre. Et quant aux arquebuzes, plusieurs en portent qui leur ont esté données depuis que les Chrestiens ont commencé à les hanter, mais ils n'en sçauent vser, sinon qu'ils en tirent aucunes fois à grande difficulté, pour seulement espouuenter leurs ennemis.

La maniere de leurs combats, tant sur eau,  
que sur terre.

### CHAP. XXXIX.




Cause  
pour-  
quoy  
guerroy-  
ent les  
Sauua-  
ges, les  
vns cōtre  
les autres

I Vous demandez pourquoy ces Sauvages font guerre les vns contre les autres, veu qu'ils ne sont guerres plus grand seigneurs l'un que l'autre : aussi qu'entre eux n'y a riheresses si grandes, et qu'ils ont de la terre asses et plus, qu'ils ne leur en faut pour leur neceßité. Et pour cela vous suffira entendre, que la cause de leur guerre est assez mal fondée, seulement pour appetit de quelque vengeance, sans autre raison, tout ainsi q̃ bestes brutes, sans se pouuoir accorder par honnesteté quelcōque, di- sans pour resolutiō q̃ ce sont leurs ennemis de tout tēps. Ils s'assembtent donc, (comme auons dit cy deuant) en grand nombre, pour aller trouuer leurs ennemis, s'ils ont receu principalement quelque iniure recente : &

ou ils se rencontrent, ils se battent à coups de fleches, iusques à se ioindre au corps, et s'entreprendre par bras et oreilles, et donner coups de poing. Là ne faut point parler de cheval, dont pouuez penser comme l'emportent les plus forts. Ils sont obstinez et courageux, tellement que auant q se ioindre et battre ( comme auez veu au precedet chapitre ) estans à la cāpagne elōgnez les vns des autres dela portēe d'une harquebuzē, quelquesfois l'espace d'un iour entier ou plus se regarderōt & menasseront, monstrans visage plus cruel & epouuētable qu'il est possible, hurlans et crians si confusément, que l'on ne pourroit ouir tonner, monstrās aussi leurs as-

Sauua-  
ges obsti-  
nez &  
courageux.



fections par signes de bras & de mains, les eleuans en haut avec leurs espées & masses de bois, Nous sommes vaillans (disent ils) nous auons mangé voz parens, aussi vous mangerons nous: et plusieurs menasses friuoles: comme vous represente la presente figure.

En



## LES SINGULARITEZ.

En ce les Sauvages semblent observer l'ancienne maniere de guerroyer des Romains, lesquels avant q d'entrer en bataille faisoient cris epouventables & vsoyēt de grandes menasses. Ce que depuis a esté pareillement practiqué par les Gaulois en leurs guerres, ainsi que le décrit Tite Liue. L'une & l'autre façon de faire m'a semblé estre fort differente à celle des Acheiens: dont parle Homere, pource qu'iceux estats pres de batailler & donner l'asaut à leurs ennemis, ne faisoyēt aucun bruit, ains se contenoient totalement de parler.

Coustume des Sauvages de manger leurs ennemis.

Prouerbe.

Habitās de Ianai-  
re enne-  
mis de  
ceux de  
Morpion

La plus-grande vengeance dont les Sauvages vsent, et qui leur semble la plus cruelle & indigne, est de manger leurs ennemis. Quand ils en ont pris aucun en guerre s'ils ne sont les plus forts pour l'emmenner, pour le moins s'ils peuvent, avant la recouffe ils luy couperont bras ou iambes: & avant que le laisser le mangeront, ou bien chacun en emportera son morceau, grand ou petit. S'ils en peuvent emmener quelques uns iusques en leur país, pareillement les mangeront ils. Les anciens Turcs, Mores, & Arabes vsoyent quasi de ceste façon (dont encores aujour d'huy se dit vn proverbe, le voudrois auoir mangé de son cueur) aussi vsoyent ils pres-que de semblables armes que noz Sauvages, Mais depuis les Chrestiens leur ont forgé, & monstté à forger, les armes, dont aujour d'huy ils sont battuz, en danger qu'il n'en aduienne autant de ces Sauvages, soyent Ameriques ou autres. D'auantage ce pauvre peuple se hazarde sur l'eau, soit douce ou salée, pour aller trouuer son ennemy: comme ceux de la grande riuere de Ianai-contre ceux de Morpion. Auquel lieu habitent les Portugais ennemis des François: ainsi que

que les Sauvages de ce mesme lieu sont ennemis de ceux de lanair, Les Vaisseaux, dont ils vsent sus l'eau, sont petites Almadies, ou barquettes composées d'escorces d'arbres, sans clou ne cheuille, longues de cinq ou six brassées, & de trois pieds de largeur, Et devez sçavoir, qu'ils ne les demandent plus massiues, estimans que autrement ne les pourroyent faire voguer à leur plaisir, pour fuir, ou pour suivre leur ennemy. Ils tiennent vne folle superstition à dépouiller ces arbres de leur escorce. Le iour qu'ils les depouillent (ce qui se fait depuis la racine iusques au coupeau) ils ne buront, ne mangeront, craignans (ainsi qu'ils disent) que autrement il ne leur aduint quelque infortune sur l'eau.

Almadies faites d'escorces d'arbres.

Superstition des Sauvages à oster les escorces des arbres.

Les Vaisseaux ainsi faits, ils en mettront cent ou six vingts, plus ou moins, & en chacun quarante ou cinquante personnes, tant hommes que femmes. Les femmes seruent d'espuiser & ietter hors avec quelque petit vaisseau d'aucun fruit caué, l'eau qui entre en leurs petites nasselles. Les hommes sont assurez dedans avec leurs armes, nageans pres de la riue : & s'il se trouue quelque village, ils mettront pié à terre, & le sacqueront par feu & sang, s'ils sont les plus forts. Quelque peu auant nostre arriuée, les Ameriques qui se disent noz amis, auoyent pris sus la mer vne petite nauire de Portugais, estans encores en quelque endroit pres du riuage, quelque resistance qu'ils peussent faire, tant avec leur artillerie que autrement : neantmoins elle fut prise, les hommes mangez, hors-mis quelques vns que nous rachetames à nostre arriuée. Par cela pouuez entendre que les Sauvages, qui tiennent pour les Portugais sont ennemis des Sauvages ou

Ameriques amis des François.



## LES SINGULARITEZ

Folle o-  
 pinio des  
 Sauua-  
 ges,  
 Turcs,  
 et Mores
 
 se sont arrestez les frâçois, & au contraire. Au reste  
 ils combattent sur l'eau, comme sur la terre. S'il aduiet  
 aucunesfois que la mer soit furieuse, ils iettent dedans  
 de la plume de perdus, ou autre chose, estimans par ce  
 moyen appaiser les ondes de la mer. Ainsi font quasi  
 les Mores & Turcs en tel peril, se lauans le corps d'eau  
 de la mer, & à ce pareillement voulans contraindre  
 ceux de leur compagnie, quels qu'ils soyent, ainsi que  
 j'ay veu estant sur la mer. Noz Sauvages donques re-  
 tournans en leurs maisons victorieux, monstrent tous  
 signe de i'oye, sonnans fifres, tabourins, & chantans à  
 leur mode: ce qu'il fait tresbon ouïr, avec les instrumens  
 de mesme, faits de quelques fruits cauez par dedans,  
 ou bien d'os de bestes, ou de leurs ennemis. Leurs instru-  
 mens de guerre sont richement estoffés de quelques  
 beaux pennaches pour decoration. Ce que l'on fait enco-  
 res aujour d'huy, & non sans raison, ainsi en a l'on vsé  
 le temps passé. Les fifres, tabourins, & autres instru-  
 mens semblent réveiller les esprits assopis, & les exci-  
 ter ne plus ne moins que fait le soufflet vn feu à demy  
 mort. Et n'y a ce me semble, meilleur moyen de susci-  
 ter l'esprit des hommes, que par le son de ces instrumens  
 car non seulement les hommes, mais aussi les chevaux,  
 sans toutesfois en faire comparaison aucune, semblent  
 tressaillir comme d'une gayeté de cœur: ce qu'à esté  
 obserué de tout temps. Il est vray, que les Ameriques,  
 & ces autres Barbares vsent coustumieremet en leurs  
 assauls & combats de cris & hurlemens fort épou-  
 ventables, ainsi que nous dirons cy apres des Amazo-  
 nes.

Tabou-  
 rins, fi-  
 fres, &  
 autres in-  
 strumens  
 excitent  
 les esprits

Com-

Comme ces Barbares font mourir leurs ennemis, qu'ils ont pris en guerre, & les mangent.

## CHAP. XL.

**A** Pres auoir declaré, cōme les Sauvages de toute l'Amerique, mēent leurs ennemis prisonniers en leurs logettes & tugures, les ayans pris en guerre, ne reste que deduire, comme ils les traittent à la fin du ieu : ils en usent donc ainsi. Le prisonnier rendu en leur païs, vn ou deux, autant de plus q̄ de moins, sera fort bien traité, ou cinq iours apres on luy baillera vne femme, par auanture la fille de celuy auquel sera le prisonnier, pour entieremēt luy administrer ses neceßitez à la couchette ou autrement, ce pendāt est traité des meilleures viādes que l'on pourra trouuer, s'estudians à l'engresser, cōme vn chapon en muē, iusques au tēps de le faire mourir. Et ce peut iceluy tēps facilement cognoistre, par vn collier fait de fil de coton, avec lequel ils enfilent certains fruits tous ronds, ou os de poisson, ou de beste, faits en façon de patenostres, qu'ils mettent au col de leur prisonnier. Et ou ils auront enuie de le garder quatre ou cinq lunes, pareil nombre de ses patenostres ils luy attacheront : & les luy osent à mesure que les lunes expirent, continuant iusques a la derniere : & quand il n'en reste plus, ils le font mourir. Aucun, au lieu de ses patenostres, leur mettent autant de petis colliers au col, comme ils ont de lunes à viure. Dauantage tu pourras icy noter, que les Sauvages ne content s̄

Traite-  
mēt fait  
aux pri-  
sonniers  
Sauuages  
par leurs  
ennemis



## LES SINGULARITÉZ

non iusques au nombre de cinq: & n'observent aucunement les heures du iour, ny les iours mesmes, ny les mois, ny les ans, mais content seulement par lunes.

Telle maniere de conter fut anciennement commandée par Solon aux Atheniès, à sçavoir, d'observer les iours par le cours de la lune. Si de ce prisonnier & de la femme qui luy est donnée, prouiennent quelques enfans, le temps qu'ils sont ensemble, on les nourrira vne espace de temps, puis ils les mangeront, se recordans qu'ils sont enfans de leurs ennemis. Ce prisonnier ayant esté bien nourri & engressé, ils le feront mourir, estimas cela à grand honneur. Et pour la solennité de tel massacre, ils appellerot leurs amis plus oingtains, pour y assister, et en manger leur part. Le iour du massacre il sera couché au liect, bien enferré de fers (dont les Chrestiens leur ont donné l'usage) chantât tout le iour & la nuit telles chansons, Les Margageas noz amis sont gens de bien, forts & puissans en guerre, ils ont pris & mangé grand nombre de noz ennemis, aussi me mangerot ils quelque iour quand il leur plaira: mais de moy, j'ay tué & mangé des parens et amis de celuy qui me tiét prisonnier: avec plusieurs semblables paroles. Par cela pouuez congnoistre qu'ils ne font conte de la mort, encores moins qu'il n'est possible de penser. J'ay autrefois (pour plaisir) deuisé avec tels prisonniers, hommes beaux et puissans, leur remonstrât, s'ils ne se soucioyent autrement, d'estre ainsi massacrez, comme du iour au lendemain: à quoy me respondans en risée & moquerie, Noz amis, disoyent ils, nous vengeront, et plusieurs autres propos, monstrans vne hardiesse & assurance grande. Et si on leur parloit de les vouloir racheter d'entre

Les Sauvages ne craignēt point la mort.

d'entre les mains de leurs ennemis, ils prenoient tout en mocquerie. Quant aux femmes & filles, que l'on prend en guerre, elles demeurent prisonnières quelque temps, ainsi que les hommes, puis sont traitées de mesme, hors-mis qu'on ne leur donne point de mary. Elles ne sont aussi tenues si captives, mais elles ont liberté d'aller ça & là: on les fait travailler aux iardins, & à pescher quelques oûtres. Or retournōs à ce massacre. Le maistre du prisonnier, comme nous avons dit, invitera, tous ses amis à ce iour, pour manger leur part de ce butin, avec force Cahouin, qui est vn brumage fait de gros mil, avec certaines racines. A ce iour solēnel tous ceux qui y assistent, se pareront de belles plumes de diuerses couleurs, ou se tiendront tout le corps.

Traite-  
ment des  
femmes  
& filles  
prison-  
nières.  
Ceremo-  
nies aux  
massa-  
cres des  
prison-  
nières.  
Cahou-  
in, bru-  
mage.



Celuy spécialement qui doit faire l'occision, se mettra au meilleur equipage qu'il luy sera possible, ayant son espée de bois aussi richement estoffée de diuers pluma-



## LES SINGULARITEZ

ges. Et tant plus le prisonnier verra faire les preparatiues pour mourir, & plus il monstrera signes de ioye. Il sera donc mené, bien lié et garroté de cordes de cotton en la place publique, accompagné de dix ou douze mil Sauvages du païs, ses ennemis, la sera assommé comme un porceau, apres plusieurs ceremonies. Le prisonnier mort, sa femme, qui luy auoit esté donnée, fera quelque petit dueil. Incōtinent le corps estā mis en pieces, ils en prennent le sang & en lauent leurs petits enfans massés, pour les rendre plus hardis, comme ils disent, leur remonstrans, que quand ils seront venuz à leur aage, ils facent ainsi à leurs ennemis. Dont faut penser, qu'on



leur en fait autant de l'autre part, quād ils sont pris en guerre. Ce corps ainsi mis par pieces, et cuit à leur mode, sera distribué à tous quelque nōbre qu'il y ait, à chacun son morceau. Quāt aux entrailles, les femmes cōmunement les mangent, & la teste, ils la reseruent à  
pen-

pendre au bout d'une perche, sur leurs logettes, en signe de triomphe & victoire: et spécialement prennent plaisir à y mettre celles des portugais. Les Canibales et ceux du costé de la riviere de Marignan, sont encores plus cruels aux Espagnols, les faisant mourir plus cruellement sans comparaison, & puis les mangent. Canibales ennemis mortels des Espagnols.

Ils ne se trouue par les histoires nation, tant soit elle barbare, qui ait usé de si excessiue cruauté: sinon que Iosephe escrit, que quand les Romains allerent en Ierusalem, la famine, apres auoir tout mangé, contraingnit les meres de tuer leurs enfans, & en manger. Et les Anthropophages qui sont peuples de Scythie, viuent de chair humaine comme ceux cy. Or celuy qui a fait le dit massacre, incontinent apres se retire en sa maison, & demeurera tout le iour sans manger ne boire, en son lit: & s'en abstiendra encores par certains iours, ne mettra pié à terre aussi de trois iours. S'il veut aller en quelque part, se fait porter, ayant ceste folle opinion que s'il ne faisoit ainsi, il luy arriueroit quelque desastre, ou mesme la mort. Puis apres il fera avec une petite sie, faite de dens d'une beste, nommée Agoutin, plusieurs incisions & pertuis au corps, à la poitrine, & autres parties, tellement qu'il apparoiſtra tout dechiqueté. Et la raison, ainsi que je m'en suis informé à quelques uns, est qu'il fait cela par plaisir, reputant à grand gloire ce meurtre par luy commis en la personne de son ennemy. Auquel voulant remōstrer la cruauté de la chose, indigné de ce, me renuoya tresbien, disant q'c'estoit grand honte à nous de pardonner à nos ennemis, quand les auons pris en guerre: & qu'il est trop meilleur les faire mourir à fin q' l'occasio leur soit ostée de faire une autre fois

Anthropophages.



## LES SINGVLARITEZ

la guerre. Voyla de quelle discretiō se gouuerne ce pau-  
vre peuple brutal. Je diray dauantage à ce propos, q les  
filles vsent de telles incisios par le corps, l'espace de trois  
iours continus apres auoir eu la premiere purgation des  
femmes: iusques à en estre quelquesfois bien malades.  
Ces mesmes iours aussi s'abstiennent de certaines vian-  
des ne sortans aucunement dehors, & sans mettre piē  
à terre, comme desia nous auons dit des hommes, assises  
seulement sur quelque pierre accōmodée à cest affaire.

Que ces Sauuages sont merueilleusement  
vindicatifs.

### CHAP. XLI.



*L*n'est trop admirable, si ce peuple che-  
minant en tenebres, pour ignorer la veri-  
té, appete non seulement vengeance, mais  
aussi se met en tout effort de l'executer:

La ven-  
geance dé-  
fendue  
au Chre-  
stien.

consideré, que le Chrestien, encore qu'elle luy soit dé-  
fendue par expres commandemēt, ne s'en peut garder,  
comme voulant imiter l'erreur d'un nommé Melli-  
cius, lequel tenoit qu'il ne falloit pardonner à son enne-  
my. Laquelle erreur à long temps pullulē au païs d'E-  
gypte. Toutesfois elle fut abolie par un Empereur Ro-  
main. Appeter donc vengeance est haïr son prochain,  
ce que repugne totalement à la loy.

Or cela n'est estrange en ce peuple, lequel auons  
dit par cy deuant viure sans foy, sans loy: tout ainsy  
que toute leur guerre ne procede que d'une folle opi-  
nion de vengeance, sans cause ne raison. Et n'estimez  
que telle folie ne les tienne de tout temps, & tien-  
dra,

dra, s'ils ne se changent. Ce pauvre peuple est si mal appris, que pour le vol d'une mouche ils se mettront en effort. Si une espine les picque, une pierre les blesse, ils la mettront de colere en cent mille pieces, comme si la chose estoit sensible: ce qui ne leur provient, que par faute de bon iugement. Dauantage ce que ie dois dire pour la verité, mais ie ne puis sans vergongne, pour se venger des poulx & pusses, ils les prennent à belles dents, chose plus brutalle que raisonnable. Et quand ils se sentiront offensez tant legerement que ce soit, ne pensez iamais vous reconcilier. Telle opinion s'apprent & observe de pere en fils. Vous les verriez monstrier à leurs enfans de l'aage de trois à quatre ans à manier l'arc et la flesche, & quant & quant les enhorter à hardiesse, prendre vengeance de leurs ennemis, ne pardonner à personne, plus tost mourir. Aussi quand ils sont prisonniers les uns aux autres, n'estimez qu'ils demandent à echapper par quelque composition que ce soit, car ils n'en esperent autre chose que la mort, estimans cela à gloire & honneur. Et pource ils se sçauent fort bien mocquer, & reprendre aigrement nous autres, qui deliurons noz ennemis estans en nostre puissance, pour argent ou autre chose, estimans cela estre indigne d'homme de guerre. Quant à nous, disent ils, nous n'en userons iamais ainsi. Aduint une fois entre les autres qu'un Portugais prisonnier de ces sauvages, pensant par belles parolles sauuer sa vie, se met en tout deuoir de les prescher par parolles les plus humbles & douces qu'il luy estoit possible: neantmoins ne peut tant faire pour luy, que sus le champ celuy auquel il estoit prisonnier, ne le fait mourir à coups de flesches, Va, disoit

Histoire  
d'un Por-  
tugais pri-  
sonnier  
des Sau-  
uages.



## LES SINGULARITEZ

il, tu ne merite, que l'on te face mourir honorablement, comme les autres, et en bonne compagnie. Autre chose digne de memoire. Quelques fois fut emmené vn ieune enfant masle de ces Sauvages de l'Amerique, du païs & ligue de ceux qu'ils appellent Tabaiars, ennemis mortels des Sauvages ou sont les François, par quelques marchans de Normandie, qui depuis baptisé, nourri, & marié à Rouen, vivent en homme de bien, s'auiſa de retourner en son païs en noz nauires, aagé de vingt deux ans ou enuiron. Aduint qu'estant par delà fut decouuert à ses anciens ennemis par quelques Chrestiens: lesquels incontinent comme chiens enragez de furie coururent à noz nauires, desia en partie delaisſées de gens, ou de fortune le trouuans sans merci ne pitié aucun, se iettent dessus, & le mettent en pieces là sans toucher aux autres, qui estoient là pres. Lequel comme Dieu le permist, endurant ce pitieux massacre leur remonstroit la foy de IESVCHRIT, vn seul Dieu en trinité de personnes & vnité d'essence: & ainsi mourut le pauvre homme entre leurs mains bon Chrestien. Lequel toutesfois ils ne mangerēt come ils auoyent accoustumé faire de leurs ennemis. Quelle opinion de vengeance est plus contraire à nostre loy? Nonobstant se trouuent encores auourd'huy plusieurs entre nous autres autant opiniatres à se venger, come les Sauvages. Dauantage cela est entre eux: si aucun frappe vn autre, qu'il se propose en recevoir autant ou plus, & que cela ne demeurera impuni, C'est vn tresbeau spectacle que les voir quereler, ou se battre. Au reste assez fideles l'vn à l'autre: mais au regard des Chrestiens, les plus affectez et subtils larrons, encores qu'ils soyēt nuds,

Fidelité  
des Sau-  
uages,

nuds, qu'il est possible: et estiment cela grād vertu, de nous pouuoir dérober quelque chose. Ce que i'en parle, est pour l'auoir experimēté en moymesme. C'est qu'en- uiron Noël, estāt là, vint vn Roy du pais veoir le Sieur de Villegagnon, ceux de sa compagnee m'emporterent mes habillemens, cōme j'estois malades. Voyla vn mot de leur fidelité et façon de faire en passant, apres auoir parlé de leur obstination & appetit de vengeance.

mais nō  
à l'édroit  
des Chre-  
tiens.

## Du mariage des Sauuages Ameriques.

## CHAP. XLII.



'Est chose digne de grande commiseration, la creature, encore qu'elle soit capable de raison, viure neantmoins brutalemēt. Par cela pouuons congnoistre que nous ayons

apporté quelque naturel du vêtre de nostre mere, que nous demeurerions brutaux, si Dieu par sa bonté n'illuminoit noz esprits. Et pource ne faut penser, que noz Ameriques soient plus discrets en leurs mariages, qu'en autres choses. Ils se marient les vns avec les autres, sans aucunes ceremonies. Le cousin prendra la cousine, & l'oncle prendra la niece sans difference ou reprehension, mais non le frere la seur. Vn homme d'autant plus qu'il est estimé grand pour ses prouesses & vaillantises en guerre, & plus luy est permis auoir de femmes pour le seruir: & aux autres moins. Car à Vray dire, les femmes travaillent plus sans comparai- son, c'est à sçauoir à cueillir racines, faire farines, bru- uages, amasser les fruits, faire iardins, & autres cho- ses qui appartiennent au menage. L'homme seulement

Cōme se  
marient  
ceux de  
l'Ameri-  
que.



## LES SINGULARITEZ

Deflor-  
tion des  
filles  
auât qu'e  
stre ma-  
riées.

Defense  
du Sei-  
gneur de  
Villega-  
gnô aux  
François  
de ne s'a-  
cointer  
aux fem-  
mes Sau-  
uages.

De aucune fois pescher, ou aux bois prendre venaison pour viure. Les autres s'occupent seulement à faire arcs & fleches, laissant le surplus à leurs femmes. Ils vous donneront vne fille pour vous seruir le temps que vous y serez, ou autrement ainsi que vous voudrez: et vous sera libre de la rendre, quand bon vous semblera, & en vsent ainsi coustumierement. Incontinent que serez là, ils vous interrogeront ainsi en leur langage, Viença, que me donneras tu, & ie te bailleray ma fille qui est belle, elle te seruira pour te faire de la farine, et autres necessitez. Pour obuier à cela, le Seigneur de Villeagnon à nostre arriuée defendit sus peine de la mort, de ne les acointer, cōme chose illicite au Chrestien. Vray est, qu'apres qu'une femme est mariée, il ne faut qu'elle se iouë ailleurs: car si elle est surprise en adultere, son mary ne fera faute de la tuer: car ils ont cela en grand horreur. Et quāt à l'homme, il ne luy fera riē, esti māt q's il le touchoit, il acquerroit l'inimitié de tous les amis de l'autre, q' engēdreroit vne perpetuelle guerre et diuorse. Pour le moins ne craindra de la repudier: ce q' leur est loisible, pour adultere: aussi pour estre sterile, & ne pouuoir engendrer enfans: & pour quelques autres occasions. Dauātage ils n'ont iamais compagnee de iour avec leurs femmes, mais la nuit seulement, ne en places publiques, ainsi que plusieurs estimēt par dega: comme les Cris, peuple de Thrace & autres Barbaires en quelques isles de la mer Magellanique, chose merueilleusement detestable, & indigne de Chrestien auquel peuuēt seruir d'exemple en cest endroit ces pauvres brutaux. Les femmes pendant qu'elles sont grosses ne porteront pesans fardeaux, & ne feront chose pénible

nible, ains se garderont tresbien d'estre offensées. La femme accouchée, quelques autres femmes portent l'enfant tout nud lauer à la mer ou à quelque riuere, puis le reportent à la mere, qui ne demeure que vingt & quatre heures en couche. Le pere coupera le nombril à l'enfant avec les dents: comme j'ay veu y estant. Au reste traittent la femme en travail autant songneusement, comme l'on fait par deça. La nourriture du petit enfant est le laiët de la mere: toutesfois que peu de iours apres sa natiuité luy bailleront quelques gros alimens, comme farine maschée, ou quelques fruits. Le pere incontinent que l'enfant est né luy baillera vn arc & flesche à la main, comme vn commencement & protestation de guerre & vengeance de leurs ennemis. Mais il y a vne autre chose qui gaste tout: que auant que marier leurs filles, les peres & meres les prosternent au premier venu, pour quelque petite chose, principalement aux Chrestiens, allans par delà, s'ils en veulent vser, comme nous auons ia dit. A ce propos de noz Sauvages nous trouuons par les histoires, aucuns peuples auoir approché de telle façon de faire en leurs mariages. Seneque en vne de ses epistres, et Strabon en sa Cosmographie escriuent que les Lydiens & Armeniens auoyent de coustume d'enuoyer leurs filles aux riuages de la mer, pour la se prosternans à tous venans gagner leurs mariages. Autant, selon Iustin, en faisoient les vierges de l'isle de Cypre, pour gagner leur douaire & mariage: lesquelles estans quittes & bien iustificées, offroyent par après quelque chose à la deesse Venus. Il s'en pourroit trouuer auioird'huy par deça, lesquelles faisans grande profession de vertu & de religion

Constu-  
me an-  
cienne des  
Lydiens,  
Armeni-  
ens, & ha-  
bitans de  
Cypre.



## LES SINGULARITEZ

En son  
epistre à  
Rustique

Les Sau-  
uages ont  
plusieurs  
femmes.

ligion, en feroient bien autant ou plus, sans toutesfoi  
offrir ne present ne chādelle. Et de ce je m'en r'apporte  
à la verité. Au surplus de la consanguinité en maria-  
ge, Saint hierosme escrit, que les Atheniens auoyent  
de coustume marier les freres avec les sœurs & nō les  
tantes aux nepueuz: ce qui est au cōtraire de noz A-  
meriques. Pareillement en Angleterre, vne femme  
iadis auoit liberté de se marier à cinq hommes, & non  
au contraire. En outre nous voyons les Turcs, & Ara-  
bes, prendre plusieurs femmes: non pas qu'il soit hon-  
neste ne tolerable en nostre Christianisme. Conclusion,  
noz Sauvages en vsent en la maniere que nous auons  
dit, tellement que bien à peine vne fille est mariée ay-  
ant sa Virginité: mais estans mariées elles n'oseroient  
faire faute: car les maris les regardent de près, comme  
tachez de ialousie. Vray est qu'elle peut laisser son ma-  
ri, quand elle est mal traitée: ce qui aduiuent souuent.  
Comme nous lisons des Egyptiens, qui faisoient le sem-  
blable auant qu'ils eussent aucunes loix. En ceste plu-  
ralité de femmes dont ils vsent, comme nous auons dit,  
ily en a vne toujours par sus les autres plus fauorisée,  
approchant plus près de la personne, qui n'est tant su-  
bitte au travail, comme les autres. Tous les enfans qui  
prouiennent en mariage de ces femmes, sont reputez  
legitimes, disants que le principal auteur de genera-  
tion est le pere, & la mere non. Qui est cause que bien  
souuent ils font mourir les enfans masles de leurs  
ennemis estans prisonniers, pource que tels  
enfants à l'aduenir pourroyent  
estre leurs enne-  
mis.

Des

Des cerimonies, sepulture, et funerailles, qu'ils font à leurs decés.

## CHAP. XLIII.

**A** Pres auoir deduit les meurs, façon de viure, & plusieurs autres manieres de faire de noz Ameriques, reſte à parler de leurs funerailles & ſepultures. Quelque brutalité qu'ils ayent, encores ont il ceſte opinio et conſtume de mettre les corps en terre, apres que l'ame eſt ſeparée, au lieu ou le deſunct en ſon viuant auoit pris plus de plaisir: eſtimans, ainſi qu'ils diſent, ne le pouuoir mettre en lieu plus noble, qu'en la terre, qui produiſt les hommes qui porte tant de beaux fruits, & autres richesses vtils & neceſſaires à l'vſage de l'homme. Il y a eu pluſieurs anciennement trop impertinens que ces peuples ſauuages, ne ſe ſouciants, que deuiendroit leur corps, fuſt il expoſé ou aux chiens, ou aux oyſeaux: comme Diogenes, lequel apres ſa mort commanda ſon corps eſtre livré aux oyſeaux, & autres beſtes, pour le manger, diſant qu'apres ſa mort ſon corps ne ſentiroit plus de mal, & qu'il aimoit trop mieux q ſon corps ſeruiſt de nourriture que de pourriture. Semblablement Lycurgus Le-giſlateur des Lacedemoniens comanda expreſſement ainſi qu'eſcrit Seneque, qu'apres ſa mort ſon corps fuſt ietté en la mer. Les autres, que leurs corps fuſſent bruſlez et reduits en cèdre. Ce pauvre peuple quelque brutalité ou ignorâce qu'il ait, ſe monſtre apres la mort de ſon parent ou amy ſans cōparaiſon plus raiſonnable que ne fai-

Manie-  
re des  
Sauua-  
ges d'en-  
ſepultu-  
rer les  
corps.

Opinion  
de Dioge-  
nes de la  
ſepulture  
du corps.



## LES SINGULARITEZ

faisoyent anciennement les Parthes, lesquels avec leurs loix telles quelles au lieu de mettre vn corps en honorable sepulture, l'exposoyent comme proie aux chiens & oyseaux. Les Taxilles à semblable iettoient les corps morts aux oyseaux du ciel, comme les Caspiens aux autres bestes. Les Ethiopiens iettoient les corps morts dedans les fleuves. Les Romains les bruloient & reduisoient en cendre, comme ont fait plusieurs autres nations. Par cecy peut l'on congnoistre que noz Sauvages ne sont point tant denuës de toute honnesteté qu'il n'y ait quelque chose de bon, consideré encore que sans foy & sans loy ils ont cest aduis, c'est à sçavoir autant que nature les enseigne. Ils mettent donc leurs morts en vne fosse, mais tous assis, comme desia nous auons dit, en maniere que faisoient anciennement les Nasomones. Or la sepulture des corps est fort bien approuuée de l'escri-  
ture sainte vieille et nouuelle, ensemble les ceremonies si elles sont deuëment obseruées: tât pour auoir esté vais-  
seaux & organes de l'ame diuine & immortelle, que pour donner esperance de la future resurrection: & qu'ils seroyent en terre comme en garde seure, attedans ce iour terrible de la resurrection. On pourroit amener icy plusieurs autres choses à ce propos, & comme plusieurs en ont mal vscé, les vns d'une façõ, les autres d'une autre: que la sepulture honorablement celebrée est chose diuine: mais ie m'en deporteray pour le present, venant à nostre principal subiet. Dõques entre ces Sauvages, si aucun pere de famille vient à deceder, ses femmes, ses proches parens et amis meneront vn dueil merueilleux, non par l'espace de trois ou quatre iours, mais de quatre ou cinq mois. Et le plus grand dueil, est aux

La sepul-  
ture des  
corps ap-  
prouuée  
par la  
sainte es-  
criture,  
& pour-  
quoy.

Dueil  
des Sau-  
uages à  
la mort  
d'un pe-  
re de fa-  
mille.

quatre ou cinq premiers iours. Vous les entendrez faire tel bruit & harmonie comme de chiens & chats: Vous verrez tant homes que femmes coucheez sur leurs couchettes pensiles, les autres le cul contre terre s'embrassans l'un l'autre, comme pourrez voir par la presente figure: disans en leur lague, Nostre pere & amy



estoit tant homme de bien, si vaillant à la guerre, qui avoit tant fait mourir de ses ennemis. Il estoit fort & puissant, il labourroit tant bien noz iardins, il prenoit bestes et poissons pour nous nourrir, helas il est trespas-  
sé, nous ne le verrons plus, sinon apres la mort avec noz amis, aux païs que nos Pagés nous disent avoir veus, & plusieurs autres semblables parolles. Ce qu'ils repe-  
teront plus de dix mille fois, continuans iour & nuit l'espace de quatre ou cinq heures, ne cessans de lamen-  
ter. Les enfans du trespasé au bout d'un mois invite-  
ront leurs amis, pour faire quelque feste et solennité à son honneur. Et là s'assembleront painturez de diuer-



## LES SINGULARITEZ

Oyseaux  
ayés sem-  
blable  
cry qu'un  
hibour.

ses couleurs, de plumages, et autre equipage à leur mo-  
de, faisans mille passetemps & cerimonies. Je feray en  
cest endroit mention de certains oiseaux à ce propos,  
ayans semblable cry & voix qu'un hibout de ce païs,  
tirât sur le piteux: lesquels ces Sauvages ont en si grãde  
reuerence, qu'on ne les oseroit toucher, disants q par ce  
chant piteux ces oyseaux plorent la mort de leurs amis:  
qui leur en fait auoir souuenance. Ils font donc estans



ainsi assemblez & accoustrez de plumages de diuer-  
ses couleurs d'ases, ieux, tabourinages, avec flustes fai-  
ctes des os des bras & iambes de leurs ennemis, et au-  
tres instrumens à la mode du païs. Les autres, comme  
les plus anciens tout ce iour ne cessent de boire sans man-  
ger, et sont seruis par les femmes et parètes du defunct.  
Ce qu'ils font, ainsi que ie m'en suis informé, est à fin  
d'eleuer le cœur des ieunes enfans, les emouvoir & ani-  
mer à la guerre, et les enhardir contre leurs ennemis.  
Les Romains auoyēt quasi semblable maniere de faire.

Car

Car apres le decés d'aucun citoyen, q'auoit travaillé beau-  
 coup pour la Republiq, ils faisoient ieux pōpes, et chāts  
 funebres à la louenge et honneur du defunct, ensemble  
 pour donner exemple aux plus ieunes de s'employer  
 pour la liberté & conseruation du païs. Pline recite,  
 qu'un nommé Lycaon fut inuēteur de telles danses, ieux  
 et chāts funebres, pompes et obseques, q' l'on faisoit lors  
 es mortuaires. Pareillement les Argiues, peuple de  
 Grece, pour la memoire du furieux liō défait par Her-  
 cules faisoient des ieux funebres. Et Alexādre le Grād  
 apres auoir veu le sepulchre du vaillant Hector, en me  
 moire de ses prouesses cōmanda, et luy fait plusieurs ca-  
 resses et solennités. Je pourrois icy amener plusieurs hi-  
 stoires, comme les Anciens ont diuersemēt obserué les  
 sepultures, selō la diuersité des lieux: mais pour euiter  
 prolixité, suffira pour le present entēdre la custume de  
 noz Sauvages: pource q' tant les Anciens, que ceux de  
 nostre temps ont fait plusieurs excès en pompes fune-  
 bres, plus pour vne vaine & mondaine gloire qu'au-  
 trement. Mais au contraire doibuent entēdre, que cel-  
 les qui sont faites à l'honneur du defunct et pour le re-  
 gard de son ame, sont louables: la declarans par ce moy-  
 en immortelle, & approuuans la resurrection future.

Coustu-  
 me des  
 Romains  
 & autres  
 peuples  
 aux fune-  
 railles  
 d'aucun  
 citoyen.  
 Alexan-  
 dre le  
 Grand.

Des mortugabes, et de la charité, de laquelle  
 ils vsent enuers les estrāgers. CHAP. XLIIII.



**P**UIS qu'il est question de parler de noz  
 Sauvages, nous dirōs encores quelque cho-  
 se de leur façon de viure. En leur païs il  
 n'y a villes, ne forteresses de grādeur, sinō  
 celles q' les Portugais et autres Chrestiens y ont basties,



## LES SINGULARITEZ

Mortu-  
gables lo-  
gettes  
des Sau-  
uages, &  
comme  
ils les ba-  
stissent.

pour leur commodité. Les maisons ou ils habitent sont  
petites logettes, qu'ils appellent en leur langue Mor-  
tugabes, assemblées par hameaux ou villages, tels que  
nous les voyons en aucuns lieux par deçà. Ces logettes  
sont de deux, ou trois cens pas de long, & de largeur  
vingt pas, ou envi-ron, plus ou moins: basties de bois, &  
couvertes de feuilles de palme, le tout disposé si naïfue-  
ment, qu'il est impossible de plus. Chacune logette a  
plusieurs belles couvertures, mais basses, tellement qu'il  
se faut baisser pour y entrer, cōme qui voudroit passer  
par un guichet. En chacune y a plusieurs ménages: et  
en chacun pour luy & sa famille trois brassées de long.

Arabes  
& Tar-  
tares  
n'ont  
point de  
maison  
perma-  
nente.

Je trouve encore cela plus tolerable, que des Arabes et  
Tartares, qui ne bastissent i-ama-is maison permanente,  
mais errent çà & là comme vagabons: toutes-fois ils se  
gouvernent par quelques loix: & no-z Sauvages n'en  
ont poin, sinon celles que Nature leur a données. Ces  
Sauvages donc en ses maisonnettes, sont plusieurs mé-  
nages ensemble, au milieu desquelles chacun en son quar-  
tier, sont pèdus les lièts à pilliers, forts et puissants atta-  
chés en quarrure, lesquels sont faits de bon cottō, car ils  
en ont abondance, q porte un petit arbre de la hauteur  
d'un homme, à la semblāce de gros boutōs comme glās:

Arbres  
qui por-  
tent le  
cotton.

différens toutes-fois a ceux de Cypre, Malte & Syrie.  
Lesdits lièts ne sont point plus espes qu'un linceul de  
ce païs: & se couchent là dedans tous nus, ainsi qu'ils  
ont acoustumé d'estre. Ce lièt en leur langue est appel-  
lé Iny, & le coton dont il est fait, Manigot. Des deux  
costez du lièt du maistre de la famille, les femmes luy  
font du feu le iour & la nuit: car les nuits sont aucu-  
nement froides. Chacun menage garde & se reserve

une

Une sorte de fruit gros comme un œuf d'aussi ruche, qui est de couleur de noz cocourdes de par deça : estant en façon de bouteille persée des deux bouts, passant par le milieu un baston d'hebene, long d'un pied & demy. L'un des bouts est planté en terre, l'autre est garny de beaux plumages d'un oyseau nommé Arat, qui est totalement rouge. Laquelle chose ils ont en tel honneur et reputation, comme si elle le meritoit : & estiment cela estre leur Toupan : car quand leurs prophetes viennent vers eux, ils font parler ce qui est dedans, entendans par ce moyen le secret de leurs ennemis, & comme ils disent, sçavent nouvelles des ames de leurs amys decedez. Ces gens au tour de leurs maisons ne nourrissent aucuns animaux domestiques, sinon quelques poules encores bien rarement & en certains endroits seulement, ou les Portugais premierement les ont portées : car au parauant n'en auoyent eu aucune congnoissance. Ils en tiennent toutefois si peu de compte, que pour un petit cousteau vous aurez deux poules. Les femmes n'en mangeroyent pour rien ayans toutesfois à grand déplaisir quand ils voyent aucun Chrestien manger à un repas quatre ou cinq œufs de poule, lesquelles ils nomment Arignane : estimans que pour chacun œuf ils mangent une poule, qui suffiroit pour repaistre deux hommes. Ils nourrissent en outre des peroquets, lesquels ils châtigent en traffique aux Chrestiens, pour quelques ferrailles. Quant à or, & argent monnoyé, ils n'en vsent aucunement. Iceux une fois entre les autres, ayans pris une nauire de Portugais, ou il y auoit grand nombre de pieces d'argent monnoyé, qui auoit esté apporté de Morpion, ils donnerent tout à un Francois, pour quatre ha-

Arat,  
oyseau.  
Refuerie  
des Sau-  
uages.

Poules.

Arigna-  
ne.

Perro-  
quets.

Nul vsa-  
ge d'or  
ou d'ar-  
gent en-  
tre les



## LES SINGULARITEZ

Sauua-  
ges.

Charité  
des Sau-  
uages  
l'un en-  
uers l'au-  
tre.

ches, & quelques petis cousteaux. Ce qu'ils estimoient beaucoup, & non sans raison, car cela leur est propre pour couper leur bois, lequel auparavant estoient contrains de couper avec pierres, ou mettre le feu es arbres, pour les abatre: & à faire leurs arcs & fleches ils n'usoyent d'autre chose. Ils sont ausurplus fort charitables, et autant que leur loy de Nature le permet. Quant aux choses qu'ils estiment les plus precieuses, come tout ce qu'ils recoiuent des Chrestiens, ils en sont fort chiches: mais de tout ce qui croist en leur pais, non, comme alimens de bestes, fruits & poissons, ils en sont assez liberaux (car ils n'ont guere autre chose) non seulement par entre eux, mais aussi à toute nation, pour-veu qu'ils



ne leur soyent ennemis. Car incontinent qu'ils verront quelcun de loing arriuer en leur pais, ils luy presenteront viures, logis, & vne fille pour son seruice, comme nous auons dit en quelque endroit. Aussi viendront à l'entour du peregrin femmes & filles assises contre terre,

re, pour crier et plorer en signe de joye & bien venue. Lesquelles si vous voulez endurer iettans larmes, diront en leur lāgue, Tu sois le tresbiē venu, tu es de noz bons amys, tu as prins si grand peine de nous venir voir, & plusieurs autres caresses. Aussi lors sera dedans son liēt le patron de famille, plorant tout ainsi que les femmes. S'ils cheminent trēte ou quarāte lieues tant sur eau que sur terre, ils vivent en communautē: si l'un en a, il en communiquera aux autres, s'ilz en ont besoing: ainsi en font ilz aux estrangers. Qui plus est ce pauvre peuple est curieux de choses nouvelles, & les admire (aussi selon le proverbe, Ignorāce est Prouerbe, mere d'admiration) mais encore d'avantage pour tirer quelque chose qui leur aggrēe des estrangers, sçavent si bien flatter, qu'il est malaisē de les pouvoir e-conduire. Les hommes premieremēt, quand on les visite à leurs loges & cabannes, apres les avoir saluēz, s'approchent de telle assurance & familiaritē, qu'ils prendront incontīnēt vostre bōnet ou chappeau, et l'ayant mis sur leur teste quelquefois plusieurs l'un apres l'autre, se regardent et admirēt, avec quelque opinion d'estre plus beaux. Les autres prendront vostre dague espēe, ou autre cousteau si vous en avez, et avec ce menasserōt de parolles et autres gestes leurs ennemis: bref ils vous recherchēt entieremēt, et ne leur faut riē refuser, autremēt vous n'en auriez service, grace, ne amitiē quelconq̃: vray est qu'ils vous rendēt voz hardes. Autāt en font les filles & femmes plus encore flatteresses que les hommes, & tousiours pourtirer à elles quelque chose. Bien vray qu'elles se contentent de peu. Elles s'en viendront à vous de mesme grace que les hommes,



## LES SINGVLARITEZ

avec quelques fruits, ou autres petites choses, dõt ils ont  
àcoustumé faire presens, disans en leur langue, Aga-  
touren, qui est autant à dire comme tu es bon, par vne  
maniere de flatterie : Eori asle pia, monstre moy ce  
que tu as, ainsi desireuses de quelques choses nouuelles,  
cōme petits mirours, patenostres de voirre: aussi vous  
suyuent à grand troppes les petis enfans, & demādent  
en leur lāgage, Hamabe pinda, dōne nous des heims,  
dont ils vsent à prendre le poisson. Et sont bien appris à  
vous vser de ce terme deuant dit Agatouren, tu es  
bon, si vous leur baillez ce qu'ils demandent : sinon,  
d'un visage rebarbatif vous diront, Hippochi, va,  
tu ne vaux rien, Dangaiaapa aiouga, il te faut tuer,  
avec plusieurs autres menasses & iniures: de maniere,  
que ils ne donnent qu'en donnant, & encore vous re-  
marquent & recōnoissent à iamais pour le refus que  
leur aurez fait.

Description d'une maladie nommée Pians,  
à laquelle sont subiets ces peuples de l'A-  
merique, tant es isles que terre ferme.

### CHAP. XLV.



*S*achāt biē qu'il n'y a chose depuis la terre  
iusques au premier ciel, quelque compasse-  
mēt et proportiō qu'il y ayt, qui ne soit sub-  
iette à mutation et continuelle alteration.  
L'air donc qui nous enuironne, n'estant air simplemēt,  
ains composé, n'est tousiours semblable en tout tēps, ne  
en tout endroit, mais tantost d'une façon tantost d'une  
autre: ioint que toutes maladies (comme nous dient les  
me-

medecins (viennent ou de l'air, ou de la maniere de vi-  
 ure: ie me suis aduisé de escrire vne maladie fort fami-  
 liere & populaire en ces terres de l'Amerique & de  
 l'occident, d'couuertes de nostre tēps. Or ceste maladie  
 appellée Pians, par les gens du país, ne prouiet du vice  
 de l'air, car il est là fort bon et teperé: ce que monstrent  
 par experiece les fruits q̄ produit la terre avec le bene-  
 fice de l'air (sans lequel riē ne se fait, soit de nature ou  
 artifice) aussi q̄ la maladie prouenāt du vice de l'air of-  
 fense autāt le ieune q̄ le vieux, le riche cōme le pauvre,  
 moyēnāt toutefois la dispositiō interne. Reste dōc qu'el-  
 le prouienne de quelque maleuersation, comme de trop  
 frequenter charnellemēt l'homme avec la femme, at-  
 tendu que ce peuple est fort luxurieux, charnel, &  
 plus que brutal, les femmes spécialement, car elles cher-  
 chent & pratiquent tous moyens à emouuoir les hom-  
 mes au deduit. Qui me fait penser & dire estre plus  
 que vray semblable, telle maladie n'estre autre chose  
 que ceste belle verolle aujour d'hy tant commune en  
 nostre Europe, laquelle faussemēt on attribue aux Fran-  
 çois, comme si les autres n'y estoient aucunement sub-  
 iets: de maniere que maintenant les estrangiers l'ap-  
 pellent mal François. Chacun scait combie veritable-  
 ment elle luxurie en la France, mais non moins autre-  
 part: & l'ont prise premierement à vn voyage à Na-  
 ples, ou l'auoyent portée quelques Espagnols de ces isles  
 occidentales: car parauant qu'elles fussent d'couuertes  
 & subiettes à l'Espagnol, n'en fut onc mention, non  
 seulement par deçà, mais aussi ne en la Grece, ne autre  
 partie de l'Asie, & Afrique. Et me souuient auoir  
 ouy reciter ce propos quelquefois à defunct monsieur

Pians,  
maladie  
des Sau-  
uages, &  
son ori-  
gine.

Sauua-  
ges, peu-  
ple fort  
luxu-  
rieux, &  
Charnel.

Vraye o-  
rigine  
de la ve-  
role.



## LES SINGVLARITEZ

Verole,  
pour-  
quoy ain-  
si nom-  
mée en  
François

Curatiō  
de ceste  
maladie.

Hiuou-  
rahé, ar-  
bre.

Syluius, medecin des plus doctes de nostre tēps. Pour-  
tant seroit à mō iugement mieux seant et plus raison-  
nable l'appeler mal Espagnol, ayant de là son origine,  
pour l'égard du païs de deçà, qu'autremēt: car en Frā-  
çois est appelée verole pource que le plus souuent, selon  
le temps & les cōplexions elle se manifeste au dehors  
à la peau par pustules, que l'on appelle veroles. Retour-  
nons au mal de nos Sauvages, & aux remedes dot ils  
vsent. Or ce mal prend les personnes tant Sauvages, cō-  
me Chrestiens par de là de contagion ou attouchemēt,  
ne plus ne moins que la verole par deçà: aussi a il me-  
smes, symptomes et iusques là si dāgereux, q s'il est en-  
vieilli, il est malaisé de le guerir, mesme quelquefois  
les afflige iusques à la mort. Quant aux Chrestiens ha-  
bitans en l' Amerique, s'ils se frottent aux femmes, ils  
n'euaderont iamais qu'ils ne tombent en cest inconue-  
nient, beaucoup plus tost que ceux du païs. Pour la cu-  
ration, ensemble pour quelque alteration, qui bien sou-  
uent accompagne ce mal, ils font certaine decoction de  
l'escorce d'un arbre nōmé en leur lāgue Hiuourahé,  
de laquelle ils boient avec aussi bon ou meilleur suc-  
cés, que de nostre gaiac: aussi sont plus aisez à guerir  
que les autres, à mon aduis pour leur temperature &  
complection, qui n'est corrompue de crapules, comme  
les nostres par deçà. Voila ce qui m'a semblé dire à pro-  
pos en cest endroit: & qui voudra faire quelque dif-  
ficulté de croire à mes parolles, qu'il demande l'opinion  
des plus sçauans medecins sur l'origine & cause de ce-  
ste maladie, & quelles parties internes sont tost offen-  
sées, ou elle se nourrit: car i'en vois aujour d'hy plu-  
sieurs contradictiōs assez friuoles, (nō entre les doctes).

&

& s'en treuve bien peu, ce me semble, qui touchent au  
 point, principalement de ceux qui entreprennent de la  
 guerir : entre lesquels se trouuent quelques femmes,  
 & quelques hommes autant ignorans, qui est cause  
 de grands inconueniens aux pauvres patiens, car au  
 lieu de les guerir, ils les precipitent au gouffre & A-  
 bysme de toute affliction. Il y a quelques autres mala-  
 dies, comme ophthalmies (desquelles nous auons desia  
 parlé) qui viennent d'une abondance de fumée, com-  
 me ils font le feu en plusieurs parts et endroits de leurs  
 cases & logettes qui sont grandes pource qu'ils s'assem-  
 blent un grand nombre pour leur hebergement. Je sçay  
 bien que toute ophthalmie ne viét pas de ceste fumée,  
 mais quoy qu'il en soit, elle vient tousiours du vice du  
 cerueau, par quelque moyē qu'il ait offensé. Aussi n'est  
 toute maladie d'yeux ophthalmie, cōme mesme l'on peut  
 voir entre les habitans de l'Amerique, dont nous par-  
 lons : car plusieurs ont perdu la veüe sans auoir inflam-  
 mation quelconque aux yeux, qui ne peut estre à moins  
 gement, que certaine humeur dedās le nerf optique em-  
 peschant que l'esprit de la veüe ne paruiene à l'œil. Et  
 ceste plenitude & abondance de matiere au cerueau,  
 selon que i'en puis congnoistre, prouient de l'air & vêt  
 austral, chaud & humide, fort familier par delà, le-  
 quel remplit aysément le cerueau : comme dit tresbien  
 Hippocrates. Aussi experimentōs en nous mesmes par  
 deçà les corps humains deuenir plus pesans, la teste prin-  
 cipalement, quand le vent est au midy. Pour guerir ce  
 mal des yeux, ils couppent vne branche de certain ar-  
 bre fort mollet, cōme vne espee de palmier, qu'ils em-  
 portent à leur maison, & en distillent le suc tout rou-  
 geatre

Sauua-  
 ges affli-  
 gez de  
 ophthal-  
 mies, &  
 d'ou elles  
 procedēt

Nō tout  
 mal des  
 yeux est  
 ophthal-  
 mie.

Vent au-  
 stral mal  
 sain.

Curatiō  
 de ces  
 ophthal-  
 mics.



## LES SINGULARITEZ

geatre dedans l'œil du patient. Je diray encores que ce peuple n'est iamais subiet à lepre, paralysie, et vlcères, & autres vices extérieurs et superficiels; comme nous autres par deçà: mais presque tousiours sains & dispos cheminet d'une audace, la teste leuée comme un cerf. Voila en passant de ceste maladie la plus dangereuse de nostre France Antarétique.



Des maladies plus frequētes en l'Amerique,  
& la methode qu'ils obseruēt à se guerir.

### CHAP. XLVI.

**I**L n'y a celuy de tant rude esprit, qui n'entende bien ces Ameriques estre cōposez des quatre elemens, comme sont tous corps naturels, & par ainsi subiets à mesmes affections, que nous autres, iusques à la dissolution des elemens. Vray est que les maladies peuuent aucunement estre diuerses, selon la temperature de l'air, de la maniere,

re de viure. Ceux qui habitent en ce pais pres de la mer, sont fort subiets a maladies putredineuses, sieures, catterres, & autres. En quoy sont ces pauvres gens tant persuadez, & abusez de leurs prophetes, dont nous auons parlè, lesquels sont appellez pour les guerir, quand ils sont malades: & ont ceste folle opinion, qu'ils les peuuent guerir. On ne sçauroit mieux comparer tels galans, qu'à plusieurs batteleurs, empiriques, imposteurs, que nous auons pardeça, qui persuadent aysement au simple peuple, & font profession de guerir toutes maladies curables, & incurables. Ce que ie croiray fort bien, mais que science soit deuenue ignorance, ou au contraire. Doncques ces prophetes donnent à entendre à ces bestiaux, qu'ils parlent aux esprits & ames de leurs parens, & que rien ne leur est impossible, qu'ils ont puissance de faire parler l'ame dedans le corps. Aussi quand vn malade ralle, ayant quelque humeur en l'estomac & poulmons, laquelle par debilité, ou autrement il ne peut ietter, ils estiment que c'est son ame qui se plaint. Or ces beaux prophetes, pour les guerir les sucerront avec la bouche en la partie ou ils sentiront mal, pen sans que par ce moyen ils tirent & emportent la maladie dehors. Ils se sucent pareillement l'un l'autre, mais ce n'est avecques telle foy & opinion. Les femmes en vsent autrement. Elles mettront vn fil de coton long de deux pieds en la bouche du patiët, lequel apres elles sucent, estimans aussi avec ce fil emporter la maladie. Si l'un blesse l'autre par mal ou autrement, il est tenu de luy sucer sa playe, iusques à ce qu'il soit guerir: & ce pendant ils s'abstiennent de certaines viades, lesquelles ils estiment estre contraires. Ils ont certe methode de faire

Folle opi  
nion des  
Sauua-  
ges à l'é-  
droit de  
leurs pro-  
phetes et  
de leurs  
maladies

Metho-  
de de gue-  
rir les  
maladies  
obser-  
uées en-  
tre les  
Sauua-  
ges.



## LES SINGVLARITEZ

Maniere  
de viure  
des patiēs  
& mala-  
dies.

faire incisïōs entre les espaules, et en tirēt quelque quā-  
tité de sang: ce qu'ils font avec vne espece d'herbe fort  
trenchante, ou biē avec dents de quelques bestes. Leur  
maniere de viure estās malades est, qu'ils ne dōneront  
iamais à manger au patiēt, si premieremēt il n'en de-  
mande, & le laisseront plus tost languir vn mois. Les  
maladies, comme i'ay veu, n'y sont tant frequentes que  
par deçà, encores qu'ils demeurent nuds iour et nuit:  
aussi ne font ils aucun excès à boire ou à manger. Pre-  
mierement ils ne gouteront de fruit corrompu, qu'il  
ne soit iustement meur: la viande biē cuitte. Au sur-  
plus fort curieux de cognoistre les arbres & fruits, &  
leurs proprietés pour en vser en leurs maladies. Le fruit  
duquel plus cōmūnement ils vsent en leurs maladies,



est nommé Nana, gros comme vne moyenne citrouille, fait tout autour come vne pomme de pin, ainsi que vous verrez voir par la presente figure. Ce fruit demet iane en maturité, lequel est merueilleusement excellent, tant pour sa douceur que saveur, autant amoureuse que fin sucre, & plus. Il n'est possible d'en apporter par deça, sinon en confiture, car estant meur il ne se peut longuement garder. D'auantage il ne porte aucune graine: parquoy il se plante par certains petis reiets, comme vous diriez les greffes de ce país à enter. Aussi auant qu'estre meur il est si rude à mâger, qu'il vous escorche la bouche. La fueille de cest arbrisseau, quand il croist, est semblable à celle d'un large ionc. Je ne veux oublier come par singularité entre les maladies vne indisposition merueilleuse, q leur causent certains petis vers qui leur entret es pieds, appelez en leur langue Tom, les quels ne sont gueres plus gros q cirons: et croirois qu'ils s'engendrent & concréent dedans ces mesmes parties, car il y en a aucunes fois telle multitude en un endroit, qu'il se fait vne grosse tumeur comme une febue, avec douleur & demangeaison en la partie. Ce que nous est pareillement aduenü estans par delà, tellemēt que nos pieds estoient couverts de petites bossettes, ausquelles quand sont creuées l'on trouue seulement un ver tout blanc avec quelque bouë. Et pour obuier à cela, les gens du país font certaine huile d'un fruit nommé Hiboucouhu, semblant vne date, lequel n'est bon à manger: laquelle huile ils reseruent en petis vaisseaux de fruits, nommés en leur langue Caramemo, & en frottent les parties offensées: chose propre, ainsi qu'ils afferment, contre ces vers. Aussi s'en oignent quelquefois tout le

Nana,  
fruit fort  
excellēt.

Tom, ef-  
pece de  
vers.

Hibou-  
couhu,  
fruit &  
son vsage

corps



## LES SINGVLARITEZ

corps, quand ils se trouuent lasséz. Ceste huile en outre est propre aux playes & Vlcères, ainsi qu'ils ont cogneu par experience. Voyla des maladies & remedes dont vsent les Ameriques.

La maniere de traffiquer entre ce peuple.  
D'un oyseau nommé Toucan, & de l'espicerie du païs.

### CHAP. XLVII.



Ombien qu'en l'Amerique y ait diuersité de peuples, Sauvages n'eantmoins, mais de diuerses langues et factions, coustumiers de faire guerre les vns contre les autres: toutefois ils ne laissent de traffiquer tât entre eux qu'avec les estrangers, (specialement ceux qui sont pres de la mer) de telles choses que porte le païs. La plus grande de traffique est de plumes d'austuches, garnitures despees faictes de pennaches, & autres plumages fort exquis. Ce que l'on apporte de cent ou six vingts lieues, plus ou moins, auant dedans les païs: grand quantité semblablement de colliers blanc & noirs: aussi de ces pierres vertes, lesquelles ils portent aux leures, comme nous auons dit cy dessus. Les autres qui habitent sus la coste de la mer, ou traffiquent les Chrestiens, reçoient quelques haches, couteaux, dagues, espées, et autres ferremens, patenostres de verre, peignes, mirouers & autres menuës besongnes de petite valeur: dont ils traffiquent avec leurs voisins, n'ayans autre moyen, sinon donner vne marchandise pour l'autre: et en vsent ainsi, Donne moy cela, ie te donneray cecy, sans tenir long propos

Traffique des Sauvages.

propos. Sur la coste de la marine, la plus frequente marchandise est le plumage d'un oyseau, qu'ils appellent en leur langue Toucan, lequel descrirons sommairement, puis qu'il vient à propos. Cest oyseau est de la grandeur d'un pigeon. Il y en a une autre espee de la forme d'une pie, de mesme plumage que l'autre : que. c'est à sçavoir noirs tous deux, hors-mis autour de la queue, ou il y a quelques plumes rouges, entrelacées parmy les noires, sous la poitrine plume iaune, environ quatre doigts, tant en longueur que largeur : & n'est possible trouver iaune plus excellent que celui de c'est oyseau : au bout de la queue il y a petites plu-

Descri-  
ption du  
Toucan,  
oyseau de  
l'Ameri-



mes rouges comme sang. Les Sauvages en prennent la peau, à l'endroit qui est iaune, & l'accommodent à faire garnitures d'espees à leur mode, & quelques robes, chapeaux, & autres choses. J'ay apporté un chapeau fait de ce plumage, fort beau & riche, lequel à esté

Chapeau  
estrange  
composé  
de plu-  
mages.

N pré-



## LES SINGULARITEZ

presenté au Roy, comme chose singuliere. Et de ces oyseaux ne s'en trouue sinon en nostre Amerique, prenāt depuis la riuere de Plate iusques à la riuere des Amazones. Ils s'en trouue quelques vns au Peru, mais ne sont de si grande corpulence que les autres. A la nouuelle Espagne, Floride, Messique, Terre neuue, il ne s'en trouue point, à cause que le pais est trop froid, ce qu'ils craignent merueilleusement. Au reste cest oiseau ne vit d'autre chose parmy les bois ou il fait sa residence, sinon de certains fruietz & prouenans du pais. Aucuns pourroyēt penser qu'il fust aquatique, ce qui n'est vray semblable, cōme i'ay veu par experience. Au reste cest oiseau est merueilleusement difforme et monstrueux, ayant le bec plus gros et plus long quasi q̃ le reste du corps. I'en ay aussi apporté vn qui me fut doné par de là, avec les peaux de plusieurs de diuerses couleurs, les vnes rouges cōme fine escarlatte, les autres iaunes, azurées, & les autres d'autres couleurs. Ce plumage dōc est fort estimé entre nous. Ameriques, duquel ils traffiquent ainsi quenous auōs dit. Il est certain qu'auāt l'usage de monnoye on traffiquoit ainsi vne chose pour l'autre, et consistoit la richesse des hommes, voire des Roys, en bestes, comme chameaux, moutons et autres. Et qu'il soit ainsi, vous en auez exemples infinis, tant en Beroſe qu'en Diodore : lesquels nous recitent la maniere q̃ les anciens tenoyent de traffiquer les vns avec les autres, laquelle je trouue peu differente à celle de nous. Ameriques & autres peuples barbares. Les choses donc anciennement se bailloyent les vnes pour les autres, comme vne brebis pour du blé, de la laine pour du sel, La traffique, si bien nous considerōs, est merueilleusement vtile, outre qu'elle est

Singula-  
titez ap-  
portées  
par l'Au-  
teur de  
l'Ameri-  
que en  
France.  
Permuta-  
tion des  
choses a-  
uāt l'usa-  
ge de mon-  
noye.  
Mōs Py-  
renées  
pour-  
quoy ain-  
si appel-  
lez. Vtili-  
té de la  
traffique

le est le moyen d'entretenir la société civile. Aussi est elle fort célébrée par toute nation. Pline en son septième en attribue l'invention & premier usage aux Phéniciens. La traffique des Chrestiens avecques les Ameriques, sont monnés, bois de bresil, perroquets, coton, en charge d'autres choses, comme nous auons dit. Il s'apporte aussi de la certaine espice qui est la graine d'une herbe, ou arbrisseau de la hauteur de trois ou quatre pieds. Le fruit ressemble à une freze de ce païs, tant en couleur que autrement. Quand il est meur il se trouve dedans une petite semence comme fenoil. Nos marchans Chrestiens se chargent de ceste maniere d'espice, non toutefois si bonne que la maniguette qui croist en la coste de l'Ethiopie, & en la Guinée: aussi n'est elle à comparer à celle de Calicut, ou de Taprobane. Et noterés en passant, que quand l'on dit l'espicerie de Calicut, il ne faut estimer qu'elle croisse totalement, mais bien à cinquante lieues loing, en ie ne sçay quelles isles, & spécialement en une appellée Corchel. Toutefois Calicut est le lieu principal ou se mene toute la traffique en l'Inde de Leuant: & pource est dite espicerie de Calicut. Elle est donc meilleure que celle de nostre Amerique. Le Roy de Portugal, comme chacun peut entendre, reçoit grand emolument de la traffique qu'il fait de ces espiceries, mais non tant que le tēps passé: qui est depuis que les Espagnols ont decouvert l'isle de Zebut, riche et de grande estēdue, laquelle vous trouuez apres auoir passé le destroit de Magellā. Ceste isle porte mine d'or, gingēbre, abondance de porcelaine blanche. Apres ont decouvert Aborney, cinq degrez de l'equinoctial, & plusieurs isles des noirs, iusques à ce qu'ils sōt paruenus

Quelle est la traffique des Chrestiens avec les Ameriques. Espece d'espice.

Espicerie de Calicut. Isle de Corchel.

Isle de Zebut. Aborney. Isles de Moluqs. & de l'e-



## LES SINGULARITEZ

épicerie  
qui en  
vient.

aux Moluques, qui sont Atidore, Terrenate, Maté, & Machian petites isles assés pres l'une de l'autre: comme vous pourriez dire les Canaries, desquelles auos parlé. Ces isles distantes de nostre France plus de cent octante degrez, & situées droit au Ponent, produisent force bonnes espiceries, meilleures que celles de l'Amerique sans comparaison. Voila en passant des Moluques, après auoir traité de la trafique de noz sauvages Ameriques.

Des oyseaux plus communs en l'Amerique.

### CHAP. XLVIII.



Descri-  
ption du  
Carinde,  
oyseau de  
excellente  
beauté.

Ntre plusieurs genres d'oyseaux q̄ nature diuersement produit, descouurant ses dons par particulieres proprietéz, dignes certes d'admiration, lesquelles elle a baillé à chacun animal viuant, il ne s'en treuve vn qui excède en perfection & beauté, cestuicy, qui se voit constamment en l'Amerique, nommé des Sauvages Carinde, tant nature se plaisoit à peindre ce bel oiseau, le reuestant d'un si plaisant & beau pennage, qu'il est impossible n'admirer telle ouuriere. Cest oiseau n'excede point la grandeur d'un corbeau: & son plumage, depuis le ventre iusques au gosier, est iaune comme fin or: les ailes & la queue, laquelle il a fort longue, sont de couleur de fin azur. A cest oiseau se trouue vn autre semblable en grosseur, mais different en couleur: car au lieu que l'autre a le plumage iaune, cestuicy l'a rouge, comme fine escarlatte, & le reste azuré. Ces oyseaux sont especes de perroquets, & de mesme forme tant en

en teste, bec, qu'à pieds. Les Sauvages du païs les tiennent fort chers à cause qu'ils en tirent trois ou quatre fois l'année ils leur tirent les plumes, pour en faire chapeaux, garnir boucliers, espèces de bois, tapisseries, et autres choses exquisés, qu'ils font costumièrement. Lesdits oyseaux sont si priués, qu'ils se tiennent tout le iour dans les arbres, tout autour des logettes des Sauvages. Et quand ce vient sur le soir, ces oyseaux se retirent les uns dans les loges, les autres dans les bois : toutefois ne faillent iamais à retourner le lendemain, ne plus ne moins que font nos pigeons priués, qui nidifient aux maisons par deçà. Ils ont plusieurs autres espèces de perroquets tous differens de plumage les uns des autres. Il y en a un plus verd qu'un autre, qui se trouue par delà, qu'ils nomment Aiouroub : autres ayans sur la teste petites plumes azurées, les autres vertes, que nomment les Sauvages, Marganas. Il n'en trouue point de gris, comme en la Guinée, et en la haute Afrique les Ameriques tiennent toutes ces espèces d'oyseaux en leurs loges, sans estre aucunement enfermez, comme nous faisons par deçà : j'entens après les auoir apprivoisez de ieunesse à la maniere des Anciens, comme dit Pline au liure dixieme de son histoire naturelle, parlant des oyseaux : ou il afferme que Strabon a esté le premier qui a montré à mettre les oyseaux en cage, lesquels parauant auoyent toute liberté d'aller et venir. Les femmes spécialement en nourrissent quelques uns, semblables de stature & couleur aux loriots de par deçà, lesquels elles tiennent fort chers, iusques à les appeller en leur langue, leurs amis. D'auantage nos Ameriques apprennent à ces oyseaux à parler en leur langue, comme à demander de la farine, qu'ils font de

Aiouroub oyseau verd Marganas.

Qui fut le premier qui a mis les oyseaux en cage.



## LES SINGULARITEZ

racines: ou bien leur apprennent le plus souvent à dire et proferer qu'il faut aller en guerre contre leurs ennemis, pour les prendre, puis les manger & plusieurs autres choses. Pour rien ne leur doneroient des fruits à manger, tant aux grands qu'aux petis: car telle chose (disent ils) leur engendrēt un ver, qui leur perce le cœur.

Abôdâce  
de perro-  
quets en  
l'Ameri-  
que.

Depuis  
quel tēps  
auons eu  
cognois-  
sance des  
perro-  
quets.

Exclama-  
tion de  
Marcus  
Cato con-  
tre les de-  
lices de  
son tēps.

Il y a multitude d'autres perroquets sauvages, qui se tiennent aux bois, desquels ils tuent grande quantité, à coups de fleches, pour manger. Et sont ces perroquets leur nids au sommet des arbres, de forme toute ronde, pour crainte des bestes picquantes. Il a esté un temps q ces oyseaux n'estoient congneuz aux anciens Romains, & autres païs de l'Europe, sinon depuis (comme aucuns ont voulu dire) qu' Alexandre le Grand enuoya son lieutenant Onesicrite en l'isle Taprobane, lequel en apporta quelque nombre: & depuis se multiplierent si bien, tant au païs de Levant qu'en Italie, et principalement à Rome, cōme dit Columelle au liure troisiēme des dits des Anciens, q Marcus Portius Cato (duquel la vie et doctrine fut exemple à tout le peuple Romain) ainsi cōme se sentāt scandalizē, dist un iour au Senat: O peres cōscripts, ô Rome malheureuse, ie ne sçay plus en quēl tēps nous sommes tōbez depuis q i'ay veu en Rome telles monstrositez, c'est à sçauoir les hommes porter perroquets sous leurs mains, & veoir les femmes nourrir et auoir en delices les chiens. Retournons à nos oyseaux, qui se trouuent par delà, d'autre espee & fort estranges (comme est celuy qu'ils appellent Toucan, duquel nous auons parlé cy deuant) tous differens à ceux de nostre hemisphere: comme pouuez plus cleremēt voir par ceux, qui nous sont representez en ce liure, & de plu-  
sieurs

fleurs autres, dont j'ay apporté quelques corps garnis  
 de plumes, les vnes jaunes, rouges, vertes, pourprées  
 azurées, & de plusieurs autres couleurs: qui ont esté  
 présentez au Roy, comme choses singulieres, & qui  
 n'auoyent oncques esté veues par deçà. Il reste à descri-  
 re quelques autres oyseaux assez rares et estranges: en-  
 tre lesquels se trouue vne espece de mesme grandeur  
 & couleur que petis corbeaux, sinon qu'ils ont le de-  
 uant de la poitrine rouge, comme sang, & se nomme  
 Panon, son bec est cendré, & ne vit d'autre chose, si-  
 non d'un espece de palmier, nommé Ierahuua. Il s'en  
 trouue d'autres grans comme noz merles, tous rouges  
 comme sang de dragon, qu'ils nomment en leur langue  
 Quiapián. Il y a vne autre espece de la grosseur  
 d'un petit moineau, lequel est tout noir, vivant d'une  
 façon fort estrange. Quand il est soul de formis, &  
 autre petite vermine qu'il mange, il ira en quelque  
 arbrisseau, dans lequel il ne fera que voltiger de haut  
 en bas, de branche, en brâche sans auoir repos quelcon-  
 que. Les Sauvages le nomment Annon. Entre tous les oy-  
 seaux qui sont par delà, il s'en trouue encore un autre,  
 q̃ les Sauvages ne tueroient ou offenseroient pour chose  
 quelconque. Cest oyseau à la voix fort esclatante & pi-  
 teuse, cōme celle de nostre Chathuant: et dient ces pau-  
 ures gēs q̃ son chāt leur fait recorder leurs amis morts,  
 estimans q̃ ce sont eux qui leur enuoyent, leur portant  
 bonne fortune, et mauvaise à leurs ennemis. Il n'est pas  
 plus grand qu'un pigeon ramier, ayant couleur cendrée, et  
 vivant du fruit d'un arbre qui s'appelle Hiuourahe. Je  
 ne veux oublier un autre oyseau nommé Gouábuch,  
 qui n'est pas plus gros qu'un petit cerf volant, ou vne

Panon,  
 oyseau  
 estrange.  
 Ierahuua  
 espece de  
 palmier.  
 Quiapiá,  
 oyseau.

Annon,  
 oyseau.

Autre es-  
 peced'oy-  
 seau.

Hiuoura-  
 he, arbre.  
 Gouam-  
 buch, oy-



## LES SINGVLARITEZ

**Peau fort petit.** grosse mousche: lequel neantmoins qu'il soit petit, est si beau à le voir, qu'il est impossible de plus. Son bec est longuet & fort menu, & sa couleur grisatre. Et combien q̃ ce soit le plus petit oyseau, qui soit (cōme ie pense) sous le ciel, neantmoins il chante merueilleusement bien, & est fort plaisant à ouyr. Je laisse les oyseaux d'eau douce & salée, qui sont tous differens à ceux de par deçà, tant en corpulence qu'en variété de plumages. Je ne doute, Lecteur, que noz modernes auteurs des liures d'oyseaux, ne trouuent fort estrange la presente description que i'en fais, et a les pourtraits que ie t'ay representez. Mais sans honte leur pourras reputer cela à la vraye ignorance qu'ils ont des lieux, lesquels ils n'ont iamais visité, & la petite congnoissance qu'ils ont pareillement des choses estrangeres. Voila donc le plus sommairement qu'il m'a esté possible, d'escrire des oyseaux de nostre France Antarctique, et ce que pour le temps que nous y auons seiourné, auons peu observer.

Des venaisons & sauuagines, que prennent ces Sauuages.

### CHAP. XLIX.

**A** L me semble n'estre hors de propos, si ie recite les bestes qui se trouuent es bois & montagnes de l'Amerique, & comme les habitans du país les prennent pour leur nourriture. Il me souuiét auoir dit en quelque endroit, comme ils ne nourrissent aucuns animaux domestiques, mais se nourrissent par les bois grande quantité de sauuagines, comme cerfs, biches, sangliers, & autres. Quand

Les bestes se detraquent à l'escart pour chercher leur prédre & vie, ils vous feront vne fosse profonde couuerte de fueil-  
 lages, au lieu auquel la beste hantera le plus souvent, ftes sau-  
 mais de telle ruse & finesse, qu'à grand peine pourra uages.  
 eschapper: & la prendrôt toute vne, ou la feront moi-  
 rir là dedans, quelque-fois à coups de fleches. Le San-  
 gliet est trop plus difficile. Iceluy ne ressemble du tout del'A-  
 le nostre, mais est plus furieux & dangereux: & a la merique.  
 dent plus longue & apparente. Il est totalement noir  
 et sans queue: d'auantage il porte sur le dos vn euent  
 semblable de grandeur a celui du marsouin, avec le-  
 quel il respire en l'eau. Ce porc sauvage iette vn cry  
 fort espouuentable, aussi entend l'on ses dents claqueter  
 & faire bruit, soit en mangéant ou autrement. Les Sau-  
 uages nous en amenerét vne fois vn lié, lequel toutes-  
 fois eschappa en nostre presence. Le cerf & la biche  
 n'ont le poil tant vni & delié comme par deça, mais  
 fort boureux et tressonné, assez long toutesfois. Les cerfs  
 portent cornes petites au regard des nostres. Les Sauua-  
 ges en font grande estime, pource qu'apres auoir percé  
 la leure à leurs petis enfans, ils mettront souvent de-  
 dās le pertuis quelque piece de ceste corne de cerf, pour  
 l'augmenter, estimans qu'elle ne porte venin aucun:  
 mais au contraire elle repugne & empesche qu'à l'en-  
 droit ne s'engendre quelque mal. Plin afferme la cor-  
 ne de cerf estre remede et antidote contre tous venins.  
 Aussi les medecins la mettēt entre les medicamēs cor-  
 diaux, comme roborant & confortant l'estomac de cer-  
 taine propriété, comme l'iuoir et autres. La fumée de  
 ceste corne bruslée a puissance de chasser les serpens.  
 Aucuns veulent dire que le cerf fait tous les ans corne

Cerf de  
l'Ameri-  
que.

Proprié-  
té de la  
corne de  
vn cerf.



## LES SINGULARITEZ

Refuerie  
des Sau-  
uages.

Descri-  
ption du  
Coaty, a-  
nimal e-  
trange.

nouvelles: & lors qu'il est destitué de ses cornes, se cache, mesmes quand les cornes luy veulent tomber. Les anciens ont estimé à mauvais presage la rencotre d'un cerf & d'un lieure: mais nous sommes tout au contraire, aussi est ceste opinion folle, superstitieuse, & repugnante à nostre religion. Les Turcs et Arabes sont encores aujour d'huy en cest erreur. A ce propos noz Sauvages se sont persuadez une autre refuerie, et sera bien subtil qui leur pourra dissuader: laquelle est, qu'ayans pris un cerf ou biche, ils ne les oseroient porter en leurs cabannes, qu'ils ne leur ayent couppé cuisses et iâbes de derriere, estimans q' s'ils les portoyent avec leurs quatre membres, cela leur ôteroit le moyen à eux & à leurs enfans de pouoir prendre leurs ennemis à la course: outre plusieurs refueries, dont leur cerueau est perfumé. Et n'ont autre raison, sinon q' leur grãd Charaïbe leur a fait ainsi entendre: aussi que leurs Pagès & medecins le defendent. Ils vous feront cuire leur venaison par pieces, mais avec la peau: & apres qu'elle est cuite sera distribuée à chacun menage, qui habitent en une loge tous ensemble, cōme escoliers aux colleges. Ils ne mangeront iamais chair de beste rauissante, ou qui se nourrisse de choses impures, tāt privée soit elle: aussi ne s'efforceront d'appriuoiser telle beste, cōme une qu'ils appellent Coaty, grãde cōme un regnard de ce païs, ayant le museau d'un pied de long, noir cōme une taupe, et menu cōme celui d'un rat: le reste enfumé, le poil rude, la queue gresle cōme celle d'un chat sauvage, moucheté de blanc et noir, ayant les oreilles comme un regnard. Ceste beste est rauissète, et vit de proye autour des ruisseaux. En oultre se trouve là une espeece de faisans, gros

gros comme chappons mais de plumage noir, hors-mis la teste, qui est grisatre ayant vne petite creste rouge, pendante comme celle d'vne petite poule d'Inde, et les pieds rouges. Aussi y a des perdrix nommées en leur langue Macouacanna, qui sont plus grosses que les noires. Il se trouue d'auantage en l'Amerique grande quantité de ces bestes, qu'ils nomment Tapihire, desirées & recommandables pour leur deformité. Aussi les Sauvages les poursuient à la chasse, non seulement pour la chair qui en est tresbonne, mais aussi pour les peaux dont ces Sauvages font boucliers, desquels ils vsent en guerre. Et est la peau de ceste beste si forte, qu'à grande difficulté vn trait d'arbaleste la pourra percer. Ils les prennent ainsi que le cerf & le sanglier, dont nous auons parlé naguères. Ces bestes sont de la grandeur d'vn grand asne, mais le col plus gros, & la teste come celle d'vn taureau d'vn an: les dents trenchâtes & agues: toutesfois elle n'est dangereuse. Quand on la pourchasse, elle ne fait autre resistance que la fuite, cherchant lieu propre à se cacher, courant plus legerement que le cerf. Elle n'a point de queue, sinon bien peu, de la longueur de trois ou quatre doigts, laquelle est sans poil, come celle de l'Agoutin. Et de telles bestes sans queue se trouue grande multitude par de là. Elle a le pié forchu, avec vne corne fort longue, autant presque deuant come derriere. Son poil est rougeatre, come celui d'aucunes mules ou vaches de par deçà: et voila pourquoy les Chrestiens qui sont par de là, nomment telles bestes vaches, non differentes d'autre chose à vne vache, hors-mis quelle ne porte point de cornes: & à la verité, elle me semble participer autât de l'asne q de la vache: car il se trou

Espece  
de faisan.

Macoua  
câna, es-  
pece de  
perdrix.  
Tapihire  
animal.

Descri-  
ption du  
Tapihire



Espece  
de pois-  
son estra-  
ge.

## LES SINGULARITEZ

ne peu de bestes d'especes diuerses, qui se ressemblent entierement sans quelque grande difference. Comme aussi des poissons, que nous auons veu sur la mer à la coste de l'Amerique, se presenta vn entre les autres ayant la teste come d'un veau, & le corps fort bizere. Et en cela pouuez voir l'industrie de Nature, qui a diuersifié les animaux selon la diuersité de leurs especes, tant en l'eau qu'en la terre.

### D'un arbre nommé Hyuourahé.

#### CHAP. L.

Hyuou-  
rahé ar-  
bre.



Je ne voudrois aucunement laisser en arriere, pour son excellence et singularité, vn arbre, nommé des sauvages Hyuourahé, qui vaut autāt à dire, comme, chose rare. Cest arbre est de haute stature, ayant l'escorce argentine, & au dedans demye rouge. Il a quasi le goust de sel, ou comme bois de riglisse, ainsi que i'ay plusieurs fois experimenté. L'escorce de c'est arbre à vne merueilleuse propriété entre toutes les autres, aussi est en telle reputation vers les sauvages, comme le bois de Gaiac par deça: mesmes qu'aucuns estiment estre vray Gaiac, ce que toutefois ie n'approuue: car ce n'est pas à dire, que tout ce qui a mesme propriété q le Gaiac, soit neātmoins Gaiac. Nonobstant ils s'en seruēt au lieu de Gaiac, i'entēds des Chrestiens, car les Sauvages ne sont tant subiets à ceste maladie commune, de laquelle parlerons plus amplement autre part. La maniere d'en vser est telle: L'on prend quelque

quelque quantité de ceste escorce, laquelle rend du lait quand elle est recentemente séparée d'avec le bois : laquelle couppée par petis morceaux font boullir en eau l'espace de trois ou quatre heures, iusques à tant que ceste decoction devient colorée, comme vin claret. Et de ce bruuage boient par l'espace de quinze ou vingt iours consecutiuent, faisans quelque petite diete: ce que succede fort bien ainsi que j'ay peu entendre. Et ladite escorce n'est seulement propre à ladite affection, mais à toutes maladies froides & pituiteuses, pour atténuer & desseicher les humeurs: de laquelle pareillement vsent noz. Ameriques en leurs maladies. Et encore telle decoction est fort plaisante à boire en pleine santé. Autre chose singuliere a cest arbre portât vn fruit de la grosseur d'une prune moyenne de ce país, iauune comme fin or de ducat: & au dedans se trouue vn petit noyau, fort suau & delicat, avec ce qu'il est merueilleusement propre aux malades & dégoustez. Mais autre chose sera parauanture estrange, & presque incroyable, à ceux qui ne l'auront veüe: c'est qu'il ne porte son fruit que de quinze ans en quinze ans. Aucuns m'ont voulu donner à entendre de vingt en vingt: toutesfois depuis i'ay sceu le contraire, pour m'en estre suffisamment informé, mesmes des plus anciens du país. Je m'en fis monstrier vn, & me dist celuy qui me le monstroït, que de sa vie n'en auoit peu manger fruit que trois ou quatre fois. Il me souuiet de ce bon fruit de l'arbre nommé Lothe, duquel le fruit est si friant, ainsi que recite Homere en son Odyssée, lequel apres que les gens de Scipion eurent gousté, ils ne tenoyent conte de retourner à leurs nauires, pour manger autres viandes.

Vsage de  
l'escorce  
de cest ar  
bre.

Excellen  
ce du  
fruit de  
cest arbre  
Hyuou-  
lahé.

Lothe  
Homeri-  
que.



## LES SINGULARITEZ

des & fruits. Au surplus en ce païs se trouuent quelques arbres portans casse, mais elle n'est si excellente que celle d'Egypte ou Arabie.

D'un autre arbre nommé Vhebehafou, & des mouches à miel qui le frequentent.

### CHAP. LI.



Descri-  
ptiō d'un  
arbre nō  
mé Vhe-  
behafou.

Deux es-  
peces de  
mouf-  
ches à  
miel.

Ilant quelque iour en vn village, distant du lieu ou estoit nostre residence environ dix lieues, accompagné de cinq sauvages, & d'un truchement Chrestien, je me mis à contempler de tous costez les arbres, dont il y auoit diuersité: entre lesquels ie m'arrestay à celui duquel nous voulons parler, lequel à voir l'on iugeroit estre ouurage artificiel, & non de Nature. Cest arbre est merueilleusement haut, les branches passants les vnes par dedans les autres, les fuscilles semblables à celles d'un chou, chargée d'aucune brâche de son fruit, qui est d'un pié de longueur. Interrogant donques l'un de la compagnie quel estoit ce fruit, il me monstre lors, & m'admoneste de cōtempler vne infinité de mouches, à l'entour de ce fruit, qui lors estoit tout verd, duquel nourrissoient ces mouches à miel: dont s'estoit retiré vn grand nombre dedans vn pertuis de cest arbre, ou elles faisoient miel et cire. Il y a deux especes de ces mouches: les vnes sont grosses comme les nostres, qui ne vient seulement que de bonnes fleurs odorantes, aussi font elles vn miel tresbon, mais de cire non en tout si iauue que la nostre. Il s'en trouue vne autre espee la moytié plus petites que les autres: leur miel est encore meilleur que

que le premier, et le nomment les Sauvages Hira. Elles Hira,  
ne vivent de la pasture des autres, qui cause à moi auis miel.  
qu'elles font une cire noire comme charbon : & s'en  
fait grande quantité, spécialement pres la riviere des



Vases, & de Plac. Il se trouue là un animant, nommé Heyrat,  
Heyrat, qui vaut autant à dire comme beste à miel, animant.  
pource qu'elle recherche de toutes pars ces arbres, pour Usage de  
manger le miel que font ces mousches. Cest animant est miel te-  
tanné, grand comme un chat, et a la methode de tirer nu en  
le miel avec ses griffes, sans toucher aux mousches, ne grande  
elles à luy. Ce miel est fort estimé par delà, pource q' les recemmen-  
Sauvages en presentent à leurs malades, mistioné avec datio de  
farine recente qu'ils ont accoustumé faire de racines. diuers  
peuples.

Quant



## LES SINGULARITEZ

de diuers  
peuples.

melissus  
Roy de  
Crete.  
Pour-  
quoy ont  
faint les  
Poëtes  
les mou-  
ches estre  
volées à  
la bou-  
che de Ju-  
piter.  
Solon.

Quant à la cire ils n'en vsent autrement, sinon qu'ils l'appliquent pour faire tenir leurs plumettes & pen-nages autour de la teste. Ou bien de boucher quelques grosses cannes, dans lesquelles ils mettent leurs plumes, qui est le meilleur thresor de ces Sauvages. Les anciens Arabes & Egyptiens vsoyent & appliquoyent aussi du miel en leurs maladies, plus que d'autres medeci-nes, ainsi que recite Pline. Les Sauvages de la riuere de Marignan ne mangent ordinairement, sinon miel avec quelques racines cuittes, lequel distille & dechet des arbres & rochers. comme la manne du ciel, qui est vn tresbon aliment à ces barbares. A propos Lactan-ce au premier liure des institutiōs diuines recite, si j'ay bonne memoire, que Melissus Roy de Crete, lequel pre-mier sacrifia aux dieux, auoit deux filles, Amalthea & Melissa, lesquelles nourriront Iupiter de lait de cheure, quand il estoit enfant, & de miel. Dont voy-ans ceux de Crete ceste tant bonne nourriture de miel, commencerent en nourrir leurs enfans: ce qui a donné argument aux Poëtes de dire, que les mouches à miel estoient volées à la bouche de Iupiter. Ce que cognois-sant encore le sage Solon permist qu'on transportast tous fruiets hors de la ville d'Athenes, & plusieurs autres victuailles, excepté le miel. Pareillement les Turcs ont le miel en telle estime, qu'il n'est possible de plus, espe-rās apres leur mort aller en quelques lieux de plaisance remplis de tous alimens, & spécialement de bon miel, qui sont expectations fatales. Or pour retourner à no-stre arbre, il est fort frequenté par les mouches à miel, combien que le fruit ne soit bon à manger, comme sont plusieurs autres du païs, à cause qu'il ne vient gueres

à ma-

maturité, ains est mangé des mouches, come j'ay peu apperceuoir. Au reste il porte gomme rouge, propre à plusieurs choses, comme ils la sçauët bien accommoder. Gomme rouge.

D'une beste assez estrange, appelée Haüt.

CHAPITRE. LII.

**A**Ristote & quelques autres apres luy se sont efforcez avec toute diligence de chercher la nature des animaux, arbres, herbes, & autres choses naturelles: toutefois par ce qu'ils ont escript n'est vray semblable qu'ils soient paruenus iusques à nostre France Antarctique ou Amerique, pource qu'elle n'estoit decouuerte au parauant, ny de leur temps. Toutefois ce qu'ils nous en ont laissé par escrit, nous apporte beaucoup de consolation & soulagement. Si donc nous en descriuons quelques vnes, rares quant à nous & incongneues: j'espere qu'il ne sera pris en mauuaise part, mais au contraire pourra apporter quelque contentement au Lecteur, amateur des choses rares & singulieres, lesquelles Nature n'a voulu estre communes à chacun païs. Ceste beste pour abreger, est autant difforme qu'il est possible & quasi incroyable à ceux qui ne l'auroient veüe. Ils la nomment Haüt, ou Haüthi, de da grandeur d'un bien grand guenon d'Afrique, son ventre est fort auallé contre terre. Elle a la teste presque semblable à celle d'un enfant, & la face semblablement, comme pouvez voir par la sequente figure retirée du naturel. Estant prise elle fait des souspris comme un enfant affligé de douleur. Sa peau est cendrée & velue comme

Description d'un animal en son naturel. En son naturel. En son naturel. En son naturel.

O celle





celle d'un petit ours. Elle ne portesi nō trois ongles aux  
pieds longs de quatre doigts, faits en mode de grosses  
arestes de carpe, avec lesquelles elle grimpe aux arbres  
ou elle demeure plus qu'en terre. Sa queue est longue  
de trois doigts, ayant bien peu de poil. Vne autre chose  
digne de memoire, c'est que ceste beste n'a iamais esté  
veüe manger d'homme viuant, encores que les Sauua-  
ges en ayent tenu longue espace de temps, pour voir si  
elle mangeroit, ainsi qu'eux mesmes m'ont recité. Pa-  
reillement ie ne l'eusse encore creu, iusques à ce qu'un  
Capitaine de Normandie nommé De l'espine, & le  
Capitaine Mogneuille natif de Picardie, se pormenās  
quelque iour en des bois de haute fustaye, tirerent un  
coup d'arquebuzze contre deux de ces bestes qui estoi-  
ent au feste d'un arbre, dont tomberent toutes deux à  
terre, l'une fort blessée, & l'autre seulemēt estourdie,  
de laquelle me fut fait present. Et la gardant bien l'es-  
space de vingt six iours, ou ie congny que iamais ne

Monf.  
De l'espine.  
Capitai-  
ne Mo-  
gneuille

voulut manger ne boire : mais tousiours à vn mesme  
 estat, laquelle à la fin fut estrâglée par quelques chiens  
 qu'auions mené avec nous par delà. Aucuns estiment  
 ceste beste viure seulement des fueilles de certain ar-  
 bre, nommé en leur langue Amahut. Cest arbre est  
 haut eleué sur tous autres de ce païs, ses fueilles fort pe-  
 tites & deliées. Et pource que coustumierement elle  
 est en cest arbre ils l'ont appelé Haüt. Au surplus  
 fort amoureuse de l'homme quand elle est apprivoisée,  
 ne cherchant qu'à mōter sur ses espauls, comme si son  
 naturel estoit d'appeter tousiours choses hautes, ce que  
 malaisément peuvent endurer les Sauvages, pource  
 qu'ils sont nus, & que cest animant a les ongles fort  
 aguës, & plus longues que le Lion, ne beste que j'aye  
 veu tant farouche et grande soit elle. A ce propos i'ay <sup>Chame-</sup>  
 veu par experience certains Chameleōs, que lon tenoit <sup>leon.</sup>  
 en cage dans Constatinople, qui furēt apperceuz viure  
 seulemēt de l'air. Et par ainsi ie congneu estre verita-  
 ble, ce que m'auoiēt dit les Sauvages de ceste beste. En  
 outre encore qu'elle demeurast attachée iour & nuict  
 dehors au vent et à la pluye (car ce païs y est assez <sup>sub</sup> Industrie  
 iect) neātmoins elle estoit tousiours aussi seche comme <sup>& faits</sup>  
 parauāt. Voila les faits admirables de Nature, et cōme <sup>admira</sup>  
 elle se plaist à faire choses grandes, diuerses, & le plus <sup>bles de</sup>  
 souvent incomprehensibles et admirables aux hōmes. Nature.  
 Parquoy ce seroit chose impertinente d'en chercher la  
 cause & raison, cōme plusieurs de iour en iour s'effor-  
 cent : car cela cēt vn vray secret de Nature, dont la  
 congnoissance est reseruée au seul Createur, comme de  
 plusieurs autres que lon pourroit icy alleguer, dont ie  
 me deporteray pour sommairement paruenir au reste.



Comme les Ameriques font feu, de leur opinion du deluge, & des ferremens dont ils vsent.

## C H A P. L I I I.



Metho-  
de des  
sauuages  
à faire  
feu.

Pres auoir traité d'aucunes plantes singu-  
lières, & animaux incongneuz, non seu-  
lement par deça, mais aussi comme ie pen-  
se en tout le reste de nostre monde habita-  
ble, pour n'auoir esté ce país congneu ou decouuert, que  
depuis certain temps en ça: j'ay bien voulu, pour met-  
tre fin à nostre discours de l'Amerique, descrire la ma-  
niere fort estrange, dont vsent ces Barbares à faire feu  
comme par deça avec la pierre & le fer: laquelle inuē-  
tion à la verité est celeste, donnée diuinement à l'hō-  
me, pour sa necessité. Or noz Sauuages tiennent vne  
autre methode, presque incredible, de faire feu, bien  
differente à la nostre, qui est de frapper le fer au cail-  
lou. Et faut entendre qu'ils vsent coustumierement de  
feu, pour leurs necessitez, comme nous faisons: & en-  
core plus, pour resister à cest esprit malin, qui les tor-  
mente: qui est la cause qu'ils ne se coucheront iamais  
quelque part qu'ils soient, qu'il n'y ayt du feu allumé,  
à l'entour de leur liēt. Et pource tant en leurs maisons  
que ailleurs, soit au boys ou à la campagne, ou ils sont  
contraints quelquefois demeurer long temps, comme  
quand ils vont en guerre, ou chasser à la venaison, ils  
portent ordinairement avec eux leurs instrumens à  
faire feu. Docques ils vous prendront deux bastons ine-  
gaux

gaux, l'un, qui est le plus petit de deux pieds, ou environ, fait de certain bois fort sec, portant moëlle : l'autre



quelque peu plus long. Celuy qui veult faire feu, mettra le plus petit baston en terre, percé par le milieu, le quel tenant avec les pieds qu'il mettra dessus, fichera le bout de l'autre baston dedans le pertuis du premier, avec quelque peu de cotton, & de feuilles d'arbre seiches : puis à force de tourner ce baston il s'engendre tel le chaleur, de l'agitation & tournemēt, que les feuilles & cotton se prennent à bruler, & ainsi allument leur feu, le quel en leur langue ils appellent, Thata, & la fumée Thatatin. Et celle maniere de faire feu, tāt subtile, disent tenir d'un grād Charaibe plus que Prophe te, qui l'enseigna à leurs peres anciens, & autres choses, dont paravant n'auoient eu congnoissance. Je sçay bien qu'il se trouue plusieurs fables de ceste inuention de feu. Les vns tiennent que certains pasteurs furent

Thata.  
Thatatin



# LES SINGVLARITEZ

Premie-  
re inuen-  
tion du  
feu.

premiers inuenteurs de faire feu, à la maniere de noz Sauvages : c'est à sçavoir avec certain bois, destituez de fer & caillou. Par cela lon peut cōgnoistre euidentement, que le feu ne vient ne du fer ne de la pierre: comme dispute tresbien Aphrodisée en ses Problemes, & en quelque annotation sur ce passage, par celuy qui n'a gueres les a mis en François. Vous pourrez voir le lieu.

Vulcain  
inuéteur  
du feu.

Diodore escrit, que Vulcain a esté inuêteur du feu, lequel pour ce respect les Egyptiens eleurent Roy. Aussi sont presque en mesme opinion noz Sauvages, lesquels parauât l'inuention du feu, mangeoient leurs viandes

Opinion  
des Sau-  
uages  
touchât  
vn delu-  
ge.

seichées à la fumée. Et ceste cōgnoissance leur apporta comme nous auons dit, vn grand Charaïbe, qui la leur communiqua la nuit en dormant, quelque temps apres vn deluge, lequel ils maintiennent auoir esté autrefois encores qu'ils n'ayent aucune congnoissance par escriptures, sinon de pere en fils: tellement qu'ils perpetuent ainsi la memoire des choses, biē l'espace de trois ou quatre cents ans: ce qui est aucunement admirable. Et par ainsi sont fort curieux d'enseigner et reciter à leurs enfans les choses aduenües, & dignes de memoire: & ne font les vieux & anciens la meilleure partie de la nuit, apres le reueil, autre chose que remonstrier aux plus ieunes: & de les ouyr vous diriez que ce sont prescheurs, ou lecteurs en chaire. Or l'eau fut si excessiue ment grande en ce deluge, qu'elle sorpassoit les plus haultes montagnes de ce país: & par ainsi tout le peuple fut submergé & perdu. Ce qu'ils tiennēt pour asseuré, ainsi que nous tenons celuy que nous propose la saincte escriture. Toutefois il leur est trop aisé de faillir attendu qu'ils n'ont aucun moyen d'escriture, pour me  
moire

moire des choses, sinon comme ils ont ouy dire à leurs peres: aussi qu'ils nombrent par pierres, ou autres choses seulement, car autrement ils ne sçauent nōbrer que iusques à cinq, & comptent les mois par lunes (comme desia en auons fait quelque part mention) disans, il y a tant de lunes que ie suis né, & tant de lunes que fut ce deluge, lequel temps fidelement supputé reuiet bien à cinq cens ans. Or ils afferment & maintiennent constamment leur deluge, & si on leur contredit, ils s'efforcent par certains argumens de soustenir le contraire. Apres que les eaux furent abaissées & retirées, ils disent qu'il vint vn grand Charaïbe, le plus grand qui fut iamais entre eux, qui mena là vn peuple de païs fort lointain, estāt ce peuple tout nud, cōme ils sont encore aujour d'huuy, lequel a si bien multiplié iusques à present, qu'ils s'en disent par ce moyen estre yssiez. Il me semble n'estre trop repugnāt, qu'il puisse auoir esté autre deluge que celuy du temps de Noë. Toutefois ie me deporteray d'en parler, puis que nous n'en auōs aucun tesmoignage par l'escriture, retournans au feu de nos Sauvages, cōme ils en ont vſé à plusieurs choses, cōme à cuire viandes, abatre bois, iusques à ce que depuis ils ont trouué moyē de le coupper, encore avec quelques pierres, & depuis n'aguères ont receu l'vſage des ferremens par les Chrestiens qui sont allez par delà. Je ne doute que l'Europe, & quelques autres païs n'ayēt esté autrefois sans vſage de ferremēs. Ainsi recite Pline au septième de son histoire naturelle, que Dedalus fut inuenteur de la premiere forge, de laquelle il forgea luy mesme vne cōgnée, vne sie, lime & cloux. Ouide toutefois au huitième de sa Metamorphose dit qu'un

Maniere  
de nom-  
brer des  
Sauua-  
ges.

Origine  
des Sau-  
uages.

Premie-  
re mode  
des Sau-  
uages à  
couper  
dubois.

Dedalus  
inuéteur  
de la pre-  
miere  
forge.



## LES SINGVLARITEZ

Pedris in-  
uenteur  
de la sie.  
Espece  
de poif-  
son. *nommé Pedris neuveu de Dedalus inuēta la sie à la sem-  
blance de l'espine d'un poisson eleuée en haut. Et de  
telle espece de poisson passans sous la ligne equinoctia-  
le à nostre retour, en prismes vn, qui auoit l'espine lon-  
gue d'un pié sus le dos: lequel volontiers nous eussions  
icy représenté par figure, si la commodité l'eust permis  
ce que toutesfois nous esperons faire vne autrefois. Don-  
ques aucuns des Sauvages depuis quelque temps desi-  
rans l'usage de ces ferremens pour leur necessitez, se  
sont appris à forger, apres auoir esté instruits par les  
Chrestiens. Or sans diuertir loin de propos, j'ay esté cō-  
traint de changer souuent & Varier de sentēces, pour  
la varieté des pourtraits que j'ay voulu ainsi diuer-  
sifier d'une matiere à autre.*

De la riuiera des Vases, ensemble d'aucuns  
animaux qui se trouuent là enuiron,  
& de la terre nommée Morpion.

### C H A P. LIIII.

Situatiō  
de la ri-  
uiere des  
Vases.



*Este riuiera des Vases par delà celebrée,  
autant & plus, que Charante, Loire, ou  
Seine par deçà, située à vingt & cinq lie-  
uēs de Geneure, ou nous arrestames, et sont  
encor pour le iour d'huy les François, est fort frequen-  
tée, tant pour l'abondance du bon poisson, que pour la  
navigation à autres choses necessaires. Or ce fleuve ar-  
rouse vn beau & grand pais, tant en plainure, que de  
montagnes: esquelles se trouue quelque mine d'or, qui  
n'apporte grand emoulment à son maistre, pource que  
par le feu il resouli presque tout en fumée. Là autour  
sont plusieurs rochers, & pareillement en plu-  
sieurs*

sieurs endroits de l'Amerique, qui portent grande  
 quantité de marchasites luisantes comme fin or : sem-  
 blablement autres petites pierres luisantes, mais non  
 pas fines comme celles de Leuant: aussi ne s'y trouuent  
 rubis ne diamans, ne autres pierres riches. Il y a en ou-  
 tre abondance de marbre & iaspe : & en ces mesmes  
 endroits lon espere de trouuer quelques mines d'or ou  
 d'argent: ce que lon n'a osé encore entreprendre, pour  
 les ennemis qui en sont assez proches. En ces montagnes  
 se voyent bestes rauissantes, cōme leopards, loups-cer-  
 uiers, mais de lions nullement, ne de loups. Il se trouue  
 là vne espee de monnes, que les Sauvages appellent  
 Cacuycu, de mesme grandeur que les communes,  
 sans autre differēce, sinon qu'elle porte barbe au men-  
 ton comme vne cheure. Cest animal est fort enclin à  
 luxure. Avecques ces monnes se trouuent force petites  
 bestes iaunes, nommées Sagouins, non seulement en  
 cest endroit, mais en plusieurs autres, Les Sauvages les  
 chassent pour les manger, & si elles se voyent con-  
 traintes, elles prendront leurs petis au col, & gaigne-  
 ront la fuyte. Ces monnes sont noires & grises en la  
 Barbarie, & au Peru de la couleur d'un regnard. Là  
 ne se trouuent aucuns singes, comme en l'Afrique &  
 Ethiopie: mais en recompense se trouue grand multi-  
 tude de Tattous, qui sont bestes armées, dont les vns  
 sont de la grandeur & hauteur d'un cochon, les autres  
 sont moindres : & à fin que ie dise ce en passant, leur  
 chair est merueilleusement delicate à manger. Quant  
 au peuple de ceste contrée, il est plus belliqueux, qu'en  
 autre endroit de l'Amerique, pour estre, confin &  
 pres de ses ennemis: ce que les contraint à s'exercer au

Marcha-  
 sites, &  
 autres  
 pierres  
 de la Frā  
 ce An-  
 tarctique

Espee  
 Monnes  
 nommées  
 Cacuycu

Sagouin  
 animal.

Tattou,  
 animal.



## LES SINGVLARITEZ

Quoniã  
bec Roy  
redouté.

faict de la guerre. Leur Roy en leur langue s'appelle. Quoniambec, le plus craint & redouté qui soit en tout le païs, aussi est il Martial & merueilleusement belliqueux. Et pense que iamais Menelaüs Roy & conducteur de l'armée des Grecs ne fut tant craint ou redouté des Troyens, que cestuy-ci est de ses ennemis. Les Portugais le craignent sus les autres, car il en a faict mourir plusieurs. Vous verriez son palais, qui est vne loge faite de mesme, & ainsi que les autres, ornée par dehors de testes de Portugais: car c'est la coustume d'emporter la teste de leurs ennemis, & les pendre sur leurs loges. Ce Roy aduertý de nostre venue, nous vint voir incontinent au lieu ou nous estions, & y séjourna l'espace de dixhuit iours, occupant la meilleure partie du temps, principalement de trois heures de matin à reciter ses victoires & gestes belliqueux contre ses ennemis: d'avantage menasser les Portugais, avec certains gestes, lesquels en sa langue il appelle PETOS. Ce roy est le plus apparent & renommé de tout le païs. Son village & territoire est grand, fortifié à l'entour de bastions & plateformes de terre, fauorisez de quelques pieces, comme fauconneaux, qu'il a pris sus les Portugais. Quant à y auoir villes & maisons fortes de pierre, il n'en y a point, mais bien, comme nous auons dit, ils ont leurs logettes fort longues & spatieuses. Ce que n'auoit encores au commencement le gère humain, lequel estoit si peu curieux et songneux d'estre en seureté, qu'il ne se soucioit pour lors estre enclos en villes murées, ou fortifiées de fossez & rempars, ains estoit errant & vagabond né plus ne moins que les autres animaux, sans auoir lieu certain

Petos.

& designé pour prendre son repos, mais en ce lieu se re-  
 posoit, auquel la nyct le surprenoit, sans aucune crainte  
 de larrôs: ce q ne font noz Ameriques, encore qu'ils  
 soyent fort sauvages. Or pour conclusiõ ce Roy, dõt par-  
 lons, s'estime fort grãd, et n'a autre chose à reciter que  
 ses grandeurs, reputant à grand gloire & honneur a-  
 uoir fait mourir plusieurs personnes et les auoir mägeés  
 quāt et quant, mesmes iusques au nōbre de cinq mille,  
 cōme il disoit. Il n'est memoire qu'il se soit iamais faiēt  
 tele inhumanitē, cōme entre ce peuple. Pline recite biē  
 que Iule Cesar en ses batailles est estimē auoir fait mou-  
 rir de ses ennemis nonāte deux mille vnze cēs hōmes;  
 & se trouuent plusieurs autres guerres & grands sac-  
 cagemens mais il ne se sont māgez l'vn l'autre. Et par  
 ainsi retournās à nostre propos, le Roy et ses subiets sont  
 en perpetuelle guerre & inimitié avec les Portugis de  
 Morpion, et aussi les Sauvages du païs. Morpiõ est vne  
 place tirāt vers la riuere de Plate, ou au detroit de Ma-  
 gellan, distānt de la ligne vingt cinq degrez, q tien-  
 nēt les Portugais pour leur Roy. Et pour ce faire y a vn  
 Lieutenāt general avec nōbre de gēs de tous estats et es-  
 claves: ou ils se maintiēnt de sorte qu'il en reuiēt grãd  
 emolument au Roy de Portugal. Du cōmencement ilz  
 se sont adōnez à plāter force cānes à faire sucres: à quoy  
 depuis ils n'ont si diligēment vaqué, s'occupans à chose  
 meilleure, apres auoir trouuē mine d'argēt. Ce lieu por-  
 te grãd quātité de bōs fruits, desquels ils font cōfitures  
 à leur mode, et principalemēt d'vn fruit nōmé Nanas  
 duquel i'ay parlé autre part. Entre ces arbres et fruits  
 i'ē reciteray vn nōmé en leur lāgue Cohyne, portant  
 fruit grand comme vne moyenne citrouille, les fueil-  
 les

Combiē  
 est esti-  
 mé Iule  
 Cesar a-  
 uoir fait  
 mourir  
 de gens  
 en les ba-  
 tailles.  
 Descri-  
 ptiõ du  
 païs de  
 Morpiõ.

Fertilité  
 de Mor-  
 pion.  
 Nanas.



## LES SINGULARITEZ

*les semblables à celles de laurier: au reste le fruit fait en forme d'un œuf d'autruche. Il n'est bon à manger, toutesfois plaisant à voir, quand l'arbre en est ainsi chargé. Les Sauvages en outre qu'ils en font vaisseaus*



*à boire, ils en font certain mystere, le plus estrange qu'il est possible. Ils emplissent ce fruit apres estre creusé, de quelques graines, de mil ou autres, puis avec un baston fiché en terre d'un bout, & de l'autre dedans ce fruit, enrichy tout à l'entour de beaux plumages, le vous tiennent ainsi en leur maison, chascun menage, deux ou trois: mais avec une grande reuerence, estimant ces pauvres idolatres en sonnant & maniant ce fruit, que leur Toupou parle à eux: & que par ce moyē ils ont*

ont reuelation de tout, signamment à leurs Prophetes: parquoy estiment et croient y auoir quelque diuinité, & n'adorent autre chose sensible que cest instrument ainsi sonnant quand on le manie. Et pour singularité i'ay apporté vn de ces instrumens par deça ( que ie retiray secretement de quelqu'vn ) avec plusieurs peaux d'oyseaux de diuerses couleurs, dont i'ay fait present à monsieur Nicolas de Nicolai Geographe *Du* Roy, homme ingenieux & amateur non seulement de l'antiquité, mais aussi de toutes choses vertueuses. Depuis il les a montrées au Roy étant à Paris en sa maison, qui estoit expres allé voir le liure qu'il fait imprimer des habits du Levant: & m'a fait le recit que le Roy print fort grand plaisir à voir telles choses, entendu qu'elles luy estoient iusqu'à ce iour incongneues. Au reste y a force orenges, citrons, cannes de sucre: brief le lieu est fort plaisant. Il y a là aussi vne riuere non fort grande, ou se trouuent quelques petites perles, & force poisson, vne espece principalement qu'ils appellent Pira-ipouchi, qui vaut autant à dire comme meschant poisson. Il est merueilleusement difforme prenant sa naissance sur le dos d'un chien de mer, & le suit étant ieune, comme son principal tuteur. D'auantage en ce lieu de Morpion, habité, comme nous auons dit, par les Portugais, se nourrirent maintenant plusieurs especes d'animaux domestiques, que lesditz Portugais y ont portez. Ce que enrichist fort et decore le pais, outre son excellence naturelle, et agriculture, laquelle iournellement & de plus en plus y est exercée.

Pira-i-  
pouchi.

De



## LES SINGULARITEZ

### De la riuiere de Plate, & païs circonuoisins.

#### C H A P L V.

Riuiere  
de Pla-  
te pour-  
quoy ain-  
si nom-  
mée.

Premier  
voyage  
des espa-  
gnols à  
la riuiere  
de Plate.

Second  
voyage.



*Vis que nous sommes si auant en propos, ie me suis auisé de dire vn mot de ce beau fleuve de l' Amerique, q̃ les Espagnols ont nommé Plate, ou pour sa largeur, ou pour les mines d'argēt, qui se trouuent aupres, lequel en leur lāgue ils appellent, Plate: Vray est que les Sauvages du païs le nōment Paranagacu, qui est autāt à dire cōme mer, ou grande congregation d'eau. Ce fleuve contient de l'argeur vingt six lieuës, estant outre la ligne trente cinq degrés, et distant du Cap de saint Augustin six cens septante lieuës. Je pense que le nō de Plate luy a esté donné par ceux qui du cōmencent le decouurirēt, pour la raison premieremēt amenée. Aussi lors qu'ils y paruindrēt receurēt vne ioye merueilleuse, estimās ceste riuiere tāt large estre le destroit Magellanique, lequel ils cherchoiēt pour passer, de l'autre costé de l' Amerique : toutes fois cognoissans la verité de la chose, delibererēt mettre pied à terre, ce qu'ils feirent. Les Sauvages du Païs se trouuerent fort estonnez, pour n'auoir iamis veu Chrestiens ainsi aborder en leurs limites: mais par succession de temps les appruiuerent, specialement les plus anciens, & habitans pres le riuage, avec presens & autrement: de maniere que visitans les lieux asses librement, trouuerent plusieurs mines d'argent et apres auoir bien recongneu les lieux s'en retournerent leurs nauires chargées de bresil. Quelque temps apres equipperent trois bien grandes nauires*

navires de gens et munitions pour y retourner, pour la cupidité de ces mines d'argent. Et estās arrivés au mesme lieu, ou premierement auoyent esté, desplierēt leurs esquifs pour prēdre terre: c'est à sçavoir le capitaine accompagné d'environ quatre vingts soldats, pour resister aux Sauvages du Pais, s'ils faisoient quelque effort: toutesfois au lieu d'approcher, de prime face ces Barbares s'efuyoēt ça et là: qui estoit vne ruse, pour prāquer meilleure occasion de surprendre les autres, desquels ils se sentoiet offensez dès le premier voyage. Dōc peu apres qu'ils furēt en terre, arriverēt sur eux de trois à quatre cens de ces Sauvages, furieux & enragés cōme loyns affamez, qui en vn moment vous saccagerent ces Espagnols, & en firent vne gorge chaude, ainsi qu'ils sont coustumiers de faire: monstrans puis apres ceux, qui estoiet demeurez es navires, les cuissēs et autres membres de leurs compagnons rostiz, donnans entendre que s'ils les tenoient, leur feroient le semblable. Ce que m'a esté recité par deux Espagnols qui estoient lors es navires. Aussi les Sauvages du pais le sçauent bien raconter, comme chose digne de memoire quand il vient à propos. Depuis y retourna vne compagnie de bien deux mil hommes avec autres navires, mais pour estre affligēz de maladies, ne peurēt rien executer, & furent contrains s'en retourner ainsi. Encore depuis le Capitaine Arual mil cinq cens quarante et vn accōpagné seulemēt de deux cens hommes, et environ cinquāte chevaux y retourna, ou il vsa de telle ruse, qu'il vous acoustra mesieurs les Sauvages d'vne terrible maniere. En premier les espouuēta avec ces chevaux, qui leur estoiet incogneux, et repūtez cōme bestes rauissantes: puis

Massacre  
des Espa  
gnols.

Troisies-  
me voya  
ge.

Quatrief-  
me voya  
ge.  
Stratage  
me du  
Capitai-  
ne Arual



## LES SINGULARITEZ

puis vous feit armer ses gens, d'armes fort polies et luisantes, & par dessus eleuées en bosse plusieurs images effroyables, cōme testes de loups, lions, leopards, la gueule ouuerte, figures de diables cornuz, dōt furent si effroyables ces pauvres Sauvages qu'ils s'en fuyrent et par ce moyē furent chasséz de leur païs. Ainsi sont demeurés maistres et seigneurs de ceste contrée, outre plusieurs autres païs circonuoyzins que par succession de tēps il: ont conquesté, mesmes iusques aux Moluques en l'Ocean, au Ponent de l'autre costé de l'Amerique: de maniere qu'auourd'huy ils tiennent grand païs à l'entour de ceste belle riuere, ou ils ont basti villes & forts, & ont esté faits Chrestiens quelques Sauvages d'alenviron reconciliez ensemble. Vray est qu'environ cent lieues de là se trouuent autres Sauvages, qui leur font la guerre, lesquels sont fort belliqueux, de grande stature, presque comme geans: & ne vivent guere sinon de chair humaine cōme les Canibales. Lesdits peuples marchent si legeremēt du piē, qu'ils peuvent atteindre les bestes sauvages à la course. Ils vivent plus longuement que tous autres Sauvages, cōme cent cinquante ans, les autres moins. Ils sont fort subiets au peché de luxure damnable & enorme deuant Dieu duquel ie me deporteray de parler, non seulement pour le regard de ceste contrée de l'Amerique, mais aussi de plusieurs autres. Ils font donc ordinairement la guerre, tant aux Espanols, qu'aux Sauvages du païs à l'entour. Pour retourner à nostre propos, ceste riuere de Plate. Plate, avecques le terroir circonuoyzin est maintenant fort riche, tāt en argent que pierreries. Elle croist par certains iours de l'année, comme faiēt semblablement

Sauua-  
ges grāds  
comme  
Geans.

Richesse  
du païs  
à l'entour  
la riuere  
de Plate.

L'An-

L'Aurelane qui est au Peru, & comme le Nil en Egypte. A la bouche de ceste riuere se trouuent plusieurs isles, dont les vnes sont habitées, les autres non. Le país est fort montueux, depuis le Cap de sainte Marie iusques au Cap blanc, spécialement celui deuers la pointe sainte Helene, distate de la riuere soixante cinq lieuës: et de là aux Arenes gourdes trente lieuës: puis encores de là aux Basses à l'autre terre, ainsi nommée Basse, pour les grâdes Valées qui y sont. Et de Terre basse à l'abbaye de Fonde, septante cinq lieuës. Le reste du país n'a point esté fréquenté des Chrestiens, tirant iusques au Cap de saint Dominique, au Cap Blanc, et de là au promontoire des Vnze mille Vierges, cinquante deux degrez & demy outre l'equinoctial: & là pres est le detroit de Magellan, duquel nous parlerons cy apres. Quant au plat país il est de present fort beau par vne infinité de iardinages, fontaines, et riuieres d'eau d'ouce, ausquelles se trouue abondance de tresbon poisson. Et sont lesdittes riuieres fréquentées d'une espece de beste, que les Sauvages nommēt en leur langue Sarico uieme, qui vaut autant à dire cōme beste friande. De fait c'est vn animal amphibie, demeurāt plus dās l'eau que dans terre, et n'est pas plus grād qu'un petit chat: sa peau qui est maillée de gris, blāc, et noir, est fine comme veloux: ses pieds estants faits à la semblāce de ceux d'un oyseau de riuere. Au reste sa chair est fort delicate, & tresbonne à manger. En ce país se trouuēt autres bestes fort estranges et mōstrueuses en la part tirant au detroit, mais non si cruelles qu'en Afrique. Et pour conclusion le país à present se peut voir reduit en telle forme, que lon le prendroit du tout pour vn autre:

Sarico-  
uiesme,  
animal  
amphi-  
bie.



## LES SINGULARITEZ

car les Sauvages du païs ont depuis peu de temps en ça inuenté par le moyen des Chrestiens arts & sciences tresingenieusement, tellement qu'ils font Vergongne maintenant à plusieurs peuples d'Asie & de nostre Europe, j'entends de ceux qui curieusement obseruent la loy, Mahometiste, epilentique et dānable doctrine.

Du detroit de Magellā et de celuy de dariene

### C A P L V I.

Situatiō  
du de-  
etroit de  
Magellā

**D**Vis que nous sommes approchés si pres de ce lieu notable, il ne sera impertinēt en écrire sommairement quelque chose. Or ce detroit appelé en Grec πόντος ainsi q l'ocean entre deux terres, & ἵσμιος vn detroit de terre entre deux eaux: cōme celuy de Dariene cōsine l'Amérique Vers le midy, & la separe d'avec vne autre terre aucunemēt decouverte, mais non habitée, ainsi que Gibaltar, l'Europe d'avecques l'Afrique, & celuy de Constantinoble l'Europe de l'Asie appelé detroit de Magellan du nom de celuy qui premierement le decouvrit, situé cinquante deux degrés et demy de la l'equinoctial: contenant de larguer deux lieues, par vne mesme hauteur, droit l'Est & Ouest, deux mille deux cens lieues de Venecule du Su au Nort: dauātage du cap d'Essēade, qui est à l'entrée du detroit, iusques à l'autre mer, du Su, ou Pacifique septantequatre lieues, iusques au premier cap ou promontoire qui est quarante degrez. Ce detroit a esté long temps désiré & cherché de plus de deux mil huit cens lieues, pour entrer par cest endroit en la mer Magellanique, dite autrement

ment Pacifique, et paruenir aux isles de Moluque. Americ Vespuce l'un des meilleurs pillots qui ayt esté, à Amerie Vespuce.  
 costoye presque depuis Irlande iusques au cap de saint Augustin, par le commandement du Roy de Portugal, l'an mil cinq cens & vn. Depuis vn autre Capitaine, l'an mil cinq cens trente quatre, vint iusques à la region nommée des Geans. Ceste region entre la riuere de Plate & ce destroit, les habitans, sont fort puissans, appelez en leur langue Patagones, Geans pour la haute stature et forme de corps. Ceux qui premierement decouurirent ce país, en prindrent vn finement, ayant de hauteur douze palmes, & robuste à l'auenant: pourtant si mal aisé à tenir que bien à grand peine y suffisoient vingt & cinq hommes: & pour le tenir, conuint le lier pieds et mains, es nauires: toutefois ne le peurent garder long temps en vie: car de dueil et ennuy se laissa (comme ils disent) mourir de faim. Ceste region est de mesme temperature que peut estre Canada, et autres país approchans de nostre Pole: pource les habitans se vestent de peaux de certaines bestes, qu'ils nomment en leur langue, Su, qui est autāt à dire, comme eau: pourtant selon mon iugement, que cest animal la plus part du temps reside aux riuages des fleues. Ceste beste est fort rauissante, faite d'une façon fort estrange, pourquoy ie lai voulu représenter par figure. Autre chose: si elle est poursuuie, comme font les gens du país, pour en auoir la peau, elle prend ses petits sus le dos, & les couurant de sa queue grosse & longue, se sauue à la fuite. Toutesfois les Sauvages vsent d'une finesse pour prendre ceste beste: faisant une fosse profonde pres du lieu ou elle a de coustume faire sa residen



## LES SINGULARITEZ

ce et la couurent de fueilles verdes, tellemēt qu'en courrant, sans se doubter de l'embusche, la pauvre beste tombe en ceste fosse avec ces petits. Et se voyant ainsi prise, elle (comme enragée) mutile & tue ses petits: & fait



Voyage  
de l'  
rand de  
Magellā

ses cris tant espouventables, qu'elle rend iceux Sauvages fort craintifs & timides. En fin pourtāt ils la tuēt a coups de fleches, puis ils l'escorchēt. Retournons à propos: Ce Capitaine, nommé Fernand de Magellan, homme courageux, estant informé de la richesse, qui se pouvoit trouver es isles des Moluques, cōme abondāce d'espicerie, gingēbre, canelle, muscades, ambre gris, myrobalāns, rubarbe, or, perles, et autres richesses, spécialement en l'isle de Matel, Mahian, Tidore, & Terrenate, assez prochaines l'une de l'autre, estimāt par ce detroit, chemin plus court & plus commode, se delibera, partant des isles Fortunées, aux isles de Cap Verd, tirant à droite route au promontoire de Saint Augustin.

stin, huit degrez, outre la ligne, costoya pres de terre trois moys entiers : & fit tant par ses iournées, qu'il vint iusques au cap des Vierges, distant de l'equino-  
 Etial cinquante deux degrez, pres du destroit dot nous parlös. Et apres auoir nauigé l'espace de cinq iournées dedans ce detroit de l'Est droit à Ouest sur l'Océan: lequel s'enflant les portoit sans voiles depliées droit au su qui leur donnoit vn merueilleus contentement, encore que la meilleure part de leurs gens fussent morts, pour les incommoditez de l'air & de la marine, & principalement de faim & soif. En ce detroit se trouuent plusieurs belles isles, mais non habitées. Le país à l'entour est fort sterile, plein de montagnes, & ne s'y trouue sinon bestes rauissantes, oyseaux de diuerses especes, spécialement autruches: bois de toutes sortes, cedres, & autre espeece d'arbre portant son fruiet presque ressemblant à noz guines, mais plus delicat à manger Voila l'occasion, & comme ce detroit à esté trouué. Depuis ont trouué quelque autre chemin nauigās sur vne grande riuiera du costé du Peru, coulant sur la coste du nombre de Dieu, au país de Chagre, quatre lieües de Pannana, & de là au golfe saint Michel vingt cinq lieües. Quelque temps apres vn Capitaine ayant nauigé certain temps sur ces fleues se hazarda de visiter le país: & le Roy des Barbares de ce país là nommé en leur langue Therca, les receut humainement avecques presens d'or & de perles (ainsi que m'ont recité quelques Espagnols qui estoient en la compagnie) combien que cheminans sur terre ne furent sans grand danger, tant pour les bestes sauvages, que pour autres incommoditez. Ils trouuerent par apres

Cap des  
Vierges.

Therca.



## LES SINGULARITEZ.

Atorizo.

Detroit  
de Darié  
ne.

Isles de  
Molu-  
ques.

quelque nombre des habitans du pais fort sauvages et plus redoutez que les premiers, ausquels pour quelque mauvaise assurance que lon avoit d'eux, promirent tout service & amitié au Roy principalement, qu'ils appellent Atorizo : duquel receurent aussi plusieurs beaux presents, comme grandes pieces d'or pesantes environ dix liures. Apres aussi luy avoir donné de ce qu'ils pouvoient avoir, et ce qu'ils estimoyent, qui luy seroit le plus agreable, c'est à sçavoir menuës ferailles, chemises, & robes de petite valeur : finalement avecques bonne guides ataignirent Dariéne. De là entrèrent & decouvrirent la mer du Su de l'autre costé de l'Amerique, en laquelle sont les Moluques, ou ayans trouvé les commoditez dessus nommées, se sont fortifiés pres de la mer. Et ainsi par ce detroit de terre ont sans comparaison abregé leur chemin sans monter au detroit Magellanique, tant pour leurs traffiques, que pour autres commoditez. Et depuis ce temps traffiquent aux isles des Moluques, qui sont grandes et pour le present habitées & reduites au Christianisme, lesquelles au paravant estoient peuplées de gens cruels, plus sans comparaison, que ceux de l'Amerique, qui estoient aveuglez & privez de la cognoissance des grandes richesses que produisoient lesdites isles : Vray est qu'en ce mesme endroit de la mer de Ponent y a quatre isles d'autres, habitées (comme ils afferment) seulement de Satires, parquoy les ont nommées Isles de Satyres. En ceste mesme mer se trouvent dix isles, nommées Manioles, habitées de gens sauvages, lesquels ne tiennent aucune religion. Aupres d'icelles y a grands rochers qui attirent les navires à eux, à cause du fer  
dont

dont elles sont clouées . Tellement que ceux qui traffiquent en ce païs là sont contrains d'vser de petites navires cheuillées de bois pour eviter tel danger . Voila quant à nostre detroit de Magellan . Touchant de l'autre terre nommée Australe , laquelle costoyant le detroit est laissée à main senestre , n'est point encores cognuë des Chrestiens : combien qu'un certain pilot Anglois , homme autant estimé & expérimenté à la marine que lon pourroit trouver , ayant passé le detroit, me dit avoir mis pied en ceste terre : alors ie fus curieux de luy demander quel peuple habitoit en ce païs, lequel me respondit qu'estoient gens puissans & tous noirs , ce qui n'est vraysemblable , comme ie luy dis, veu que ceste terre est quasi à la hauteur d'Angle terre et d'Escoffe, car la terre est comme esclatante & gelée de perpetuelles froidures, & hyuer continuel.

Terre  
Australe  
non enco-  
re décou-  
verte.

Que ceux qui habitent depuis la riuiere de Plate iusques au detroit de Magellan sont noz antipodes.

## CHAP. LVII.



OMBIEN que nous voyons tant en la mer qu'aux fleuves, plusieurs isles diuisées & separées de la continence, si est ce que l'elemēt de la terre est estimé vn seul & mesme cors, qui n'est autre chose, que ceste rotondité et superficie de la terre, laquelle nous apparoit toute plaine pour sa grande & admirable amplitude . Et telle estoit l'opinion de Tale Milesien , l'un des sept



## LES SINGULARITEZ.

Sçauoir  
est s'il y  
a deux  
mondes,  
ou non

*sages de Grece & autres Philosophes, comme recite Plutarque. Occetes grand Philosophe Pithagorique constitue deux parties de la terre, à sçauir ceste cy que nous habitons, que nous ppellons Hemisphere: & celle des Antipodes, que nous appellons semblablement Hemisphere inferieur. Theopompe historiographe dit apres Tertullian contre Hermogene, que Silene iadis afferma au Roy Midas, qu'il y auoit vn monde & globe de terre, autre que celui ou nous sommes. Macrobe d'auantage ( pour faire fin aux tesmoignages ) traite amplement de ces deux hemispheres, & parties de la terre, auquel vous pourrez auoir recours, si vous desirez voir plus au long sur ce les opinions des Philosophes. Mais cecy importe de sçauoir, si ces deux parties de la terre doiuent estre totalement separées & diuisées l'vne de l'autre, comme terres differentes, & estimées estre deux mondes: ce que n'est vray semblable, consideré qu'il n'y a qu'vn element de la terre, lequel il faut estimer estre coupé par la mer en deux parties, comme escrit Solin en son Polyhistor, parlant des peuples Hyperborées. Mais i'aymeroy trop mieux dire l'vniuers estre separé en deux parties egales par ce cercle imaginé, que nous appellons equinoctial. D'auantage si vous regardez, l'image & figure du monde en vn globe, ou quelque charte, vous congnoistrez clairement, comme la mer diuise la terre en deux parties, non du tout égales, qui sont les deux hemispheres, ainsi nommez par les Grecs. Vne partie de l'vniuers contient l'Asie, Afrique, & Erobe: l'autre contient l'Amerique, la Floride, Canada & autres regions comprises sous le nom des Indes Occidentales, ausquel  
les*

les plusieurs estiment habiter noz Antipodes. Je sçay bien qu'il y a plusieurs opinions des Antipodes. Les vns estiment n'y en auoir point, les autres que s'il y en a, doyuent estre ceux qui habitent l'autre Hemisphere, lequel nous est caché. Quant à moy ie seroye bien d'auis que ceux qui habitent sous les deux poles ( car nous les auons monstre<sup>z</sup> habitables ) sont veritablemēt antipodes les vns aux autres. Pour exemple ceux qui habitent au Septentrion, tant plus approchent du pole, & plus leur est eleué, le pole opposite est abbaisé, & au contraire: de maniere qu'il faut necessairemēt que tels soient Antipodes: & les autres tāt plus elōgnent des poles approchans de l'equinoctial, & moins sont Antipodes. Parquoy ie prendrois pour vrais Antipodes des ceux qui habitent les deux poles, & les deux autres prins directement, c'est à sçauoir Leuant & Ponant: & les autres au milieu Antichtones, sans en faire plus long propos. Il n'y a point de doubte que ceux du Peru sont Antichtones plus tost qu'Antipodes, à ceux qui habitent en Lima, Cuzco, Cariquipa, au Peru à ceux qui sont autour de ce grand fleuve Indus, au pais de Calicut, isle de Zeilā, et autres terres de l'Asie. Les habitans des isles des Moluques d'ou viennent les espiceries, à ceux de l'Ethiopie, aujour d'huy appellée Guinée. Et pour ceste raison Plinē a tresbien dit, que c'estoit la Taprobane des Antipodes, confondant, comme plusieurs, Antipodes avec Antichtones. Car certainemēt ceux qui viuent en ces isles sont Antichtones aux peuples qui habitent celle partie de l'Ethiopie, comprenant depuis l'origine du Nil, iusques à l'isle de Meroë: cōbien que ceux de Mexicōne soyēt directmēt

Diuerſes  
opinions  
sur les  
Antipo-  
des.

Quels  
peuples  
sont anti-  
podes, &  
antichto-  
nes les  
vns aux  
autres.



## LES SINGULARITEZ

**Differen**  
**ce entre**  
**antipo-**  
**des & an**  
**tichto-**  
**nes.** *Antipodes aux peuples de l'Arabie Felice, et à ceux qui sont aux fins du cap de Bonne esperance. Or les Grecs ont appellé Antipodes ceux qui cheminent les pieds opposites les vns aux autres, c'est à dire, plâte cōtre plante, comme ceux dōt nous auons parlé: & Antichtones, qui habitent vne terre oppositement située: comme mesme ceux qu'ils appellent Anteci, ainsi que les Espagnols, François, & Alemans, à ceux qui habitent pres la riuere de Plate, & les Patagones, desquels nous auons parlé au chapitre precedent, qui sont pres le detroit de Magellan, sont Antipodes. Les autres nommez Paræci, qui habitent vne mesme Zone, comme François & Alemans, au contraire de ceux qui sont Anteci. Et combien que proprement ces deux ne soyent Antipodes, toutesfois on les appelle communément ainsi, & les confondent plusieurs les vns avec les autres. Et pour ceste raison j'ay obserué que ceux du cap de Bonne esperance, ne nous sont du tout Antipodes: mais ce qu'ils appellent Anteci, qui habitent vne terre non opposite, mais diuerse, comme ceux qui sont par delà l'equinoctial, nous qui sommes par deçà, iusques à paruenir aux Antipodes. Je ne doubte point que plusieurs malaisément comprennent ceste façon de cheminer d'Antipodes, qu'a esté cause que plusieurs des Anciens ne les ayent approuuez, mesme saint Augustin au liure quinzieme de la Cité de Dieu, chap. 9. Mais qui voudra diligemment considerer, luy sera fort aisé de les comprendre. S'il est ainsi que la terre soit comme vn Globe tout rond, pendu au milieu de l'vniuers, il faut necessairement qu'elle soit regardée du ciel de tous costes. Doncques nous qui habitons cest*

**Anteci.**

**Paræci.**

**Maniere**  
**de che-**  
**miner**  
**des Anti-**  
**podes,**  
**nō guere**  
**bien en-**  
**tendue &**  
**approu-**  
**uée des**  
**anciens.**  
**S. Augu-**  
**stin li. de**  
**la Cité**  
**de Dieu**  
**cap. 9.**

Hemi-

*Hemisphere superieur quant à nous, nous voyons vne partie du ciel à nous propre & particuliere. Les autres habitans l'Hemisphere inferieur quant à nous, à eux superieur, voyent l'autre partie du ciel, qui leur est affectée. Il y a mesme raison & analogie de l'un à l'autre: mais notez que ces deux Hemispheres, ont mesme & commun centre en la terre. Voila vn mot en passant des Antipodes, sans elongner de propos.*

Comme les Sauvages exercent l'agriculture  
& font iardins d'une racine nommée  
Manihot, & d'un arbre qu'ils  
appellent Peno-absou.

## CHAP. LVIII.

**N**OS Ameriques en temps de paix n'ont gueres autre mestier ou occupation, qu'à faire leurs iardins: ou bien quand le temps le requiert ils sont contraints aller à la guerre. Vray est qu'aucuns font bien quelques traffiques, comme nous avons dit, toutesfois la necessité les contraint tous de labourer la terre pour viure, comme nous autres de par deça. Et suyuent quasi la coustume des Anciens, lesquels apres avoir enduré & mangé les fruits provenans de la terre sans aucune industrie de l'homme, & n'estans souffisans pour nourrir tout ce qui viuoit dessus terre, leur causerent rapines & enuahissemens, s'approprians vn chacun quelque portio de terre, laquelle ils separoient par certaines bornes & limites: & des lors commença entre les hommes l'estat populaire & des Republiques. Et ainsi ont ap-  
pris

Occupations communes des Sauvages.



## LES SINGULARITEZ

pris noz Sauvages à labourer la terre, non avecques  
 beufs, ou autres bestes domestiques, soit lanigeres ou  
 d'autres especes que nous auons de par deçà: car ils n'ē  
 ont point, mais avec la sueur & labeur de leur corps,  
 cōme lon fait en d'autres prouinces. Toutesfois ce qu'ils  
 labourent est bien peu, comme quelques iardins loing  
 de leurs maisons & Village environ de deux ou trois  
 lieuës, ou ils sement du mil seulement pour tout grain:  
 mais bien plantent quelques racines. Ce qu'ils recueil  
 lent deux fois l'an, à Noël, qui est leur Esté, quand le  
 Soleil est au Capricorne: & à la Pêtecoste. Ce mil dōc  
 est gros comme pois communs, blanc & noir: l'herbe  
 qui le porte, est grande en façon de roseaux marins. Or  
 la façon de leurs iardins est telle. Apres auoir coup  
 pé sept ou huit arpēs de bois, ne laissant rien que le pié,  
 à la hauteur paraenture d'un homme, ils mettent le  
 feu dedans pour bruler & bois & herbe à l'entour,  
 & le tout c'est en plat païs. Ils grattent la terre avec  
 certains instrumens de bois, ou de fer, depuis qu'ils en  
 ont eu congnoissance: puis les femmes plantent ce mil  
 & racines, qu'ils appellent Hetich, faisant vn pertuis  
 en terre avecques le doigt, ainsi que lon plante les pois  
 & febues par deçà. D'engresser & amender la terre  
 ils n'en ont aucune pratique, ioint que de soy elle est  
 assez fertile, n'estāt aussi lassée de culture, cōme nous  
 la voyons par deçà. Toutefois c'est chose admirable,  
 qu'elle ne peut porter nostre blé: & moy mesme en ay  
 quelquefois semé (car nous en auions porté avec nous)  
 pour esprouuer, mais il ne peut iamais profiter. Et n'est  
 à mon auis, le vice de la terre, mais de ie ne sçay quelle  
 petite vermine qu'il mange en terre: toutesfois ceux  
 qui

Laboura  
 ge des  
 Sauua  
 ges.

Mil blāc  
 Et noir.

Hetich.

qui sont demeurez par delà, pourront avec le temps en faire plus seure experience. Quant à noz Sauvages, il ne se faut trop esmerveiller, s'ils n'ont eu congnoissance de blé, car mesmes en nostre Europe & autres païs au commencement les hommes viuoient des fruits que la terre produisoit d'elle mesme sans estre labourée. Vray est que l'agriculture est fort ancienne: comme il appert par l'escriture: ou bien si des le commencement ils auoient la congnoissance du blé, ils ne le sçauoient accommoder à leur vsage. Diodore escrit que le premier pain fut veu en Italie, & l'apporta Isis Royne d'Egypte, monstrant à moudre le blé, & cuire le pain car au parauant ils mägeoient les fruits tels que Nature les produisoit, soit que la terre fust labourée ou nō. Or que les hommes vniuersellement en toute la terre ayent vescu de mesme les bestes brutes, c'est plus tost fable que vraye histoire: car ie ne voy que les Poètes qui ayent esté de ceste opinio, ou biē quelques autres les imitans, cōme vous auez en Virgile au premier de ses Georgiques: mais ie croy trop mieux l'escriture Sainte, qui fait mention du labourage d'Abel, et des offrandes qu'il faisoit à Dieu. Ainsi auourd'huy noz Sauvages font farine de ces racines que nous auons appelées Manihot, qui sont grosses comme le bras, longues d'un pié & demy, ou deux piés: & sont tortues & obliques communément. Et est ceste racine d'un petit arbrisseau, haut de terre enuiron quatre piés, les fueilles sont quasi semblables à celles que nous nommons de par deçà, Pataleonis, ainsi que nous demonstrerons par figure, qui sont six ou sept en nombre: au bout de chacune branche, est chacune fueille longue de demy

En l'A-  
merique  
nul vsa-  
ge de blé  
Anciēne  
té de l'a-  
gricul-  
ture  
Premier  
vsage de  
blé.

Farine  
de raci-  
nes.  
Mauihot

pié



## LES SINGVLARITEZ

Maniere pié, & trois doigts de large. Or la maniere de faire ce-  
 de faire ste farine est telle. Ils pilent ou rapèt ces racines seches  
 ceste fari ou verdes avecques vne large escorce d'arbre, garnie  
 ne dera- toute de petites pierres fort dures, à la maniere qu'on  
 cines. fait de par deçà vne noix de muscade: puis vous passēt  
 cela, & la font chauffer en quelque vaisseau sur le feu



avec certaine quantité d'eau: puis brassent le tout, en  
 sorte que ceste farine deuïet en petis dragons, comme  
 est la Manne grenée, laquelle est merueilleusement  
 bonne quand elle est recente, & nourrist tresbien. Et  
 deuez penser que depuis le Peru, Canade, & la Flori  
 de, en toute ceste terre continente entre l'Ocean & le  
 Macellanique, comme l'Amerique, Canibales, voire  
 iusques

iusques au destroit de Magellan ils vsent de ceste farine, laquelle y est fort commune, encore qu'il y a de distance d'un bout à l'autre de plus de deux mille lieues de terre: & en vsent avec chair & poisson, comme nous faisons icy de pain. Ces Sauvages tiennent vne estrange methode à la manger, c'est qu'ils n'approcheront iamais la main de la bouche, mais la iettent de loin plus d'un grand pié, à quoy ils sont fort dextres: aussi se sçauent bien moquer des Chrestiens, s'ils en vsent autrement. Tout le negoce de ces racines est remis aux femmes, estimans n'estre seant aux hommes de s'y occuper. Noz Ameriques en outre plantent quelques febues, lesquelles sont toutes blâches, fort plates, plus larges & longues que les nostres. Aussi ont ils vne espece de petites legumes blanches en grande abondance, non différentes à celles que lon voit en Turquie & Italie. Ils les font bouillir, & en mangent avec du sel, lequel ils font avec eau de mer boullue, & consumée iusques à la moitié: puis avec autre matiere la font conuertir en sel. Pareillement avecques ce sel & quelque espice broyée ils font pains gros comme la teste d'un homme, dont plusieurs mangent avec chair & poisson, les femmes principalement. En outre ils meslent quelquefois de l'espice avecques leur farine, non puluerisée, mais ainsi qu'ils l'ont cueillie. Ils font encore farine de poisson fort seche, tresbonne à manger avec ie ne sçay quelle mixtion qu'ils sçauent faire. Je ne veux icy oublier vne maniere de choux ressemblâs presque ces herbes larges sus les riuieres, que lon appelle Nenuphar, avec vne autre espece d'herbe portant feuilles telles que noz ronces, & croissent tout de la sorte

Estrange  
façon de  
viure des  
Sauuages

Espec de  
febues  
blanches

Côme ils  
font le  
sel.

Pain fait  
d'espice  
& de sel.

Farine de  
poisson.

Nenu-  
phar, e-  
spèce de  
chou.



## LES SINGULARITEZ

sorte de grosses ronses piquantes . Reste a parler d'un  
 Penob- arbre, qu'ils nomment en leur langue Penob-absou.  
 sou, ar- Cest arbre porte son fruit gros comme une grosse pom-  
 bre. me, rond à la semblance d'un esteuif : lequel tant s'en  
 faut qu'il soit bon à manger, que plus tost est dange-  
 reux comme venin. Ce fruit porte dedans six noix de  
 la sorte de noz amādes, mais un peu plus larges et plus  
 plates: en chacune desquelles y a un noyau, lequel (com-  
 me ils afferment) est merueilleusement propre pour gue-  
 rir playes: aussi en vsent les Sauvages, quand ils ont  
 esté blessez en guerre de coups de fleches, ou autrement  
 l'en ay apporté quelque quantité à mon retour par de-  
 ça, que j'ay departy à mes amis. La maniere d'en vser  
 est telle. Ils tirent certaine huile toute rousse de ce noy-  
 au apres estre pilé, qu'ils appliquent sus la partie offen-  
 sée. L'escorce de cest arbre a une odeur fort estrange,  
 le feuillage tousiours verd, espi's comme un teson, &  
 fait comme feuilles de pourpié. En cest arbre frequen-  
 te ordinairement un oyseau grand comme un piuerd,  
 ayant une longue hupe sus la teste, iaune comme fin or,  
 la queue noire, & le reste de son plumage iaune &  
 & admi- noir, avecques petites ondes de diuerses couleurs, rouge  
 rable. à l'entour des iouës, entre le bec et les ieux cōme escar-  
 latte: & frequente cest arbre, comme auons dit, pour  
 manger, & se nourrir de quelques vers qui sont dans  
 le bois. Et est sa hupe fort longue, comme pouuez voir  
 par la figure. Au surplus laissant plusieurs especes d'ar-  
 bres & arbrisseaux, ie diray seulement, pour abreger  
 qu'il se trouue là cinq ou six sortes de palmes portans  
 Diuerfi- fruits, non comme ceux de l'Egypte, qui portent dattes  
 té de pal- mes. car ceux cy n'en portent nulles, ains bien autres fruits  
 les uns



les vns gros comme esteufs, les autres moindres. Entre  
 lesquelles palmes est celle qu'ils appellent Gerahuna: Gerahu.  
 Une autre Iry, qui porte vn autre fruit different. Il y ua.  
 en a vne qui porte son fruit tout rond, gros comme vn Iry.  
 petit pruneau, estant mesme de la couleur quand il est  
 meur, lequel parauant a goust de verius venant de la  
 vigne. Il porte noyau tout blanc, gros comme celuy d'v-  
 ne noisette, duquel les sauages mangent. Or voila de  
 nostre Amerique, ce qu'auons voulu reduire assez som-  
 mairement, apres auoir obserué les choses les plus sin-  
 gulieres qu'auons congneues par delà, dont nous pour-  
 rons quelquefois escrire plus amplement, ensemble de  
 plusieurs arbres, arbrisseaux, herbes, et autres simples,  
 avec leurs proprietiez selon l'experience des gens du  
 païs, que nous auons laissé à dire pour eniter prolixité.  
 Et pour le surplus auons deliberé en passant escrire vn  
 mot de la terre du Bresil.

Q

Com



## LES SINGVLARITEZ

Comme la terre de l'Amerique fut decou-  
uerte, & le bois du Bresil trouué, avec  
plusieurs autres arbres non veuz  
ailleurs qu'en ce païs.

### CHAP. LVIII.



Terre du  
Bresil de  
couuerte  
par les  
Portu-  
gais.

Orabou-  
tan, arbre  
du Bresil

*O*n nous tenons pour certain, que Amerie  
Vespuce est le premier qui a decouvert ce  
grand païs de terre cõtinentale entre deux  
mers, non toutefois tout le païs, mais la  
meilleure partie. Depuis les Portugais, par plusieurs  
fois, nō cõtens de certain païs, se sont efforcez tousiours  
de decouurir païs, selon qu'ils trouuoient la commodi-  
té: c'est à sçauoir quelque chose singuliere, & que les  
gens du païs leur faisoient recueil. Visitans doncques  
ainsi le païs, & cerchans comme les Troyens, au terri-  
toire Carthaginois, veirent diuerses façons de pluma-  
ges, dont se faisoit traffique, spécialement de rouges: se  
voulurent soudainement informer, & sçauoir le moyen  
de faire ceste teinture. Et leur monstrerent les gens du  
païs l'arbre de Bresil. Cest arbre, nommé en leur lan-  
gue, Oraboutan, est tresbeau à voir, l'escorce par de-  
hors est toute grise, le bois rouge par dedans, & prin-  
cipalement le cuer, lequel est plus excellēt, aussi s'en  
chargent ils le plus. Dont ces Portugais, des lors en ap-  
porterent grande quantité: Ce que lon continuē enco-  
res maintenant: & depuis que nous en auons eu con-  
gnoissance s'en fait grande traffique. Vray est que les  
Portugais n'endurent aysément que les François nau-  
gent par delà, ains en plusieurs lieux traffiquent en ces  
païs

# DE LA FRANCE ANTARCT. II4

païs: pource qu'ils s'estiment, & s'attribuent la propriété des choses, comme premiers possesseurs, considéré qu'ils en ont fait la decouverte, qui est chose véritable. Retournons à nostre Bresil: Cest arbre porte fueilles semblables à celles du bouic, ainsi petites, mais épaisses & frequentes. Il ne rend nulle gomme, cōme quelques autres, aussi ne porte aucun fruit. Il a esté autrefois en meilleure estime, qu'il n'est à present, spécialement au païs de leuant: lon estimoit au commencement que ce bois estoit celuy que la Royne de Saba porta à Salomon, que nomme l'histoire au premier liure des Roys, dit Dalmagin. Aussi ce grand Capitaine Onésicrite au voyage qu'il fit en l'isle Taprobane, située en l'océan Indique au Leuant, apporta grande quantité de ce bois, & autres choses fort exquisés: ce que pria la fort Alexandre son maistre. De nostre bresil, celuy qui est du costé de la riuere de lanair, Morpion, & cap de Frie est meilleur que l'autre du costé des Canibales, & toute la coste de Marignan. Quand les Chrestiens, soyent François ou Espagnols, vont par delà pour changer du Bresil, les Sauvages du païs le couppent et depecent euxmesmes, & aucunesfois le portent de trois ou quatre lieues, iusques aux nauires: ie vous laisse à penser à quelle peine, & ce pour appetit de gaigner quelque pauvre accoustrement de meschante doublure, ou quelque chemise. Il se trouue dauantage en ce païs vn autre bois iaune, duquel ils font aucuns leurs espées: pareillement vn bois de couleur de pourpre, duquel à mon iugement lon pourroit faire de tresbel ouvrage. Ie doubte fort si c'est point celuy duquel parle Plutarque, disant que Caius Marinus Rutilius, premier

Dalmagin.

Voyage au Leuant

d'Onésicrite Capitaine d'Alexandre le Grand.

Bois iaune

Bois de couleur de pourpre.



## LES SINGVLARITEZ



Bataille  
en bois  
de pour-  
pre.

Bois blâc

Li. 10.  
cha. 19.  
Betula.


*Dictateur de l'ordre populaire, entre les Romains, fait tirer en bois de pourpre vne bataille, dont les personna- ges n'estoyent plus grands que trois doigts : & auoit esté apporté ce bois de la haute Afrique, tant ont esté les Romains curieux des choses rares & singulieres. Dauantage se trouuent autres arbres, desquels le bois est blanc comme fin papier, & fort tendre : pour ce les Sauvages n'en tiennent conte. Il ne m'a esté possible d'en sçauoir autrement la propriété : sinon qu'il me vint en memoire d'un bois blâc, duquel parle Pline, lequel il nomme Betula, blanc & tendre, duquel estoient faites les verges, que lon portoit deuant les Magistrats de Rome. Et tout ainsi qu'il se trouue diuersité d'arbres & fruits differents de forme, couleurs, & autres proprietez*

## DE LA FRANCE ANTARCT. II

prietez, aussi se trouue diuersité de terre, l'une plus grasse, l'autre moins, aussi de terre forte, dont ils font <sup>Diuer-</sup> vases à leur vsage, comme nous ferions par deça, pour <sup>ité de ter-</sup> manger & boire. Or voila de nostre Amerique, non <sup>re.</sup> pas tant que j'en puis auoir veu, mais ce que m'a semblé plus digne d'estre mis par escript, pour satisfaire au bon vouloir d'un chacun honneste Lecteur, s'il luy plaist prendre la patience de lire, comme j'ay de le luy reduire par escrit, apres tous les travaux & dangers, de si difficile & lointain voyage. Je m'assure que plusieurs trouueront ce mien discours trop brief les autres parauenture trop long: parquoy ie cherche mediocrité, pour satisfaire à un chacun.

### De nostre departement de la France Antarctique ou Amerique.

#### CHAP. LX.

 R auons nous cy dessus recueilli & parlé amplement de ces nations, desquelles les meurs & particularitez, n'ont esté par Historiographes anciens descrites ou celebrées, pour n'en auoir eu la congnoissance. Apres donc auoir seiourné quelque espace de temps en ce pais, autant que la chose, pour lors le requeroit, & qu'il estoit necessaire pour le contentement de l'esprit, tant du lieu, que des choses y contenues: il ne fut question que de regarder l'opportunité, & moyen de nostre retour, puis qu'autrement n'auions deliberé y faire plus longue demeure. Donques sous la conduite de monsieur de Bou-le conte, Capitaine des nauires du Roy, en la France Antarctique, homme magnanime,

Retour  
de l'Au-  
theur de  
l'Ameri-  
que.



## LES SINGVLARITEZ

Et autant bien appris au fait de la marine, outre plu-  
 sieurs autres vertus, comme si toute sa vie en auoit fait  
 exercice. Primes donc nostre chemin tout au contraire  
 de celuy par lequel estions venus, à cause des vents qui  
 sont propres pour le retour : Et ne faut aucunement  
 douter, que le retour ne soit plus lōg que l'allée de plus  
 de quatre ou cinq cens lieues, Et plus difficile. Ainsi  
 le dernier iour de Ianuier à quatre heures du matin,  
 embarquez avec ceux qui ramenoyēt les nauires par  
 deçà, feimes voile, saillans de ceste riuere de Ianāire,  
 en la grande mer sus l'autre costé, tirant vers le Ponēt,  
 laissée à dextre la coste d'Ethiopie, laquelle nous auīos  
 tenuē en allant. Auquel depart nous fut le vent assez  
 propice, mais de petite durée : car incontinent se vint  
 enfler comme furieux, Et nous donner droit au nez le  
 Nort Et Nortōuest, lequel avecques la mer assez in-  
 constante et mal asseurée en ces endroits, qui nous de-  
 stourna de nostre droite route, nous iettāt puis ça puis  
 là en diuerses pars : tāt que finablemēt avecqs toute dif-  
 ficulté se decouurit le cap de Frie, ou auions descendu  
 Et pris terre à nostre Venuë : Et de rechef arrestames  
 l'espace de huit iours, iusques au neuſième, que le Su  
 commença à nous donner à pouppe, Et nous conduit  
 bien nonante lieues en plaine mer, laissant le païs d'a-  
 ual, Et costoyant de loin Mahouac, pour les dangers.  
 Car les Portugais tiennent ce quartier là, Et les Sau-  
 uages, qui tous deux nous sont ennemis, comme j'ay mō-  
 stré quelque part : ou depuis deux ans en ça ont trouuē  
 mine d'or Et d'argent, qui leur a esté cause de bastir  
 en cest endroit, Et y mettre sieges nouueaux pour habi-  
 ter. Or cheminans tousiours sur ceste mer à grāde dif-  
 ficult-

ficulté, iusq̃s à la hauteur du cap de Saint Augustin <sup>Cap de</sup>  
 pour lequel doubler & afronter demeurames flottās <sup>S. Augu.</sup>  
 ça & là l'espace de deux moys ou environ, tant il est  
 grand, & se iettant auant dans la mer. Et ne s'en faut  
 emerueiller, car ie sçay quelques vns de bonne memo-  
 re, qui y ont demouré trois ou quatre moys: & si le vêt  
 ne nous eust fauorisé, nous estions en danger d'arrester  
 d'auātage, encore qu'il ne fust aduenu autre incōueni-  
 ent. Ce cap tient de logueur huit lieuës ou enuiron, di-  
 stant de la riuere dont nous estions partis trois cens  
 deux lieuës. Il entre en mer neuf ou dix lieuës du  
 moins: & pource est autant redouté des nauigans sur  
 ceste coste, comme celui de Bonne esperance sur la coste  
 d'Ethiopie, qu'ils ont pour ce nommé Lion de la mer, <sup>Cap de</sup>  
 comme j'ay desia dit: ou bien autant comme celui qui <sup>Bône ef-</sup>  
 est en la mer Aegée en Achaïe (que lon appelle au- <sup>perance</sup>  
 iourd'huy la Morée) nōmé cap de saint Ange, lequel <sup>pour-</sup>  
 est aussi tresdangereux. Et à ce cap ainsi esté nommé <sup>quoy nō</sup>  
 par ceux qui premierement l'ont decouuert, que lon, <sup>mé Lion</sup>  
 tient auoir esté Pinson Espagnol: aussi est il ainsi mar- <sup>de la mer</sup>  
 qué en noz chartes marines. Ce Pinson avec vn sien <sup>Cap de S.</sup>  
 fils ont merueilleusement decouuert de païs incōgneuz <sup>Ange</sup>  
 & non au parauant decouverts. Or l'an mil cinq cens <sup>dange-</sup>  
 vn, Emanuel Roy de Portugal enuoya avec trois grāds <sup>reux.</sup>  
 vaisseaux en la basse Amerique pour recercher le de- <sup>Decou-</sup>  
 stroit de Furne et Dariène, à fin de pouoir passer plus <sup>uerte de</sup>  
 aisément aux Moluques, sans aller au detroit de Magel- <sup>païs faite</sup>  
 lan: & nauigeans de ce costé, feirent decouuerte de ce <sup>par le Ca</sup>  
 beau promontoire: ou ayans mis pié en terre, trouue- <sup>pitaine.</sup>  
 rent le lieu si beau & temperé, combien qu'il ne soit <sup>Pinson-</sup>  
 qu'à à trois cens quarante degrez de longitude, minu



## LES SINGULARITEZ

Castel-  
marin.  
Fernam-  
bou.

te 0. et huyt de latitude, minute 0. qu'ils s'y arresterēt ou depuis sont allez autres Portugais avec nombre de vaisseaux & de gens. Et par succession de temps, apres auoir pratiqué les Sauuages du pais, feirent vn fort nommé Castelmartin: & encore depuis vn autre assez pres de là, nommé Fernambou, traffiquans là les vns avecques les autres. Les Portugais se chargent de cotton, peaux de sauuagines, espiceries, et entre autres choses, de prisonniers, que les Sauuages ont pris en guerre sus leurs ennemis, lesquels ils menēt en Portugal pour vendre.

Des Cannibales, tant de la terre ferme, que des isles, & d'un arbre nommé Acaïou.

## CHAP. LXI.



Isle de  
S. Paul.

Inhumani-  
té des  
Canibales.

Un grand promontoire ainsi doublé & affronté, combien que difficilement, quelque vent qui se presentast, il faillloit tenter la fortune, et auancer chemin autant que possible estoit, sans s'elogner beaucoup de terre ferme, principalement costoyas assez pres de l'isle Saint Paul, & autres petites non habitées, prochaines de terre ferme, ou sont les Canibales, lequel pais diuise le pais du Roy d'Espagne d'avec ceux de Portugal, cōme nous dirons aultre part. Puis que nous sommes venuz à ces Canibales, nous en dirons vn petit mot. Or ce peuple depuis le cap de Saint Augustin, & au delà iusq's pres de Marignā. est le plus cruel & inhumain, qu'en partie quelconque de l'Amerique. Ceste canaille mange ordinairement chair humaine, comme nous ferions du mouton, & y prennent encore plus grand plaisir.

Et

Et vous assurez qu'il est malaisé de leur ôter un homme d'entre les mains quand ils le tiennent, pour l'appetit qu'ils ont de le manger comme lions ravissans. Il n'y a beste aux deserts d'Afrique, ou de l'Arabie tant cruelle, qui appetesi ardemment le sang humain, que ce peuple sauvage plus que brutal. Aussi n'y a nation qui se puisse acouster d'eux, soyent Chrestiens ou autres. Et si vous voulez traffiquer & entrer en leur pays, vous ne serez receu aucunement sans bailler ostages, tant ils se desiet, euxmesmes plus dignes desquels lon se doit bue mesier. Voila pourquoy les Espagnols quelquefois, & Portugais leur ont ioué quelques brauades: en memoire dequoy quand ils les peuuent attaindre, Dieu sçait comme ils les traitent, car ils disnent avec eux. Il y a donc inimitié & guerre perpetuelle entre eux, & se sont quelquefois bien battuz, tellement qu'il y est demeuré des Chrestiens au possible. Ces Canibales portent pierres aux leures, verdes & blanches, comme les autres Sauvages, mais plus longues sans comparaison, de sorte qu'elles descendent iusques à la poitrine. Le pais au surplus est trop milleur qu'il n'appartiet à telle canaille: car il porte fruits en abondance, herbes, & racines cordiales, avec grande quantité d'arbres qu'ils nommens Acaïous, portans fruits gros comme le poin, en forme d'un œuf d'oye. Aucuns en font certain brusage, combien que le fruit de soy n'est bon à manger, retirant au goût d'une corne demy meure. Au bout de ce fruit vient une espece de noix grosse come un marron, en forme d'un rognon de lieure. Quant au noyau qui est dedans, il est tresbon à manger, pourueu qu'il ait passé legerement par le feu. L'escorce est toute plei-

Inimitié  
grande  
entre les  
Espa-  
gnols &  
Caniba-  
les.  
Fertilité  
du pais  
des Cani-  
bales.



## LES SINGULARITEZ

ne d'huile, fort aspre au goust, dequoy les Sauvages pourroyent faire quantité plus grãde que nous ne faisons de noz noix par deçà. La fueille de cest arbre est semblable à celle d'un poirier, vn peu plus pointuë, & rougeatre par le bout. Au reste cest arbre à l'escorce vn peu rougeatre, assez amere: et les Sauvages du païs ne se seruent aucunement de ce bois, à cause qu'il est vn



peu mollet. Aux isles des Canibales, d'as lesquelles s'en trouue grande abondance, se seruent du bois pour faire brusler, à cause qu'ils n'en ont gueres d'autre, et du gaiac. Voila que i'ay voulu dire de nostre Acaïou, avec le pourtrait qui vous est cy deuant representé. Il se trouue l'à d'autres arbres ayans le fruit dangereux  
à man-

à manger : entre lesquels est vn nommé Haouuay. Arbres mortifères.  
 Au surplus ce païs est fort mōtueux, avecques bonnes mines d'or. Il y a vne haute & riche montagne, ou ces Sauvages prennent ces pierres verdes, lesquelles ils portent aux leures. Pource n'est pas impossible qu'il ne s'y trouuast emeraudes, & autres richesses, si ceste canaille tant obstinée permettoit que lon y allast seurement. Richesse du païs des Canibales.  
 Il s'y trouue semblablement marbre blanc & noir, iaspé, et porphire. Et en tout ce païs depuis qu'on a passé le cap de Saint Augustin, iusques à la riuere de Marignan, tiennent vne mesme façō de viure que les autres du cap de Frie. Ceste mesme riuere separe la terre du Peru d'avec les Canibales, et a de bouche quinze lieues ou enuiron, avec aucunes isles peuplées & riches en or : car les Sauvages ont appris quelque moyen de le fondre, & en faire anneaux larges comme boucles, & petis croissans qu'ils pendent aux deux costez des narines, & à leurs iouës : ce qu'ils portent par gentillesse & magnificence. Les Espagnols disent que la grande riuere qui vient du Peru, nommée Aurelane, & ceste cy s'assemblent. Il y a sur ceste riuere vne autre isle, qu'ils nomment de la Trinité, distante dix degrez de la ligne, ayant de longueur enuiron trente lieues, & huit de largeur : laquelle est des plus riches qui se trouuent point en quelque lieu que ce soit, pource qu'elle porte toute sorte de metaux. Mais pource que les Espagnols y descendans plusieurs fois pour la vouloir mettre en leur obeissance ont mal traité les gens du païs, en ont esté rudemēt repoussés, et saccagés la meilleure part. Ceste isle produist abondance d'un certain fruit, dont l'arbre ressemble fort à un palmier, duquel ils font du bru-

Arbres mortifères.

Haouuay.

Richesse du païs des Canibales.

Riuere de Marignan separe le Peru d'avec les Canibales.

Aurelane fleuve du Peru. Isle de la Trinité fort riche.

Especce d'arbre semblable à un palmier.



bruvage. D'avantage se trouve là encens fort bon, bois de gaiac, qui est aujour d'hy tant célébré : pareillement en plusieurs autres isles prochaines de la terre ferme. Il se trouve entre le Peru & les Canibales, dont est question, plusieurs isles appellées Cauibales assez prochaines de la terre de Zamana, dont la principale est distante de l'isle Espagnole environ trente lieues. Toutes lesquelles isles sont sous l'obéissance d'un Roy, qu'ils appellent Caïlique, desquels il est fort bien obéi. La plus grande a de longueur soixante lieues, & de largeur quarantehuit, rude & montueuse, comparable presque à l'isle de Corse : en laquelle se tient leur Roy coutumièrement. Les Sauvages de ceste isle sont ennemis mortels des Espagnols, mais de telle façon qu'ils n'y peuvent aucunement trafiquer. Aussi est ce peuple épouvantable à voir, arrogant & courageux, fort subiet à commettre larcin. Il y a plusieurs arbres de Gaiac, & une autre espèce d'arbre portant fruit de la grosseur d'un estuf, beau à voir toutesfois veneneux : parquoy trempent leurs fleches dont ils se veulent aider contre leurs ennemis, au jus de cest arbre. Il y en a un autre, duquel la liqueur qui en sort, l'arbre estant scarifié, est venin, comme reagal par deçà. La racine toutesfois est bonne à manger, aussi en font ils farine, dont ils se nourrissent, comme en l'Amerique, combien que l'arbre soit différent de tronc, branches, & feuillage. La raison pourquoy mesme plante porte aliment et venin, ie la laisse à contempler aux philosophes. Leur maniere de guerroyer est comme des Ameriques, & autres Canibales, dont nous avons parlé, hors-mis qu'ils usent de foudes, faictes de peaux de bestes, ou de pelu-

de bois: à quoy sont tant experts, que ie ne puis estimer les Baleares inuenteurs de la fonde, selon Vegerius, auoir esté plus excellens fundibulateurs.

De la riuier des amazones, autrement dite Aurelane, par laquelle on peut nauiger aux païs des Amazones, & en la France Antarctique.

## C H A P. LXII.

**E**ndant que nous auons la plume en main pour escrire des places decouuertes, et habitées, par delà nostre Equinoctial, entre Midy & Ponent, pour illustrer les choses, & en donner plus euidēte congnoissance, je me suis auisé de reduire par escrit vn voyage, autant lointain que difficile, hazardusement entrepris, par quelques Espagnols, tant par eau que par terre, iusques aux terres de la mer Pacifique, autrement appelée Magellanique, & sont les isles des Moluques, & autres. Et pour mieux entendre ce propos, il faut noter, que le Prince d'Espagne tient soubs son obeissance grande estendue de païs, en ces Indes occidentales, tant en isles que terre ferme, au Peru, & à l'Amérique, que par succession de temps il a pacifié, de maniere qu'aujourd'huy, il en recoit grand emolument & proffit. Or entre les autres vn Capitaine Espagnol, étant pour son prince au Peru, delibera vn iour de decourir, tāt par eau que par terre, iusques à la riuier de Plate (laquelle est distante du Cap saint Augustin sept cens lieues, delà la ligne, & dudit Cap iusques aux isles du Peru, environ

Mer pacifique  
ou Magellanique.

Situatiō  
de la riuier de  
Plate.

trois



## LES SINGULARITÉZ

trois cens lieues) quelque difficulté qu'il y eust, pour le longueur du chemin, & montagnes inaccessibles, que pour la suspicion des gens, & bestes sauvages: esperant l'exécution de si haute entreprise, outre les admirables richesses, acquerir vn loz immortel, & laisser perpetuelle gloire de soy à la posterité. Ayant donques dressé, & mis le tout en bon ordre, & suffisant equipage, ainsi que la chose le meritoit, c'est à sçavoir de quelque marchandise, pour en traffiquant par les chemins recouurer viures, & autres munitions: au reste accompagnée de cinquante Espagnols, quelque nombre d'Esclaves, pour le service laborieux, & quelques autres insulaires, qui auoient esté faits Chrestiens, pour la conduite & interpretation des langues. Il fut question de s'embarquer avec quelques petites Carauelles, sur la riuere d'Aurelane, laquelle ie puis asseurer la plus longue & la plus large, qui soit en tout le monde. Sa largeur est de cinquante neuf lieues, & sa longueur de plus de mille. Plusieurs la nommēt mer douce, laquelle procede du costé des hautes montagnes de Moullubēba, avecques la riuere de Marignan, neantmoins leur embouchement & entrée, sont distantes de cent quatre, lieues l'vne de l'autre, & enuiron six cens lieues, dans plain païs s'associent, la Marée entrant dedans, bien quarante lieues. Ceste riuere croist en certain temps de l'année, comme fait aussi le Nil, qui passe par l'Egypte, procedant des montagnes de la Lune, selon l'opinion d'aucuns, ce que i'estime estre vraysemblable. Elle fut nommée Aurelane, du nō de celuy qui premierement fit dessus ceste loque nauigation, neantmoins que parauant auoit esté decouuerte par aucuns, qui l'ont appelée

Situatiō  
& admirable  
grādeur de  
la riuere  
d'Aure-  
lane.

Origine  
du Nil-

bellée par leurs cartes riuere des Amazones: elle est  
merueilleusement facheuse à nautiger, à cause des cou- Aurela-  
antes, qui sont en toutes saisons de l'année: & que ne ou ri-  
lus est, l'embouchement difficile, pour quelques gros, Amazo-  
chers, que l'on ne peut euitier, qu'avec toute difficulté. nes.  
Quand l'on est entré assez auant, l'on trouue quelques  
belles isles, dont les vnes sont peuplées, les autres non.  
Au surplus ceste riuere est dangereuse tout du long,  
pour estre peuplée, tât en pleine eau, que sus la riuie de  
plusieurs peuples, fort inhumains, & barbares, et qui  
le long temps tiennent inimitié, aux estrangers, crai-  
mans qu'ils abordent en leur país, et les pillent. Aus-  
si quand de fortune ils en rencontrent quelques vns, ils  
les tuent, sans remission, & les mangent rotiz &  
bouilluz, comme autre chair. Donques embarquez en  
vne de ces isles du Peru, nommée. S. Croix, en la grand  
mer, pour gaigner le detroit de ce fleuue: lequel apres  
auoir passé avec vn vent merueilleusement propre, s'a-  
cheminet costoyãs la terre d'assez pres, pour tousiours re-  
cognoistre le país, le peuple, et la façon de faire, et pour  
plusieurs autres commoditez. Costoyans donc en leur  
nauigation noz viateurs, maintenant de ça, maintenãt  
de là, selon que la commodité le permetoit, les Sauvages  
du país se monstroient en grand nombre sur la riuie, a-  
vec quelques signes d'admiration, voyans ceste estrãge  
nauigatiõ, l'equipage des personnes, vaisseaus, et muni-  
tions propres à guerre et a nauigation. Ce pẽdant les na-  
uigans n'estoyent moins estonnez de leur part, pour la  
multitude de ce peuple inciuil, & totalement brutal,  
monstrant quelque semblant de les vouloir saccager,  
pour dire en peu de parolles. Qui leur dõna occasiõ de  
nautiger

Isle de S.  
Croix.



## LES SINGULARITEZ

*naviger longue espace de temps sans ancrer, ni descendre. Neantmoins la famine & autres neceſitez, les contraignit finablement de plier voiles, & planter ancres. Ce qu'ayans fait environ la portée d'une arquebuzer loin de terre, ie demande s'il leur reſtoit autre chose, ſinon par beaux ſignes de flatterie, et autres petits moyens, caresser meſſieurs les Sauvages, pour im-  
 trer quelques viures, & permission de se reposer. Dōt quelque nombre de ces Sauvages allechez ainſi de loing avec leurs petites barquettes d'escorce d'arbres, desquelles ils vsent ordinairement sur les rivières, se ha-  
 zarderent d'approcher, non ſans aucune doute, n'ay-  
 ans iamais veu les Chreſtiens afronter de ſi pres leurs limites. Toutesfois pour la crainte qu'ils monſtroient de plus en plus, les Eſpagnols de rechef, leur faiſans mon-  
 ſtre de quelques couteaus, & autres petits ferremens re-  
 luisans les attirerēt. Et apres leur avoir fait quelques  
 petits preſens, ce peuple ſauvages à toute diligence leur  
 va pourchasser des viures: & de fait apporterent quā-  
 tité de bon poiſſon, fruits de merueilleuſe excellence, ſe-  
 lon la portée du païs. Entre autres l'un deces Sauvages,  
 ayant, maſſacré le iour, precedēt quatre de ſes ennemis  
 Canibales, leur en preſenta deux mēbres cuits, ce que  
 les autres refuſerent. Ces Sauvages (comme ils diſent)  
 eſtoient de haute ſtature, beau corps tous nuds ainſi  
 que les autres Sauvages, portans sur l'eſtomac larges  
 croiſſans de fin or: les autres grandes pieces luisantes  
 de fin or bien poly en forme de miroirs ronds. Il ne ſe  
 faut enquerir ſi les Eſpagnols changerēt de leur mar-  
 chandiſes avec telles richesses: ie croy fermemēt qu'el-  
 les ne leur echapperent pas ainſi, pour le moins en fei-  
 rent*

*Stature  
 de ces  
 Sauua-  
 ges.*

rent ils leur deuoir. Or noz pelerins ainsi refreschis, et enuittaillez pour le present, avec la reserve pour l'aduenir, auant que prendre congé feirent encores quelques presens, comme parauant: & puis pour la continuation du voyage, fut question de faire voile, et abreger chemin. De ce pas nauigeret plus de cent lieues sans prendre terre, obseruans tous sus les riuers diuersité de peuples sauvages ainsi comme les autres, desquels ie ne m'arrestera y escrire pour euitier prolixité: mais suffira entendre le lieu ou pour la seconde fois sont abordés.

Abordement de quelques Espagnols en  
vne contrée ou ils trouuerent  
des Amazones.

## CHAP. LXIII.

**L**Esdicts Espagnols feirēt tāt par leurs iour-  
nées, qu'ils arriuerent en vne cōtrée, ou se trouua des Amazones: ce que lon n'eust  
iamaïs estimé, pource que les Historiogra-  
phes n'ē ont fait aucune mentiō, pour n'auoir eu la con-  
gnoissance de ces païs n'aguere trouués. Quelques vns  
pourroyent dire que ce ne sont Amazones, mais quant  
à moy ie les estime telles, attendu quelles viuent tout  
ainsi que nous trouuons auoir vescu les Amazones de  
l'Asie. Et auāt que passer outre, vous noterez que ces  
Amazones, dont nous parlons, se sont retirées, habitāt  
en certaines petites isles, qui leur sont comme forteref-  
ses, ayans tousiours guerre perpetuelle à quelques peup-  
les, sans autre exercice, ne plus ne moins que celles des-  
quelles ont parlé les Historiographes. Donques ces fem-  
mes



## LES SINGULARITEZ

mes belliqueuses de nostre *Amerique*, retirées et fortifiées en leurs isles, sont coustumierement assaillies de leurs ennemis, qui les vont chercher par sus l'eau avec barques & autres vaisseaux, & charger à coups de fleisches. Ces femmes au contraire se defendent de mesme, courageusement, avec menasses, hurlemens, et contenance les plus espouventables qu'il est possible. Elles font leurs rempars de scailles de tortues, grandes en toute dimension. Le tout comme vous pouvez voir à l'œil par la presente figure. Et pource qu'il vient à pro-



pos de parler des *Amazones*, nous en escrirons quelque chose en cest endroit. Les pauvres gens ne trouvent grande consolation entre ces femmes tant rudes & sauvages. On trouve par les histoires qu'il y a eu trois sortes d'*Amazones*, semblables, pour le moins differentes de lieux et d'habitations. Les plus anciennes ont esté en *Afrique*, entre lesquelles ont esté les *Gorgones*, qui avoyent

Trois sortes d'*Amazones* ancienne-ment.

auoyent Meduse pour Roine. Les autres Amazones ont  
 esté en Scythie pres le fleuue de Tanais: lesqueles depuis  
 ont regné en vne partie de l'Asie, pres le fleuue Ther-  
 modoo. Et la quatrième sorte des Amazones, sont celle  
 desquelles parlons presentement. Il y a diuerses opiniōs  
 pourquoy elles ont esté appellée Amazones. La plus  
 commune est, pource que ces femmes se brusloient les ma-  
 melles en leur ieunesse, pour estre plus dextres à la guer-  
 re. Ce que ie trouue fort estrange, & m'en rapporterois  
 aux medecins, si telles parties se peuvent ainsi cruelle-  
 ment oster sans mort, attendu qu'elles sont fort sensi-  
 bles, ioint aussi quelles sont prochaines du cueur, toute-  
 fois la meilleure part est de ceste opinion. Si ainsi estoit  
 ie pense que pour vne qui euaderoit la mort, qu'il en  
 mourroit cent. Les autres prennent l'etymologie de ce-  
 ste particule A, priuative, & de Maza, qui signifie  
 pain, pource qu'elles ne viuoient de pain, ains de quel-  
 ques autres choses. Ce que n'est moins absurde que l'au-  
 tre: car l'on eust peu appeller, mesmes de ce temps là,  
 plusieurs peuples vivants sans pain, Amazones: com-  
 me les Troglodites, & plusieurs autres, & auourd'-  
 huy tous noz Sauvages. Les autres de A priuatif, et Ma-  
 zos, comme celles qui ont esté nourries sans lait de mā-  
 melle: ce qu'est plus vraysemblable, comme est d'opiniō  
 Philostrate: ou bie d'une Nymphē nommée Amazoni-  
 de ou d'une autre nommée Amazoner religieuse de Dia-  
 ne et Royne d'Ephese. Ce que i'estimerois plus tost q'bru-  
 slemēt de māmelles: et en dispute au cōtraire qui vou-  
 dra. Quoy qu'il en soit ces femmes sont renommées belli-  
 queuses. Et pour en parler plus à plein, il faut noter  
 qu'apres que les Scythes, que nous appellons Tartares, liqueles.

Diuerfi-  
 té d'opi-  
 nions sur  
 l'appella-  
 tion &  
 etymolo-  
 gie des  
 Amazo-  
 nes.

Philo-  
 strate.

Amazo-  
 nes fem-  
 mes bel-  
 liqueles.



## LES SINGULARITEZ

furent chassés d'Egypte, subinguerent la meilleure partie de l'Asie, & la rendirent totalement tributaire, & sous leur obéissance. Ce pendant que long temps les Scythes demeurèrent en ceste expedition et conquête, pour la resistance des superbes Asians, leurs femmes ennuyées de ce si long seiour (comme la bonne Penelopé de son mary Ulysses) les admonesteret par plusieurs gracieuses lettres & messages de retourner: autrement que ceste longue et intolerable absence les contraindroit faire nouvelles alliances avecques leurs prochains & voisins: considéré que l'ancienne lignée des Scythes estoit en hazard de perir. Nonobstant ce peuple sans auoir egard aux douces requestes de leurs femmes, ont tenu d'un courage obstiné cinq cens ans ceste Asie tât superbe: voire iusques à ce que Ninus la deliura de ceste miserable seruitude. Pendant lequel temps ces femmes ne firent oncques alliâce de mariage avecques leurs voisins, estimans que le mariage n'estoit pas moyen de leur liberté ains plus tost de quelque lien & seruitude: mais toutes d'un accord & vertueuse entreprise delibererent de prendre les armes, & faire exercice à la guerre, se reputans estre descendues de ce grand Mars dieu des guerres. Ce qu'elles executerent si vertueusement sous la conduite de Lampedo & Marthesia leurs Roynes, qui gouvernoient l'une apres l'autre, que non seulement elles defendirent leur pais de l'inuasion de leurs ennemis, maintenans leur grandeur & liberté, mais aussi firent plusieurs belles conquestes en Europe & en Asie, iusques à ce fleuve, dont nous auôs n'agueres parlé. Ausquels lieux, principalement en Ephese, elles firent bastir plusieurs châteaux,

Asie tributaire  
aux Scythes l'espace de  
cinq cés  
ans.

Lapedo  
& Marthesia  
premieres  
Roynes  
des Amazones.

steaux, villes, & fortereſſes: Ce fait elles renuoyerent vne partie de leurs bandes en leurs païs, avecques riche butin de deſpouilles de leurs ennemis, & le reſte demoura en *Aſie*. Finablemēt ces bonnes dames pour la conſervation de leur ſang, ſe prostituerent volontai-  
 rement à leur voiſins, ſans autre eſpece de mariage: et de la lignée qui en procedoit, elles faiſoyent mourir l'en-  
 fant maſle, reſervans la femelle aux armes, auſquelles la dreſſoient fort bien, & avecques toute diligence. El-  
 les ont doncques preferé l'exercice des armes, & de la  
 chaffe, à toutes autres choſes. Leurs armes eſtoient arcs  
 & fleches avec certains boucliers, dont *Virgile* parle  
 en ſon *Eneide*, quand elles allerent, durant le ſiege de  
*Troie*, au ſecours des *Troyens* contre les *Grecs*. Aucuns  
 tiennent auſſi, qu'elles ſont les premieres qui ont com-  
 mencé à cheuaucher, & à combattre à cheual. Or eſt il  
 temps deſormais de retourner aux *Amazones* de no-  
 ſtre *Amerique*, et de noz *Eſpagnols*. En ceté part elles  
 ſont ſeparées d'avec les hommes, & ne les frequentent  
 que bien rarement, cōme quelque fois en ſecret la nuit  
 ou à quelque autre heure determinée. Ce peuple habi-  
 te en petites logettes, & cauernes contre les rochers, vi-  
 uant de poiſſon, ou de quelques ſamagines, de racines,  
 et quelques bons fruits, que port ce terrouer. Elles tuēt  
 leur enfans maſles, incontinent apres les auoir mis ſus  
 terre: ou bien les remettēt entre les mains de celuy au-  
 quel elles les pensent appartenir. Si c'eſt vne femelle,  
 elles la retiennent à ſoy, tout ainſi que faiſoyent les pre-  
 mieres *Amazones*. Elles font guerre ordinai-  
 remēt contre quelques autres nations: & traitent fort inhumai-  
 nement ceux quelles peuuent prendre en guerre. Pour

Maniere  
 de viure  
 des Ama-  
 zones de  
 l'*Ameri-*  
 que.



## LES SINGVLARITEZ.

cōme les Amazones traitēt ceux qu'il prennent en guerre. les faire mourir elles les pendēt par vne iambe à quelque haute branche d'un arbre: pour l'auoir ainsi laissē quelque espace de temps, quand elles y retournēt, si de cas fortuit n'est trespasē, elles tireront dix mille coups de fleches: & ne le mangent comme les autres Sauvages, ains le passent par le feu, tant qu'il est reduit en cendres. D'auantage ces femmes approchans pour com-



Origine des Amazones Ameriques incertaine. baire, iettent horribles & merueilleux cris, pour espouuenter leurs ennemis. De l'origine de ces Amazones en ce pais n'est facile d'en escrire au certain. Aucuns tiennent, qu'apres la guerre de Troie, ou elles allerent (comme desia nous auons dit) sous Pentésilée, elles s'ecarterēt ainsi de tous costez. Les autres, qu'elles estoyent venuēs de certains lieux de la Grece en Afrique, d'ou vn Roy, assez cruel les rechassa. Nous en auons plusieurs histoires, ensemble de leurs prouesses au fait de la guerre, & de quelques autres femmes, que  
ie

ie laisseray pour continuer nostre principal propos: comme assez nous demonstrent les histoires anciennes, tant Greques, que Latines. Vray est, que plusieurs auteurs n'en ont descript quasi que par vne maniere d'acquit.

Nous auons commenc      dire, comme noz pelerins n'auoyent seiourn   que bien peu, pour se reposer seulement & pourchasser quelques viures: pource que ces femmes comme toutes estonn  es de les voir en cest equipage, qui leur estoit fort estrange, s'assemblerent incontinent de dix    douze mille en moins de trois heures, filles et femmes toutes nues, mais l'arc au poin & la flesche, commen  ans    hurler comme si elles eussent veu leurs ennemis: & ne se termina ce deduit sans quelques flesches tir  es:    quoy les autres ne voulans faire resistance, incontinent se retirerent bagues sauues. Et de leuer ancre, & de desplier voiles. Vray est qu'   leur departement disans adieu, ils les saluerent de quelques coups de canon: et femmes en route: toutefois qu'il n'est vraysemblable qu'elles se soient ais  ment sau  es sans en sentir quelque autre chose.

Arru  e  
des Espa  
gnols en  
la c  tre  
des Ama  
zones et  
comme  
ils fur  t  
receuz.

## De la continuation du voyage de Morpion, & de la riu  re de Plate.

### CHAP. LXIIII.



Et l   continuans leur chemin bi   enuiron six vingts lieu  s, cogneur  t par leur Astrolabe, selon la hauteur du lieu ou ils estoient, laquelle est tant necessaire pour la bonne navigation, que ceux qui nauigent en lointains pa  s ne pourroy  t auoir seurete   de leur voyage, si

C  tinua  
tion du  
voyage  
des Espa  
gnols en  
la terre  
de Mor  
pion.



## LES SINGULARITEZ.

ceste pratique leur deffailloit : parquoy cest art de la hauteur du Soleil, excède toutes les autres reigles : & ceste subtilité : les Anciens l'ont grandement estimée & pratiquée, mesmement Ptolomée & autres grāds autheurs. Donques ils quittent leurs Carauelles, les enfonans au fond de l'eau, puis chacun se charge du reste de leurs viures, munitions, & marchandises, les Esclaves principalemēt, qui estoyēt la pour ceste fin. Ils cheminerent par l'espace de neuf iours, par montagnes, enrichies de toutes sortes d'arbres, herbes, fleurs, fruits & verdure, tant que par leurs iournées aborderēt vn grand fleuve, prouenāt des hautes mōtagnes, ou se trouuerēt certains sauuages, entre lesquels de grād crainte les vns fuyoiēt, les autres montoyēt es arbres : et ne demeura en leurs logettes, que quelques vieillards, ausquels (par maniere de cōgratulation) feirent presens de quelques couteaux et miroiērs : ce q̄ leur fut tresagreable. Parquoy ces bōs vieillards se mettēt en effort d'appeler les autres, leur faisans entēdre, q̄ ces estrangers nouuellement arrivez, estoient quelques grāds Seigneurs, qui en riē ne les vouloyēt incōmoder, ains leur faire presens de leurs richesses. Les Sauuages esmeuz de ceste liberalité, se mettēt en deuoir de leur amener viures, cōme poissons, sauuagines, & fruits selon le païs. Ce que voyans les Espagnols se proposerēt de passer là leur hyuer attendans autre temps, et ce pendant decouurir le païs, aussi s'il se trouueroit point quelque mine d'or, ou d'argent, ou autre chose, dot ils remportassent quelque fruit. Par ainsi demeurerēt là sept mois entiers : lesquels voyans les choses ne succeder à souhait, reprennent chemin, et passent outre, ayās pris pour cōduite huit de ces

Sauuages, qui les menerent enuiron quatre vingts lieues, passans tousiours par le milieu d'autres Sauuages, beaucoup plus rudes, & moins traitables, que les precedens: en quoy leur fut autant necessaire que profitable la conduite. Finablement congnoissans veritablement, estre paruenus à la hauteur d'un lieu nommé Morpion, lors habitè de Portugais, les vns comme lassez de si long voyage, furent d'avis de tirer vers ce lieu sus nommé: les autres au contraire de perséuerer iusques à la riuiera de Plate, distante encore enuiron trois cès lieues par terre. En quoy pour resolution, selon l'aduis du Capitaine en chef, vne partie poursuit la route vers Platte, & l'autre vers Morpion. Pres lequel lieu nos pelerins speculoient de tous costez, s'il se trouueroit occasion aucune de butin, iusques à tant qu'il se trouua vne riuiera, passant au pié d'une mointagne, en laquelle le beuans, considerent certaines pierres, reluyssantes comme argent, dont ils en porterent quelque quantité iusques à Morpion, distant de la dixhuit lieues: lesquelles furent trouuées à la preuue, porter bonne & naturelle mine d'argent. Et en en a depuis le Roy de Portugal tiré de l'argent infini, après auoir fait sonder la mine, & reduire en essence. Apres que ces Espagnols firent reposer & recrées à Morpion, avec les Portugais leurs voisins, fut question de suivre les autres, & tourner chemin vers Plate, loing de Morpio deux cens cinquante lieues, par mer, & trois cens par terre: ou les Espagnols ont trouué plusieurs mines d'or & d'argent & l'ont ainsi nommée Plate, qui signifie en leur langue Argent: & pour y habiter, ont basti quelques fortresses. Depuis aucuns d'eux, avec quelques autres E-

Diuision  
de leur  
compa-  
gnie  
pour ti-  
rer à la  
riuiera  
de Plate.

Mine  
d'argent  
tresbon-  
ne.

Mines  
d'or &  
d'argent.  
Plate  
fleue  
pour-  
quoy  
ainsi nō-  
mée.



## LES SINGVLARITEZ

Detroit  
de Ma-  
gellan.  
Mer pa-  
cifique  
Ifles des  
Molu-  
ques ha-  
bitées  
des Espa-  
gnols.

*spagnols, nouuellement venus en ce lieu, non contens encore de leur fortune, se sont hazardez de nauiguer, iusques au destroit de Magellan, ainsi appellé, du nom de celuy qui premierement le decouurit, qui confine l' Amerique, vers le Midy : & de là entrerent en la mer Pacifique, de l'autre costé de l' Amerique, ou ils ont trouué plusieurs belles isles : & finablement paruenz iusques aux Molluques, qu'ils tiennent & habitent encores aujourd' huy. Au moyen de quoy retournent vn grand tribut d'or & d'argent au prince d'Espagne. Voila sommairement quāt au voyage, duquel j'ay bien voulu escrire en passant, ce que m'en a esté recité sus ma nauigatiō par quelcun qui le sçauoit, ainsi qu'il m'asseura, pour auoir fait le voyage.*

La separation des terres du Roy d'Espagne & du Roy de Portugal.

### CHAP. LXV.



*Es Roys d'Espagne & Portugal apres auoir acquis en communes forces plusieurs victoires & heureuses conquestes, tant en Leuant qu'en Ponent, aux lieux de terre & de mer non au parauant congneuz ne decouuers, se proposerent pour vne assurance plus grande de diuiser & limiter tout le païs qu'ils auoient conquesté, pour aussi obuier aux querelles qui en eussent peu ensuyuir, comme ils eurent de la mine d'or du Cap à trois pointes, qui est en la Guinée: comme aussi des isles du Cap Verd, & plusieurs autres places. Aussi vn chascū doit sçauoir qu'un Royaume ne veut iamais souffrir deux Roys, ne plus ne moins que le monde ne reçoit deux*

Cap à  
trois  
pointes.

deux Soleils. Or est il que depuis la riuere de Marignan, entre l' Amerique & les isles des Antilles, qui s'aignent au Peru iusques à la Floride, pres Terre neuue, est demeuré au prince d'Espagne, lequel tiét aussi grand pais en l' Amerique, tirant du Peru au Midy ius la coste de l' Ocean iusques à Marignan, come a esté dit. Au Roy de Portugal auint tout ce qui est depuis la mesme riuere de Marignan vers le Midy, iusques à la riuere de Plate, qui est trente six degrez de là l' Equinoctial. Et la premiere place tirant au costé de Marcellan est nommée Morpion, la seconde Mahoubac, auquel lieu se sont trouuées plusieurs mines d'or & d'argent. Tiercement Porte sigoure pres du cap de Saint Augustin. Quartement la pointe de Crouestmourou, Chasteau marin, & Fernabou, qui sont confins des Canibales de l' Amerique. De declarer particulierement tous les lieux d'vne riuere à l'autre, comme Curtanc, Caribes, prochain de la riuere douce, & de Real, ensemble leurs situations, & autres, ie m'en deporteray pour le present. Or sçachez seulement qu'en ces places dessus nommées les Portugais se sont habituez, & sçavent bien entretenir les Sauvages du pais, de maniere qu'ils viuent là paisiblement, & traffiquent de plusieurs riches marchandises. Et là ont basti maisons & forts pour s'asseurer contre leurs ennemis. Pour retourer au Prince d'Espagne, il n'a pas moins fait de sçart, que nous auons dit estre depuis Marignan vers le Ponent, iusques aux Moluques, tant deçà que delà, en l' Ocean & en la Pacifique, les isles de ces deux mers, & le Peru en terre ferme: tellement que le tout ensemble est d'vne marueilleuse estendue, sans le pais confin qui

Terres  
du Roy  
d'Espa-  
gne.

Pais au-  
nuz au  
Roy de  
Portu-  
gal.



## LES SINGULARITEZ

Pais non  
encore  
decou-  
uers.

qui se pourra decouurer avec le temps, comme Cartage  
re, Cate, Palmarie, Parise grande & petite. Tous les  
deux, specialement Portugais, ont semblablement de-  
couuert plusieurs pais au Levant pour traffiquer, dont  
ils ne iouyissent toutefois, ainsi qu'en plusieurs lieux de  
l'Amérique & du Peru. Car pour regner en ce pais  
il faut praitiquer l'amitié des Sauvages : autrement  
ils se reuoltent, & saccagent tous ceux qu'ils peuent  
trouuer le plus souuent. Et se faut accommoder selo les  
ligues, querelles, amitiéz, ou inimitié qui sont entre  
eux. Or ne faut penser telles decouuertes auoir esté  
faites sans grande effusion de sang humain, speciale-  
ment des pauures Chrestiens, qui ont exposé leur vie,  
sans auoir egard à la cruauté & inhumanité de ces  
peuples, bref ne difficulté quelconque. Nous voyons en  
nostre Europe combien les Romains au commencement  
Voulans amplifier leur Empire, voire d'un si peu de  
terre, au regard de ce qui a esté fait depuis soixante ans  
ença, ont espandu de sang, tant d'eux que de leurs en-  
nemis. Quelles furies, & horribles dissipations de loix  
disciplines, & honnestes façons de viure ont regné par  
l'vniuers, sans les guerres civiles de Sylla & Marius,  
Cinna, & de Pōpée, de Brutus, d'Antoine, & d'Au-  
guste, plus dommageables que les autres ? Aussi s'en  
est ensuyuie la ruine de l'Italie par les Gots, Huns, &  
Wandales, qui mesmes ont enuahi l'Asie, & dissipé  
l'Empire des Grecs. Auquel propos Ouide semble au-  
oir ainsi parlé.

Or voyons nous toutes choses tourner,  
Et maintenant vn peuple dominer,  
Qui n'estoit rien: & celuy qui puissance

Auoit

Auoit en tout, luy faire obeïſſance.

*Conclusion que toutes choſes humaines ſont ſubiectes à mutation, plus ou moins difficiles, ſelon qu'elles ſont plus grandes ou plus petites.*

## Diuiſion des Indes Occidentales, en trois parties.

### CHAP. LXVI.

**A**uant que paſſer outre à deſcrire ce païs, à bon droit (comme j'eſtime) aujour d'huy appellé France Antarctique, au parauant Amerique, pour les raiſons que nous auons dictes, pour ſon amplitude en toute diſenſion, me ſuis aduiſé (pour plus aiſément donner à entendre aux Lecteurs) le diuiſer en trois. Car depuis les terres récemment, decouuertes, tout le païs de l'Amerique, Peru, la Floride, Canada, & autres lieux circonuoisins, à aller iuſques au deſtroit de Magellan, ont eſté appellez en commun, Indes Occidentales. Et ce pourtant que le peuple tiët preſque meſme maniere de viure, tout nud & barbare, & rude, comme celuy qui eſt encores aux Indes de Leuât. Leq̃l pais merite veritablement ce nō du fleuue Indus, comme nous diſons en quelq̃ lieu. Ce beau fleuue donc entrant en la mer de Leuât, appellée Indique, par ſept bouches (cōme le Nil en la Mediterranée) prend ſon origine des montagnes Arbiciennes & Beniennes. Auſſi le fleuue Ganges, entrant ſemblablement en ceſte mer par cinq bouches, diuiſe l'Inde en deux, & fait la ſeparation de l'vne à l'autre. Eſtant donc ceſte region ſi loingtaine de l'Amerique, car l'vne eſt en Orient, l'autre comprend depuis le Midy iuſques



## LES SINGULARITEZ

ques en Occident, nous ne sçaurions dire estre autres, qui ayent imposé le nom à ceste terre que ceux qui en ont fait la premiere decouverte, voyãs la bestialité & cruauté de ce peuple ainsi barbare sans foy, ne sans loy. & non moins semblable à diuers peuples des Indes, de l'Asie, et país d'Ethiopie: desquels fait ample mention Plin en son histoire naturelle. Et voila come ce país a pris le nom d'Inde à la similitude de celuy qui est en l'Asie, pour estre conformes les meurs, ferocité & barbarie (comme n'agueres auons dit) de ces peuples occidentaux, à aucuns de Leuant. Doncques la premiere partie de ceste terre, ainsi ample contient vers le Midy depuis le detroit de Magellan, qui est cinquante deux degrez, minutes trente de la ligne equinoctiale, j'en entens de latitude australe, ne comprenant aucunement l'autre terre, qui est delà le detroit, laquelle n'a esté iamais habitée, ne congnüe de nous, sinon depuis ce detroit, venant à la riuere de Plate. De là tirant vers le Ponent, loing entre ces deux mers, sont comprinses les prouinces de Patalie, Paranaguacu, Margageas, Patagones, ou region des Geans, Morpion, Tabaiars, Toupinambau, Amazones, le país du Bresil, iusques au cap de saint Augustin, qui est huit degrez delà la ligne, le país des Canibales, Antropophages, lesquelles regions sont comprises en l'Amerique environnée de nostre mer Oceane, & de l'autre costé deuers le Sud de la mer Pacifique, que nous disons autremēt Magellanique. Nous finirons donc ceste terre Indique à la riuere des Amazones, laquelle tout ainsi que Ganges fait la separation d'une Inde à l'autre vers Leuant: aussi ce fleuve notable (lequel a de largeur cinquante lieues) pour

ra faire separation de l'Inde Amerique à celle du Peru. La seconde partie commencera depuis ladite riviere, tirant & comprenant plusieurs royaumes & provinces tout le Peru, le destroit de terre contenant Darien, Furne, Popaian, Anzerma, Carapa, Quimbaya Cali, Paste, Quito, Canares, Cuzco, Chile, Patalia, Parias, Temistitan, Mexique, Catay, Panuco, les Pigmées iusques à la Floride, qui est située vingt cinq degrez de latitude deçà la ligne. Je laisse les isles à part, sans les y comprendre, combien qu'elles ne sont moins grandes que Sicile, Corse, Cypre, ou Candie, ne moins à estimer. Parquoy sera ceste partie limitée vers Occident, à la Floride. Il ne reste plus, sinon de descrire la troisieme: laquelle commencera à la neuve Espagne, comprenant toutes les provinces de Anauac, Vcatan, Culhuacan, Xalixte, Chalco, Mixtecapan, Tezeuco, Guzan, Apalachen, Xancho, Aute, & le royaume de Micuacan. De la Floride iusques à la terre des Baccales (qui est vne grande region, sous laquelle est comprise aussi la terre de Canada, & la province de Chicora, qui est trentetrois degrez deçà la ligne) la terre de Labrador, Terre neuve, qui est environnée de la mer Glaciale, du costé du Nort. Ceste contrée des Indes occidentales, ainsi sommairement diuisée, sans specifier plusieurs choses d'un bout à l'autre, c'est à sçauoir, du destroit de Magellan, auquel auons commencé, iusques à la fin de la derniere terre Indique, y a plus de quatre mille huit cens lieues de longueur: & par cela lon peut considerer la largeur, excepté le destroit de Parias susnommé. Pourquoy on les appelle communément aujour d'huy Indes maiores, sans comparaison plus grandes que celles



## LES SINGVLARITEZ

les de Leuant . Au reste ie supplie le lecteur prendre en gré ceste petite diuision , attendant le temps qu'il plaise à Dieu nous donner moyen d'en faire vne plus grande, ensemble de parler plus amplement de tout ce pais : laquelle j'ay voulu mettre en cest endroit , pour apporter quelque lumiere au surplus de nostre discours

### De l'isle des Rats.

#### CHAP. LXVII.

**Q**uittans incontinent ces Canibales pour le peu de consolation que lon en peut receuoir avec le vent de Su, vogames iusques à vne tresbel le isle loingtaine de la la ligne quatre degrez : & non sans grand danger on l'approche , car elle n'est moins difficile à afronter que quelque grand promontoire, tant pource qu'elle entre auant dedās la mer, que pour les rochers , qui sont à l'entour & en front de riuage. Ceste isle a esté decouuerte fortuitement, & au grand desauantage de ceux qui premierement la descouvrirent. Quelque nauire de Portugal passant quelquefois sur ceste coste par imprudence & faute de bon gouuernement, hurtant contre vn rocher pres de ceste isle, fut brisée & toute submergée en fond, hors-mis vingt & trois hommes qui se sauuerent en ceste isle . Auquel lieu ont demouré l'espace de deux ans, les autres morts iusques à deux : qui ce pendant n'auoient vescu que de rats, oyseaux & autres bestes . Et comme quelquefois passoit vne nauiere de Normandie retournant de l'Amérique, mirent l'esquif pour se reposer en ceste isle, ou trouuerent ces deux pauvres Portugais , restans seulement

Nau fra-  
ge d'une  
nauire  
Portugai  
se.

ment de ce naufrage, qu'ils emmenerent avec eux. Et <sup>Isle des</sup> auoient ces Portugais nommé l'Isle des Rats, pour la multi- <sup>Rats</sup> tude des rats de diuerse espece, qui y sont, en telle sorte <sup>pour-</sup> qu'ils disoient leurs compagnons estre morts en partie, <sup>quoy</sup> ainsi nō- pour l'ennuy que leur faisoit ceste vermine, et font en- <sup>mée.</sup> cores, quand lon descend là, qu'à grande difficulté s'en peult on defendre. Ces animaux viuent d'œufs de tortues, qu'elles font au riuage de la mer, & d'œufs d'oyseaux, dont il y a grande abondance. Aussi quand nous y allames pour chercher eau douce, dont nous auions telle necessité, que quelques vns d'entre nous furent contrains de boire leur vrine: ce qui dura l'espace de trois mois, & la famine quatre, nous y vimes tant d'oyseaux & si priuez, qu'il nous estoit aisé d'en charger noz nauires. Toutefois il ne nous fut possible de recouurer eau douce, ioint que n'entrames auant dans le païs. Au sur <sup>Commo</sup> plus elle est tresbelle, enrichie de beaux arbres verdoy <sup>ditez de</sup> l'isle des ans la meilleure part de l'année, ne plus ne moins qu'un <sup>Rats.</sup> verd pré au mois de May, encore qu'elle soit pres de la ligne à quatre degrez. Que ceste isle soit habitable n'est impossible, aussi bien que plusieurs autres en la mesme zone: comme les isles Saint Homer, sous l'equinoctial & autres. Et si elle estoit habitée, ie puis veritablement asseurer, qu'on en feroit un des beaux lieux qu'il soit possible au monde, & riche à l'equipolent. On y feroit bien force bon sucre, espiceries, & autres choses de grand emolument. Je sçay bien que plusieurs <sup>Zone en</sup> Cosmographes ont eu ceste opinion, que la Zone entre <sup>tre les</sup> les tropiques estoit inhabitable, pour l'excessive ardeur <sup>tropi-</sup> du Soleil: toutefois l'experience monstre le contraire, <sup>ques ha-</sup> sans plus longue contention: tout ainsi que les Zones <sup>bitable.</sup>



## LES SINGULARITEZ


Abōdan  
ce de rats

Sohiatā,  
espece  
de rat.  
Hierou-  
tsou'an  
re espe-  
ce de rat

Gerara,  
espece de  
serpent.  
Theïrab

aux deux poles pour le froid. Herodote & Solin affer-  
ment que les monts Hyperborées sont habitables, &  
pareillement le Canada, approchant fort du Septentri-  
on, & autres pais encores plus pres, enuiron la mer Gla-  
ciale, dont nous auons desia parlé. Parquoy sans plus  
en disputer, retournons à nostre isle des Rats. Ce lieu  
est à bon droit ainsi nommé, pour l'abondance des Rats  
qui viuent là, dont y a plusieurs especes. Vne entre les  
autres, que mangēt les Sauvages de l'Amerique, nom-  
mez en leur langue Sohiatan: & ont la peau grise,  
la chair bonne & delicate, comme d'un petit leuant.  
Il en y a vne autre nommée Hieroufou, plus grands  
que les autres, mais non si bons à manger. Ils sont de  
telle grandeur que ceux d'Egypte, que lon appelle rats  
de Pharaon. D'autres grands come foines, que les Sau-  
uages ne mangent point, à cause que quād ils sont morts  
ils puent comme charongne, comme j'ay veu. Il se trou-  
ue là pareillement variété de serpens, nommez Gera-  
ra, lesquels ne sont bons à manger: ouy bien ceux qu'ils  
nomment Theïrab. Car de ces serpens y a plusieurs  
especes qui ne sont en rien veneneux, ne semblables à  
ceux de nostre Europe: de maniere que leur morsure  
n'est mortelle ne aucunement dangereuse. Il s'en trou-  
ue de rouges, ecaillees de diuerses couleurs: pareillemēt  
en ay veu de verds autant ou plus que la verde feuille  
de laurier que lon pourroit trouuer. Ils ne sont si gros  
de corps que les autres, neantmoins ils sont fort longs,  
Pourtant ne se fault esmerueiller si les Sauvages là en-  
tour mangent de ces rats & serpens sans danger: ne  
plus ne moins que les lesarts, comme cy deuant nous  
auons dit. Pres ceste isle se trouue semblablement vne  
sorte

sorte de poisson, & sur toute la coste de l'Amérique, Houpe  
rou, espe  
ce de  
poisson.  
 qui est fort dangereux, aussi craint et redouté des Sau-  
 uages: pource qu'il est ravissant & dangereux, cōme  
 Vn Lion ou Vn loup affamé. Ce poisson nomé Houpe-  
 rou en leur langue, mège l'autre poisson en l'eau, hors  
 mis Vn, qui est grand comme Vne petite carpe, qui le  
 suit tousiours, comme s'il y auoit quelque sympathie et  
 occulte amitié entre les deux: ou bien le suit pour estre  
 garanti & defendu contre les autres, dont les Sauua-  
 ges quād ils peschèt tous nuds, ainsi qu'ils font ordinai-  
 rement, le craignent, & nō sans raison, car s'il les peut  
 atteindre, il les submerge & estragle, ou bien ou il les  
 touchera de la dent, il emportera la piece. Aussi ils se  
 gardent bien de manger de ce poisson, ains s'ils le peu-  
 uent prendre vif, ce qu'ils font quelquefois pour se ven-  
 ger, ils le font mourir à coups de fleches. Estās donc en-  
 cores quelque espace de temps, & tournans ça & là,





## LES SINGULARITEZ

*Espece de poisson estrange.* j'en contemple plusieurs estranges que n'auons par de-  
ça : entre lesquels j'en veis deux fort monstrueux, ayās  
sous la gorge comme deux tetines de cheure, vn fanon  
ou menton, que lon iugeroit à le voir estre vne barbe.  
La figure cy deuāt mise, comme pouez voir, represen-  
te le reste du corps.

Voila comme Nature grāde ouuriere prend plaisir à  
diuersifier ses ouurages tāt en l'eau, qu'en la terre: ainsī  
que le sçauāt ouurier enrichist son œuvre de pourtraits  
& couleurs, outre la traditiue commune de son art.

La continuatiō de nostre chemin auecques  
la declaration de l'Astrolabe marin.

### CHAP. LXVIII.

*Indispo-  
tion de  
l'air au-  
pres de  
l'equino-  
etial.*

**P**our ne trouuer grand soulagemēt de noz  
travaux en ceste isle, il fut question sans  
plus seiourner, de faire voile auecques vñ  
assez propre iusques sous nostre equino-  
etial, à l'entour duquel & la mer & les vents sont  
assez inconstans. Aussi là voit on tousiours l'air indi-  
posé: si d'vn costé est serein, de l'autre nous menasse  
d'orage: donc le plus souuent là dessous sont pluies &  
tonnerres, qui ne peuuent estre sans danger aux nau-  
gants. Or auant qu'approcher de ceste ligne, les bons  
pillots & mariniers experts conseillent tousiours leurs  
astrolabes, pour congnoistre la distance & situatiō des  
lieux ou lon est. Et puis qu'il vient à propos de cest in-  
strument tāt necessaire en nauigatiō, j'en parleray le-  
gerement en passant pour l'instructiō de ceux qui veu-  
lent suiure la marine, si grand que l'entendement de  
l'hum-

l'homme ne le peut bonnement comprendre. Et ce que ie dis de l'astrolabe, autant en faut entendre de la boussole, ou esguille de mer, par laquelle on peut aussi conduire droitement le navire. Cest instrument est aussi tant subtil & prime, qu'avec un peu de papier ou parchemin, comme la paume de la main, & avecques certaines lignes marquées, qui signifient les vents, et un peu de fer, duquel se fabrique cest instrument, par sa seule naturelle vertu, qu'une pierre luy donne et influe, par son propre mouvement, & sans que nul la touche, mostre ou est l'Orient, l'Occident, le Septentrion, & le Midy: & pareillement tous les trente deux vents de la navigation, & ne les enseigne pas seulement en un endroit, ains en tous lieux de ce monde: & autres secrets, que ie laisse pour le present. Parquoy appert clairement que l'astrolabe, l'esguille, avec la carte marine sont bien faites, & que leur adresse & perfection est chose admirable, d'autant qu'une chose tant grande, comme est la mer, est portraite en si petite espace, & se conforme, tant qu'on adresse par icelle à naviger le monde. Dont le bon & iuste Astrolabe n'est autre chose, que la Sphere pressée & représentée en un plain, accompli en sa rotondité de trois cents soixante degrez, respondans à la circonference de l'univers divisée en pareil nombre de degrez: lesquels de rechef il faut diviser en nostre instrument par quatre parties egales: c'est à sçavoir en chacune partie nonante, lesquels puis apres faut partir de cinq à cinq. Puis tenant vostre instrument par l'anneau, l'eleuer au Soleil, en sorte que l'on puisse faire entrer les rayons par le pertuis de la lidade, puis regarder à vostre declinaison, en quel an, mois, & iour

Significa  
tion de  
l'Astrala  
be marin



## LES SINGVLARITEZ

Vous estes, quand vous prenez la hauteur, & que le Sloeil soit deuers le Su, qui est du costé de l' Amerique & vous soyez deuers le Nort, il vous faut oster de vostre hauteur autant de degrez que le Soleil à decliné loing de la ligne, de laquelle nous parlons, par deuers le Su. Et si en prenāt la hauteur du Soleil vous estes vers Midy delā l'equinoctial, & le Soleil soit au Septentri on, vous deuez semblablement oster autant de degrez que le Soleil decline de la ligne vers nostre pole. Exemple: Si vous prenez vostre hauteur, le Soleil estant entre l'equinoctial & vous, quād aurez pris ladiēte hauteur, il faut pour sçauoir le lieu ou vous estes, soit en mer ou en terre, adiouster les degrez que le Soleil est decliné loing de la ligne, avecques vostre hauteur, & vous trouuerez ce que demādez: qui s'entend autant du pole Arctique qu' Antarctique. Voila seulemēt Lecteur, vn petit mot en passant de nostre Astrolabe, remettant le surplus de la congnoissance & vsage de cest instrument aux Mathematisciēs, qui en font profession ordinaire. Il me suffit en auoir dit sommairement ce que ie congnois estre necessaire à la nauigation, specialement aux plus rudes qui n'y sont encores exercez.

Departement de nostre equateur,  
ou equinoctial.

CHAP. LXIX.



Je pense qu'il n'y a nul homme d'esprit qui ne sçache que l'equinoctial ne soit vne trasse ou cercle, imaginé par le milieu du monde, de Leuant en Ponent, en egale distance

stance des deux : tellement que de cest equinoctial,  
 iusques à chacun des Poles y a nonnante degrez, com-  
 me nous auons amplement traicté en son lieu. Et de la  
 temperature de l'air, qui est là enuiron, de la mer, &  
 des poissons: reste qu'en retournant en parlions encores  
 vn mot, de ce que nous auons omis à dire. Passans donc  
 enuiron le premier d'Auril, avec vn vent si propice, <sup>Depart</sup>  
 que tenions facilement nostre chemin au droit fil, à voi <sup>de l'Au-</sup>  
 les dépliées, sans en decliner aucunemēt, droit au Nort <sup>teur de</sup>  
 toutefois molestez d'vne autre incommodité, c'est <sup>l'Equino</sup>  
 que iour & nuit ne cessoit de plouuoir: ce que neant-  
 moins nous venoit aucunement à propos pour boire,  
 considéré la necessité que l'espace de deux moys & de-  
 my, auons enduré de boire, n'ayans peu recouurer  
 d'eau douce. Et Dieu sçait si nous ne beumes pas no-  
 stre saoul, & à gorge dépliée, deu les chaleurs excessi-  
 ues qui nous bruloient. Vray est, que l'eau de pluye, en  
 ces endroits est corrompue, pour l'infection de l'air,  
 dont elle vient, & de matiere pareillement corrom-  
 pue en l'air & ailleurs, dōt ceste pluye est engendrée: <sup>Certaine</sup>  
 de maniere que si on en laue les mains, il s'eleuera des <sup>eau de</sup>  
 sus quelques vescies & pustules. A ce propos ie sçay <sup>pluye vi</sup>  
 bien que les Philosophes tiennēt quelque eau de pluye <sup>tieuse.</sup>  
 n'estre saine, & mettent difference entre ces eaux, a-  
 uec les raisons que ie n'allegueray pour le present, eui-  
 tant prolixité. Or quelque vice qu'il y eust, si en fal-  
 loit il boire, fuisse pour mourir. Ceste eau dauantage  
 tombant sur du drap, laisse vne tache, que à grande  
 difficulté lon peut effacer. Ayans doncques inconti-  
 nent passé la ligne, il fut question pour nostre condui-  
 te, commencer à compter noz degrez, depuis là iusques



## LES SINGVLARITEZ

en nostre Europe, autant en faut il faire, quand on va par delà, apres estre paruenü sous ladicte ligne.

Dimensi  
on de l'v  
niuers.

Il est certain, que les Anciens mesuroyent la terre (ce que lon pourroit faire encores aujour d'huÿ) par stades, pas, & pieds, & non point par degrez, comme nous faisons, ainsi qu'affirment Pline, Strabon, & les autres. Mais Ptolemée inuëta depuis les degrez, pour mesurer la terre & l'eau ensemble, qui autrement n'estoyent ensemble mesurables, & est beaucoup plus aysé. Ptolemée donc à compassé l'vniuers par degrez, ou, tant en longueur que largeur, se trouuent trois cens soixante, & en chacun degré septante mille, qui valent dixsept lieuës & demye, comme j'ay peu entëdre de noz Pilotes, fort experts en l'art de nauiguer. Ainsi cest vniuers ayant le ciel & les clemens en sa circonference, contiët ces trois cens soixante degrez, egalez par douze signes, dont vn chacun à trente degrez: car douze fois trente font trois cens soixante iustement. Vn degré contient soixante minutes, vne mi-

Diuision  
du degré

nute soixante tierces, vne tierce soixante quartes, vne quatre soixante quintes, iusques à soixante dixièmes. Car les proportions du ciel se peussent partir en autant de parties, que nous auons icy dit. Donc par les degrez on trouue la longitude, latitude, & distance des lieux.

Côme se  
peut con  
gnoistre  
latitude,  
lōgitude  
& distāce  
des lieux

La latitude depuis la ligne en deça iusques à nostre pole, ou il y a nonāte degrez et autant delà, la longitude prise depuis les Isles Fortunées au Leuāt. Pourquoy ie dis pour cōclusion que le Pilotte qui voudra nauiguer, doit cōsiderer trois choses: la pmiere, en quelle hauteur de degrez il se trouue, et en quelle hauteur est le lieu ou il veut aller. La secōde le lieu ou il se trouue, & le lieu

lieu ou il espere aller, et sçauoir quelle distãce ou elõgne-  
ment il y a d'un costé à l'autre. La troisieme, sçauoir  
quel vent, ou vents le seruiron en sa navigation. Et le  
tout pourra voir & cognoistre par sa carte & instru-  
mens de marine. Poursuuans tousiours nostre route  
six degrez deçà nostre ligne, tenans le cap au Nort  
iusques au quinzieme d'Auril, auquel tẽps congneu-  
mes le Soleil directement estre soubs nostre Zenith, qui  
n'estoit sans endurer excessiue chaleur, comme pouuez  
bien imaginer, si vous considerez la chaleur qui est  
par deçà le Soleil estant en Cancer, bien loing encores  
de nostre Zenith, à nous qui habitons ceste Europe. Or  
auant que passer outre ie parleray de quelques poissons  
volans que i'auois omis, quand i'ay parlé des poissons  
qui se trouuent enuiron ceste ligne.

Il est donc à noter qu'environ ladite ligne dix de-  
grez deçà & delà, il se trouue abondance d'un poisson  
que lon voit voler haut en l'air, estant poursuyui  
d'un autre poisson pour le manger. Et ainsi de la quan-  
tité de celuy que lon voit voler, on peut aisément com-  
prendre la quantité de l'autre viuant de proye. Entre  
lesquels la Dorade (de laquelle auons parlé cy dessus)  
le poursuiuit sur tous autres, pource qu'il a la chair fort  
delicate & friande. Duquel y a deux especes: l'une est  
grande comme un haren de deçà: & c'est celuy qui  
est tant poursuyui des autres. Ce poisson à quatre ailles  
deux grandes faites comme celles d'une Chauuesou-  
ris, deux autres plus petites aupres de la queue. L'autre  
ressemble quasi à une grosse lamproye. Et de telles  
especes ne s'en trouue gueres, sinon quinze degrez de-  
çà et delà la ligne, qui est cause selon mon iugement,

Espece  
de poisson  
volant.



## LES SINGVLARITEZ

Pirauene

Albacore, poisson.

que ceux qui font liures des poissons l'ont omis, avec plusieurs autres. Les Ameriques nomment ce poisson Pirauene. Son vole st presque come celuy d'une perdrix: le petit vole trop mieux & plus haut que le grand. Et quelquefois pour estre poursuyuis et chassés en la mer, volent en telle abondance, principalement de nuit, qu'ils venoyent le plus souvent heurter contre les voiles des nauires, & demouroient là. Vn autre poisson est qu'ils appellent Albacore, beaucoup plus grand que le mar-souin, faisant guerre perpetuelle au poisson volant ainsi que nous auons dit de la dorade: & est fort bon à manger, excellent sur tous les autres poissons de la mer, tant de Ponent que de Leuant. Il est difficile à prendre: et pource lon contrefait vn poisson blanc avecques quelque linge, que lon fait voltiger sur l'eau, comme fait le poisson volant, et par ainsi se laisse prendre communement.

Du Peru, & des principales prouinces contenues en iceluy.

### CHAP. LXX.

Peru, troisieme partie des Indes occidentales.

**P**our suyure nostre chemin avec si bonne fortune de vent, costoyames la terre du Peru, et les isles estans sur ceste coste de mer Occane, appellées isles du Peru, iusques à la hauteur de l'isle Espagnole, de laquelle nous parlerons cy apres en particulier. Ce pais, selon que nous auons diuisé, est l'une des trois parties des Indes Occidentales, ayant de longueur sept cens lieues, prenant du Nort au midy, et cet de largeur, de Leuant en Occidet, commence en terre continente, depuis Themistitan, à passer

passer par le destroit de Dariène entre l'Ocean, & la mer qu'ils appellent Pacifique : & a esté ainsi appelé d'une rivièrè nommée Peru, laquelle a de largeur environ une petite lieue cōme plusieurs autres provinces en Afrique, Asie, & Europe, ont pris leur nō des rivières plus fameuses: ainsi que mesme nous avons dit de Senéqua. Ceste region est dōc enclose de l'Ocean, & de la mer de Su: au reste, garnie de forests espesses, & de mōtagnes, qui rendēt le pais en plusieurs lieux presque inaccessible, tellement qu'il est malaisé d'y pouvoir cōduire chariots ou bestes chargées, ainsi que nous faisons en noz plaines de deçà. En ce pais du Peru, y a plusieurs belles provinces, entre lesquelles, les principales, & plus renommées sont Quito, tirāt au Nort qui a de longueur, prenant de Levant au Ponent, environ soixante lieues, et trēte de largeur. Apres Quito, s'ensuit la province des Canares, ayant au Levāt la rivièrè des Amazones, avec plusieurs mōtagnes, et habitée d'un peuple assez inhumain, pour n'estre encores reduit. Ceste province passée, se trouue celle que les Espagnols ont nommée Saint Iaques du port vieux, commençant à un degré de la ligne equinoctiale. La quatrième, qu'ils appellent en leur langue Taxamilca, se confine à la grād ville de Tongille, laquelle apres l'empoisonnement de leur Roy, nommé Atabalyba, Pizare voyant la fertilité du pais la fist bastir & fortifier quelque ville & chasteau. Il y en a un autre nommée Cuzco, en laquelle ont long temps regné les Inges, ainsi nommez, qui ont esté puissans Seigneurs: et signifie ce mot linges autant comme Roys, Et estoit leur royaume & dition si ample en ce temps là, qu'elle contenoit plus de mille lieues

Peru regiō, d'ou ainsi appellée.

Prouïces renommées du Peru. Quito, region. Prouince des Canares.

S. Iaques du port vieux. Taxamilca.

Cuzco.

Royaume des Inges.



## LÈS SINGVLARITEZ

lieuës d'un bout à autre. Aussi a esté nommé ce païs de la principale Ville, ainsi nommée comme Rhodes, Metellin, Candie, & autres païs prenans le nom des Villes plus renommées, comme nous auons deuant dit. Et diray d'auantage qu'un Espagnol ayant demeuré quelque temps en ce païs, m'a affermé estant quelquefois au cap de Fine terre en Espagne, qu'en ceste cōtrée du Cuzco, se trouue un peuple qui a les oreilles pendantes iusques sur les espaulles, ornées par singularité de grandes pieces de fin or, luisantes & bien polies, riche toutefois sus tous les autres du Peru, aux parolles duquel ie croirois plus tost que non pas à plusieurs Historiographes de ce temps, qui escriuent par ouyr dire, comme de nos gentils obseruateurs, qui nous viennent rapporter les choses, qu'ils ne virent onques. Il me souuiēt à ce propos de ceux qui nous ont voulu persuader, qu'en la haute Afrique auoit un peuple portant oreilles pendantes iusques aux talons: ce qui est manifestement absurde. La cinquième prouince est Canar, ayant du costé Canar, region fort froide. de Ponent la mer du Su, cōtrée merueilleusement froide. de, de maniere que les neiges et glaces y sont toute l'année. Et combien qu'aux autres regiōs du Peru le froid ne soit si violent, & qu'il y vienne abondance de plus beaux fruits, aussi n'y a il telle temperature en esté: car es autres parties en esté l'air est excessiuement chaud, & mal tēperé, qui cause vne corruption, principalement es fruits. Aussi que les bestes veneneuses ne se trouuent es regions froides, comme es chaudes. Parquoy le tout considéré, il est mal aisé de iuger, laquelle de ces cōtrées doit estre preferée à l'autre: mais en cela se faut resoudre que toute commodité est accompagnée

agnée de ses incommoditez. Encores Vne autre nom-  
 mée Colao, en laquelle se fait plus de traffique, qu'en  
 autre contrée du Peru: qui est cause que pareillement  
 est beaucoup plus peuplée. Elle se cõfine du costé de Le-  
 vant aux montagnes des Andes, & du Ponent aux  
 montagnes de Nauades. Le peuple de ceste contrée,  
 nommé en leur langue Xuli, Chilane, Acos, Po-  
 mata, Cepita, & Trianguanacho, combien qu'il  
 soit sauvage & barbare, est toutefois fort docile, à cau-  
 se de la marchandise & traffique qui se mene là, au-  
 trement ne seroit moins rude que les autres de l'A-  
 merique. En ceste contrée y a vn grand lac, nommé en  
 leur langue Titicata, qui est à dire Isle de plumes: Titicata  
 pource qu'en ce lac y a quelques petites isles, esquelles lac.  
 se trouue si grand nōbre d'oiseaux de toutes grandeurs  
 & especes, que c'est chose presque incroyable. Reste à  
 parler de la dernière contrée de ce Peru nommée Car-  
 cas, voisine de Chile, en laquelle est située la belle et ri-  
 ché cité de Plate: le país fort riche pour les belles riuie-  
 res, mines d'or et d'argēt. Dōques ce grand país et roy-  
 aume contient, & s'appelle tout ce qui est compris de-  
 puis la ville de Plate, iusques à Quito, comme desia  
 nous auons dit, & duquel auons declaré les huit prin-  
 cipales contrées & prouinces. Ceste terre continente  
 ainsi ample et spacieuse represente la figure d'un triā-  
 gle equilater, cōbien que plusieurs des modernes l'ap-  
 pellent isle, ne pouuans, ou ne voulans mettre differen-  
 ce entre isle, & ce que nous appellons presque-isle, &  
 continente. Par ainsi ne faut douter que depuis le de-  
 roit de Magellan, cinquante deux degrez de latitu-  
 de, & trente minutes, & trois cens trois degrez de lon-

Prouice  
 de Calao

Carcas,  
 cōtrée du  
 Peru.  
 Plate, ci-  
 té riche  
 & ample

Terre du  
 Peru re-  
 presente  
 la figure  
 d'un tri-  
 angle.



## LES SINGVLARITEZ

longitude delà la ligne iusques à plus de soixante huit degrez deçà, est terre ferme . Vray est que si ce peu de terre entre la nouuelle Espagne & le Peru n'ayant de largeur que dixsept lieues, de la mer Oceane, à celle du Su, estoit coupée d'une mer en l'autre, le Peru se pourroit dire alors isle, mais Darië, detroit de terre ainsi nommé de la riuere de Dariëne, l'empesche. Or est il question de dire encores quelque chose du Peru. Quant à la religiō des Sauvages du país qui ne sont encores reduits à nostre foy, ils tiennēt vne opiniō fort estrange, d'une grande bouteille, qu'ils gardent par singularité disans que la mer a autrefois passé par dedans avec toutes ses eaux & poissons: et que d'un autre large vase estoient saillis le Soleil & la Lune, le premier homme & la premiere femme. Ce que faussement leur ont persuadé leurs mechans prestres, nōmez Bohitis: et l'ont creetu longue espace de temps, iusques à ce que les Espagnols leur ont dissuadé la meilleure part de telles resueries & impostures . Au surplus ce peuple est fort idolatre sur tous autres . L'un adore en son particulier ce qu'il luy plaist: les pescheurs adorent un poisson nommé Liburon: les autres adorent autres bestes et oiseaux. Ceux qui labourent les iardins adorent la terre: mais en general ils tiennent le Soleil un grand Dieu, la Lune pareillement & la terre: estimans que par le Soleil & la Lune toutes choses sont conduites & regies . En iurant ils touchent la terre de la main regardās le Soleil. Ils tiennent d'auantage auoir esté un deluge, comme ceux de l'Amerique, disans qu'il vint un Prophete de la part de Septentrion, qui faisoit merueilles: lequel apres auoir esté mis à mort, auoit encores puissance de viure,

Darien,  
detroit  
de terre.

Supersti-  
tiō grāde  
d'aucuns  
peuples  
Perusiēs.  
Bohitis,  
prestres.

Idolatrie  
de ces  
peuples.

Viure, & de fait auoient vescu. Les Espagnols occupēt  
 tout le païs de terre ferme, depuis la riuere de Mari-  
 gnā iusques à Furne & Dariene, & encores plus a-  
 uant du costé de l'Occident, qui est le lieu plus estroit  
 de toute la terre ferme, par lequel on va aus Moluques.  
 D'auātage ils s'estēdent iusques à la riuere de palme:  
 ou il sont si bien basti et peuplé tout le païs, que c'est cho-  
 se merueilleuse de la richesse qu'auourd'hui leur rap-  
 porte tout ce païs, comme vn grand royaume. Premie-  
 remēt presque en toutes les isles du Peru y a mines d'or  
 ou d'argent, quelques emeraudes et turquoises, n'ayās  
 toutefois si vne couleur que celles qui viennent de Ma-  
 lacca ou Calicut. Le peuple le plus riche de tout le Peru  
 est celuy qu'ils nōment Ingas, belliqueux, aussi sur tou-  
 tes autres nations. Ils nourrisent bœufs, vaches, et tout  
 autre bestial domestique, en plus grand nōbre que ne  
 faisons par deçà: car le païs est fort propre, de maniere  
 qu'ils font grand traffique de cuir de toutes sortes: &  
 tuent les bestes seulement pour en auoir le cuir. La plus  
 grād part de ces bestes prinées et domestiques sont de-  
 uenues sauvages, pour la multitude qu'il y en a, telle-  
 ment q'lon est cōtraint les laisser aller par les bois iour  
 & nuit, sans les pouuoir tirer ne heberger aux mai-  
 sons. Et pour les prendre sont contrains de les courir, et  
 vser de quelques ruses, comme à prēdre les cerfs et au-  
 tres bestes sauvages par deçà. Le blé, cōme i'ay entēdu,  
 ne peut proffiter tant es isles que terre ferme du Peru,  
 non plus qu'en l'Amérique. Parquoy tant gentilshom-  
 mes qu'autres vivent d'vne maniere d'alimēt, qu'ils ap-  
 pellent Cassade, qui est vne sorte de torteaux, faits de  
 vne racine, nōmée Manihot. Au reste ils ont abōdan-  
 ce de

Les espa-  
 guols sei-  
 gneurs de  
 toute le  
 Peru.

Riches-  
 ses des i-  
 sles de Pe-  
 ru.

Ingas  
 peuple  
 fort ri-  
 che &  
 belli-  
 queux.

Blé & vin  
 en nul v-  
 sage aux  
 païs Occi-  
 dentaux.

Cassade  
 sorte d'a-  
 limēt.



## LES SINGVLARITEZ

Le Peru  
estimé à  
present  
quasi vne  
autre Eu  
rope.

ce de mil & de poisson. Quant au vin il n'y en croist  
aucunement, au lieu duquel ils font certains bruuages.  
Voila quant à la continente du Peru, lequel avec ses i-  
sles, dont nous parlerons cy apres, est remis en telle for-  
me, qu'à present y trouuerez villes, chasteaux, citez,  
bourgades, maisons, villes episcopales, republiques, &  
toute autre maniere de viure, que vous iugeriez estre  
vne autre Europe. Nous congnoissons par cela combien  
est grande la puissance & bonté de nostre Dieu, et sa  
providence enuers le genre humain: car autant que les  
Turcs, Mores, & Barbares, ennemis de verité, s'effor-  
cent d'aneantir & destruire nostre religion, de tant  
plus elle se renforce, augmente, & multiplie d'autre  
costé. Voila du Peru, lequel à nostre retour auons co-  
stoyé à senestre, tout ainsi qu'en allant auons costoyé  
l'Afrique.

Des isles du Peru, & principalement de l'E-  
spagnole. C H A P. LXXI



Isle Espa  
gnole,  
nommée  
au para-  
uant Haï  
ti & Quif  
queia.

Pres auoir escrit de la continēte du Peru,  
pourtant que d'une mesme route auons co-  
stoyé à nostre retour quelques isles sus l'Oc-  
cēā appelées isles du Peru, pour en être fort  
prochaines, j'en ay pareillement biē voulu escrire quel-  
que chose. Or pource qu'estans paruenus à la hauteur  
de l'une de ces isles, nommée Espagnole, par ceux qui  
depuis certain temps l'ont decouuerte, appelée para-  
uant Haïti, qui vaut autant à dire comme terre aspre,  
& Quisqueia, grande. Aussi veritablement est elle  
de telle beauté et grandeur, que de Leuant au Ponent,  
elle

elle a cinquante lieues de long, & de large du Nort au midy environ quarante, & plus de quatre cens de de circuit. Au reste est à dixhuit degrez de la ligne, ayant au Levant l'isle dite de Saint Iean, & plusieurs petites islettes, fort redoutées & dangereuses aux nauigans: & au Ponent l'isle de Cuba & l'amaïque: du costé du Nort les isles des Canibales, & vers le Midy, le cap de Vele, situé en terre ferme. Ceste isle ressemble aucunement à celle de Sicile, que premierement lon appelloit Trinacria, pour auoir trois promontoires, fort eminens: tout ainsi celle dont nous parlons, en a trois fort auancez dans la mer: desquels le premier s'appelle Tiburon, le deuxième Higüey, le troisième Lobos, qui est du costé de l'isle, qu'ils ont nommée Beata, quasi toute pleine de bois de gaiac. En ceste Espagnole se trouuent de tresbeaux fleuves, entre lesquels le plus celebre, nommé Orane, passe alentour de la principale ville de ladite isle, nommée par les Espagnols Saint Dominique. Les autres sont Nequée, Hatibonice, & Haqua, merueilleusement riches de bon poisson, & delicat à manger: & ce pour la temperature de l'air, & bonté de la terre, & de l'eau. Les fleuves se rendent à la mer presque tous du costé du Levant: lesquels estans assemblez font vne riuere fort large, navigable de nauires entre deux terres. Auant que ceste isle fust decouverte des Chrestiens, elle estoit habitée des Sauvages, qui idolatroient ordinairement le diable, lequel se monstrait à eux en diuerses formes: aussi faisoient plusieurs & diuerses idoles, selon les visions & illusions nocturnes qu'ils en auoyent: comme ils font encores à present en plusieurs isles & terre ferme de ce païs. Les autres a-

Trois  
promon-  
toires de  
l'isle E-  
spagnole  
Tiburou  
Higüey.  
Lobos.  
Orane,  
fleuve.  
S. Domī  
gue ville  
principa-  
le de l'isle  
Espagno-  
le.  
Fleuves  
les plus  
renom-  
mez de  
l'isle Espa-  
nole.  
Religiō  
ancienne  
des habi-  
tans de  
l'isle Espa-  
gnole.



## LES SINGULARITEZ

adoroyent plusieurs dieux, mesmement vn par dessus les autres, lequel ils estimoient comme vn modérateur de toutes choses: & le representoyent par vne idole de bois, eleuée contre quelque arbre, garnie de fucilles et plumages: ensemble ils adoroient le Soleil & autres creatures celestes. Ce q̄ ne font les habitās d'aujourd'huy, pour auoir esté reduits au Christianisme & à toute ciuilité. Je sçay bien qu'il s'en est trouué aucuns le temps passé, et encores maintenant, qui en tiennent peu de conte.

C. Caligula Em.  
Rom.

Nous lisons de Caius Caligula Empereur de Rome, quelque mespris qu'il fist de la diuinité, si a il horriblement tremblé quand il s'est apparu aucun signe de l'ire de Dieu. Mais auāt que ceste isle de laquelle nous parlōs ait esté reduite à l'obeissance des Espagnols (ainsi que quelques vns qui estoient à la cōqueste m'ont recité) les Barbares ont fait mourir plus de dix ou douze mil le Chrestiens, iusques apres auoir fortifié en plusieurs lieux, ils en ont fait mourir grand nombre, les autres menez esclaués de toutes parts. Et de ceste façon ont procedé en l'isle de Cuba, de Saint Ieā, Iamaïque, Sainte Croix, celles des Canibales, et plusieurs autres isles, & pais de terre ferme: car au commencement les Espagnols & Portugais, pour plus aisément les dominer, s'accommodoient fort à leur maniere de viure, & les allechans par presens & par douces parolles, s'entretenoyent tousiours en leur amitié: tant que par succession de temps se voyans les plus forts, commencerent à se reuolter, prenans les vns esclaués, les ont contrains à labourer la terre: autrement iamais ne fussent venuz à fin de leur entreprise. Les Roys plus puissans de ce pais sont

sont en Casco & Apina, isles riches & fameuses, tant pour l'or et l'argēt qui s'y trouue, que pour la fertilité de la terre. Les Sauvages ne portent qu'or sur eux, comme larges boucles de deux ou trois liures, pendues aux oreilles, tellement que pour si grande pensanteur ils pendent les oreilles demy pié de long : qui a donné argument aux Espagnols de les appeller Grands oreilles. Ceste isle est merueilleusement riche en mines d'or, comme plusieurs autres de ce païs l'à, car il s'en trouue peu, qui n'aye mines d'or ou d'argent. Au reste elle est riche & peuplée de bestes à cornes, comme bœufs, vaches, moutons, cheures, & nombre infini de pourceaux, aussi de beaux chevaux : desquelles bestes la meilleure part pour la multitude est deuenüe sauvage, comme nous auons dit de la terre ferme. Quant au blé & vin, ils n'en ont aucunement, s'il n'est porté d'ailleurs : parquoy en lieu de pain ils mangent force Cassade, fait de farine de certaines racines : et au lieu de vin bruages bons & doux, faits aussi de certains fruits, comme le citre de Normandie. Ils ont infinité de bons poissons, dont les vns sont fort estranges : entre lesquels s'en trouue vn nommé Manati, lequel se prend dans les riuieres, & aussi dans la mer, non toutefois qu'il aye tant esté veu en la mer qu'àux riuieres. Ce poisson est fait à la semblace d'une peau de bouc, ou de cheure pleine d'huile ou de vin, ayant deux pieds aux deux costez des espaulles, avec lesquels il nage : & depuis le nobril iusques au bout de la queue, va tousiours en diminuant de grosseur : sa teste est cōme celle d'un bœuf, vray est qu'il a le visage plus maigre, le menton plus charnu & plus gros, ses ieux sont fort petis selon sa cor-

Casco et  
Apina is-  
les riches  
& fertiles

Fertilité  
& riches-  
ses de l'is-  
le Espa-  
gnole.

Descri-  
ption du  
manati,  
poisson  
estrange.



## LES SINGULARITEZ

pulente, qui est de dix pieds de grosseur, & vingt de longueur, sa peau grisatre, brochée de petit poil, autant epesse comme celle d'un bœuf, tellement que les gens du païs en font souliers à leur mode. Au reste ses pieds sont tous ronds, garnis chascun de quatre ongles assez longuets, ressemblans ceux d'un elephant. C'est le poisson le plus difforme, que lon ait gueres peu voir en ces païs là: neantmoins la chair est merueilleusement bonne à manger, ayant plus le goust de chair de veau, que de poisson. Les babitans de l'isle font grand amas de la gresse dudit poisson, à cause qu'elle est propre à leurs cuirs de cheures, de quoy ils font grand nombre de bons marroquins. Les esclaves noirs en frottent communement leurs corps, pour le rendre plus dispos & maniable, comme ceux d'Afrique font d'huile d'olive. On trouue certaines pierres dans la teste de ce poisson, desqueles ils font grande estime, pource qu'ils les ont esprouuées estre bones cōtre le calcule, soit es reins ou a la vessie: car de certaine propriété, occulte ceste pierre le comminüe & met en poudre. Les femelles de ce poisson rendent leurs petis tous vifs, sans œuf, comme fait la balene, & le loup marin: aussi elles ont deux tetins cōme les bestes terrestres, avec lesquels sont alaités leurs petis.

Pierres  
qui rom-  
pent le  
Calcule.

Vn Espagnol qui a demeuré long temps en ceste isle m'a affermé qu'un Seigneur en auoit nourri un l'espace de trente ans en un estang, lequel par succession de tēps deuint si familier et priuē, qu'il se laissoit presque mettre la main sus luy. Les Sauvages prennēt ce poisson communément assez pres de terre, ainsi qu'il plaist de l'herbe. Je laisse a parler du nombre des beaux oyseaux vestuz de diuers & riches pennages, dont ils font ta-

pisse-

pifferies figurées d'hommes, de femmes, bestes, oyseaux, arbres, fruits, sans y appliquer autre chose que ces plumes naturellement embellies & diuersifiées de couleurs : bien est vray qu'ils les appliquent sus quelque linceul. Les autres en garnissent chapeaux, bonnets et robes, choses fort plaisantes à la veüe. Des bestes estranges à quatre pieds ne s'en trouue point, sinon celles que nous auôs dit : bien se trouuent deux autres especes d'animaux, petis cōme connins, qu'ils appellent Hulias, et autres Caris, bons à māger. Ce que i'ay dit de ceste isle, autant puis ie dire de l'isle Saint Iaques, parauant nommée Iamaïca : elle tient à la part de Leuāt l'isle de S. Dominique. Il y a vne autre belle isle, nommée Bouriquan en langue du païs, appelée es cartes marines, isle de Saint Iean : laquelle tient du costé du Leuāt l'isle Sainte Croix, et autres petites isles, dōt les vnes sont habitées, les autres desertes. Ceste isle de Leuāt, en Ponēt tient enuiron cinquante deux lieues, de lōgitude trois cēs degres, minutes nulles & de latitude dix huit degres, minutes nules. Bref, il y a plusieurs autres isles en ces parties là, desquelles, pour la multitude ie laisse à parler, n'ayāt aussy peu en auoir particuliere congnoissance. Je ne veux oublier qu'en toutes ces isles ne se trouuent bestes rauissantes, non plus qu'en Angleterre, & en l'isle de Crete.

## Des isles de Cuba &amp; Lucaïa CAP LXXII.

**R**este pour le sommaire des isles du Peru, reciter quelques singularitez de l'isle de Cuba, & de quelques autres prochaines, combien qu'à la verité, lon n'en peut quasi dire gueres autre chose, qui desia n'ait esté attribué à l'E

Diuers  
 ourages  
 faits de  
 plumes  
 d'oiseaux  
 par les  
 Sauvages.

Hulias  
 & Caris  
 especes  
 de bestes  
 estranges.  
 Isle de S.  
 Iaques.  
 Isle de S.  
 Iean.



## LES SINGVLARITEZ.

Descri-  
ption de  
l'isle de  
Cuba.

Monta-  
gne de  
sel.

Sel ter-  
restre.

Espec-  
de per-  
dris.

*Espagnole. Ceste isle est plus grande que les autres, & quant & quant plus large: car lon cote du promontoire qui est du costé de Leuant, à vn autre qui est du costé de Ponent, trois cens lieues, et du Nort à Midy, septante lieues. Quant à la disposition de l'air, il y a vne fort grãde temperature, tellement qu'il n'y a grand excès de chaud, ne de froid. Il s'y trouue de riches mines, tant d'or que d'argent, semblablement d'autres metaux. Du costé de la marine se voyent hautes montagnes, desquelles procedent fort belles riuieres, dont les eaux sont excellentes, avec grande quantité de poisson. Au reste parauant qu'elle fust decouuerte, elle estoit beaucoup plus peuplée des Sauvages, q̃ nulle de toutes les autres: mais aiourd'huy les Espagnols en sont Seigneurs et maistres. Le milieu de ceste isle tient deux cens nonãte degrez de longitude, minutes nulles, & latitude vingt degrez minutes nulles. Il s'y trouue vne montagne pres de la mer, qui est toute de sel, plus haute que celle de Cypre, grãd nombre d'arbres de cotto, bresil, et ebene. Que diray ie du sel terrestre, qui se prend en vne autre montagne fort haute et maritime? Et de ceste espeece s'en trouue pareillement en l'isle de Cypre, nommé des Grecs ὄρυκτος, lequel se prend aussi en vne montagne prochaine de la mer. D'auantage se trouue en ceste isle abondãce d'azur, vermillon, alun, nitre, sel de nitre, galene, et autres tels, qui se prennẽt es entrailles de la terre, Et quãt aux oyseaux, vous y trouuerẽs vne espeece de perdus assez petite, de couleur rougeatre par dehors, au reste diuersifiẽes de variables couleurs, la chair fort delicate. Les rustiques des montagnes en nourissent vn nombre dãs leurs maisons, cõme on fait les poulles par deçà.*

Et plusieurs autres choses dignes d'estre escrites et notées. En premier lieu y a vne Vallée, laquelle dure environ trois lieues, entre deux montagnes ou se trouve un nombre infini de boules de pierre, grosses moyennes, et petites rondes comme esteuves, engendrées naturellement en ce lieu, combien qu'on les iugeroit estre faites artificiellement. Vous y en verrez quelque fois de si grosses, qu' quatre hommes seroyent bien empeschez à en porter une: les autres sont moindres, les autres si petites, quelles n'excedent la quantité d'un petit esteuve. La seconde chose d'admiration est, qu'en la mesme isle se trouve une montagne prochaine du riuage de la mer, de laquelle sort une liqueur semblable à celle qu'on fait aux isles Fortunées, appelée Bré, comme nous auons dit: laquelle matiere vient à degoutter et redre dans la mer. Quinte Curse en ses liures qu'il a faits des gestes d'Alexandre le Grand recite qu'iceluy estant arriué à une cité nommée Memi, voulut voir par curiosité une grande fosse ou caverne en laquelle auoit une fontaine rendant grande quantité de gomme merueilleusement forte, quand elle estoit appliquée avec autre matiere pour bastir: tellement que l'Auteur estime pour ceste seule raison, les murailles de Babylone auoir esté si fortes, pour estre composées de telle matiere. Et non seulement s'en trouve en l'isle de Cuba, mais aussi au pays de Themistitan, et du costé de la Floride. Quant aux isles de Lucaïa (ainsi nommées pour estre plusieurs en nombre) elles sont situées au Nord de l'isle de Cuba & de Saint Dominique. Elles sont plus de quatre cens en nombre, toutes petites, & non habitées, sinon une grande, qui porte le nom pour toutes les autres, nommée Lucaïa. Les habitans de ceste isle vont communément

Liqueur  
admira-  
ble for-  
tant d'une  
montagne  
Bré, sorte  
de li-  
queur.

Pour-  
quoy ia-  
dis les  
murailles  
de Baby-  
lone ont  
esté esti-  
mées si  
fortes.  
Isles de  
Lucaïa.



## LES SINGULARITEZ.

Monta-  
gne de  
Potosi  
fort ri-  
che en  
mines.

nément traffiquer en terre ferme, & aux autres isles. Ceux qui font residence, tât hommes que femmes, sont plus blancs, & plus beaux qu'en aucune des autres. Puis qu'il vient à propos de ces isles, & de leurs richesses, ie ne veux oublier à dire quelque chose des richesses de Potosi: lequel prend son nom d'une haute montagne, qui a de hauteur une grand lieue, & une demie de circuit, eleuée en haut en façon de pyramide. Ceste montagne est merueilleusement riche à cause des mines d'argent, de cuiure, et estain, qu'on a trouuée quasi auprès du coupeau de la montagne, et s'est trouuée là mine d'argent si tresbonne, qu'à un quintal de mine, se peut trouuer un demy quintal de pur argent. Les esclaves ne font autre chose qu'à aller querir ceste mine, & la portent à la ville principale du païs, qui est au bas de la montagne, laquelle depuis la decouuerture a esté là bastie par les Espagnols. Tout le païs, isles, & terre ferme est habitée de quelques Sauvages tous nuds ainsi qu'aux autres lieux de l'Amerique. Voila du Perou, & de ses isles.

Description de la nouuelle Espagne & de la grande cite de Themistitan, située aux Indes Occidentales.

### CHAP. LXXII.

**P**OURCE qu'il n'est possible à tout homme de veoir sensiblement toutes choses, durant son age, soit ou pour la continuelle mutation de tout ce qui est en ce monde inferieur, ou pour la longue distance des lieux & païs: Dieu a donné moyen de les pouuoir représenter, nō seu-  
le-

lemēt par escript, mais aussi par vray portrait, par l'industrie & labeur de ceux qui les ont veuës. Je regarde que lon reduit bien par figures plusieurs fables anciennes, pour donner plaisir seulement: comme sont celles de Iason, d'Adonis, d'Acteon, d'Aeneas, d'Hercules: & pareillement d'autres choses que nous pouuons tous les iours voir, en leur propre essence, sans figure, comme sont plusieurs especes d'animaux. A ceste cause ie me suis auisé vous descrire simplement & au plus pres qu'il m'a este possible la grande & ample cité de Themistitan, estant suffisamment informé que bien peu d'entre vous l'ayez veüe, & encores moins la pouuez aller voir, pour la longue, merueilleuse, & difficile navigation, qu'il vous conuiendrait faire. Themistitan est vne Cité située en la nouvelle Espagne, laquelle prend son commencement au destroit d'Ariane, limitrophe du Peru, & finist du costé du Nort, à la riuiera du Panuque: or fut elle iadis nommée Anauach, depuis pour auoir esté decouuerte, & habitée des Espagnols, a receu le nom de nouvelle Espagne. Entre lesquelles terres & provinces la premiere habitée, fut celle d'Yucathā, laquelle à vne ponite de terre, abouissāt à la mer, semblable à celle de la Floride: laçoit q̄ noz faiseurs de cartes ayēt oublié de marqr le meilleur, qui embellist leur descriptiō. Or ceste nouvelle Espagne de la part de Leuāt, Ponēt & Midy, est entourée du grād Oceā: et du costé de Nort a le nouveau Monde de lequel estat habité, voit encor par delà en ce mesme Nort, vne autre terre nō cogneüe des Modernes, qui est la cause que ie surscoy d'en tenir plus long propos. Or Themistitan, laquelle est Cité forte, grāde et tresriche

Themistitan.

Nouvelle  
le Espa-  
gne, iadis  
AnauachSituatiō  
de la nou-  
uelle Es-  
pagne.



## LES SINGULARITEZ

L'opiniõ  
de deux  
lacz.

Compa-  
raison de  
The mi-  
stitan.

au pais sus nommè, est située au milieu d'un grand lac le chemin par ou lon y va, n'est point plus large, que porte la longueur de deux lances. Laquelle fut ainsi appellée du nom de celui qui y mit les premiers fondemets, surnommé Tenuith, fils puisné du roy Izacmircoat. Ceste cité a seulement deux portes, l'une pour y entrer, & l'autre pour en sortir: & non loing de la cité, se trouve un pont de bois, large de dix pieds, fait pour l'accroissement & décroissement de l'eau: car ce lac croist & décroist à la semblance de la mer. Et pour la deffence de la cité y en a encores plusieurs autres, pour estre comme Venise edifiée en la mer. Ce Pais est tout environné de fort hautes montagnes: & le plain pais a de circuit environ cent cinquante lieues, auquel se trouvent deux lacs, qui occupent une grande partie de la campagne, par ce qu'iceux lacs ont de circuit cinquante lieues, dont l'un est d'eau douce, auquel naissent force petits poissons & delicats, & l'autre d'eau salée laquelle outre son amertume est venimeuse, et pour ce ne peut nourrir aucun poisson, qui est contre l'opinion de ceux qui pensent que ce ne soit qu'un mesme lac. La plaine est separée desdits lacs par aucunes montagnes, & à leur extremité, sont conioincts d'une estroicte terre, par ou les homes se font conduire avec barques, iusques dedans la cité, laquelle est située dās le lac salé: & de là iusques à terre ferme, du costé de la chaussee, sont quatre lieues: & ne la scaurois mieux comparer en grandeur qu'à Venise. Pour entrer en ladicte cité y a quatre chemins, faits de pierres artificiellement ou il y a des conduicts de la grandeur de deux pas, & de la hauteur d'un homme: dont par l'un desdits est

can-

conduite leau douce en la cité, qui est de la hauteur de cinq pieds : & coule l'eau usques au milieu de la ville, de laquelle ils boient, et en usent en toutes leurs neceßitez. Ils tiennent l'autre canal vuide pour celle raison, que quand ils veulent nettoier celui dans lequel ils conduisent l'eau douce, ils menent toutes les immodices de la cité, avec l'autre en terre. Et pource que les canaulx passent par les ponts, & par les lieux ou l'eau salée entre & sort, ils conduisent ladicte eau par canaulx doux, de la hauteur d'un pas. En ce lac qui environne la ville, les Espagnols ont fait plusieurs petites maisons, & lieux de plaisance, les vnes sur petites rochotes, & les autres sur pilotis de bois. Quant au reste Themistitan est situé à vingt degrez de l'elevation sus la ligne equinoctiale, & à deux cens septante deux degrez de longitude. Elle fut prise de force par Fernand de Cortes, Capitaine pour l'Empereur en ces païs l'an de grace mil cinq cens vingt & un, contenant lors septante mille maisons, tant grandes que petites. Le palais du Roy, qui se nommoit Mutueezuma, avec ceux des Seigneurs de la cité, estoient fort beaux, grand, & spacieux. Les Indiens qui alors se tenoient en ladicte cité avoient costume de tenir de cinq iours en cinq iours le marché en places à ce dediées. Leur traffique estoit de plumes d'oiseaux, desquelles ils faisoient variété de belles choses : comme robes façonnées à leur mode, tapisseries, & autres choses. Et à ce estoient occupez principalement les vieux, quand ils vouloient aller adorer leur grande idole, qui estoit erigée au milieu de la ville en mode de theatre, lesquels quand ils avoient pris aucun de leurs ennemis en guerre, ils le sacrifioient à leur

Fernand  
Cortes.

Mutuee-  
zuma.

La ma-  
nicre de  
leur traf-  
fique.




## LES SINGULARITEZ

leurs idoles, puis le mangeoient, tenans cela pour maniere de religion. Leur traffique d'auantage estoit de peaux de bestes, desquelles ils faisoient robes, chausses, et vne maniere de coqluches pour se garder tant du froid, que des petites mouches fort piquantes. Les habitans du iourd'huy iadis cruels & inhumains, par succession de temps ont changé si bien de meurs & de condition, qu'au lieu d'estre barbares & cruels, sont à present humains & gracieux, en sorte qu'ils ont laissé toutes anciennes incivilitez, inhumanitez, & mauuaises costumes: comme de s'entretuer l'un l'autre, manger chairs humaines, auoir compaignie à la premiere femme qu'ils trouuoient, sans auoir aucun egard au sang & parentage, & autres semblables vices & imperfections. Leurs maisons sont magnifiquement basties: entre les autres y a vn fort beau palais, ou les armes de la ville sont gardées: les rues & places de ceste ville sont si droites que d'vne porte lon peut voir en l'autre, sans aucun empeschement. Bref ceste cité à present fortifiée & environnée de rempars & fortes murailles à la façon de celles de par deçà, & est vne des grandes, belles, & riches, qui soient en toutes les provinces des Indes Occidentales, comprenant depuis le destroit de Magellan, qui est delà la ligne cinquantedeux degrez, iusques à la derniere terre de l'Abraador, laquelle tient cinquante & vn degrez de latitude de deçà la ligne du coste du Nort.

De

## De la Floride Peninsule.

## CHAP. LXXIIII.


*Vis qu'en escriuant ce discours auons fait quelque mention de ceste terre appellée Floride, encores qu'à nostre retour n'en soyons si pres approchez, consideré que nostre chemin ne s'addonnoit à d'escendre totalement si bas, toutefois que nous y tirames pour prendre le vent d'Est: il semble n'estre impertinent d'en reciter quelque chose, ensemble de la terre de Canada qui luy est voisine, tirant au Septentrion, estans quelques montagnes seulement entredeux. Poursuuans donc nostre chemin de la hauteur de la neuue Espagne, à dextre pour atteindre nostre Europe, non si tost, ne si droitement que nous le desirions, trouuames la mer assez favorable. Mais, cōme de cas fortuit, ie m'auisay de mettre la teste hors pour la contempler, ie la uei, tant qu'il se fut possible etendre ma veuë, toute couuerte d'herbes & fleurs par certains endroits, les herbes presque semblables à noz geneures: qui me donna incontinent à penser que nous fussons pres de terre, consideré aussi qu'en autre endroit de la mer ie n'en auois autāt veu, toutefois ie me cōgnuz incontinent frustré de mon opinion, entendant qu'elles procedoient de la mer: & ainsi la vimes nous semée de ces herbes bien l'espace de quinze à vingt iournées. La mer en cest endroit ne porte gueres de poisson, car ces lieux semblent plus estre quelques marescages qu'autrement. Incontinent apres nous apparut autre signe & presage, d'une estoille à*

*Mer ma-  
rescageu  
se.  
Estoile à  
queuë.  
que-*



## LES SINGVLARITEZ

Situatiō  
de la Flo  
ride.

queuē, de Leuant en Septentrion: lesquels presages ie remets aux Astrologues, & à l'experience que chacun en peut auoir congnue. Apres ( ce qui est encores pis ) fumes agitez l'espace de neuf iours d'un vent fort contraire, iusques à la hauteur de nostre Floride. Ce lieu est vne pointe de terre entrant en pleine mer bien cent lieues, vingt cinq lieues en quarré, vingt cinq degrez & demy de ça la ligne, & cent lieues du cap de Baxa, qui est pres de là. Donc ceste grande terre de la Floride est fort dangereuse à ceux qui navigent du costé de Catay, Canibalu, Panuco, & Themistitan: car a la voir de loing on estimeroit que ce fust vne isle située en pleine mer. D'auantage est ce lieu dangereux à cause des eues courantes, grandes & impetueuses, vents & tempestes, qui la sont ordinaires. Quant à la terre ferme de la Floride, elle tient de la part de Leuāt la prouince de Chicoma, & les isles nommées Bahana & Lucaia. Du costé de Ponent elle tient la neuue Espagne, laquelle se diuise en la terre que lon nomme Anauac, de laquelle par cy deuant auons traité. Les prouinces meilleures et plus fertiles de la Floride, c'est Panuac, laquelle se confine à la neuue Espagne. Les gēs naturels de ce païs puissans & fort cruels, tous idolatres, lesquels quand ils ont neccesité d'eau ou du Soleil pour leurs iardins & racines, dont ils viuent tous les iours, se vont prosterner deuant leurs idoles, formées en figure d'hommes ou de bestes. Au reste ce peuple est plus cauteleux & rusé au fait de guerre que ceux du Peru. Quand ils vont en guerre, ils portent leur Roy dans vne grand peau de beste, & ceux qui le portent, estans quatre en nombre, sont tous vestus & garniz de

de riches plumages. Et s'il est question de cōbatre contre leurs ennemis, ils mettrōt leur Roy au milieu d'eux tout vestu de fines peaux, & iamaïs ne partira de là, que toute la bataille ne soit finie. S'ils se sentent les plus foibles, & que le Roy face semblant de s'en fuir, ils ne fandrōnt de le tuer: ce qu'observent encores aujourdhuy les Perses & autres nations barbares du Levant. Les armes de ce peuple sont arcs, garnis de flesches faites de bois qui porte venin, piques, lesquelles en lieu de fer sont garnies par le bout d'os de bestes sauvages, ou poissons, toūtefois bien aguz. Les vns mēgent leurs ennemis, quand ils les ont pris, comme ceux de l'Amerique, desquels auons parlē. Et combiē que ce peuple soit idolatre, comme desja nous auons dit, ils croient toute-fois l'ame estre immortelle: aussi qu'il y a vn lieu deputē pour les meschans, qui est vne terre fort froide: et que les dieux permettent les pechez des mauvais estre punis. Ils croient aussi qu'il y a vn nōbre infini d'hommes au ciel, & autant sous la terre, & mille autres folies, qui se pourroient mieux comparer aux transformations d'Ouide, qu'à quelque chose d'ou lon puisse tirer rien mieux, que moyen de rire. D'auantage se persuadēt ces choses estre veritables comme font les Turcs & Arabes, ce qui est escrit ex leur Alcoran. Ce païs est peu fertile la part qui approche à la mer: le peuple y est fort agreste, plus que celui du Peru, ne de l'Amerique, pour auoir peu esté frequētē d'autre peuple plus civil. Ceste terre ainsi en pointe fut nommée Floride l'an mil cinq cens douze, par ceux qui la decouurirēt premierement, pource qu'elle estoit toute verdoyante, & garnie de fleurs d'infinites especes & couleurs. En-

Floride  
pour-  
quoy ain-  
si nommée

tre



## LES SINGVLARITEZ

Toreau  
sauuage.

tre ceste Floride & la riuere de Palme se trouuent  
diuerses especes de bestes monstrueuses: entre lesquel-  
les lon peut voir vne espece de grands taureaux, por-



Cap de  
Baxe.

Huitres  
portans  
perles.

tans cornes longues seulement d'un pié, & sur le dos  
vne tumueur ou eminence, cōme vn chameau: le poil  
long par tout le corps, duquel la couleur s'approche fort  
de celle d'une mule fauve, & encōres l'est plus celuy  
qui est deffous le mentō. Lon en amena vne fois deux  
tous vifs en Espagne, de l'un desquels j'ay veu la peau  
& non autre chose, & n'y peurent viure long temps.  
Cest animal ainsi que lon dit, est perpetuel ennemy du  
cheual, & ne le peut endurer pres de luy. De la Flori-  
de tirant au promontoire de Baxe, se trouue quelque  
petite riuere, ou les esclaves vont pescher huitres, qui  
portent perles. Or depuis que sommes venus iusque là,  
que de toucher la collection des huitres, ne veux ou-  
blier par quel moyen les perles en sont tirées, tant aux  
Indes

Indes Orientales que Occidentales, il faut noter que chacun chef de famille ayant grand troupe d'esclaves, ne sçachant en quoy mieux les employer, les enuoyent à la marine, pour pescher (comme dit est) huitres, desquelles en portans pleines hottées, ches leurs maistres, les posent dans certains grands vaisseaux, lesquels estās à demy pleins d'eau, sont cause que les huitres, conservées là quelques iours, s'ouvrent: & l'eau les nettoyant laissent ces pierres ou perles dans leurs vaisseaux. La forme de les en tirer est telle, ils ostent premierement les huitres du vaisseau, puis font couler l'eau par un trou, sous lequel est mis un drap, ou linge, à fin qu'avec l'eau les perles qui pourroient y estre ne s'escoulent. Quant à la figure de ces huitres, elle est moult différente des nostres, tant en couleur, que escaille, ayans chascune d'elles, certains petis trous que lon pourroit iuger avoir esté faits artificiellement, là ou sont comme liées ces petites perles par le dedans. Voila ce que j'ay bien voulu vous declarer en passant. D'icelles aussi s'en trouve au Peru, & quelques autres pierres en bon nombre: mais les plus fines se trouvent à la riviere de Palme, & à celle de Panuco, qui sont distantes l'une de l'autre trentedeux lieues: mais ils n'ont liberté d'en pescher, à cause des Sauvages qui ne sont encores tous reduits, adorans les creatures celestes, & attribuant la divinité à la respiration, comme faisoient ceux qui passerent ensemble plusieurs peuples des Scithes & Medes. Costoyans donc à senestre la Floride, pour le vent qui nous fut contraire, approchames fort pres de Canada, & d'une autre contrée, que lon appelle Bac-  
Païs de  
Baccalos  
pour



## LES SINGULARITEZ

pour l'excessive froidure, qui nous molesta l'espace de dixhuit iours: combien que ceste terre de Bacalos entre fort avant en pleine mer du costé de Septentrion, en forme de pointe, bien deux cens lieues, en distance à la ligne de quarantehuit degrez seulement. Ceste pointe a esté appellée des Baccales, pour vne espece de poisson, qui se trouue en la mer d'alentour, lequel ils nomment Baccales, entre laquelle, & le cap del Gado y a diuerses isles peuplées, difficiles toutefois à aborder, à cause de plusieurs rochers dont elles sont environnées: & sont nommées isles de Cortes. Les autres ne les estiment isles, mais terre ferme, dependante de ceste pointe de Bacalos. Elle fut decouverte premierement par Sebastian Babate Anglois, lequel persuada au Roy d'Angleterre Henry septième, qu'il iroit aisément par là au païs de Catay, vers le Nort, & que par ce moyen trouueroit espiceries & autres choses, aussi bien que le Roy de Portugal aux Indes: ioint qu'il se proposoit aller au Peru & Amerique, pour peupler le païs de nouveau habitants, & dresser là vne nouvelle Angleterre. Ce qu'il n'executa: Vray est qu'il mist bien trois cens hommes en terre du costé d'Irlande au Nort, ou le froid fist mourir presque toute sa compagnie, encores que ce fust au mois de Iuillet. Depuis laques Quartier (ainsi que luy mesme m'a recité) fist deux fois le voyage en ce païs là, c'est à sçauoir l'an mil cinq cens trentequatre, & mil cinq cens trente cinq.

De

De la terre de Canada, dictée par cy deuant  
Baccalos, decouuerte de nostre temps  
& de la maniere de viure des ha-  
bitans. CHAP. LXXV.

**P**Our autant que ceste contrée au Septen- Voyage  
trion a esté decouuerte de nostre temps, de Sei-  
gneur Ia  
par vn nommé Iaques Quartier, Breton, ques  
maistre pillot & Capitaine, homme ex- Quartier  
pert & entendu à la marine, & ce par le comman- en Cana-  
dement du feu Roy François premier de ce nom, que da.  
Dieu absolue, ie me suis auisé d'en escrire sommaire-  
ment en cest endroit, ce qu'il me semble meriter d'e-  
stre escript, combien que selon l'ordre de nostre voya-  
ge à retourner, il deuoit preceder le prochain chapitre.  
Qui m'a d'auantage inuité à ce faire, c'est que ie n'ay  
point veu homme, qui en aye traicté autrement, com-  
bien que la chose ne soit sans merite en mon endroit,  
& que ie l'aye certainement appris dudit Quartier,  
qui en a fait la decouuerte. Ceste terre, étant presque  
sous le pole Arctique Zeniculaire, est iointe par l'oc- Situatiō  
cident à la Floride, & au isles du Peru, & depuis là de la ter-  
re de Ca-  
costoye l'Ocean, vers les Baccales, dont auons parlé. nada.  
Lequel lieu ie croy que ce soit le mesme que ceux qui  
ont fait la derniere decouuerte ont nommé Canada  
(comme il auient que souuent à plaisir lon nomme ce  
qui est hors de la cognoissance d'autrui) se confinant  
vers Orient, à vne mer provenant de la glaciale ou Hy-  
perborée: & de l'autre costé à vne terre ferme, dictée  
Campestre de Berge, au Suest iouignant à ceste con-



## LES SINGVLARITEZ

Cap de  
Lorraine  
ou terre  
des Bre-  
tons.  
Pefche  
de mou-  
rues.

Situatiō  
du cap  
de Lor-  
raine.

trée. Ily a vn cap appellé de Lorraine, autrement de ceux qui l'ont decouvert, Terre des Bretons, prochaine des Terres neuues, ou se prennent aujour d'huy les Mouruës, vn espace de dix ou douze lieues, entre les deux, tenant ladicte Terre neuue à ceste haute terre, laquelle nous auons nommée Cap de Lorraine : & est assise au Nordest, vne assez spacieuse & large isle entre deux, laquelle a de circuit environ quatre lieues. Ladicte terre commence tout aupres dudit Cap, par deuers le Su, ou se renger Est, Nordest, & Ouest, Surouest, la plus part d'icelle allant à la terre de la Floride, se rége en forme de demy cercle, tirant à Themistion. Or pour retourner au Cap de Lorraine, dont nous auons parlé, il gist à la terre par deuers le Nort, laquelle est rengée par vne mer Mediterranée (comme desia nous auons dit) ainsi que l'Italie entre la mer Adriatique & Ligustique. Et depuis ledit cap allant à L'ouest, Ouest, et Surouest, se peut renger environ deux cens lieues, & tous sablons & arenes, sans aucun port ne haure. Ceste region est habitée de plusieurs gens, d'assez grande copulence, fort malins, & portent ordinairement visage masqué, & deguist par lineamens de rouge, & par lesquelles couleurs ils tirent de certains fruits. La dite terre fut decouverte par le dedans de ceste mer, l'an mil cinq cës trëte cinq, par le Seigneur Quartier. comme nous auons dit, natif de Sainct Malo. Donques outre le nombre des nauires dont il vsa, pour l'exécution de son voyage, avec quelques barques de soixante à quatre vingts hommes, renga le pais par auant incongneu, iusques à vn fleuve grand & spacieux, lequel ils nomment l'Abaye de chaleur, ou il se trouue

de

de tresbon poisson & en abondance, principalement des saulmons. Alors ils traffiquerent en plusieurs lieux circonuoisins, c'est à sçauoir les nostres de haches, cousteaux, haims à pescher, & autres hardes, contre peaux de Cerfs, Loutres, & autres sauuagines, dont ils ont abondance. Les barbares de ce país leur firent bien bon acueil, se monstrant bien affectionnez enuers eux & ioyeux de telle venue, congnoissance, & amitié pratiquée & conceue les vns avecques les autres. Apres ce fait, passans outre, trouuerent autres peuples, presque contraires aux premiers, tant en langue, que maniere de viure: & disoient estre descendus du grād fleuve de Chelogna, pour aller faire la guerre aux premiers voisins. Ce que puis apres le Capitaine Quartier ascen, & veritablement entendu, par eux mesmes, d'une de leurs barques, qu'il prist avec sept hommes: dont il en retint deux, qu'il amena en France au Roy: lesquels il remena à sa seconde nauigation: & les ayans de rechef amenez, ont pris le Christianisme, & sont ainsi decedez en France. Et n'a oncques esté entendue la maniere de viure de ces premiers Barbares, ne de ce qu'il y a en leur país & region, pource qu'elle n'a esté hantée ne autrement traffiquée.

Abbaye  
de cha-  
leur, fleu-  
ue.

Chelo-  
gua, fleu-  
ue.

### D'une autre contrée de Canada.

#### CHAP. LXXVII.

**Q**uant à l'autre partie de ceste region de Canada, ou se tiennent & frequentent les derniers sauuages, elle a esté depuis decouverte outre ledit fleuve de Chelogna, plus de trois à quatre

Autre re-  
gion de  
Canada  
decou-  
uerte par  
la. Quar-  
tier.



## LES SINGVLARITEZ

Meurs  
amiables  
de ces  
Canadiëns

Maniere  
d'araquet  
tes.

Vfage de  
ces ara-  
quettes.

Comme  
ces Ca-  
nadiens  
chafsetle  
Cerf &  
autres be-  
ftes sau-  
uages.

cens lieux par ledit Quartier, avecques le cōmandement du Roy: ou il a trouué le païs fort peuplé, tant en sa seconde que premiere nauigation. Le peuple est au- tant obeïssant & amiable qu'il est possible, & aussi familier, que si de tout temps eussent esté nourris en- semble, sans aucun signe de mauuais vouloir, ne autre rigueur. Et illec fist ledit Quartier quelque petit fort & bastiment pour hyuerner luy & les siens, ensemble pour se defendre contre l'iniure de l'air tant froid & rigoureux. Il fut assez bien traité pour le païs & la saison: car les habitans luy amenoient par chacun iour leurs barques chargées de poisson, cōme anguilles, lamproyes, & autres; pareillement de chairs sauvages, dont ils en prennent bonne quantité. Aussi sont ils grands veneurs, soit esté ou hyuer, avecques engins ou autrement. Ils vsent d'une maniere de raquettes tissues de cordes en façon de crible, de deux piës & demy de long, & un pië de large, tout ainsi que vous represen- te la figure cy apres mise. Ils les portent sous les pieds au froid & à la neige, spécialement quand ils vont chasser aux bestes sauvages, à fin de n'enfoncer point dans les neiges, à la poursuite de leur chasse. Ce peuple se reuest de peaux de cerfs, conroyées & accommodées à leur mode. Pour prendre ces bestes ils s'assembleront dix ou douze armez de longues lances ou piques grandes de quinze à seize piës, garnies par le bout de quelque os de cerf ou autre beste, d'un pië de long ou plus, au lieu de fer, portans arcs & fleches garnies de mesme: puis par les neiges qui leur sont familières toute l'année, suyuant les cerfs au trac par lesdites neiges assez profondes, decouurent la voye, laquelle estât ainsi



ainsi decouverte, vous y planteront branches de cedre qui verdoyent en tout temps, & ce en forme de rets, sous lesquelles ils se cachant armez en ceste maniere. Et incontinent que le cerf attiré pour le plaisir de ceste verdure & chemin frayé s'y achemine, ils se iettent dessus à coups de piques & de fleches, tellement qu'ils le contraindront de quitter la voye, & entrer es profondes neiges, voire iusques au ventre, ou ne pouvant aisément cheminer, est atteint de coups iusques à la mort. Il sera ecorché sur le champ, & mis en pieces, l'enveloperont en sa peau, & traineront par les neiges iusques en leurs maisons. Et ainsi les apportent iusques au fort des François, chair & peau, mais pour autre chose en recompense, c'est à sçavoir quelques petits ferremens et autres choses. Aussi ne veulx omettre cecy qui est singulier, que quād lesdits Sauvages sont malades de fieure ou persecutez d'autre maladie inte-



## LES SINGVLARITEZ

Bruuage *rieure, ils prennent des fueilles d'un arbre qui est fort*  
 souue- *semblable aux cedres, qui se trouuēt autour de la mon*  
 rain dont *tagne de Tarare, qui est au Lyonnois: et en font du ius,*  
 ils vsent *lequel ils boient. Et ne faut doubter, que dans vingt-*  
 en leurs *quatre heures il n'y a si forte maladie, tant soit elle in-*  
 maladies *ueterée dedans le corps, que ce breuuage ne guerisse:*  
*comme souuentes fois les Chrestiens ont experimenté,*  
*& en ont apporté de la plante par deça.*

La religion & maniere de viure de ces pau-  
 ures Canadiens, & comme ils resistent  
 au froid.    C H A P. L X X V I I.

Maria-  
 ges des  
 Canadiēs



*E*pcuple en sa maniere de viure & gou-  
 uernement approche assez pres de la loy  
 de Nature. Leur mariage est, qu'un hom-  
 me prendra deux ou trois femmes sans au-

tre solennité, comme les Ameriques, de quels auons ia  
 parlé. De leur religion, ils ne tiennent aucune metho-  
 de ne ceremonie de reuerer ou prier Dieu, sinon qu'ils  
 contemplent le nouveau croissant, appelé en leur lāgue

Ofanna-  
 ha.

Ofannaha, disans que Andouagni l'appelle ainsi,  
 puis l'enuoye peu à peu qu'elle auance & retarde les  
 eaues. Au reste ils croyēt tresbien, qu'il y a un Crea-  
 teur plus grād que le Soleil, la Lune, ne les estoilles, &  
 qui tient tout en sa puissance: et est celuy qu'ils appellēt  
 Andouagni, sans auoir toute fois forme, ne aucune me-

Andoua-  
 gni, dieu  
 des Cana-  
 diens.

thode de le prier: combiē qu'en aucune region de Cana-  
 da ils adorent des idoles, & en aurōt aucunes fois de tel-  
 les en leurs loges, quarāte ou cinquante, comme verita-  
 blement

blement m'a recité vn pillot Portugais, lequel visita deux ou trois villages, et les loges ou habitoiēt ceux du païs. Ils croyent que l'ame est immortelle: & que si vn homme verse mal, apres la mort vn grād oyseau prend son ame, & l'emporte: si au contraire, l'ame s'en va en vn lieu decoré de plusieurs beaux arbres, & oyseaux chantans melodieusement. Ce que nous à fait entendre le Seigneur du païs de Canada, nommé Donacoua Aguanna, qui est mort en France bon Cbreſtien, parlant François, pour y auoir esté nourry quatre ans. Et pour euiter prolixité en l'histoire de noz Canadiēs, vous noterez que les pauures gens vniuersellemēt sont affligez d'vne froideur perpetuelle, pour l'absence du Soleil, comme pouuez entendre. Ils habitent par villages & hameaux en certaines maisons faites à la façon d'vn demy cercle, en grandeur de vingt à trente pas, & dix de largeur, couuertes d'ecorces d'arbres, les autres de ioncs marins. Et Dieu ſçait ſi le froid les penetre tant mal besties, mal couuertes, et mal apppyées tellement que bien ſouuent les piliers & cheurons flechissent & tombent pour la pesanteur que cauſe la neige eſtant deſſus. Nonobſtāt ceſte froidure tant exceſſiue ils ſont puiſſans & belliqueux, inſatiables de travail. Semblablement ſont tous ces peuples Septentrionaux ainſi courageux, les vns plus, les autres moins, tout ainſi que les autres tirans vers l'autre pôle, ſpecialement vers les tropiques & equinoctial ſont tout au contraire: pource que la chaleur ſi vehemente de l'air leur tire dehors la chaleur naturelle, & la diſſipe: & par ainſi ſont chaulds ſeulement par dehors, & froids au dedans. Les autres ont la chaleur naturelle ſerrée

Opinion  
des Cana  
diens de  
l'immer  
talité de  
l'ame.

Donaco  
ua Agla  
na, Roy  
de Can  
da  
Froideur  
extreme  
du païs  
de Cana  
da.

Loges  
des Cana  
diens.

Peuples  
de Sep  
tentrion  
pour  
quoy  
plus cou  
rageux  
que les  
Meri  
dionaux.



## LES SINGULARITEZ

Mer gla-  
ciale.

Famine  
frequente  
en Cana-  
da, &  
pour-  
quoy.

Païs de  
Labora-  
dor de  
couvert  
par les  
Espa-  
gnols.  
Cõmuni-  
té de vie  
entre les  
Canadiẽs

Maniere  
de labou-  
rer la ter-  
re.

& contrainte dedans par le froid exterieur, qui les rend ainsi robustes & vaillans: car la force & faculté de toutes les parties du corps depend de ceste naturelle chaleur. La mer alentour de ce païs est donc glacée tirant au Nort, & ce pour estre trop elongnée du Soleil lequel d'Orient en Occident passe par le milieu de l'univers, obliquement toutefois. Et de tant plus que la chaleur naturelle est grande, d'autant mieux se fait la concoction & digestion des viandes dans l'estomac: l'appetit aussi en est plus grand. Ainsi ce peuple de Septentrion mange beaucoup plus que ceux de la part opposite: qui est cause que bien souvent en ce Canada y a famine, joint que leurs racines & autres fruits desquels se doiuent sustenter & nourrir toute l'année, sont gelez, leurs rivières pareillement, l'espace de trois ou quatre mois. Nous auons dit qu'ils couurent leurs maisons d'ecorces de bois, aussi en font ils barques, pour pescher en eau douce & salée. Ceux du païs de Labrador, leurs voisins (qui furent decouuers par les Espagnols, pensans de ce costé trouuer vn destroit pour aller aux isles des Moluques, ou sont les espiceries) sont pareillement subiets à ces froidures, & couurent leurs logettes de peaux de poissons, & de bestes sauvages, comme aussi plusieurs autres Canadiens. D'auantage lesdits Canadiens habitent en communauté, ainsi que les Amérindiens riches, et là travaille chacun selon ce qu'il sçait faire. Aucuns font pots de terre, les autres plats, escuelles, & cuillers de bois: les autres arcs & fleches, paniers, quelques autres habillemens de peaux, dont ils se couurent contre le froid. Les femmes labourent la terre, et la remuent avec certains instrumens faits de longues pierres

DE LA FRANCE ANTARCT. 150

et semēt les grains, du mil specialemēt, gros cōme pois, et de diuerses couleurs, ainsi que lō plāte les legumes p de ça. La tige croist en faço de cānes à sucre, portāt trois ou quatre espis, dot y en a tousiours vn plus grād que les autres, de la façon de noz artichaux. Ils plātent aussi des feues plates, & blāches cōme neige, lesquelles sont fort bōnes. Il s'en trouue de ceste espee en l' Ameriq, et au Peru. Il y a d'auātage force citrouilles et coucour des, lesquelles ils mangent cuites à la braise, cōme nous faisons les poires de par de ça. Il y a en outre vne petite graine fort menue, ressemblāt à la graine de Mariolaine, qui produist vne herbe assez grāde. Ceste herbe est merueilleusement estimée, aussi la font ils secher au soleil, apres en auoir fait grād amas: et la portēt à leur col ordinairement en de petits sachets de peaux, de quelque beste avec vne maniere de cornet persē, ou ils mettēt vn bout de ceste herbe ainsi sechée: laquelle ayans frottée entre leurs maīs, y mettēt le feu, et en reçoynēt la fumée parla bouche p l'autre bout du cornet. Et en prennēt en telle quātité, qu'elle sort par les yeux et par le nez: & se parfument ainsi à toutes heures du iour. Noz Ameriques ont vne autre maniere de se parfumer, cōme nous auons dit cy deuant.

Mil legume.

Feues blāches.

Citrouilles, & cōme ils en vsent. Espece d'herbe.

Vsage de ceste herbe en parfums.

Des habillemens des Canadiens, comme ils portent cheueux, & du traitement de leurs petis enfans.

CHAP. LXXVIII.



Es Canadiens trop mieux appris que les habitans de l' Amerique, se sçauēt fort bien courrir de peaux des bêtes sauvages, avecques leur poil, aoustrecs à leur mode, ainsi que desia nous auons touché; parauanture contrains

Vestemens des Canadiens.

pour



## LES SINGULARITEZ

Gaulois  
sauuages  
du temps  
d'Hercu-  
les.

pour le froid, & non autrement : laquelle occasion ne s'est présentée aux autres, qui les à fait demeurer ainsi nuds, sans aucune vergogne l'un de l'autre. Combien que ceux cy, i'entens les hommes, ne sont totalement vestus, sinon enuoloppez d'une peau peluë, en façõ d'un danteau, pour couvrir le deuant & parties honteuses : le faisans passer entremy les iambes, fermées à boutons sur les deux cuisses : puis ils se ceignent d'une large ceinture, qui leur affermist tout le corps, bras, & iambes nues : hormis que par sus le tout ils portent un grand manteau de peaux cousues ensemble, si bien acoustrées, cõme si le plus habile peletier y auoit mis la main. Les manteaux sont faits, les uns de loutre, ours, martres, panteres, renards, lieures, rats, connins, & autres peaux, conrayées avecques le poil : qui à doné argument, à mon aduis, à plusieurs ignorans de dire, que les Sauuages estoient velus. Aucuns ont escript que Hercules de Lybie venant en France, trouua le peuple viuant presque à la maniere des Sauuages, qui sont tant aux Indes de Leuāt, qu'en l'Amérique, sans nulle ciuilité : & alloient les hommes et femmes presque tous nuds : les autres estoient vestus de peaux de diuerses especes de bestes. Ainsi a esté la premiere cõdition du genre humain, estant au commencement rude, & mal poly : iusques à ce que par succession de temps, nécessité a contraint les hommes d'inuenter plusieurs choses, pour la conseruation & maintien de leur vie. Encores sont en ceste rude inciuilité ces pauvres Sauuages admirans nostre vestement, de quelle matière, et comment il est ainsi basti iusques à demander quels arbres portoyent cesté matiere, comme il m'a esté proposé

se en l'Amérique: estimans la laine croistre es arbres  
comme leur cotton. L'usage de laquelle a esté par long  
temps ignoré, et fut inuenté comme veulent plusieurs,  
par les Atheniens, & mise en œuvre. Les autres l'ont

Usage de  
la laine  
par qui  
inuenté.

attribué à Pallas, pource que les laines estoient en usage  
avant les Atheniens, que leur ville fust bastie. Voi  
la pourquoy les Atheniens l'ont merueilleusement ho  
norée, & eue en grande reuerence, pour auoir receu  
d'elle ce grand benefice. Et par ainsi est vraysemblable  
que lesdits Atheniens & autres peuples de la Grece,  
se vestoient de peaux, à la maniere de noz Canadiens:  
& à la similitude du premier homme, comme tesmoi  
gne Saint Hierome, laissant exemple à sa posterité d'en  
user ainsi, & non aller tous nuds. En quoy ne pouuons  
assez louer et recongnoistre Dieu, lequel par singulie  
re affection, sur toutes les autres parties du monde, au  
roit vniquement fauorisé à nostre Europe. Reste à par  
ler comme ils portent les cheveux, c'est à sçauoir au  
trement que les Ameriques. Tant hommes que fem  
mes portent les cheveux noirs, fort longs: & y a ceste

Maniere  
des Cana  
diens à por  
ter leurs  
cheveux.

difference seulement, que les hommes ont les cheveux  
troussés sur la teste, comme vne queue de cheval, avec  
cheuilles de bois à trauers: & là dessus vne peau de  
tygre, d'ours, au autres bestes: tellement qu'à les voir  
accoustrés en telle sorte, lon les iugeroit ainsi deguisez  
vouloir entrer en vn theatre, ressemblans mieux aux  
portraits d'Hercules, que faisoient pour recreation les  
anciens Romains, & comme nous le peignons encores  
aujour d'huy, qu'à autre chose. Les autres se ceignent et  
enueloppent la teste de martres zebelines, ainsi appelées  
du nom de la religion située au Nort, ou cest animal est

Martres  
Zebeli  
nes.

fre-



## LES SINGULARITEZ

Habille-  
mens des  
femmes  
de Cana-  
da.

Mariage  
des Ca-  
nadiens.

Agahan-  
na.

Viduité  
fort ob-  
servée  
par les  
femmes  
de Cana-  
da.

fréquent : lesquelles nous estimons précieuses par deçà pour la rareté et pource telles peaux sont réservées pour l'ornement des Princes & grands seigneurs, ayans la beauté coniointé avec le rareté. Les hommes ne portent aucune barbe, nō plus que ceux du Bresil, pource qu'il l'arrachent selō qu'elle pullule. Quāt aux femmes elles s'habillēt de peaux de cerfs préparées à leur mode, qui est tresbōne et meilleure que celle qu'on tient en France, sans en perdre vn poil seul. Et ainsi enueloppées se serrent tout le corps d'une ceinture lōgue, à trois ou quatre tours par le corps, ayans tousiours vn bras & vne mammelle hors de ceste peau, attachée sur l'vne des espaulles, comme vne escharpe de pelerin. Pour cōtinuer nostre propos, les femmes de Canada portent chausses de cuir tanné, & fort bien labouré à leur mode, enrichi de quelque teinture faite d'herbes et fruits, ou bien de quelque terre de couleur, dont il y a plusieurs especes. Le soulier est de mesme matiere & cadeleure. Ils obseruent le mariage avec toute foy fuyans adultere sur tout: Vray est que chascun a deux ou trois femmes, cōme desia nous auons dit en vn autre lieu. Le seigneur du païs nommé Agahanna, en peut auoir autant que bon luy semble. Les filles ne sont desestimées pour auoir seruy à quelques ieunes hommes auāt qu'estre mariées ainsi qu'en l'Amérique. Et pource ont certaines loges en leur village, ou ils se rencontrent, & communiquēt les hommes avec les femmes, separez d'avec les ieunes gens, fils & filles. Les femmes vefues ne se remarient iamais, en quelque nombre qu'elles soient apres la mort de leur mary: ains viuent en dueil le reste de leur vie, ayans le visage tout noirci de charbon puluerisé avec huyle

huyle de poisson: les cheveux tousiours effars sur le visage, sans estre liez ne troussiez par derriere, comme portent les autres: & se maintiennent ainsi iusques à la mort. Quant au traitement de leurs petis enfans, ils les lient & enueloppent en quatre ou cinq peaux de martres cousues ensemble: puis les vous attachent & garrotent sur vne planche ou ais de bois persée à l'endroit du derriere, en sorte qu'il a tousiours ouuerture libre, & entre les iambes comme vn petit entonnoir, ou gouttiere faite d'ecorce mollette, ou ils font leur eau sans toucher ne cōinquer leur corps, soit deuāt ou derriere, ne les peaux ou ilz sont enueloppiez. Si ce peuple estoit plus prochain de la Turquie, j'estimeroy qu'ils auroient appris cela des Tūrcs: ou au cōtraire auoir enseigné les autres. Non pas que ie vueille dire que ces Sauvages estimēt estre peché, que leurs enfans se mouillent de leur propre vrine, comme ceste nation superstitieuse de Turquie: mais plus tost pour vne civilité qu'ils ont par dessus les autres. Parce que lon peut estimer combien ces pauvres brutaux les surpassent en honnesteté. Ils vous plantent ceste planche avecques l'enfant par l'extremité inferieure, pointue en terre, et de meure ainsi l'enfant de bout pour dormir, la teste pendant en bas.

Cōme el  
les trai-  
tēt leurs  
petis en-  
fans.

Supersti-  
tion des  
Turcs.

La maniere de leur guerre. CHAP. LXXIX

Canadi-  
ens peu-  
ple belli-  
queux.



omme ce peuple semble auoir presq̃ mesmes meurs que les autres Barbares sauua- ges, aussi apres eux ne se trouue autre plus prompt & coustumier de faire guerre l'cōtre l'adn utre, & qui approche plus de leur maniere de guerre, aucunes choses exceptées. Les Tou-  
taniens



## LES SINGVLARITEZ

Touta-  
niens en-  
nemis de  
ceux de  
Canada.  
Ochela-  
gua &  
Saguené  
fleuves  
de Cana-  
da.

Prepara-  
tiue de  
guerre  
des Cana-  
diens.

taniens , les Guadalpes , & Chicorins font guerre ordinaire contre les Canadiens, & autres peuples diuers , qui descendent de ce grand fleuue d'Ochelagua & Saguené. Lesquelles riuieres sont merueilleusement belles & grandes, portans tresbon poisson & en grande quantité : aussi par icelles peut on entrer bien troiscens lieues en païs , & es terres de leurs ennemis avec petites barques, sans pouuoir vser de plus grands vaisseaux, pour le danger des rochers. Et disent les anciens du païs , que qui voudroit suyre ces deux riuieres, qu'en peu de Lunes , qui est leur maniere de nombrer le temps, lon trouueroit diuersité de peuples, & abondance d'or et d'argent . Outre que ces deux fleuves separez l'un de l'autre, se trouuent & ioignent ensemble en certain endroit , tout ainsi que le Rhosne & la Saone à Lyon : & ainsi assemblez se rendent bien auant dans la nouuelle Espagne: car ils sont confins l'un à l'autre, comme la France & l'Italie. Et pource qu'ad il est question de guerre en Canada, leur grand Agahanna, qui vaut autant à dire que Roy ou Seigneur, commande aux autres Seigneurs de son obeïssance, ainsi que chacun village à son superieur , qu'ils se delibèrent de venir & trouuer par deuers luy en bon & suffisant equipage de gens, viures & autres munitions, ainsi que leur costume est de faire. Lesquels incontinent chacun en son endroit, se metten en effort & deuoir d'obeïr au commandement de leur Seigneur, sans en rien y faillir, ou aller au contraire. Et ainsi s'en viennent sur l'eau, avec leurs petites barquettes, longues, et larges bien peu, faites d'ecores de bois, ainsi qu'en l'Amérique & autres lieux circonuoisins. Puis l'as-  
ble-

blée faite, s'en vont chercher leurs ennemis: & lors qu'ils sçauent les deuoir rencontrer, se mettront en si bon ordre pour combattre & donner assaut qu'il est possible, avec infinité de ruses & stratagemes, selon leur mode. Les attendans se fortifient leurs loges & cabanes, avec quelques pieces de bois, fagots, ramages, engressez de certaine gresse de loup marin, ou autre poison: & ce à fin qu'ils empoisonnent leurs ennemis s'ils approchent, mettans le feu dedans, dont il en sort vne fumée grosse & noire, & dangereux se à sentir pour la puanteur tant excessiue, qu'elle fait mourir ceux qui la sentent: outre ce qu'elle auengle les ennemis, qu'ils ne se peuent voir l'vn l'autre. Et vous sçauent adreſ

Stratage  
me de  
guerre  
vité des  
Cana-  
diens.



ſer et diſpoſer ceſte fumée de telle methode, que le vêt Autre  
la chaffe de leur coſté à celui des ennemis. Ils vſent pa ſtratage-  
reillement de poisons faits d'aucunes fueilles darbres, me.  
herbes, et fruits, leſquelles matieres ſechées au ſoleil,



## LES SINGULARITEZ

ils meslent parmy ces fagots & ramages puis y mettent le feu de loing, voyans approcher leurs ennemis. Ainsi se voulurent ils defendre contre les premiers, qui allerent decouvrir leur païs, faisās effort, avec quelques gresses & huiles, de mettre le feu la nuit es navires des autres abordées au riuage de la mer. Dont les nostres informez de ceste entreprise, y donnerent tel ordre, qu'ils ne furent aucunement incommodéz. Toutefois j'ay entendu que ces pauvres Sauvages n'avoient machiné ceste entreprise, que iustement & à bōne raison, cōsideré le tort qu'ils auoient receu des autres. C'est qu'estans les nostres descenduz en terre, aucuns ieunes folastres par passetemps, vicieux toutefois & irraisonnables, comme par vne maniere de tyrannie couppoient bras & iambes à quelques vns de ces pauvres gens, seulemēt disoient ils pour essayer, si leurs espées trenchotent bien, nonobstāt que ces pauvres Barbares les eussent receu humainement, avecques toute douceur & amytié. Et par ainsi depuis n'ont permis aucuns Chrestiens aborder & mettre pié à terre en leurs riuages & limites, ne faire traffique quelcōque, comme depuis lon a bien congneu par experience.

Cōme les Or pour n'elongner d'auantage de nostre propos, ces Canadiēns Canadiēns marchent en guerre quatre à quatre, fais-marchēt sans, quand ils se voyent, ou approchent les vns des autres, cris & hurlemens merueilleux & espouventables (ainsi qu'auons dit des Amazones) pour donner terreur, et espouuenter leurs ennemis. Ils portent force enseignes, faites de branches de bouleaux, enrichis de pennages et plumages de cygnes. Leurs tabourins sont de certaines peaux tendues & bendées en maniere

d'un

d'une herse, ou lon fait le parchemin, portée par deux homes de chacun costé, et un autre estat derriere frappant à deux bastons le plus impetueusement qu'il luy est possible. Leurs flustes sont faites d'os de iambes de cerf, ou autre sauvaigine. Ainsi se combatent ces Canadiens à coups de fleches, rondes massues, bastons de bois à quatre quarres, lances, et piques de bois, aguisées par le bout d'os au lieu de fer. Leurs boucliers sont de pennaches, qu'ils portent au col, les tournās devant ou derriere, quand bon leur semble. Les autres portent une sorte de morion fait de peaux d'ours fort espes, pour la defence de la teste. Ainsi en usoient les anciens à la maniere des sauvages: ils cōbatoient à coups de poing, à coups de pié, mordoient à belles dents, se prenoient aux cheveux, & autres manieres semblables. Depuis à cōbatre ils userent de pierres, qu'ils iettoient l'un contre l'autre: cōme il appert mesmement par la sainte Bible. D'avantage Herodote en son quatrieme liure, parlāt de certain peuple qui se cōbattoit à coups de bastōs & de massue: il dit en outre que les vierges de ce païs avoient coustume de batailler tous les ans avec pierres et bastōs les unes contre les autres, à l'hōneur de la dēesse Minerue, le iour de son anniverfaire. Aussi Diodore au premier liure recite, que les massues et peaux de liōs estoient propres à Hercules pour cōbatre: car auparavant n'estoient encores les autres armes en usage. Qui voudra voir Plutarque & Iustin, et autres auteurs, trouvera que les anciens Romains cōbatoient tous nuds. Les Thebains & Lacedemoniens se vengerēt de leurs ennemis à coups de leviers et grosses massues de bois. Et ne faut estimer que lors ce pauvre peuple ne fust autant hardi

& cōme  
ils les  
portent.  
Maniere  
de leur  
combat.

Maniere  
que te-  
noyēt les  
anciens à  
cōbatre.

Herodo-  
te.

Cōbat de  
vierges  
aux festes  
de Mi-  
nerue.  
Diodore.

Coustu-  
me anciē  
ne des  
Thebais  
& Lace-  
demo-  
niens à cō  
batre.



## LES SINGULARITEZ

comme celuy d'aujourdhuy, pour auoir demeuré tous nus sans estre aucunement vestus, cōme à present sont noz Canadiens de grosses peaux, destituez semblablement de moyens & ruses de guerre, dont ces Sauvages se sçauent ayder maintenāt. Je vous pourroys amener plusieurs auteurs parlās de la maniere que tenoient les anciēns en guerre, mais suffira pour le present ce que j'ē ay alleguē, pour retourner au peuple de Canada, qui est nostre principal propos. Ce peuple n'vse de l'ennemy pris en guerre, come lō fait en toute l'Amerique: c'est à sçauoir qu'ils ne les mangent aucunement, ainsi que les autres. Ce qu'est beaucoup plus tolerable. Vray est, que s'ils prennēt aucūns de leurs ennemis, ou autremēt demeurent victorieux, ils leur escorchent la teste, & le visage, & l'estendent à vn cercle pour la secher: puis l'emportent en leur païs, la monstrās avec vne gloire, à leurs amis, femmes, & vieillards, qui pour l'aage imbecille ne peuuent plus porter le fais, en signe de victoire. Au reste ils ne sont si enclins à faire guerre, comme les Perusiens, & ceux du Bresil, pour la difficulté parauenture, que causent les neiges & autres incommoditez, qu'ils ont par delā.

Comme  
les Cana  
diēs trai-  
tēt leurs  
prison-  
niers.

Des mines, pierreries, & autres singularitez qui se trouuent en Canada. CHAP. LXXX.

Bōté du  
daïs de  
Canada.



Le païs & terrouër de Canada, est beau et bien situé, & de soy tresbon, hormis l'intemperature du ciel, qui le defavorise: comme pouuez aysement coniecturer. Il porte plusieurs arbres & fruits, dont nous n'auons la congnoissance par deçā. Entre lesquels y a vn arbre de la

la grosseur & forme d'un gros noyer de deçà, lequel à demeuré long temps inutile, & sans estre congny, iusques à tant que quelcun le voulant couper en saillit un suc, lequel fut trouué d'autant bon goust, & delicat, que le bon vin d'Orleans, ou de Beaune: mesmes fut ainsi iugé par noz gens, qui lors en firent l'experience: c'est à sçauoir le Capitaine, & autres gentilshommes de sa compagnie, et recueillirent de ce ius sur l'heure de quatre à cinq grands pots. Je vous laisse à penser, si depuis ces Canadiens afriandez à ceste liqueur, ne gardent pas cest arbre cherement, pour leur brumage, puis qu'il est ainsi excellent. Cest arbre, en leur langue est appellé Couton. Vne autre chose quasi incredible est, qui ne l'auroit veüe. Il se trouue en Canada plusieurs lieux & contrées, qui portent tresbeaux ceps de vigne, du seul naturel de la terre, sans culture, avec grande quantité de raisins gros, bien nourris, & tresbons à manger: toutefois n'est mentiõ que le vin en soit bon en pareil. Ne doubiez cobien trouuerēt cela estrange & admirable ceux, qui en firent la premiere decouuerte. Ce païs est accompli de montagnes & plainures. En ces hautes montagnes se trouuent certaines pierres retirās en pesanteur & couleur à mine d'or: mais quād on la voulut esprouuer, si elle estoit legitime, elle ne peult endurer le feu, qu'elle ne fust dissipée & conuertie en cendre. Il n'est impossible, qu'en cest endroit ne se trouuast quelque mine aussi bõne, qu'aux isles du Peru, qui caueroit plus auāt en terre. Quāt à mines de fer, & de cuiure il s'en trouue assez. Au surplus de petites pierres, faites & taillées en pointe de diamant qui promeuuent les vnes en plainure, les autres aux

Suc du-  
dit arbre  
ayant  
goust de  
vin.

Couton,  
arbre.  
Ceps de  
vigne na-  
turels en  
Canada.

Pierres  
de cou-  
leur de  
mine  
d'or.

Mines  
de fer.  
Mines de  
cuiure.



## LES SINGULARITEZ.

Diamant  
de Cana-  
da, pro-  
uerbe.

Au li. der-  
nier de  
l'hist. na-  
turelle.  
Opiniōs  
sur la cō-  
creation  
du cri-  
stal.  
Solin.

Diodore  
Cristal de  
Canada.

Combiē  
le cristal

montagnes. Ceux qui premierement les trouuerent, pensoyent estre riches en vn moment, estimās que fussent vrays diamans, dont ils apporteroient abondance: et de là est tiré le prouerbe auiourd'huy commū par tout C'est vn diamāt de Canada. De fait il tire au diamāt de Calicut, & des Indes Orientales. Aucuns veulent dire, que c'est vne espece de fin cristal: de quoy ie ne puis donner autre resolution, sinon ensuyuant Pline, qui dit le cristal prouenir de neige, & eau excessiuelement gelée, & ainsi con crée. Parquoy es lieux subiets à glace & neige se peut faire que quelque partie d'icelles, par succession de temps, se deseché et cō crée en vn corps luy sant, et transparent cō me cristal. Solin estime ceste opinion faul se, que le cristal viene totalemet de neige: car si ainsi estoit, il se trouueroit seulement es lieux froids, comme en Canada, et semblables regiōs froides mais l'experiece nous monstre le contraire: cō me en l'isle de Cypre, Rhodes, et en plusieurs lieux d'Egypte & de la Grece, cō me moy mesme ay veu du temps que j'y estois, ou il se trouuoit, et encores se trouue auiourd'huy abondance de cristal. Qui est vray argument de iuger que le cristal n'est eau congelée, consideré qu'en ces païs desquels parlons, la chaleur est trop plus frequente & vehemente sans comparaison, qu'en Canada païs affligé de perpetuelles froidures. Diodore dit que le cristal est con crée d'eau pure, non congelée par froideur, mais plus tost sechée par chaleur vehemente. Neantmoins celuy de Canada est plus luy sant, & sent mieux en toutes choses sa pierre fine, que celuy de Cypre, & autres lieux. Les anciens Empereurs de Rome, estimoyent beaucoup le fin cristal, & en faisoient faire des vases,

ou ils mangeoyent. Les autres en faisoient simulacres, qu'ils tenoient particulièrement enfermez en leurs cabinets & tresors. Pareillement les Roys d'Egypte, du temps que florissoit Thebes la grande, enrichissoient leurs sepultures de fin cristal, que l'on apportoit de l'Arabie menie maieur, et du costé de Syrie. Et de ce cristal estoient representez les Roys par portraits au naturel, pour demeurer, ce leur sembloit, et estre en perpetuelle memoire. Voila come les Anciens estimerent le cristal, & à quels usages estoit appliqué. Aujourdhuy il est employé à faire vases & coupes à boire, chose fort estimée, si elle n'estoit tant fragile. Au surplus en ce pays se trouue grande abondance de iaspes, & cassidoines.

estoit estimé des anciens, & à quels usages appliqué

Iaspes. Cassidoines.

Des tremblemens de terre & gresles, auxquels est fort subiect ce pays de Canada.

CHAP. LXXXI.



Este regio de Canada est merueilleusement subiette aux tremblemens de terre, et aux gresles: dont ce pauvre peuple ignorant les choses naturelles, & encores plus les celestes tombent en vne peur extreme, encores que telles choses leur soyent frequentes & familiares, ils estiment que cela provient de leurs dieux, pour les auoir irrités et faschez. Toutesfois le tremblemēt de terre naturel, ne vient sinon des vents enfermez par quelques cavités de la terre, lesquelz par grande agitation la font mouuoir, comme il font sur la terre trembler arbres et autres choses: comme dispute tresbien Aristote en ses Meteores. Quant à la gresle ce n'est de merueille

Pays de Canada subiet à tremblement de terre, & pourquoy.

Gresle frequente en Canada.



## LES SINGVLARITEZ.

si elle y est frequēte, pour l'intemperature et inclemence de l'air, autant froid en sa moyenne region qu'en la plus basse, pour la distance du Soleil, qui n'en approche plus pres, que quād il vient à nostre tropique: pourquoy l'eau qui tobe du ciel, l'air estāt perpetuellement froid est tousiours cōgelée, qui n'est autre chose que neige ou gresle. Or ces Sauvages incontinent qu'ils sentent telles incōmoditez, pour l'afflictio qu'ils en reçoient, se retirent en leurs logettes, & avec eux quelque bestial, qu'ils nourrissent domestiquemēt, & la caressent leurs idoles, la forme desquelles n'est gueres differente à la fabuleuse Melusine de Lusignā, moitié serpent, moitié femme: ven que la teste avec la cheueleure represente lourdemēt (selon leur bon esprit sauvage) vne femme. Or le surplus du corps en forme de serpent, qui pourroit bailler argument aux Poētes de faindre que Melusine soit leur deesse, ven qu'elle s'enfuit en volās, selon qu'aucuns fabulent, narrateurs dudit Romā, qu'ils tiennent en leurs maisons ordinairement. Le tremblemēt de terre est dāgereux, combien que la cause en est euidente. Puis qu'il vient à propos de ce trēblemēs, nous en dirōs vn mot, selon l'opinion des Philosophes naturels, & les inconueniēs qui en ensuiuent. Thale Milesien, l'vn des sept sages de Grece, disoit l'eau estre cōmencement de toutes choses: et que la terre flottant au milieu de ceste eau, cōme vne naue en plaine mer, estoit en vn tremblement perpetuel, quelque fois plus grād, & quelque fois plus petit. De mesme opinio a esté Democrite: et disoit d'auātage, que l'eau soubs terre creuē par pluye, ne pouuāt pour son e xcessiue quantité estre cōtenue es veines & capacitez de la terre, cauſoit ce tremblement: et de là

Trēble-  
mens de  
terre dan-  
gereux.

Opiniōs  
d'aucuns  
Philoso-  
phes sur  
les trēble-  
mens de  
terre.

là venir les sources et fontaines que nous auôs. Anaxagoras disoit estre le feu, lequel appetant (comme est son naturel) mōter en haut, & se vñir au feu elementaire causoit non seulement ce tremblement, mais quelques ouuertures, goulfes, & autres semblables en la terre: cōme nous voyons en quelques endroits. Et confermoit son opinion de ce que la terre bruloit en plusieurs lieux Anaximenes assēuroit la terre mesme estre seule cause de ce trēblement, laquelle estant ouuerte, pour l'excessiue ardeur du Soleil, l'air entroit dedans en grande quātité & avec violence: lequel par apres la terre estāt reünie & reiointe, ne pouuant par ou sortir, se mouuoit çà & là au ventre de la terre: et que de là venoit ce trēblement. Ce que me semble plus raisonnable, & approchāt de la verité, selon que nous auôs dit, suyuant Aristote, aussi que le vent n'est autre chose, qu'un air impetueusement agitē. Mais ces opiniōs laissées des causes naturelles du tremblemēt de terre, il se peut faire pour autres raisons, du vouloir & permission du Supérieur, à nous toute fois incongnues. Les incōueniens qui en suruiennent, sont renuersēmēs de villes & citez: cōme il aduint en Asie des sept citez, du temps de Tybere Cesar, & de la metropolitaine ville de Bithinie, durāt le regne de Costātin. Plusieurs aussi ont esté englouties de la terre, les autres submergées des eaux: cōme furent Elicé & Bura aux ports de Corinthe. Et pour dire en bref, ce trēblement se fait quelquefois de telle vehemence, que outre les inconueniens predits, il fait isles de terre ferme, cōme il a fait de Sicile, et quelques lieux en Syrie & autres. Il vñist quelquefois les isles à la continente, comme Plinē dit estre aduenus de

Qu'est  
ce que  
le vent.

Inconue  
niens qui  
ensuyuēr  
les trēble  
mens de  
terre.



## LES SINGULIERS

celles de Doromisce, Perne en Milette: ayāt mesme fait qu'en la vieille Afrique plusieurs plaines & lieux chāpestres, se voyent aujour d'huuy reduits en lacs. Aus si recite Seneque, qu'un troupeau de cinq cens ouailles & autres bestes et oyseaux, furent quelquefois englou tus & perdus, par un tremblement de terre. Pour ceste raison ils se logent (la plus grand part) pres des riuages pour euitier ce trēblement, bien informés par experiēce & nō de raison, que les lieux marefcageux ne sont sub iets à tremblemēs, cōme la terre ferme: & de ce la rai son est bien facile à celuy qui entendra la cause du trē blement cy deuāt alleguēe. Voila pourquoy le tresriche & renōmē temple de Diane, en Ephese, qui dura plus de deux cens ans, basti si sumptueusement, qu'il meri ta estre nōbré entre les spectacles du mōde, fut assis sur pillotis en lieu de marais, pour n'estre subiet à tremble ment de terre, iusques à tāt qu'un certain follastre nom mē Heluidius, ou cōme veulent aucuns, Eratosthenes, pour se faire cōgnoistre et parler de luy, y mist le feu et fut cōuert y en cendres. Pour ceste mesme cause les Ro mains auoient edifié un tēple excellēt à Hercules pres le Tibre, et là luy faisoient sacrifices & oraisons. Or le trēblement en Canada est quelq̄fois si violēt, qu'en cinq ou six lieuēs de leurs maisons dedās le païs, il se trouue ra plus deux mil arbres, aucune fois plus quelque fois moins, tōbez p terre tāt en mōtagnes que plat païs: ro chers rēuersez les vns sur les autres, terres enfoncées et abismées: et tout cela ne prouiet d'ailleurs q̄ de ce mou uemēt et agitation de la terre. Autāt en peut il auenir es autres cōtrées subiettes aux trēblemēs de terre. Voila du trēblemēt de terre, sans plus elōgner de nostre route

Du

## Du païs appelé Terre neuue.

## CHAP. LXXXII.

**A** Pres estre departis de la hauteur du goulfe de Canada, fut question de passer outre, tirant nostre droit chemin au Nort, delais sans la terre de Labrador, & les isles qu'ils appellent des Diabes, et le cap de Marco, distant de la ligne cinquante six degrez, nous costoyames à senestre ceste contrée, qu'ils ont nommée Terre neuue, merueilleusement froide: qui a esté cause que ceux qui premierement la decouurirent, n'y firent long sejour, ne ceux aussi qui quelquefois y vont pour traffiquer. Ceste Terre neuue est vne regio faisant vne des extremitez de Canada, et en icelle se trouue vne riuere, laquelle à cause de son amplitude & largeur semble quasi estre vne mer, & est appelée la riuere Des trois freres, distante des isles des Effores quatre cens lieues, et de nostre France neuf cens. Elle separe la prouince de Canada de celle que nous appellons Terre neuue. Aucuns modernes l'ont estimée estre vn destroit de mer, comme celui de Magella, par lequel lo pourroit entrer de la mer Oceanne à celle du Su au Pacifique, & de fait Gema Frisius, encor qu'il fust expert en Mathematiq, à toutesfois erre, nous voulât persuader q ceste riuere, de laquelle nous parlons, est vn destroit, lequel il nome Septentrional, & mesmes l'a ainsi depaint en sa Mappe-monde. Si ce qu'il en a escrit eust esté veritable, en vain les Espagnols & Portugais eussent esté chercher vn autre destroit, distant de cestuy cy de trois mil lieues pour entrer en ceste mer du Su, et aller aux isles des Moluqs



## LES SINGULARITEZ

ou sont les espiceries. Ce païs est habit  de Barbares vestus de peaux de sauvagines, ainsi que ceux de Canada, fort inhumains & mal traitables: comme bien l'experimentent ceux qui vont par del  pescher les morues, que nous m geons par de . Ce peuple maritime ne vit gueres d'autre chose que de poisson de mer, dont ils prennent grande quantit , sp cialement de loups marins, desquels ils mangent la chair, qui est tresbonne.

Huile de  
grosse de  
poisson.

Ils font certaine huile de la gresse de ce poisson, laquelle devient apres estre fondue, de couleur roussatre, & la boiuent au repas, c me nous ferions par de  du vin ou de l'eau. De la peau de ce poisson grande & forte, c me de quelque grand animal terrestre, ils font manteaux et vestemens   leur mode: chose admirable, qu'en un element si humide que cestuy l , qui est l'humidit  mesme, se puisse nourrir un animal, qui aye la peau dure & seche, comme les terrestres. Ils ont semblablement autres poissons vestus de cuir assez dur, c me marsouins & chiens de mer: les autres reuevus de coquilles fortes, c me tortues, huitres, & moules. Au reste ils ont abondance de tous autres poissons, grands et petits, desquels ils vivent ordinairement. Je m'esh bis que les

Supersti-  
tion de  
diuerfes  
nations  
du Leu t

Turcs, Grecs, Iuifs, et diuerfes autres nations du Leu t ne mangent point de dauphins, ny de plusieurs autres poissons, qui sont destituez d'escailles, tant de mer, que d'eau douce, qui me fait iuger que ceux cy sont plus sages, & mieux auisez de trouver le goust des viandes plus delicates, que non pas ou les Turcs, ou Arabes & autre tel fatras de peuple superstitieux. En cest endroit se trouuent des balenes ( j'entens en la haute mer, car tel poisson ne s'approche iamais du riuage ) qui ne  
vivent

viuēt que de tels petis poissos. Toutesfois le poissō qu'ordinairement mange la balene, n'est plus gros que nos carpes, chose quasi incredible pour le respect de sa grandeur & grosseur. La raison est, ainsi que veulent aucuns que la balene ayant le gosier trop estroit en proportion du corps, ne peut deuorer plus grād morceau. Qui est vn secret encor admirable, duquel les anciens ne se sont oncques auisez, voire ny les modernes, quoy qu'ils ayēt traité des poissos. La femelle ne fait iamais qu'vn petit à la fois, lequel elle met hors comme vn animāt terrestre sans œuf, ainsi que les autres poissos oviperes. Et qui est encores plus admirable, elle allaitte son petit apres estre dehors: & pource elle porte mammelles au ventre sous le nombril: ce que ne fait autre poisson quelconque, soit de marine ou d'eau douce, sinō le loup. Ce que mesmement tesmoigne Pline. Ceste balene est fort dangereuse sus la mer, pour la rencontre, ainsi que bien scauent les Bayonnois pour l'auoir experimenté, car ils sont coustumiers d'en prendre. A ce propos, lors que nous estios en l'Amerique, le batteau de quelque marchāt qui passoit d'vne terre à autre pour sa traffique, ou autre negoce, fut renuersé & mis à sac, et tout ce qui estoit dedās, par la rencōtre d'vne balene, qui le toucha de sa queue. En ce mesme endroit ou conuerse la balene, se trouue le plus souuent vn poisson, qui luy est perpetuel ennemy: de maniere que s'approchāt d'elle, ne fera faute de la piquer sous le ventre (qui est la partie la plus mollette) avecques sa langue trenchante & ague, comme la lancette d'vn barbier: & ainsi offensée, à grād difficulté se peut sauuer, qu'elle ne meure, ainsi que disent les habitans de Terre neuue, & les pescheurs

De quels  
poissos  
vit la ba  
lene.

Pline.  
Rencon  
tre d'vne  
balene  
dāgereu  
se sus la  
mer.

Poisson  
ennemy  
naturel  
de la ba  
lene.



## LES SINGULARITEZ

pescheurs ordinaires . En ceste mer de Terre neuue se trouue vne autre espece de poisson, que les Barbares du pais nomment Hehec, ayāt le bec cōme vn perroquet & autres poissons d'escaille . Il se trouue en ce mesme endroit abondance de dauphins, qui se mōstrent le plus souuent sus les ondes, et à fleur de l'eau, sautās & volti geans par dessus : ce qu'acuns estimēt estre presage de tempestes et tēpestes, avec vēs impetueux de la part dōt ils viennent, cōme Pline recite & Isidore en ses Etymologies, de ce que aussi l'experience m'a rendu plus certain, que l'autorité ou de Pline, ou autre des ancies. Sās eslongner de propos, aucuns ont escrit qu'il y a cinq especes de presage et prognostic des tempestes futures sus la mer, cōme Polybius estāt avecques Scipion Aemilian en Afrique. Au surplus y a abondāce de mouilles fort grosses. Quant aux animaux terrestres, vous y en trou uerez vn grand nombre, et bestes fort sauuages & dangereuses, cōme gros ours, lesquels p̄sque tous sont blācs. Et ce que ie dy des bestes s'estend iusques aux oyseaux desquels le plumage presque tire sur le blanc : ce que ie pense auenir pour l'excessiue froideur du pais. Lesquels ours iour & nyit sont importuns es cabanes des Sauuages, pour māger leurs huiles & poissons, quand il s'en trouue de reserue, Quant aux ours encore que nous en ayōs amplemēt traité en nostre Cosmographie de Leuāt nous dirons toutefois en passāt cōme les habitās du pais les prennent aflagē de l'importunité qu'ils leur font. Dōcques ils font certaines fosses en terre fort profondes pres les arbres ou rochers, puis les couurent si finement de quelques branches ou fueillages d'arbres : et ce là ou quelque essain de mousches à miel se retire, ce que ces

ours

ours cherchèt et suyuent diligemment, & en sont fort friands, non comme ie croy tant pour s'en rassasier, que pour s'en guerir les icux qu'ils ont naturellement debiles, & tout le cerueau, mesmes qu'estans picquez de ces mousches rendent quelque sang, specialemēt par la teste, qui leur apporte grād allegement. Il se voit là vne espee de bestes grādes cōme buffles, portās cornes assez larges, la peau grisastre, dōt ils sont vestemēs: & plusieurs autres bestes, desquelles les peaux sont fort riches et singulieres. Le païs au reste est mōtagneux & peu fertile, tant pour l'intēperature de l'air, que pour la condition de la terre peu habitée, & mal cultiuée. Des oyseaux, il ne s'en trouue en si grand nōbre qu'en l'Amérique, ou au Peru, ne de si beaux. Il y a deux especes d'aigles, dōt les vnes hātent les eāuēs, & ne viuent gueres que de poisson, & encores de ceux qui sont vestus de grosses escailles ou coquilles, qu'ils enleuent en l'air, puis les laissent tōber en terre, & les rōpent ainsi pour māger ce qui est dedās. Ceste aigle nidifie en gros arbres sus le riuage de la mer. En ce païs a plusieurs beaux fleuues, & abondance de bon poisson. Ce peuple n'appete autre chose, sinō ce qui luy est necessaire pour substenter leur nature, en sorte qu'ils ne sont curieux en viādes, et n'en vont querir es païs loingtains, et sont leurs nourritures saines, de quoy auient qu'il ne sçauent que c'est que maladies, ains viuent en continuēlle santé & paix, & n'ōt aucune occasion de cōcevoir enuie les vns cōtre les autres, à cause de leurs biēs ou patrimoine car ils sont quasi tous egaux en biēs, & sont tous riches par vn mutuel contentemēt, et equalité de pauuete. Ils n'ont aussi aucun lieu deputé pour administrer iusti

Deux es  
peces  
d'aigles.



## LES SINGVLARITEZ

ce, parce qu'entre eux ne font aucune chose digne de reprehension. Ils n'ont aucunes loix, ne plus ne moins que noz Ameriques & autre peuple de ceste terre continente, sinon celle de nature. Le peuple maritime se nourrist comunément de poisson, cōme nous auos desia dit: les autres eslongnez de la mer se cōtentēt des fruits de la terre, qu'elle produit la plus grād part sans culture, & estre labourée. Et ainsi en ont v'se autrefois les anciens, cōme mesme recite Pline. Nous en voyons encores assez aujour d'huy, que la terre nous pduit elle mesme sans estre cultivée. Dōt Virgile recite que la forest Dodo commēçant à se retraire, pour l'aage qui la surmōtoit, ou bien qu'elle ne pouuoit satisfaire au nombre du peuple qui se multiplioit, vn chascun fut contraint de travailler et solliciter la terre: pour en receuoir emolumēt necessaire à la vie. Et voila quāt à leur agricultu

Au lib.  
16. de  
l'hist. na.  
Virgile.  
Forest  
Dodo.  
née.



re. Au reste ce peuple est peu subiect à guerroyer, si leurs ennemis ne les viennent chercher. Alors ils se mettent

tent tous en defense en la façon et maniere des Canadi-  
 ens. Leurs instrumens incités à batailler, sont peaux de  
 bestes tédues en maniere de cercle, qui leur seruēt de ta  
 bourins, avec fleustes d'ossements de cerfs, comme ceux  
 des Canadiens. Que s'ils apperçoient leurs ennemis  
 de loing, ils se prepareront de cōbatre de leurs armes,  
 qui sont arcs & fleches: & auant qu'entrer en guerre  
 leur principale guide, qu'ils tiennent cōme vn Roy, ira  
 tout le premier, armé de belles peaux & plumages, as-  
 sis sur les espaules de deux puissans Sauvages, à fin  
 qu'vn chacun le cognoisse, & soyent prōpts à luy obeir  
 en tout ce qu'il cōmandera. Et quād ils obtient victoi-  
 re, Dieu sçait cōme ils le caressent. Et ainsi s'en retour-  
 nent ioyeux en leurs loges avec leurs bāniers deployées  
 qui sont rameaux d'arbres garnis de plumes de cygnes  
 voltigeās en l'air, & portās la peau du visage de leurs  
 ennemis, tendue en petis cercles, en signe de victoire,  
 comme j'ay voulu représenter parla figure precedente.

Maniere  
 de guer-  
 royer des  
 Sauvages  
 de terre  
 neuue.

Bānieres  
 estrāgēs.

## Des isles des Effores. CHAP. LXXXIII.

**I**L ne reste plus de tout nostre voyage, qu'à  
 traiter d'aucunes isles, qu'ils appellent des  
 Effores, lesquelles nous costoyames à main  
 dextre, & non sans grand danger de nau-  
 frage: car trois ou quatre degrez deçà & delà souffle  
 ordinairement vn vent le plus merueilleux, froid, &  
 impetueux, qu'il est possible: craintes pour ce respect,  
 & redoutées des pilotes & nauigās, comme le plus dan-  
 gereux passage, qui soit en tout le voyage, soit pour aller  
 aux Indes, ou à l'Amerique: & pouuez penser qu'en  
 cest endroit la mer n'est iamais tranquille, ains se leue

Isles des  
 Effores  
 pour-  
 quoy ain-  
 si nom-  
 mées &  
 redou-  
 tées des  
 nauigās.

Y contre-



## LES SINGULARITEZ

contremont, cōme nous voyons souuētefois que le vent esleue la poul dre, ou festus de la terre, & les haulse droitement contremont, ce que nous appellōs cōmune ment turbillon, qui se fait aussi bien en la mer comme en la terre, car en l'vn & en l'autre il se fait cōme vne pointe de feu ou pyramide, & esleue l'eau contremont, cōme j'ay veu mainte fois, parquoy semble que le vent a aussi vn mouuement droit d'embas cōtre mont, cōme

**Effores.** mouuement circulaire, duquel j'ay dit en vn autre lieu. Voila parquoy elles ont esté ainsi nōmées, pour le grād effor que cause ce vent es dites isles: car efforer vaut au tant à dire cōme secher, ou essuyer. Ces isles sont distan tes de nostre France enuiron dix degrez & demy: & sont neuf en nombre, dont les meilleures sont habitées au iourd'huy des Portugais, ou ils ont enuoyé plusieurs esclau es, pour traualier & labourer la terre: laquelle par leur diligēce ils ont reduē fertile de tous bōs fruits necessaires à la vie humaine, de blé principalement, qu'elle produit en telle abondance, que tout le païs de Portugal en est fourny de là: & le trāsportent à belles nauires, avec plusieurs bons fruits, tant du naturel du païs, que d'ailleurs, mais vn entre les autres, nōmé Hir ci, dont la plāte a esté apportée des Indes, car au para uāt ne se trouuoit nullemēt, tout ainsi qu'aux isles For tunées. Et mesme en toute nostre Europe, auāt que lon cōmençast à cultiuer la terre, à plāter & semer diuer sité de fruits, les hōmes se cōtentoient seulement de ce que la terre produisoit de son naturel: ayās pour bruiage, de belle eau clere: pour vestemens quelques escorces de bois, fueillages, & quelques peaux, cōme desia nous auons dit. En quoy pouuōs voir clerement vne admira ble

Fertilité  
des isles  
des Effo-  
res.

Hir cy.

ble providence de nostre Dieu, lequel a mis en la mer, soit Oceane ou Mediterranée, grād quantité d'isles, les vnes plus grandes, les autres plus petites, soutenant les flots & tempestes d'icelle, sans toutefois aucunement bouger, ou que les habitans en soiēt de rien incōmodez (le Seigneur, cōme dit le Prophete, luy ayant ordonné ses bornes, qu'elle ne sçauroit passer) dont les vnes sont habitées, qui autrefois estoient desertes: plusieurs abandonnées qui iadis auoient esté peuplées, ainsi que nous voyons aduenir de plusieurs villes & cites de l'Empire de Grece, Trapezōde, et Egypte. L'ordonnāce du Createur estāt telle, que toutes choses çà bas ne seroyent perdurables en leur estre, ains subiettes à mutatiō. Ce que considerās noz Cosmographes modernes, ont adiousté aux tables de Ptolomée les chartes nouvelles de nostre temps, car depuis la congnoissance & le temps qu'il escrivoit, sont adueniēs plusieurs choses nouvelles. Noz Effores donques estoyent desertes, auant qu'elles fussent congniēs par les Portugais, plaines toutefois de bois de toutes sortes: entre lesquels se trouue vne espece de cedre, nōmé en lāgue des Sauvages Oracantin, dont ils font tresbeaux ouurages, comme tables, coffres, et plusieurs vaisseaux de mer. Ce bois est à merueilles odoriferant, & n'est subiect à putrefaction, cōme autre bois, soit en terre ou en eau. Ce que Pline a bien noté, que de son temps lon trouue à Rome quelques liures de Philosophie en vn sepulchre, entre deux pierres, dans vn petit coffre, fait de bois de cedre, qui auoit demeuré sous terre bien l'espace de cinq cens ans. D'auantage il me souuient auoir leu autrefois, qu'Alexandre le grand passant en la Taprobane, trouua vne nauire de cedre

Oracantin, espece de cedre.

Pline.

Coffre de cedre.

Nauire de cedre.



## LES SINGVLARITEZ

Prouer-  
be.

Isle de S.  
Michel.

Cap de Fi-  
ne terre.

Epilo-  
gue de  
l'Auteur.

*fus le riuage de la mer, ou elle auoit demeuré plus de deux cens ans, sans corruption, ou putrefaction aucune Et de là est venu le prouerbe Latin, que l'on dit, Digna cedro, des choses qui meritent eternelle memoire. Il me semble que ces cedres des Effores, ne sont si haut eleuez en l'air ny de telle odeur, que ceux qui sont au destroit de Magellan, encores qu'il soit quasi en mesme hauteur, que lesdites isles des Effores. Il s'y trouue pareillement plusieurs autres arbres, arbrisseaux portant fruits tresbeaux à voir, spécialement en la meilleure et plus notable isle, laquelle ils ont nommée Isle de Saint Michel, & la plus peuplée. En ceste isle a vne fort belle ville nagueres bastie avec vn fort, là ou les nauires tant d'Espagne que de Portugal, au retour des Indes abordent, & se reposent auant qu'arriuier en leur païs. En l'vne de ces isles a vne montagne, presque autant haute que celle de Teneriffe, dont nous auons parlé: ou il y a abondance de pastel, de sucre, & de vin quelque peu. Il ne s'y trouue aucune beste rauissante, oy bien quelques cheures sauvages, et plusieurs oyseaux par les bocages. De la hauteur de ces isles fut questiō de passer outre, iusques au cap de Fine terre. sus la coste d'Espagne, ou abordames, toutefois bien tard, pour recouurer viures, dont nous auons grande indigence, pour filer & deduire chemin, iusques en Bretagne, contrée de l'obeïssance de France.*

*Voila Messieurs, le discours de mon loingtain voyage au Ponent, lequel j'ay descrit, pour n'estre ven inutile & pour neant auoir executé telle entreprise, le plus sommairement qu'il m'a esté possible, non paraumenture si eloquemment que meritent noz aureilles tāt delicates,*

licates, & iugement si exquis. Et si Dieu ne m'a fait ceste grace de consumer ma ieunesse es bonnes lettres, & y acquerir autant de perfection que plusieurs autres, ains plus tost à la navigation, ie vous supplieray affectueusement m'excuser. Ce pendant si vous plait agreablement recevoir ce mien escript tumultuairement compris & labouré par les tempestes, & autres incommoditez d'eau & de terre, vous me donnerez courage, estat seiourné & à repos par deça, apres avoir reconcilié mes esprits, qui sont comme espendus çà & là, d'escrire plus amplement de la situation & distance des lieux, que j'ay obseruez oculairement, tant en Leuant, Midy, que Ponent: lesquelles j'espere vous monstrer à l'œil, & représenter par viues figures, outre les Cartes modernes, que j'oseray dire, sans offenser l'honneur de personne, manquer en plusieurs choses, soit la faute des portrayeurs, tailleurs, ou autres, ie m'en raporte. D'auantage, encores qu'il est malaise, voire impossible, de pouuoir iustement représenter les lieux et places notables, leurs situations & distances, sans les auoir veues à l'œil: qui est la plus certaine congnoissance de toutes, comme vn chacun peut iuger & bien entendre. Vous voyez cōbien long temps nous auōs ignoré plusieurs païs, tant isles que terre ferme, nous arrestans à ce qu'en auoient veu & escript les Anciens: iusques à tant, que depuis quelque temps en çà, lō s'est bazarde à la navigation, de maniere qu'aujour d'hy lon a decouuert tout nostre Hemisphere, & trouué habitable: duquel Ptolomée, & les autres n'auoyent seulement recongnu la moytié.

Cartes de  
l'Auteur  
cōtenans  
la situa-  
tion & di-  
stāce des  
lieux.



# TABLE DES CHAPITRES du present liure.



'Embarquement de l'Auteur	Chap. 1. fueil. 1.
Du destroit anciennement nommé Calpe, & aujourd'huy Gibaltar.	chap.2. fueil. 3.
De l'Afrique en general.	chap.3. fueil. 4.
De l'Afrique en particulier.	chap.4. fueil. 6.
Des isles Fortunées, maintenant appelées Canaries.	5. fueil.8.
De la haute montagne du Pych.	chap.6. fueil. 10.
De l'isle de Fer.	chap.7. fueil. 11.
Des isles de Madere.	chap.8. fueil. 13.
Du vin de Madere.	chap.9. fueil. 14.
Du promontoire Verd & de ses isles.	chap.10. fueil. 15.
Du vin de palmiers.	chap.11. fueil. 18.
De la riuere de Senegua.	chap.12. fueil. 20.
Des isles Hesperides autremēt dittes de cap Verd.	13. fueil. 23
Des tortues, & d'une herbe qu'il appellēt orseille.	14. fueil.24
De l'isle de Feu.	chap.15. fueil. 26
De l'Ethio.	chap 16 fueil 28
De la Guinée.	chap.17. fueil. 30.
De la ligne Equinoctiale, et isles de S. Homer	chap.18 fueil 32
Que non seulement tout ce qui est sous la ligne est habitable, mais aussi tout le monde est habitē, contre l'opinion des Anciens.	chap.19. fueil. 34.
De la multitude & diuersité des poissons estans sous la ligne Equinoctiale.	chap.20. fueil. 37.
D'une isle nommée l'Ascension.	chap.21. fueil. 39.
Du promontoire de Bonne esperance & de plusieurs singularitez obseruées en iceluy, ensemble nostre arriuée aux Indes Ameriques, ou France Antarctique	chap.22. fueil. 40.
De l'isle de Madagascar, autremēt de S. Laurēt	cha 23 fueil 42
De nostre arriuée à la France Antarctique, autrement Amerique. au lieu nommé Cap de Frie.	chap.24. fueil. 45
De la riuere de Ganabara autrement de Ianaire, & comme le païs ou arriuames, fut nommé France Antarctique	chap.25. fueil. 47.
Du poisson de ce grand fleue susnommé.	chap.26. fueil. 49.
De l'Amerique en general.	chap.27. fueil. 50.
De la religion des Ameriques.	chap.28. fueil. 51.
Des Ameriques, & de leur maniere de viure, tant hommes que femmes.	chap.29. fueil. 53.
De la maniere de leur manger & boire.	chap.30. fueil. 55.
Contre l'opinion de ceux qui estiment les Sauvages estre pe- lus.	chap.31. fueil. 56.

D'un

T A B L E.

- D'un arbre nommé Genipat en langue des Ameriques, duquel ils font teinture. chap. 32. fueil. 58.
- D'un arbre nommé Paquouere. chap. 33. fueil. 60.
- La maniere qu'ils tiennent à faire incisions sur leur corps. 34. 61
- Des visiōs, songes, & illusiōs de ces Ameriques, et de la persecutiō qu'ils reçoivent des esprits malins. chap. 35. fueil. 63.
- Des faux pphetes et Magiciens de ces païs q̄ communiquent avec les esprits malins: et d'un Arbre nommé Ahouai 36. fueil. 64
- Que les Sauvages ameriq̄s croient l'ame être immortelle 37 69
- Comme ces Sauvages font guerre les vns contre les autres, et principalement, contre ceux, qu'ils nomment Margageas & Thabaiars, et d'un arbre qu'ils appellent Hayri, duquel ils font leurs bastons de guerre. chap. 38. fueil. 71
- La maniere de leurs combats, tant sur eau, q̄ sur terre. 39. fueil. 73
- Comme ces Barbares font mourir leurs ennemis, qu'il ont pris en guerre & les mangent. chap. 40. fueil. 74
- Que ces Sauvages sont merueilleusement vindicatifs. 41. fueil. 76
- Du mariage des Sauvages Ameriques chap. 42. fueil. 78.
- Des ceremonies, sepulture, & funerailles, qu'ils font à leurs decés. chap. 43. fueil. 80
- Des Mortugabes, & de la charité, de laquelle ils usent envers les estrangers. chap. 44. fueil. 82
- Descriptiō d'une maladie nommée Pia à laquelle sont subiects ces peuples de l'Ameriq̄ tant es isles q̄ terre ferme. cha. 45. fueil. 84
- Des maladies plus frequentes en l'Amerique, & la methode qu'ils observent à se guerir. chap. 46. fueil. 86
- La maniere de traffiquer entre ce peuple. D'un oyseau nommé Toucan, et de l'espicerie du païs. chap. 47. fueil. 88
- Des oyseaux plus communs en l'Amerique. chap. 48. fueil. 90
- Des venaisōs et sauuagines, q̄ prennent ces Sauvages 49. fueil. 92
- D'un arbre nommé Hyuourahé. chap. 50. fueil. 94
- D'un autre arbre nommé Vhebehafou des mouches à miel qui le frequentent. chap. 51. fueil. 95
- D'une beste assez estrange, appelée Haït. chap. 52. fueil. 105
- Comme les Ameriques font feu, de leur opinion du deluge & des ferremens dont ils usent. chap. 53. fueil. 98
- De la riuere des Vases, ensemble d'aucuns animaux q̄ se trouvent là enuiron, & de la terre nommée Morpiō. chap. 54. fueil. 100
- De la riuere de Plate, & païs circonuoisins. chap. 55. fueil. 111
- Du detroit de Magelā et de celui de Dariene cha. 56. fueil. 105
- Que ceux q̄ habitent depuis la riuere de Plate iusques au detroit de Magellan sont noz antipodes. chap. 57. fueil. 108
- Comme les Sauvages exercent l'agriculture et font iardins



TABLE DES CHAPITRES.

d'une racine nommée Manihot, et d'un arbre qu'ils appellent Peno-adsou.	chap.58. fueil. 110
Comme la terre de l'Amerique fut decouverte, & le bois du Bresil trouué, avec plusieurs autres arbres non veuz ailleurs qu'en ce país.	chap.59. fueil. 113
De nre departemēt de la Frāce Antarctiq̃ ou Ameriq̃.	60. 115
Des Canibales, tant de la terre ferme, que des isles, & d'un arbre nommé Acaïou.	chap.61. fueil. 116
De la riuere des Amazones, autrement dite Aurelane, par laquelle on peut nauiger au país des Amazones, & en la France Antarctique.	chap.62. fueil. 119
Abordement de quelques Espagnols en vne contrée ou ils trouueront des Amazones.	chap.63. fueil. 121
De la continuation du voyage de Morpion & de la riuere de Plate.	chap.64. fueil. 124
La separation des terres du Roy d'Espagne & du Roy de Portugal.	chap.65. fueil. 125
Diuisiō des Indes Occidētales, en trois parties.	66. fueil. 127
De l'isle des Rats.	chap.67. fueil. 128
La continuation de nostre chemin avecques la declaration de l'Astrolabe marin.	chap.68. fueil. 130
Departemēt de nostre equateur, ou equinoctial.	69. fueil. 131
Du Peru, et des principales puïces cōtenuēs en iceluy.	70. 133
Des isles du Peru, & principalemēt de l'Espagnole.	71. fue. 136
Des isles de Cuba & Lucaïa.	chap.72. fueil. 139
Descriptiō de la nouuelle Espagne & de la grāde cite de Themistitā, située aux Indes Occidentales.	chap.73. fueil. 140
De la Floride Peninsule.	chap.74. fueil. 143
De la terre de Canada, dite par ci deuāt Baccalos, decouverte de nostre tēps et de la maniere de viure des habitās.	75. 146
D'une autre contrée de Canada.	chap.76. fueil. 147
La religion & maniere de viure de ces pauures Canadiēs, & cōme ils resistent au froid.	chap.77. fueil. 148
Des habillemēs des Canadiēs, cōme ils portēt cheueux, & du traictement de leurs petis enfans.	chap.78. fueil. 150
La maniere de leur guerre.	chap.79. fueil. 152
Des mines, pierries, & autres singularitez qui se trouuent en Canada.	chap.80. fueil. 154
Des tremblemens de terre & gresses, ausquels est fort subiect ce país de Canada.	chap.81. fueil. 156
Du país appellé neuue.	82 158. Des isles des Effores. 83. 162





Collated with G. E. Church  
Copy, July 26, 1912. In Church  
Copy. p. 97 = "105" p. 99 = "107"  
101 = "109" 103 = "111" 118 = O.K.  
120 = O.K.

ESS8<sup>c</sup>  
TA/659











